



Тем, что эта книга дошла до Вас, мы обязаны в первую очередь библиотекарям, которые долгие годы бережно хранили её. Сотрудники Google оцифровали её в рамках проекта, цель которого – сделать книги со всего мира доступными через Интернет.

Эта книга находится в общественном достоянии. В общих чертах, юридически, книга передаётся в общественное достояние, когда истекает срок действия имущественных авторских прав на неё, а также если правообладатель сам передал её в общественное достояние или не заявил на неё авторских прав. Такие книги – это ключ к прошлому, к сокровищам нашей истории и культуры, и к знаниям, которые зачастую нигде больше не найдёшь.

В этой цифровой копии мы оставили без изменений все рукописные пометки, которые были в оригинальном издании. Пускай они будут напоминанием о всех тех руках, через которые прошла эта книга – автора, издателя, библиотекаря и предыдущих читателей – чтобы наконец попасть в Ваши.

Правила пользования

Мы гордимся нашим сотрудничеством с библиотеками, в рамках которого мы оцифровываем книги в общественном достоянии и делаем их доступными для всех. Эти книги принадлежат всему человечеству, а мы – лишь их хранители. Тем не менее, оцифровка книг и поддержка этого проекта стоят немало, и поэтому, чтобы и в дальнейшем предоставлять этот ресурс, мы предприняли некоторые меры, чтобы предотвратить коммерческое использование этих книг. Одна из них – это технические ограничения на автоматические запросы.

Мы также просим Вас:

- **Не использовать файлы в коммерческих целях.** Мы разработали программу Поиска по книгам Google для всех пользователей, поэтому, пожалуйста, используйте эти файлы только в личных, некоммерческих целях.
- **Не отправлять автоматические запросы.** Не отправляйте в систему Google автоматические запросы любого рода. Если Вам требуется доступ к большим объёмам текстов для исследований в области машинного перевода, оптического распознавания текста, или в других похожих целях, свяжитесь с нами. Для этих целей мы настоятельно рекомендуем использовать исключительно материалы в общественном достоянии.
- **Не удалять логотипы и другие атрибуты Google из файлов.** Изображения в каждом файле помечены логотипами Google для того, чтобы рассказать читателям о нашем проекте и помочь им найти дополнительные материалы. Не удаляйте их.
- **Соблюдать законы Вашей и других стран.** В конечном итоге, именно Вы несёте полную ответственность за Ваши действия – поэтому, пожалуйста, убедитесь, что Вы не нарушаете соответствующие законы Вашей или других стран. Имейте в виду, что даже если книга более не находится под защитой авторских прав в США, то это ещё совсем не значит, что её можно распространять в других странах. К сожалению, законодательство в сфере интеллектуальной собственности очень разнообразно, и не существует универсального способа определить, как разрешено использовать книгу в конкретной стране. Не рассчитывайте на то, что если книга появилась в поиске по книгам Google, то её можно использовать где и как угодно. Наказание за нарушение авторских прав может оказаться очень серьёзным.

О программе

Наша миссия – организовать информацию во всём мире и сделать её доступной и полезной для всех. Поиск по книгам Google помогает пользователям найти книги со всего света, а авторам и издателям – новых читателей. Чтобы произвести поиск по этой книге в полнотекстовом режиме, откройте страницу <http://books.google.com>.

Joannes Mantuanensis. Homilies.
Venice. 1860.

OL
43569
1



OL 43569.1

Harvard College
Library



FROM THE BEQUEST OF
JOHN HARVEY TREAT
OF LAWRENCE, MASS.
CLASS OF 1862



Bound

ՄԱՏԵՆԱԳՐՈՒԹԻՒՆԲ

Ն Ա Խ Ն Ե Ա Ց

ՅՈՎՏԵՆ ՄԱՆԳԼՈՒՆԵՐ

ՏԵԱՌՆ
Յ Ո Վ Լ Զ Ա Ն Ն Ո Ւ

ՄԱՆԿԱԿՈՒՆԻՈՅ

ՀԱՅՈՑ ՀԱՅՐԱՊԵՏԻ

ՃԱՌՔ

ԵՐԿՐՈՐԴ ՏՊԱԳՐՈՒԹԻՒՆ



Ի ՎԵՆԵՏԻԿ
Ի ՏՊԱՐԱՆԻ ՍՐԲՈՅՆ ՂԱԶԱՐՈՒ

ՅԱՄԻ 1860 ՌՅԹ

OL 43569.1

~~OL 43137.5~~



Treat fund

Goanuls I. Mantacunensis

ՅԵՌԵՋԱՐԵՆ

() Ընողատէր որդւոց գովելի բարք են արդեօք արձան անմոռաց յիշատակի հաստատել զկնեացն առհասարակ արժանաւոր փառաց գնացելոցն եւ սիրոյ մնացելոցն : Լըրախտապարտ որդիքս ցանկացեալ դարուց ժամանակաց Թողուլ անմոռաց զյիշատակ անուան զմեծի հօրս Յովհաննու մանդակունւոյ , քան զամենայն ինչ պատշաճական անուանորա եւ հայրադորով սիրոյս դատեցաք ածել ՚ի լոյս ՚ի բազմաժամանակեայ փոշեաց ըզքաղցր եւ զհոգեբուխ բանից նորա զշարս , որով նշուլազարդ փայլեն յաչս ամենեցուն փառքնորա եւ անսոգիւտ վարք : Հայր կացեալ սորա եկեղեցւոյս հայաստանեայց զկնի սրբոցն Սահակեանց եւ Սեսրովպեանց ճոխացոյց զեկեղեցի Խծային պաշտամամբք , օրհնութիւնաբեր կարգօք եւ կանոնական սահմանօք , եւ ըստ այ տնտեսութեամբ առաջնորդելովն հօտին իւրոյ . ինդակից եւ պարագլուխ նոցա գտեալ աւ Լ'ստուած ցնծութեան յամենայն փառաւորութիւնս առաքինացելոցն , եւ առնաչառ կշտամբիչ Թերացելոցն յանստերիւր վարուց , որպէս զայլ ոմն Սսկեբերան երեւեցաւ ՚ի Հայաստան աշխարհիս , քարոզ բանին Ճմարտութեան սքանչելի պերճախօսութեամբն :

Ի քսան եւ վեց ճառից աստի Հայրապետիս առաջինքն մեծաւ մասամբ յանուն Լ'փրեմի մակազրեալ են ՚ի ճառընտրի ուրեք . որպէս եւ ՚ի փարիզացւոց քաղաքին կայ այլ օրինակ մի ամբողջ բողորագիր անթուական նովին մակազրով : Լ'յլ առ մեզ նոյն ճառք ՚ի նո-

րագիր մատենի միոջ ամենայնն յանուն Սանդակունուոյ
 մակագրին : Սակ 'ի հնագոյն պատուական օրինակն եր-
 կաթագիր զոր ունիմք եւ զոր կալաք մեզ առաջնորդ 'ի
 սպագրութեան , խանգարեալ էր անուն մատենագրին
 առ հնութեանն : Այն 'ի ճառից աստի եւ ոմանք յայլ
 եւ այլ գրչագիրս միոյն անուամբ վարեցեալ եւ այլոց
 յայլում . յորմէ եւ ոչ վայրապար երկբայեսցի հնա-
 խոյզ ուսումնասէրն եթէ զոր 'ի նոցանէ որոյ մատենա-
 գրի սեփականել արժան իցէ . զայս եւեթ յայտնի գի-
 տեմք , զի 'ի յոյն և յասորի բնագիրս մատենագրու-
 թեանց Ափրեմի չիք և ոչ մի 'ի ճառից աստի : Այլ
 թէ նորին Սանդակունուոյ իցեն թարգմանութիւնք
 Ափրեմայ որոց բնագիրն կորուսեալ իցէ , կամ թէ 'ի
 բանից նորին Ափրեմի եւ Սկեբերանի ծաղկաբաղ
 արարեալ եւ յանձնէ յայլ կերպարան ածեալ իցէ զնո-
 սին ըստ ժամուն պիտոյից 'ի բեմբասացութիւն ժողովրդ
 դեան , յորմէ յոմանս 'ի նոցանէ երեւի անուն Ափրեմի
 եւ ուրեք եւս Սկեբերանի , չիշխեմք առ ժամն դատաս-
 տան առնել համարձակ : Այլ եթէ այսպէս եւ եթէ
 այն , կարծեմք եթէ չիցեմք վրիպակ ինչ գործեալ եթէ
 Սանդակունուոյ զնոսին ընծայեցաք ցորչափ օրինակ յա-
 նուն նորին 'ի ձեռին ունիմք , եւ 'ի հակառակէն ոչ զօ-
 րաւոր ինչ հաւաստիք : Այն զի ոչ ինչ երկբայիմք եթէ
 ընթերցասիրացն ջան եւ փոյթ 'ի լուսաւոր եւ յան-
 ստերիւր վարդապետութեանց աստի ոչ սակաւ հրահան-
 գեսցի 'ի կիրթս առաքինութեանց . որով եւ մատենա-
 գրին , ո ոք եւ իցէ , եւ աշխատողացս լի կատարեալ պաւ-
 կին իղձք :

ՆԱԽ ԱԴՐՈՒԹԻՒՆ

Լճակնայն վերաւորք մարմնով . . .¹ ար անեն զվերս
ցաւոցն և հնարագէտ ըստ ցաւացուածին և ըստ
վերին չարութեանն զեղ յօրինեն այնմ անդամոց ուր վէրն կայցէ . և
ոչ եթէ վէր յախանն և զեղ յունկանն որ առնիցէ : Կոյնպէս և յոր-
ժամ մեղաց հիւանդութիւն որ ունիցի , և առ բժիշկն որ հոգւոց մեր-
ձնայցէ , զոր ինչ վէրս մեղաց ցուցանիցէ վերաւորն , մօս է բժշկին
զնոյն չարութիւնն ծանուցանել , և վասն նորին խրատել և յանդիմա-
նել և միտթարութիւն կատարել զխրատ բանի վարդապետութեանն .
զի թանձրագունիցն լսելք զիւրալուր բանիցն հանդիպել կարացեն ,
և զչարութիւն վերին ծանուցանել , և զգեղոցն հանգամանն : Սոյն և
բանից թղթոյս շարագրութիւն ոչ խառն 'ի խուռն զամենայն անօրէ-
նութիւն առաջի արկեալ ցուցանեն , և կամ զայլ յայլ յանցանաց
ինչ պատմեն , այլ ըստ խնդրոյ խնդրողին զնորին անօրէնութիւն չա-
րութեանն ծանուցանեն , զի լսելիքն օգտել կարացեն . ոչ . . . չ բա-
նից և կամ ց փոյթ արարա զիւրալուր ցուց նչ
պատմել , որ 'ի իցն , զիւրաւ և քաջ 'ի միտ սան աւանու . զի
ոչ եթէ ճարտարասանութիւն բանից 'ի խնդիր և վերաւորն , այլ որ
զիւրալուր բանիւ զհանգամանս առողջացուցիւս զեղոցն ոգոյն վերայն
ցուցանիցէ , և զախոս մեղացն փարատիցէ Թճային վարդապետու-
թեամբն . ոչ ինչ աւելի ձեացուցանել քան որ հոգւոյն սրբոյ են
հրամանք : Զի թէպէտ և գիրք բազում գրեցան , սակայն մի և նոյն են
պատգամք : Այսպիսի ինչ է զոր ասէսն : Ընկալաւ Մովսէս տասնպատ-
գաման օրէնս 'ի հոգւոյն , որ ունէր զամենայն կամս Եյ . նմին վկայ և
մարգարէքն գրեցին , և զնոյն զիւրապատում արարին . նովին հոգւով
զնոյն և առաքեալքն գրեցին , և ևս առաւել յայնանպայնս ծանուցին .
նովին հոգւով զնոյն վարդապետքն թարգմանեցին . և մի ըստ միտջէ զիւ-
րալուր ևս արարին 'ի լրումն . . .² Ղերմեռանդն արտասուօք պարտ է կալ
առաջի Եյ . և որպիսի աղօթք են անընդունելի և զինչ վարձք նորա , և
կամ որ ընդունելիք և որպիսի . . . նորա . և թէ որպիսի մ ք ջանայ սա-
տանայ խափանել զաղօթս աղօթականին : Ծանուցանէ և զգառն դա-
տաւորն ծուլացելոցն և զանմահ կենացն վայելութիւնս :

Ե . Վասն ողորմութեան և անողորմութեան , և թէ որպէս շահա-
ւոր է քան զամենայն առաքինութիւնս . և թէ որ օգուտ հզօրին է և

1 Բօրինակն խանգարեալ է . որ 2 Թուղթ մի անկեալ է յօրինակէն :
պէս և զկնի :

որպիսի ինչ աղքատին 'ի արոցն ողորմութենէ : Ուսուցանէ և զանազան կարգս ողորմութեան հանգամանս և զկեղծաւորացն պատիժս : Պատմէ և զնեղեղոցն նեղութիւնս և զանողորմիցն զթշնամանս : Յիշեցուցանէ և զանողորմիցն դատաստանն անողորմ, և զողորմածացն ողորմութիւնս յահեղ աւուրն յետնումն :

Ձ. Վասն պողոց և պատարագաց և ողորմութեան աղքատաց . և եթէ կերպարանօք բարւոյ դործ անօրէն կատարէ սատանայ . և թէ պարտ է զոր ինչ ոգւոցն սերմանես՝ երկիրդին այ կատարել և ոչ 'ի ցոլոց մարդկան , զի մի զխոտանն մատուցանելով յանդիմանեցուցք իբրև զՎայնէ : Եւ ապա 'ի խրատ մատուցեալ յայտնէ զչարութիւն հնարից սատանայի , և ցուցանէ թէ որպէս պարտ է զերծանել 'ի նմանէ :

Է. Վասն փոխոց և վաշխիցն չարաց . և թէ որպէս անօրինագոյն են քան զամենայն անօրէնութիւնս փոխոցն տոկոսիքն , և անթիւ հոլոս ամբարշտութեան ծնանի . և թէ պիղծ են պատարագք և ողորմութիւնք զոր 'ի վաշխիցն դք առնիցէ : Սպառնայ և ահիւ գեհհին թէ յայնմ աւուր շուրջ զնովաւ տեսանելոց է զչարեացն զպատկերս ըզգրկեալս և զկոփեալսն :

Ը. Վասն յանդիմանութեան տրանջողացն և մխիթարութեան աղքատացն գոհացողացն . և թէ որչափ չար է տրտունջ , և հաւասար հայհոյութեան . և որպիսի չափք են յաղքատացն գոհութենէ , որք և ըզպսակս իսկ զմարտիրոսութեան ստանան : Եւ ուսուցանէ թէ որ են պտուղք և պատարագք և ողորմութիւն աղքատին , որ առանց ոսկւոյ և արծաթոյ է բաշխումն : Պատմէ և զհոյս տրտմութեան մեծատանցն և զաղքատացն անհոգութիւնս . յիշէ և զտանջանացն արհաւիրս , և ապա 'ի խրատ խոնարհի :

Թ. Վասն քահանայիցն տեսութեան 'ի վերայ ժողովրդեանն . և թէ որպէս ահիւ և գողութեամբ պարտ է առաջնորդել , զի և անգ ժողովրդեանն . զի բազում քննութ նէն . և եթէ ահեղա ին ոչ զգուշացուցանեն բանիւ վարդապետութեամբ :

Ժ. Վասն բամբաստողաց և չքատելոյ զվարդապետս . և թէ մեծ անօրէնութիւն է բամբաստողաց չարութիւն , և ընդ պոռնիկս և ընդ յսփրշակօղս գատապարտին . և առաւել ևս որք զքահանայն և զվարդապետն և զառաջնորդս բամբաստիցեն . և թէ որչափ ապաշխարութիւն է քահանային վասն հօտին տեսութեան : Պատմէ և զահեղ տանջանացն , և ցուցանէ զճանապարհ կենացն յաւիտենից :

ԺԱ. Վասն սիրոյ և յանդիմանութեան և մախանաց և նախանձու . և եթէ որ է սէրն անօրէն , և կամ որ բոս մարմնոյ . և եթէ որպիսի անօրէնութիւն է նախանձն և անելութիւնն զոր զոճնելին սատանայի նմանեցուցանէ և նորուն անջանացն տանջանակից : Ապա 'ի խրատ խոնարհի , և սպեղանիս 'ի վերայ հրամայէ ըստ աստին չարութեմ :

ԺԲ. Վասն բարկացողաց բարօց և անհաշտ թշնամութեան մըտաց . և թէ որչափ անհամբոյրք են և վայրենաբարոյք , և զթոյնս թըշնամութեան են հանապաղ ցուցանէ զհաշտելն ընկե-

րին ի անհղ խորհրդո . . . յիշեցուցանէ զԹշնամանս Քրիստոսի զոր առ 'ի մէնջ և համբեր . և զպատկս համբերողացն և զանհնազանդիցն զտանջանս :

ԺԳ . Վասն ռիսապահաց և քինահանաց . որ ծանուցանէ եթէ քանի չարութիւնք նախանձոտացն ռխութիւնք , որ իբրև զհոգի բորբոքեալ այրեր զնոսին . և եթէ ոչ է պարտ զայնպիսիս մարդ անուանել , այլ օձն և իժն դառնաթոյնս՝ որ հանա : լազորդս 'ի տուն և 'ի գիշերի տպանութիւնս գործեն : Ապա և զպատիժս դատաստանին յիշեցուցանէ , և 'ի խրատ յորգորէ հանգերձելոց բարեացն ցանկութեամբ :

ԺԻ . Վասն սահաւ ինչ գողութեանց որ ոչն սպաշխարհն . և այն է զոր ասէն՝ եթէ “ Ամենայն անօրէնութիւնք մեզք են . և են մեզք՝ որ մահուցաի են , , : Յայտնէ և զպատրանս սատանայի թէ որպէս փոքր կարծեցուցանէ զմեծամեծ անօրէնութիւնսն . զի ոչ եթէ ըստ չափոյ ընչիցն գատի , այլ զվրէժ պատուիրանահատուութեանն պահանջէ : Յիշէ և զահ հանգ դատաստանին , և զանմահ կենացն . . . ւնս :

ԺԵ . Վասն չար սովորութեան երգմանցն . . . օրինադոյնք են քան զ արգեալ է ամենեին 'ի պատուիրանաց զերգմունս սատանայաւ կանս . զի անհաւատից են երգմունք և ոչ հաւատացելոց : Ապա խրատն և զձմարտութիւն սուսուցանէ . և յիշեցուցանէ զանբաւ բարութեանն զլայելութիւնս :

ԺԶ . Վասն արբեցողացն անօրէնութեան , և թէ ընդ պոռնիկս և ընդ յափշտակողս դատապարտին . պատմէ և զզանազան չարեացն որ անտի են ոգւոց և մարմնոց . եղելի զլիմարութիւնս արբեցողացն լինի , որ 'ի միոյ սրոյն երկնչին և նմանեան սատակին . 'ի հոցն պտենդկութեանն սարսեն և բոցով արբեցութեանն այրին և խորովին . որոց պարտ էր յերկոցունցն հեւանալ : Ապա խրատն և յիշեցուցանէ զարբեցողացն տանջանսն և զպատուիրանացն պարգևն :

ԺԷ . Վասն անօրէնութեան թատերացն դիւականաց՝ եթէ սատանայական է ժողովն և մայր ամենայն մեզաց . յորմէ ծնանին անթիւ ակտիցն բազմութիւնք , և առաւել ևս 'ի կատականացն և 'ի գուսանացն ելանիցեն հայհոյութիւնք և զազրալի հոյքք անօրէնութեանն : Եւ եթէ հայհոյիչք են պատուիրանաց որ 'ի թատերս մտանեն , և 'ի շնորհաց հոգւոյն մերկանան : Ապա խրատն հեռանալ 'ի բազմաչար ակտից և առ Իժ մերձենալ :

ԺԸ . Վասն կնաթողաց , որ վասն անպատշաճ ինչ բանից եթէ լուաւ , ռիս բազմօրեայս ունիցի . և գործ մահու գործեաց որ զկինն իւր եթող . այնպիսին անձնասպան է որ հեռացաւ յայ , և անհերելի տանջանացն մատնիցի : Այլ վասն չքաւորութեանն ոք որդւոց աննիցէ պատելութիւն ընդ ամուսնոյ , չար է առաջի Իժ՝ որ սպառնայ ահիւ գեհնին : Ապա 'ի խրատ խոնարհի և զգուշացուցանէ վարդապետութեամբ :

ԺԹ . Վասն անանամոլացն և իգացելոցն և անօրէն արուազիտացն՝ եթէ յորպիսի անդունդս անօրէնութեան իջուցանէ զմարդիկ սատա .

նայ • որ քան զհեթանոսութիւնս ևս պղծագոյն է, և չէ իսկ 'ի մարդկան համարի : Ջարմանամ և ընդ ներողութիւնն այ, թէ կենդանոյն իսկ փայլատակմամբ 'ի յերկնից պարտ էր սաստիկել զայնպիսին : Յայտնէ և զամենայն պղծութիւնսն • և ապա 'ի խրատ խոնարհի և յոյս ապաշխարութեան ցուցանէ :

Ի • Վասն չունելոյ սէր բարեկամութեան ընդ թշնամիս այ • և փախչել յազահաց և յափշտակողաց և յարեցողաց սեղանոյ, զի պիղծ են ազահացն և յափշտակողացն կերակուրք, և պղծ են զայնտօփկ որ մերձենան 'ի նոսա, և նորին բարեկամութիւնս առնեն ընդ թշնամիս այ : Եւ եթէ պարտ է 'ի սուրբս յարիլ և զածասէրս սիրել, զի և յերանութիւնս երանեսցին :

ԻԱ • Վասն միփթարութեան կարկափն հարուածոց, եթէ վասն ուր պիտի ինչ իրաց նեղին զմարդիկ ցամոնչք ազգի ազգի • և եթէ զոր անձն գործէ, զամենայն 'ի բարի մատակարարէ մեղ : Յայտնէ և այլ գլուխս բազում անօրէնութեանց • և ապա միփթարէ և զտհանալ հրու մայէ զողորմութենէն այ, որ անցաւորօքս խրատէ և ոչ յաւիտենական տանջանօքն :

ԻԲ • Վասն զգուշութեամբ 'ի սուրբ խորհուրդն մերձենալոյ • և թէ սրպէս պարտ է ահիւ և գողութեամբ և բազում երկիւղիւ ընդունել 'ի մարմնոյ և յարնէ տեսան մերոյ Յիսուսի Քրիստոսի • և եթէ յոյժ աննեքելի գատապարտի քահանայն որ զխիզ՝ մեղաց ուրուք գիտիցէ, և 'ի սուրբ խորհուրդն մերձենայ, և ոչ սաստիցէ նմա • և եթէ որպիսի սրբութեամբ արժանասցին 'ի սուրբ մարմնն և յարիւնն անբունական մերձենալ :

ԻԳ • Վասն սգաւորաց միփթարութեան 'ի վերայ վախճանելոց • և թէ հեթանոսական և սատանայական է սուգ մտեղոց • և լինին ... վանք չար դիւին խորհրդոց : Եւ եթէ լաւ է մահ և օգտակար, թէպէտ և մեղօք զբիցէ վախճանեալ, սակայն յառաջակայիցն գաղարեաց : Պատմէ և զանառակութիւնս կոծողացն և փետողացն և զմերկատիկ արիւնահանացն, և զճշողն և զկառանջողն յանդիմանէ, և առ սգաւորսն 'ի միփթարութիւն խոնարհի :

ԻԴ • Եւ ապա ոլքքն, և նորին աղօթքն :

ԻԵ • Եւ խրատ հարցն յաղագս առաքինութեանց երիտասարդի • և վասն ամբարտաւանութեան, որ յիտ ելանելոյն Աբամայ նախահօրն մեր 'ի դրախտէն 'ի վերայ ծննդոց նորա հաստատեցան :

ԻԶ • Վասն հմայից և անօրէն գիւակիանաց որք թիւրեցան յաշխարհի 'ի ճշմարիտ և յուղիղ պատուիրանաց, և գնացին զկնի սատանայի առ կախարդս և առ թովլլէս և առ վհուկս և առ ձեռնածուս • և թողու զկաթողիկէ եկեղեցի և զխան աստուածընկալ, զնոսա յանդիմանէ և լուծանէ 'ի քրիստովնական հաւատոց • և առ ճշմարիտ պատուիրանապահսն 'ի խրատ խոնարհի և յաւիտենից բարութեան ժառանգորդս կացուցանէ :

Եւ արգ զայս ամենայն փոքր 'ի շատէ ծաղկաբաղ արարաք • բայց են և այլ անթիւ հոլք խորհրդոց և բազում օրինակք չարեաց և առաքի-

նութեանց , և որք կարևոր են աւաջնորդաց եկեղեցւոյ 'ի խրատ և 'ի յանդիմանութիւն և յերկիւղ և 'ի զգուշութիւն ամենայն ժողովրդոց . զի որ ինչ միանգամ պակասութիւն է մեղաց , և յանցանք վարուց . եգեալ են 'ի սմա , և ամենայն խրատք վարդապետութեան որ պիտոյ են եկեղեցւոյ , 'ի սմա գտանին յայտնապէս և ոչ ծածկաբար : Յայտնէ և զմեղացն չարութիւնս և զբժշկութեանն զհանգամանս . որով պահէ անարատ և առանց դայթազդութեան զտգիտագունիցն զլեզուս , որք փոյթ են յուսանել վասն երկիւղին նոյ և պակասն բանիւ և կամ գիտութեամբ : Անաշխատ խրատէ գեկեղեցին թղթոյս վարդապետութեամբ : Յուցանէ և զանազան մեղացն չարութիւնս և զահել տանջանացն զարհաւիրան : Ծանուցանէ և զխոտոտվանութեան հանգամանս և զապաշխարութեան զըջումս . զյորգորումս ողորմութեան և զփոյթ աղօթից և զպնգութիւն պահոց : Ուսուցանէ և զխոնարհութիւն մեծամեծաց և զհնազանդութիւն նուաստագունիցն . ասէ և զփոյթ խրատու քահանայից և զգուշութիւն պատուիրանապահութեան ժողովրդոց , զպզծութիւն գործոց , զանպարկեշտութիւն մարմնոյ և ըզգայթազդութիւն լեզուաց և զխորամանկութեանցն աներևոյթ փնսուցն , և զամենայն հոյս ազգի ազգի անօրէնութեան յայտնէ և յանդիմանէ , և ուսուցանէ զզանազանութիւն վարուցն առաքինութեան ըստ հաճոյից կամացն նոյ . և ամենայն իսկ չարաչար ախտից և վիրացն և մեղաց բժշկութեան՝ որում ցանկայ և ինգրէ անձն ապաշխարողի զհնարս գեզոց բժշկութեան՝ 'ի սմա գտանէ , որ են այսոքիկ :



ՏԵԱՌՆ

Յ Ո Վ Հ Ա Ն Ն Ո Ւ

ՄԱՆԴԱԿՈՒՆԻՈՑ

ՄԱՏԵՆԱԳՐՈՒԹԻՒՆԻՔ



Ա.

ԹՈՒՂԹ ՎԱՄՆ ԻՈՍՏՈՒՎԱՆՈՒԹԵԱՆ ՎԱՐՈՒՑ
ՅԱՆՑԱՆԱՑ

Որք սուրբ հոգւոյն են ցանկացողք, և անձային սիրոյն են բաղձացեալք, գալստեան որդւոյն նյ սպասեն, և անմահ փառացն փափագեն. միշտ 'ի վերինն խորհին, և հանապազ անդուրախութիւնսն փափագեն. զաւօրեայս արհամարհեն ուրանան, և օր ըստ օրէ 'ի վեր ելանեն' ոչ միայն հաւատոցն շքմարտութեամբ, այլ և վարուցն առաքինութեամբ. միշտ սկեն սրտին սրբութեամբ, և հանապազ պատրաստ են ոգւոցն անարատութեան. վարին և կեան յաշխարհի և ոչ ըստ աշխարհիս հաճոյից, այլ իբրև զօտարս և զթափառնականս և զմանկունս այլոց աշխարհի նեղին և մաշին 'ի բազում պիտոյից. յուսովն զօրանան այնու՝ եթէ « Ուր ենն եմ, անդ և պաշտօնեայն իմ եղիցի », : Ը,յւ պիտի են հոգևորացն պատիւք և անձասիրացն պարգևք : Ը,յլ ես 'ի բազում նետից չարին վիրաւորեցայ, և յազթեալ պարտաւորեցայ. զպարտութիւն խոստովա-

նիմ, և զամբարշտութիւնս իմ ծանուցանեմ. զանթիւ զմեղս իմ պատմեմ, և զահեղ անօրէնութիւնս իմ պաղատիմ: Օ ի ցաւք վիրաց իմոց բռնադատեն զիս պատմել, և վարանք աղէտից իմոց հարկեցուցանեն զիս պաղատել, դեղ վիրիս իմոյ որոնել, և վտակս արտասուաց խնդրել հանապազ. որով զմեղս իմ լացից, և զվէրս իմ բժշկեցից: Օ որ բազում բաղձանօք ցանկամ հանապազ, և ըղձալի տենչանօք հայցեմ յարաժամ զմարգարէականն զայն ողբալ. զի ընդ նմա ձայնակցելով ողբայի, և արտասուելով զաղերսալի զձայն գորովոյ բարբառէի միշտ՝ ասելով թէ առնէր որ զգլուխ իմ շտեմարանս ջուրց բազմաց, և զաչս իմ յորդ աղբիւր արտասուաց, և միշտ ՚ի տուէ և ՚ի գիշերի լայի անդադար՝ դառնապէս զամբարշտութիւնս իմ արտասուել, և զչարիս իմ վարանել, զբազմութիւն անօրէնութեանց իմոց լալ, և միշտ զմեղս իմ ողբալ, և զանբաւ զյանցանս իմ հեծել, և զանթիւ զպղծութիւնս իմ հառաչեցից, և զահեղ զկործանումն իմ կոծել, և վասն աղէտիցն տանջանաց ողբալ դառնապէս: Օ ի խիղճ յանցանաց իմոց հեղձուցանէ զիս հանապազ, և չարիք իմ չարչարեն զիս յարաժամ, հայելով յանթիւ մեղաց իմոց բազմութիւն, և յահեղ ախտից իմոց անօրէնութիւն. որ միշտ զմարմինս իմ մնչէ, և զոսկերս իմ խարշատէ, և զսիրտ իմ գելու, և զորովայն իմ գալարէ, և անձն իմ դողայ երկիւղիւ, և զամենայն անդոսն իմ հալէ հանապազ: Օ ի առ ցաւս վիրաց իմոց վարանիմ, և միտք իմ ափշեալ յամառին, զի գիտեմ զբարին, և առնեմ զչար. իմանամ զարդարութիւն, և գործեմ զանօրէնութիւն. խօսիմ զուղղութիւն, և խորհիմ զանիրաւութիւն. երևիմ սրբութիւն, և մեղձենամ յաղտեղութիւն. ձանաչեմ զճշմարտութիւն, և յարիմ ՚ի մոլորութիւն. տեսանեմ զլոյսն, և խառարին փափագեմ:

Եւ արդ ո՛վ զիս լացցէ, և կամ ո՛վ զիս ողբասցէ զմեռեալս մեղօք և զկործանեալս անօրէնութեամբ, զանկեալս ՚ի խորս խաւարի և յանդունդս ամբարշտութիւն. զի չարիք իմ չարչարեն զիս, և պղծութիւնք իմ սպանանեն: Եւ արդ որպիսի՞ ինչ լացից, և կամ որպիսի՞ ողբացից զանթիւ մեղաց իմոց զբազմութիւն, որ ՚ի յան

ցանացս եմ հիւանդացեալ, և ծուլութեամբ իմով ցաւագնեալ : Օ ի անմահութիւն ինձ խոստացաւ, և ես մնամ ՚ի մահուս . ՚ի վեր յերկինս հրաւիրեաց, և ես յանդունդս դժոխոց իջանեմ . զփափագելի զբախտոն պատրաստեաց, և ես զփուշս խոցոտիչս ընտրեցի . և կեանս և փառս մշտնջենաւորս, և զիս մեղօք իմովք ըսպանի : Եւ արդ այսր ամենայնի որ սուգ բաւական իցէ, կամ որ ողբ ողբալոյ . որպիսի լալումն արտասուաց, կամ որպիսի հառաչանք պաղատանաց . որ ինչ աշխատութիւնք, և կամ որ վաստակք առաքինութեան զվէրս իմ բժշկեցեն, զի անթիւք են և անհամարք : Եւ անձն իմ հեղգայ ծուլութեամբ, յահեղ մեղայ բազմութենէ լքեալ թուլանայ, և յանշջ հրոյն գեհնին սարսեալ սարսափէ . զի յիշելով զմեծ օր ահեղ դատաստանին և զսոսկալի բեմբին արհաւիրս՝ անձն իմ դողայ երկիւղիւ, և միտք իմ ահիւ հիւնայ . սիրտ իմ ողբալ պահանջէ, և աչք իմ բաղձան արտասուաց . ահ ահեղատենին փութացուցանէ զիս յապաշխարութիւն, և պատրանք չարին ծուլացուցանեն զիս հանապազ : Եւ ասհա նեղեալ եմ յերկոցունց և տագնապեալ եմ ամենայնիւ, զի միշտ ՚ի մեղս զաւուրս իմ անցուցի, և յանօրէնութեան զկեանս իմ ծախեցի, և ումեք զբարիս չարարի, և զարդարութիւն երբէք ոչ ստացայ . այլ զամենայն անդամս իմ ապականեալ կորուսի ՚ի յանցանս բազմադիմիս : Օ բերան իմ բամբասանօք պրղծեցի, և զլեզու իմ դատարկ բանիւք աղտեղացուցի . զունկն իմ ՚ի լուր չարութեան, և զակն իմ ՚ի տեսս աղտեղիս . զսիրտ իմ զազիր խորհրդովք, և զանձն իմ անպարկեշտ գնացիւք վարեցի հանապազ . և ամենեւին ոչ պահեցի զմարմին իմ առողջ և զսիրտ իմ շքմարիտ . զի մեղօք ՚ի ցաւս, և յանցանօք ՚ի հիւանդութիւնս : Եւ իմ զղջանալ խոստովանել, և թնամին յապաղեցուցանէ . կամ իմ մտմանել ՚ի վարս ապաշխարութեան, և թնամին ծուլացուցանէ . կամ իմ անկանել առաջի այ, և թնամին հեռացուցանէ . կամ իմ պաղատել և մաղթել և աղաչել, և թնամին կարծրացուցանէ . կամ իմ ողբալ և լալ արտասուօք, և թնամին ցամաքեցուցանէ . կամ իմ ողորմել աղքատին, և թնամին զաղքատութիւնս իմ յիշեցուցանէ . կամ իմ պահօք զիս մաշել, և թնա-

մին զտկարանայս մարմնով ինձ յիշեցուցանէ . կամիմ խոնարհել և եղբօրն հնազանդել, և սիրտ իմ արդի ամբարհաւաճութեամբ . զի որով մարթիմ զմեղս իմ քաւել, զչարութեան որոգայթ թշնամւոյն առաջի երեալ գտանեմ:

Այս արդ նեղեալ եմ ամենայնիւ, և անձն իմ հեծէ հանապազ . յիշելով զմեղաց իմոց զբազմութիւն դողամ երկիւղիւ, և ընդ վազրութիւն խորհրդոց իմոց վարանիմ . զանսրբութիւնս իմ հայելով ողբամ հանապազ, և զանօրէնութիւնս զմտաւ ածելով արհաւիրք տարակուսանաց ՚ի վերայ իմ անկանին, և ցաւք երկանց ինձ հարկանեն: Օ ի միշտ զահ հեղ ատենին տեսանեմ, և զարհաւիրս մեծի բեմբի և ահաւորի, և զահ հեղ հնչիւն փողոյն, և զահագին բարբառ հրեշտակապետին . զժովածաւալ հրոյն բորբոքումն, և ընդ ամենայն երկիր ծաւալումն . զվերանալն արդարոցն, և զմընալն մեղաւորացն . զգումարեւն ամենայն մեղաւորաց, և տալ համարս բանից և գործոց . զսոսկալի դէմն դատաւորին, և զաններելի օր դատաստանին . զչար ամօթն մեղաւորաց, և զգաւն¹ անմահ տանջանսն յաւիտեանականս: Այս վասն այսր ամենայնի հեծեմ և լամ դանապէս՝ անդադար զմեղս իմ ողբալով, զի յոյժ հեղ տեսանեմ զարհաւիրս գեհենին, և զսոսկալի աղէտիցն զտեսչութիւնն . ուր ոչ ինչք և ոչ աղաչանք ինչ օգնեն . ոչ լալումն և ոչ արտասուք են օգուտ . ոչ հեծութիւնք և ոչ հառաչանք են պիտոյ . ոչ արդարքն մաղթեն, և սուրբքն բարեխօսեն ընդ քնացելոցն մեղօք: Անձանօթես ՚ի ծանօթից, և հեռաւոր ՚ի մերձաւորաց . ատելի ես սիրելեաց, և թշնամի բարեկամաց . ամայի ես ամենեւին, և օտար ես յամենեցունց: Այլ զոք կարես աղաչել, և ոչ ոք զքեզ ձանաչէ . ողբաս և լաս ողորմով, և ոչ ոք ՚ի քեզ խոնարհի . պասքեալ ծարաւով տապակիս, և ոչ զթայ ոք ՚ի քեզ . այրիս հանապազ, և հրնարս խորովմանն ոչ գտանես ամենեւին . միգապատեալ կաս ՚ի հօւր հնոցացն, և աղջամղջիւ յաննչոյլ գեհենին, ՚ի գուբա խաւարայինս և ՚ի տարտարոսս ներքինս ՚ի ժահահոտս և յորդնեռացս . հօւր բորբոքեալ ՚ի ներ-

1 Մի օր . Դառնումակ:

քոյ, և հրահասանք ասեղ 'ի վերուստ՝ որ յորդեալ ի ջանեն յորդահոս գետոցն հրեղինաց, ուր խաւարն է շօլափելի: Եւ ամենեւին զոք ոչ կարես տեսանել, զի սևաթոյր միգոյն մթապատեալ և արկեալ 'ի մէջ կայծականց՝ լաս և ողբաս անդադար, և զքո միայն վարանն կոծիս, զի յասեղ աղէտիցն ցաւոց զքեզ միայն համարիս 'ի տանջանս չարչարանացն: Հեծես հանապազ և լաս գառնապէս, անհանդիստ և անմխիթար. վիշտք և նեղութիւնք և մշտնջենաւոր տառապանք, անդադար տանջանք և աններելի տագնապումն, անպատու ցաւք և անմտան կսկիծք, ամենայնիւ վարանք և ամենեւին տարակուսեալք: Օ ի անդ ճշուսն և վայտսն միայն է բարբառ. օղորանք և խանդաղոտանք անդ՝ ըզհաչեին և զհառաչեին միայն լսես, զհեծելն և զտագնապելն. լայ և ողբալ անդադար, և ողորմութիւն ոչ գտանել. այլ միշտ 'ի վիշտս խաշիս, և հանապազ 'ի կարօտութիւն մաշիս, հանդերձ արատաւ օք և պաղատանօք զոր ոչ ոք լսէ, և ոչ զպաղատանն ընդունին, քանզի անժամ է ժամանակն: Եւ աստ է լայ և աստ է ողբալ. աստ է հաւել և արտէն հառաչել. աստ է աղաչել և մաղթել և խնդրել թողութիւն. զի աստ է շահ արտատուացն և օգուտ աղօթից, սերմանք ողորմութե և պատու ապաշխարութեան, ժամանակ հառաչելոյ և ողորմութիւն ինդրելոյ:

Եւ արդ աստէն փոխանակեացուք զսուղ նեղութիւն մարմնոյս ընդ անսպառ տանջանացն ցաւոց. զի ընդ սուկաւ պահոց աշխարհիս աշխատութեան ապրեսցուք 'ի բարբոքեալ բոցոյն և յասեղ կայծականց գեհնոյն. ընդ փոքր ինչ տքնութեան աղօթիցն ապրեսցուք 'ի յորդահոս գետոցն հրեղինաց. ընդ սուղ ինչ արտմութե ապրեսցուք յասեղ հնոցացն և 'ի չարածանի որդանցն խաճանողաց. ընդ հաչելոյն և ընդ հառաչելոյն աստ՝ անդ ապրեսցուք 'ի դառն տանջանացն և յաննշոյլ խաւարէն. ընդ սուղ մի լալոյ և արտատուելոյ աստ՝ անդ ապրեսցուք 'ի միշտ լալոյն և 'ի հանապազ ողբալոյն. և փոխանակ միոց ապաշխարելոյ աստ՝ անդ ապրեսցուք 'ի միգապատ խաւարէն, 'ի գառն մահուանէն և յաւիտեանական ամօթոյն:

Եւ արդ զայս ամենայն զմտաւ ածելով, ով անձն իմ բազմամեղ, մի հեղգար 'ի պահոց, և մի ծուլանար յս.

զօթից . մի դադարեր 'ի զղջանալոյ , և մի յապաղեր 'ի խոստովանութենէ , և մի վհատիր յապաշխարութենէ , և մի վաստակիր յողորմութենէ . մի դադարի 'ի լալոյ , և մի հանգչիր յողբալոյ . մի մնար վախճանին , և մի յուսար 'ի վաստակ ծերութեան , և մի համարի զքեզ ամն բազումն յաշխարհիս , և մի կարծեր եթէ յապա ինչ ապաշխարեմ . գող է թշնամին և խաբող , խաբէ ըզքեզ և կորուսանէ յապաղեցուցանելով այնպէս : Այժմ գործեցից ասես , ապա ապաշխարեցից . 'ի մանկութեան հանգեայց ասես , և 'ի ծերութեանն ապաշխարեցից . կեցից այսօր վայելեցից ասես , և 'ի վաղիւն պահեցից . այժմ փափկացայց ասես , և ապա պարկեշտացայց . այժմ ժողովեցից ասես , ապա սփռեցից աղքատաց . . .¹ , Այսպիսիք են պատրանք թշնամին , որովք խաբէ և կորուսանէ զմեզ՝ ամ յամ առնելով , և ժամ 'ի ժամ սահմանելով գործել զբարին :

Աւարդ մի խաբեսցուք յայսպիսի պատրանաց . անյայտ է օր վախճանին , աներևոյթ են ելք յաշխարհէս . իբրև երկունք 'ի վերայ անկանին , և ոչ ժամանես զղջանալ և ապաշխարել . իբրև գող 'ի գիշերի հասանէ , և ոչ տայ կոծել և ապաշխարել . իբրև վարմ հաւորաց վաղվաղակի ըմբռնէ , և ոչ տայ լալ և հեծել և ողորմութիւնս թողուլ . իբրև զառիւծ յարձակի , գոչէ և յափշտակէ , և ամենեւին ոչ ժամանես : Աւարդ անձն իմ զինչ արասցես , և կամ զինչ գործեսցես , որ խորհիսդ զբարին , և ոչ առնես . կամիս ողորմել , և յապաղես . ասես զղջանալ , և ոչ որպէս Վաւթիթ արտասուօք զմահիճս թանաս . այլ և զմխիր , ասէ , որպէս հաց կերայ , և զըմպելին իմ արտասուօք խառնեցի . և զամենայն գիշերս հեծեծէր և լայր դառնապէս անդադար : Յօժար ես 'ի պահել , և ոչ որպէս ըզնինուէացիսն 'ի խորդ և 'ի մխիր իջանես . այլ և դարձան ևս , ասէ , յիւրաքանչիւր ճանապարհաց և յանօրէն գնացից , զոր և առնէին : Ախորժես արտասուել և լալ , և ոչ որպէս պոռնիկն խանդաղատագին ողբաս . կամիս ողորմել նեղելոց , և ոչ որպէս կինն այրի՝ որ զւմենայնն ծախեսց :

¹ Բառ մի եզծեալ է յօրինակին . որ և յայլս պակասէ :

մարտիկադէմ՝ և զուարթ երես անցանկոյն ընդ բարձու-
թիւն արեղերական աշեղ և անթիւ բանախոյն, լինել
յանդիմանն ահաւորի և մեծի բեմին այ, և ընել՝ ի նը-
մանէ զքաղաքաւոր բարբառն երանութեան և աշխար-
հատն հրապարակին՝ եթէ եկայք, օրհնեալք հօր ի-
մոյ, և մտէք ժառանգեցէք զերկնից բարութեանցն ըզ-
վայեցութիւն ընդ հօր և ընդ որդւոյ և ընդ հօգւոյն
սրբոյ . որում փառք և պատիւ յաւիտեանս յաւիտե-
նից . ամէն :



ԹՈՒՂԹ ՎԱՍՆ ԱՊԱՇԻԱՐՈՒԹԵԱՆ

Արմատք դեղոց բժշկաց պցաւս մարմնոյն առողջացուցանեն, և հոսումն արտասուաց ապաշխարութեան զմեղացն զվերսն ոգոցն բժշկեն. և մանաւանդ որ հանդերձ ողորմութեամբ և գթով տնանկացն ապաշխարիցեն: Վանզի բազում արմատք են ախտիցն որ դադարեցուցանեն, որք խառն են 'ի դեղս բժշկաց. բայց է որ առաւել ևս ազգոյ է առ 'ի ցաւոցն փարատումն: Այնպէս և 'ի դեղս սորա բազում ճգնութիւնք ապաշխարութեան են 'ի մաքրումն մեղաց. բայց ողորմութիւնն է կարևոր և ազգոյ քան զամենայն առաքինութիւնս առ 'ի զմեղս քաւելոյ և զվերսն բժշկելոյ հանդերձ ողբովք և հառաչանօք և գթագին արտասուք. յորմէ մի յապաղեսցուք և վաղուենէ 'ի վաղիւ արասցուք զդարձն մեղացն ապաշխարութեան, և մի աւուր վախճանին մնասցուք՝ աւնել զընչիցն ողորմութիւն: Օյ գող է օրն այն, յափշտակող է օր վախճանին. աւերելոյթք են ելք յաշխարհէս, յանկարծահաս է և ստիպող, և ոչ թողացուցանէ աղաչել և մաղթել, լալ և ողբալ, ողորմել և ապաշխարել: Մթռնէ իբրև զուրօգայթ, յափշտակէ իբրև զառիւծ. և իբրև զգերի գերիվարաց վարեալ անողորմ, հառաչես արտասուել և հեծես ողբալով, և օգուտ ինչ ոչ գտանես: Օյ ժամէ 'ի ժամ՝ առնելով՝ զժամանակ ապաշխարութեն կորուսերորով կարող էիր զբեռինս մեղաց թեթեալացանել, և գտիղմանօրէնութեանցն մաքրել. լինել արդարոցն երամակից, որդի հօրն երկնաւորի, և ժառանգորդ անանց բարութեանցն:

Այլ արդ կամ փափագանօք ըղձափափուութեանցն և կամ ապառնալեաց ահեղ տանջանացն փութացուք յապաշխարութիւն, և մի բեռն 'ի վերայ բեռին կա-

պեսցուք , և ցաւ 'ի ցաւս յաւելուցցուք : Այլ մի խաւ-
 բեացէ սատանայ՝ թէ բազմաժամանակեայ են կեանքս ,
 և մի պատրեսցէ զմեզ մանկութեամբս՝ եթէ 'ի ծերու-
 թեանն ապաշխարեմք : Ա՛րի մնացուք աններելի վախ-
 ճանին և անողորմ պահանջողացն . մի անվաստակ ծու-
 լացուք , և անվարձ գնացուք : Ա՛յլ զյանցանս քա-
 լեսցուք և զմեղան ապաշխարեսցուք , և նախանձաւոր
 լերուք քաջայն քաջութեան և առաքինութեան առա-
 քինեայն . որոյ սիրտքն սրբեալք և միտքն լուսաւորեալք ,
 անմեղ 'ի մեղաց և անարատք յանօրէնութեանց . որ
 միշտ զվերինն խորհին , և 'ի վերինն հոգան հանա-
 պաղ . որք զմարմինս ունին հողեղէնս և հրեշտակա-
 կրօնս . որք ոչ են կարօտ գրոց վարդապետութեան և
 տարացոյց օրինակաց . զի առաւել քան զգիրն երևե-
 ցուցին զմտացն ուղղութիւն և զվարուցն առաքինու-
 թիւնս՝ : Հեռի եմք յուզիղ գնացից , և օտար 'ի վա-

1 Ի նօրագիր օրինակին գտանի
 առաջիկայս յաւելուած համա-
 նման այնմ որ ընթերցեալ լինի 'ի
 Սարգսի մեկն . կաթողիկեայց . և
 սկսանի . « Եւ արք համեմտես-
 ցուք ընդ միմեանս զայժմու գործս
 մեր և զնախնի երանելեացն . և տե-
 սանեմք զվատթարութիւնս մեր , և
 զառաջին սրբոցն զբաղութիւնսն :
 Կոքա զանձինս մատնեցին վասն
 սիրոյն Քրիստոսի . նոքա զինչս և
 զհայրենին արհամարհեցին : Կոքա
 զծնողս և զկին և զսրգիս թողին
 վասն աստուածապաշտութեան , միայն
 զի յոյ մի զըկեսցին : Իսկ մեք որք
 թուիմք թէ եմք ինչ , ոչ այսպէս .
 այլ զամենայն հնարս վասն հանգըս-
 տեան մարմնոյ հնարիմք , և զընչիւք
 գամք , և զսիրելիս մեծարու համա-
 ըրիմք քան զպատուիրանս այ : Եւ
 զինչ ասեմք զսիրելիս . ուր զօրթ
 այգւոյ և զպարտեզ բանջարոյ և
 ծառս գրախոխի և զկարաս գինւոյ
 և զանօխս չնչինս յարգոյ և պա-
 տեանս համարիմք քան զսէրն
 այ : Կոքա վասն Քրիստոսի հալա-
 ծէին և քարշէին և նախատէին . 'ի
 բանտ և 'ի կապանս մատնէին : Իսկ
 մեք վասն Քրիստոսի ոչ նախատա-

նաց անգամ տանիմք , և ոչ թշնա-
 մանաց բանից համբերեմք , և ոչ
 զզայրացումն եղբօրն քաղցրութիւ
 շիջուցանեմք . այլ ևս առաւել գա-
 զանանամք ընդգէմ՝ նորա : Կորս-
 ձեալ և մեք վասն Քրիստոսի մի
 ինչ 'ի մարմնական ցանկութեանց
 ոչ կապեմք 'ի մեզ ժուժկալու-
 թեանն կապանք , և ոչ բանտաբ-
 գել լինիմք 'ի տունս մեր զոր մի
 ողջոյն վասն Քրիստոսի , և ոչ ար-
 տասուզք գրոց մեզացն շիջուցա-
 նեմք , և ոչ ժուժկալութեամբն իբ-
 րև երկաթի եղնգամբք բերեմք 'ի
 մեջ զթարախն անօրէնութեան :
 Կոքա զթշնամիսն սիրելին , մեք և
 զբարեկամսն ասեմք . նոքա ըզ-
 հալածիչսն օրհնէին , և մեք զբա-
 րերարսն մեր բամբասեմք . նոքա
 զինչսն զօր 'ի հայրենեացն անտի
 ունէին՝ ցրուէին , իսկ մեք զօր ոչն
 ունիմք՝ սասանալ ջանամք : Կոքա
 յերկրաւորացս յերկինս փոխեցան
 հրեշտակական կրօնաւորութիւնք .
 զպալարեալք . իսկ մեք յերկնա-
 ւոր քաղաքականութիւն յերկիր կոր-
 ծանեցաք , և սանդարամտական
 եղաք : Կոքա զեծ յինքեանս բը-
 նակեցուցին՝ զպատուիրանս Քրիս-

րուց առաքինութեան . շեղեալք յորոգայթից թշնամիոցն և շողախեալ տղմով յանցանաց . կարօտք եմք խրատուց և վարդապետութեան և տարացոյց ինչ օրինակաց . և թերևս ահից սաստիցն յահեղ հրոյն երկիցուք , և տարացոյց օրինակացն աղէտիցն իմասցուք : 1) արմնուլս զոգոցն ծանիցուք , և երևելեալս զաներեւոյթն գիտասցուք . ահիւ ահեղ տանջանայն զղջացուք , և փափագանօք անանց¹ բարութեանցն : 2) պաշխարութիւն պարտ է առնուլ զօրինակս վիրաց ոգոցն ցաւոցն զցաւ ախտիցն մարմնոյ , թէ որպէս միշտ ողբայ անձն ցաւագին զվարանս ցաւոցն մարմնոյ , և հանապազլայ դառնապէս զառժամանակեայ ախտիցն զայրացումն , և 'ի տարակուսանաց ահեղ աղէտիցն հառաչէ և հեծէ անդադար , և ձայնք պաղատանաց և վայից և զանոզորմնն խանդաղասէն : 3) 'ի 'ի սաստկութենէ աշխատիցն² ցաւոց ոչ 'ի սէր սիրելեացն բերկրի , և ոչ 'ի թշնամանս ատելեացն զայրանայ . ոչ զփախկութիւն փենացն յիշէ , և ոչ զվայելչութիւն գեղոյն ածէ զմտաւ . և զամենայն իսկ զպատիւս և զպայծառութիւն աշխարհիս անփոյթ արարեալ ուրանայ 'ի տարակուսանաց ցաւոցն : 4) յ կայ միշտ սգով և արտասուօք և ողբագին խանդաղատանօք . զվիշտս վտանգին միայն պաղատի , ընդ որ բազումք 'ի մերձաւորայ արտասուեն ողորմելով , և փութան լինել 'ի խնդիր բժշկաց և դեղոց առ զառժամանակեայ զցաւն փարատելով , և վարձս և սբժշկացն խոստանան և գինս դեղոց վասն տագնապի ցաւոց փարատելոյ :

Աւ այս ամենայն վասն ապականացու մարմնոյս լինին նեղութիւն . որ թէպէտ և բժշկի , սակայն մեռանելունի : Իսկ զինչ արասցուք զմտնջենաւոր ցաւս ահեղ հրոյ գեհենին՝ որ պատրաստեալ պահի բազմավեր ողոց մերոց , որ միշտ 'ի մեղս է ախտացեալ , և 'ի մահիձս

տոսի կատարելով , իսկ մք անցանելով ընդ պատուիրանս նորատեղի եղաք բանասարկուին սատանայի : Քանզի ամենեկն սանձակտորք կղաք 'ի դաշտի , և զբաղքը լուծն 'ի բաց ընկեցաք 'ի պարանոցաց մերոց , և զփորոզի բնն սասանեցուցաք 'ի թիկանց մերոց ,

և ամեհաբար յերկրի շրջմք : Ո՛վ մեծի աղէտիս , և վշալի տարակուսիս : Վասն զի 33 :

1 Այլ օրինակ այսպէս ունի . զանանց բարոսիանն ծառանգեսցաւ ապախարոսիւմի : Եւ արդ զարդ է մեղ առնուլ օրինակ :

2 Յայլու՛մ օրինակի ախտիցն :

յանցանաց անկեալ դնի անբժշկապէս . և հանապազ խոցոտեն , և միշտ վիրաւորեն մեղացն անօրէնութիւնք , և առաւել չարչար չարչարեն զքեզ վարանք աղէտիցն ցաւոց : Այլ ոչ հառաչեմք և հեծեմք և հանապազ պազախմք առ Խժ . ոչ որբամք զցաւս մեղաց , և ոչ զվէրս յանցանաց մերոց լուանամք . ոչ անգաղար լալով արատուեմք զանօրէնութիւնս մեր , և զմշտնջենաւոր տանջանացն արհաւիրան . այլ վերս 'ի վերայ յաւելումք հանապազ , և սպեղանեօք ապաշխարութեան ոչ դարմանեմք . ոչ բժիշկս խնդրեմք , և ոչ դեղս որոնեմք . ոչ ինչս ծախեմք , և ոչ վարձս խօտանամք ընդ կարևոր վիրացս բժշկութեան , և ընդ անհնարին ախտիցս անօրէնութեան . որ ոչ միայն աղեօք և որովայնիւք եմք 'ի ցաւս , այլ ամենայն մարմնովս եմք 'ի վերս մեղաց : Վշան զի աչք մեր յածողք յարատ հայեցուածովք են 'ի վերս . լսելիք մեր առ 'ի զանդէպան ախորժելոյ են 'ի ցաւս . լեզուք մեր բումբասանօք և երդմամբք են 'ի ցաւս . սիրտք մեր չար ցանկութեամբ և պիղծ խորհրդովք են 'ի ցաւս . ձեռք մեր յափշտակութեամբ և 'ի զքիանաց են 'ի ցաւս . ոտք մեր 'ի թատերացն խաղուց և յանօպարկեշտ գնացից են 'ի ցաւս . և ամենայն մարմինք մեր ջրգողեալք մեղօք , և այտուցեալ անօրէնութեամբ : Այլ այսպէս ամենայն անդամօք եմք 'ի ցաւս և 'ի վիշտս մեղաց . և առ բժիշկս ոգոցն ոչ մերձենամք , և դեղոյ ապաշխարութեան չեմք 'ի խնդիր . ախտիւ մեղացն չարչարիմք , և արատսուօք ապաշխարութեան ոչ բժշկիմք : Այլ որբովք սրբեմք զդառն թարսինս մեղաց , և ոչ արտասուօք լուանամք զչար նեխութեանցն փտութիւն . զոր եթէ աստ դք ոչ բժշկէ ազօթիւք , պահօք և որոր մութեամբ , անոր ահեղ հուրն առաջի կայ , և բորբոքումն անշէջ բոցոյ գեհնային . պատրաստ են և սպանեն հրահոսանք¹ գետոցն հրեղինաց . և տարտաբօքն աղձամըջինք լի խաւարաւ . դառն դահիճք և անողորմ չարչարանք . բազում վարանք աղէտից , և ահագին արհաւիրք աններելի տանջանաց , որ մնան և պահին յոր մեծի ահեղ դատաստանին :

Այլ արդ այս ամենայն առաջի կայ , և մեք գրդիմք և

1 Եզրին . հրահոսանք . եզրք ըստ այլ օր :

փափկանամք և մեղանչեմք աներկիւղ, և ամենևին յերկրաւորս յորդեալք¹ զամենայն ինչ անհոգաբար կատարեմք. ուտեմք և ըմպեմք, և ՚ի բուն ինիմք անհոգաբար, և բազում աւելատացուածութիւն վժեքս ժողովեմք իբրև զանմահս և զմշտնջենաւորս. և զօրն երբէք չածեմք զմտաւ², ոչ զարհաւիրս դատաստանին, և ըզդառն ամօթն յաւիտենական: Այլ ոչ յիշեմք իսկ ամենևին եթէ զինչ ունիցիմք կրել յետ մահու, և ոչ զամենահնար պատերազմն սատանայի ածեմք զմտաւ բազում զգուշութեամբ և երկիւղիւ հանապազ, որ միշտ ՚ի գաղտնիս մարանչի անդադար, և աներևոյթ վիրաւորէ յարաժամ. և չգգամք և չգգուշանամք ՚ի չար նետից նորա, և խստավէր հարուածոցն. այլ յամենայն ՚ի ցածկութիւնս վայելեմք անհոգաբար, և հանգչիմք անակնածելի: Այլ այնպէս ծուլութեամբ և անհագութեամբ վարիմք, որպէս թէ չիցեն իսկ տանջանք, և ոչ գեհեն, և ոչ դատաւոր ահաւոր, և ոչ դատաստանք անողորմ. ոչ քննութիւնք գործոց, և ոչ խընդիրք խորհրդոց. ոչ վարուց համարք, և ոչ դատարկ բանից պահանջումն:

Այլ այս ամենայն ծուլութիւնք ՚ի չար հնարից սատանայի են որ յամենայն վարս մեր ընթանայ, և դնէ անդ զորոգայթն մահու. քանզի ոչ եթէ չարեօքն միայն չարչարէ սատանայ, այլ զուղիղ վարսն ՚ի չարութիւն դարձուցանէ. և բարի արուեստիցն զոր ՚ի մարդ տեսանէ, դնէ նմին որոգայթ մահու: () որ սակաւն համարիտ, և ոչ փութաս ապաշխարել, նովին կորուսանէ. քանզի կորուսանէ զպահողն կեղծաւորութեամբ և ՚ի ցոյցս ճգնելով. զաղօթականն արհամարհանօք կալ առաջի ան, և զմիտան յածեցուցանելով արտաբոյ. զողորմածն ՚ի տեսս հիւանդաց ոչ գնալ: Կորուսանէ և ըզվարդապետան կեղծաւորութեամբ ուսուցանելովն, որ ոչ բազում երկիւղիւ զկամեն անց ուսուցանիցէ: Կորուսանէ և զսաղմոսերգողն սատանայ, եթէ ոչ զգուշանայցէ չար խտտիւ օնափառութեամբ, այլ ՚ի ցոյց և ՚ի գով ընկեացն ասիցեն, և ոչ զպոտգամն անց պատմեա

1 Յայլում օրին. յորդեալք: և զարաւար էլս յալխարհիկս:
 2 Այլ օրինակ ունի յաւելուած.

ցեն, և զօրհնութիւնս նորա երգեսցեն, որք ոչ իբրև զփառաւորիչս պատուեն: Արուսանէ և զլսողսն սատառնայ վասն ծուլութեամբ և արհամարհանօք լսելոյ պատգամնցն նոյ և բանին վարգապետութեան: Արուսանէ և զվաստակա վատակաւորաց սատանայ տրտնջելովն, և մեծ 'ի վերայ հեղգագունիցն երևելով, և 'ի հաշիւ և 'ի համար զգործ սպասաւորութեան իւրոյ բերելով, և յայտնելով ամենեցուն զջան վաստակոյն իւրոյ. որ ոչ իբրև զվաստակաւորսն հանգիստ գտանէ, այլ իբրև զտրտնջողսն և զգատապարտեալսն յանդիմանի: Արուսանէ և զընչաւորս սատանայ որք 'ի ժողովելն միայն են ժրացեալք, և ոչ 'ի բաշխելն տնանկաց. որ և ոչ ընչիւքն ապրել մարթասցեն, այլ իբրև զանողորմսն և զազահս դատապարտեսցին: Արուսանէ և զազքատս սատանայ հեծեծանօք և տրտնջելովն, և ոչ գոհանալով զայ որ կամի 'ի մշտնջեանաւորսն մեծացուցանել զնոսա: Արուսանէ և զարուեստաւորսն սատանայ, եթէ վարձ աւելի առնուցուն քան զգործն, և կամ նախանձու և չարակնութեամբ զտաղանգ արուեստին արդելուցուն յայնցանէ՝ որ ուսանելն խնդրեն, որ իբրև զտաղանդապարտս պարտաւորեսցին: Արուսանէ և զիշխանս սատանայ՝ որ ծանր իշխանութեանն լինիցի, և զազանացեալ սրտիւ զուամիկն ահաբեկիցէ, և կամ վասն շքեղ երեսաց ինչ և կաշառուց՝ զիրաւունսն արդարոցն գողանայցէ: Արուսանէ և զայնոսիկ որ ընդ իշխանութեամբն են, եթէ ոչ իբրև սպասաւորի նոյ հնազանդեն և երկիւղիւ զպատիւն հատուցանիցեն: Արուսանէ և զհարկապահանջսն հարկահանաց, եթէ աւելի քան զհրամանս արքունի պահանջիցեն և զնեղեալսն նեղիցեն . . .¹ և զբոց գեհննին վառիցեն:

Այլ արդ այսպէս ամենեցուն կազմէ սատանայ որոգայթս մահու, և յուղիղ կարգաց և 'ի վարուցն նոյ հանէ. պտուղ չար և վարձ անօրէն՝ որով կարծենն զարքայութիւնն ընդունել, նովին զտանջանսն ունին ժառանգել: Այլ յայնչափ յափշտակութիւն յիմարեցոյց սատանայ, մինչև յաղօթելն և 'ի պահելն և յողորմութիւնս առնելն տայ մեղանչել: Այլ ոչ ջանամբ թափել

¹ Եօրինակին տող մի անընթեռնի է. որ և յայլս չիք:

'ի մէնջ զԹմբիւր սատանայի , և պաղատանօք ապաշխարու թեամբ զտէր Հաշտեցուցանեմք . զի կարող է ապաշխարու թիւնն զսւացեալս մեղօք սպիտակացուցանել , և զգեռաթաթախան մաքրել , զխաւարեալն մեղօք լուսաւորել , և զմթերս անօրէնու թեանցն փարատել : Այլ զայս գիտելով սատանայի մծախ առ այն՝ որ ապաշխարելն կամիցի , և ծանրացուցանէ զմիտս նորա չյօժարել 'ի սկիզբն ապաշխարու թեանն : Վնայն գիտէ՝ եթէ սկիզբն ուղղիցի , ապա և վաստակ ապաշխարու թեանն քաղցրանայ . և վասն այնորիկ ամենայն Հնարիւք յսկիզբն ապաշխարու թեանն զգուշանայ ծուլացուցանելովն , և օր 'ի յօր առնելով :

Այլ մեր զայն գիտելով փութով փութասցուք սկիզբն առնելով ապաշխարու թեան . զի միայն յսկսանէն թուի եթէ ծանր իցէ , և անդէն գործն հեշտանայ , և երթայ քաղցր և ցանկալի : Արդէս և ալիքստացն զառաջինն և դարոյն զանուանս անգամ զրոյն Համարձակի երկրորդէլ որ ուսանէն կամիցի . այլ խեցեղեղեփօք կիսանուն և բեկբեկելով , և ապա գիր զգրոյ կախելով անաշխատ բերելով զհեզեհեհայն : Այնպէս և ապաշխարու թիւնն եթէ յսկզբանն միայն համբերիցէ , խոստովանութեամբն շնորհս ընդունին , և շնորհօքն միաբն լուսաւորին . զերկիւղ տանջանացն իմանան , և երկիւղիւն արտասուս և սուգ ստանայ . սուգն պահս ուսուցանէ , և պահքն աղօթս բերեն . աղօթքն յողորմութիւնս յօժարեցուցանեն , և սակաւ սակաւ յաստիճանէ յաստիճան ելանէ , և դիւբաւ յերկինս վերանաս : Այլ և կարող ես միով միով 'ի սոցանէ արդարանալ եթէ կամիցի . զի բազումք ուղիղ խոստովանութեամբ միայն ապրեցան . ոմանք սգով և տրտմութեամբ փրկեցան . ոմանք խորգով և մոխրով միայն ապաշխարեցին . ոմանք լալով և արտասուօք զտէրն հաշտեցուցին . ոմանք պահօք և աղօթիւք ապաշխարեցին . ոմանք ողորմութիւն զողորմութիւնն այլ ընկալան . ոմանք մարդասիրութիւն և տկարագունիցն ծառայելով գտին ապաշխարութիւն . ոմանք խոնարհութեամբ և հնազանդութեամբ թողութիւն մեղաց ընկալան : Օյ որպէս ազգի ազգի են մեղացն ճանապարհք , նոյնպէս և զանազան են դեղք ապաշխարութեանն , որով կարող ես բժշկել զամենայն

Տիւնդու թիւնս մեղաց, ոչ թուովք ամաց և բազում
ինչ ժամանակօք, այլ միայն ուղիղ դարձիւ և սրտիւ 'ի
չարեացն հեռանալով կարող ես արդարանալ :

Եւ արդ զայս ամենայն գիտելով ապաշխարու թեամբ
զմեղս մեր քաւեսցուք . քանզի պղծութիւնք մեղաց ոչ
միայն յահեղ աւուրն դատապարտեն, այլ և աստէն իսկ
չարեօքն չարչարեն մտացն իողձիւ, և գաղտագողին շըր-
ջելով ակնածութեամբ 'ի մարդկանէ, կատկածանօք 'ի
ծանօթից, ամօթով 'ի սիրելեաց, նախատանօք 'ի թըշ-
նամեաց, սպաւնալեօք դատաւորաց, երկիւղիւ բանդից
և պատուհասից, յանդիմանութեամբ պատուիրանացն
նոյ, և ահիւ ահեղ տանջանացն : Եւ անդր երթեալ
նոյ կարացէ պատմել զմշտնջենաւոր աններելի աղէտիցն
նեղութիւնս, ուր այրինն և մաշին ամօթով և նախա-
տանօք : Իսկ զապաշխարութեան պտուղս ոչ միայն յեր-
կինս վայելես, այլ և աստէն իսկ հարիւրապատիկ ըն-
դունիս խնդութքն, անհոգութեամբն, գովութեամբ
պատուիրանաց, անխիղճ՝ մտացն ուրախութեամբ, ան-
ակնածելի 'ի մարդկանէ, անկասկած 'ի ծանօթից,
ստորարսաւ 'ի թշնամեաց, առանց ամօթոյ առ սիրե-
լինն, համարձակ 'ի հրապարակս, աներկիւղ առ դա-
տաւորացն, ազատ 'ի պատուհասից, կեանք խաղաղա-
կանք, մահ հեշտական, ակնկալութիւն մշտնջենաւոր
և փափագելի փափկութեանցն : Իսկ անդուրախու-
թեանցն ո՞ր բերան բաւական իցէ պատմել զանբաւ բա-
րութեանցն զվայելչութիւնն :

Ըրդ այս է վարձ արդարութեանն, այս պտուղ ա-
պաշխարութեանն : Ասան որոյ մի երկնչիր 'ի մեղաց
բազմութենէ մտանել յապաշխարութիւն . միայն ան-
կիր առ Թժ . չէ դատաւոր, այլ բժիշկ . չէ դահիճ սպա-
նող, այլ հայր գորովագին : Ընդ առաջ քո ելունէ որ-
պէս անառակ որդոյն . զգարանոցսւ քո անկանի որ
դարձարդ յապաշխարութիւն . յաչ առ բերան համ-
բուրէ զքեզ հայրն երկնաւոր . զպատմութեան առաջինն
անմեղութեան հրամայէ զգեցուցանել քեզ . կօչաւն
'ի միւսանգամ թիւնիցն թշնամոյն ամրացուցանէ ըզ-
քեզ : Ստարագաւն 'ի մարմնոյ որդոյն նոյ կերակրիս .
ընդ քեզ վայելեն ընտիր ծառայքն 'ի պատարագէն, և
սուրբք ամենայն երգեն և պարեն 'ի դառնալ յանա-

ուսկուժենէդ քումմէ : Ինդ որ հիացեալ նախանձի փոքր մի առաջին ժողովուրդն թլիատուժեամբ՝ ոչ մը տանել յուրախուժիւն զենման որդւոյն այ . առ որս ել և եկն էականն ան մարմնով՝ աղաչել զհրեայն հաւատացեալ ՚ի հայր՝ կոչել ՚ի հաւատս հեթանոսին ապաշխարողի , և ուրախ լինել ՚ի դարձի եղբօրն իւրոյ առնաուկի , և ՚ի միասին վայելել ՚ի զենմանէ որդւոյն այ , և ժառանգել զանանց բարուժեանցն զվայելչուժիւնան ընդ հօր և ընդ որդւոյ և ընդ սրբոյ հոգւոյն . որում փառք և պատիւ յաւիտեանս յաւիտենից :



ՔՈՒՂԹ ՎԱՍՆ ՊԱՀՈՑ ՊԵՒՈՒԹԵԱՆ

Ազգոյ և օգտակար և կարևոր են պահող պնդու-
թիւնք և յորկորստութեանց ժուժկալութիւնք . և մե-
նաւանդ որ ընտրողական գիտութեամբն մերձենան առ-
նա , և ճշմարտիւ ճանաչեն թէ որպէս շահաւոր է պա-
հոցն պնդութիւն : Իսկ որք ոչ զգուշանայցեն այնմ , աս-
տէն իսկ յերևելեացս պարտ է իմանալ զպարկեշտու-
թեանն մաքրութիւն , և զվնասակար լցումնն զորովայ-
նին : Եւ գիտեն՝ թէ որպէս տեղիք երաշտացեալք բան-
ջարս ազգի ազգի ոչ բուսուցանեն , նոյնպէս և որովայնք
ցամաքեալք խորհուրդս պղծութեան ոչ ծնանին : Եւ
որպէս երկիր աղբուս բանջարս խառնամանս բուսուցա-
նեն և աճեցուցանեն , նոյնպէս և որովայնք աղբով կե-
րակրոցն փափկացեալք՝ խորհուրդս աղտեղիս բերեն՝ ի
վեր հանապազ . զի զորդունս գէջ երկիր պարարէ , և
զախտս պղծութեան գիջացեալ որովայն : Վանդի որ
համահամօք՝ փափկանան , նա և զխորհուրդ ազգի ազ-
գի իմանան . և որ սուղ ինչ կերակրովն շատանայ , նա
զտագնապ քաղցին ածէ զմտաւ . զի որովայնք թանձրա-
ցեալք խորհուրդս սուրբս ոչ ծնանին , այլ պահել պա-
տեն ընդ պատրուակաւ զգայութիւնս մարմնոյն : Եւ
որք որովայնին ծառայեն , անհնար է լինել հաւատա-
րիմ ծառայ այ : Օի որ պահօք նրբին և սրբին , ոչ
միայն զպղծութիւն անօրէնութեանցն սրբեն , այլ և
զսուրբն իձ յինքեանս բնակեցուցանեն :

Եւ արդ այսպէս մեծ է պահոցն պնդութիւն և պար-
կեշտութեան առաքինութիւն , որ պարաւանդեալ դա-
դարեցուցանէ զամենայն անդամս մարմնոյն յանդէպ
ցանկութեանց և յաղտեղի խորհուրդ , և ստէպ ստէպ

1 Յայլու՛մ օրինակի կամեմբարմօ :

հալածե՛լ 'ի մտացն խորհրդոց զյարձակումն դիւաց՝ որք կամին պղտորել և պղծել զսիրտս մաքրեցելոցն : () Ի պահոցն պնդու թիւն իբրև ջղօք երկաթեօք՝ պնդեալ պահէ զամենայն վարուցն առաքինութիւնս , և զհաւատոցն հաստատութիւնս . քանզի աշտարակ հզօր է ընդդէմ՝ թշնամոյն , և պարիսպ ամրութեան յամենայն նետից սատանայի : Եւ քանզի կարի կարևոր է պահոցն առաքինութիւն բնութեանս մերոյ , և բազում՝ թերութիւնք՝ 'ի խոնարհութենէ պահոցն յարդարին , անդէն իսկ ընդ ստեղծանել մարդոյն՝ պահոցն պնդութեամբ պարսպեաց զբնութիւնս մեր , և եղ առաջին մարդոյն առաջին պատուիրան զպահոցն պնդութիւն՝ չճաշակել 'ի ծառոյն : () Ի թէ էր պահեալ զպահոցն պատուիրանն , անախտ և անմահ և անմեղ կեանս էր ժառանգեալ , և յերկինս զերկնից բարութիւնսն . զի բազումք որք պահեցին զպահոցն պնդութիւնս , 'ի բազում վըշտաց ապրեցան :

Սովին պահոցն պնդութեամբ և մեծն 'Եանիէլ՝ 'ի ժանեաց առիւծուցն ապրեցաւ , զի և գաղանական բռնութիւնն պատկառէր մերձենալ 'ի սուրբ մարմինն պահողին . և քանզի արգել զինքն չմերձենալ 'ի սեղան թագաւորին որ 'ի պիղծ գոհիցն էր աղտեղեալ , արգելան և գաղանքն չմերձենալ 'ի սուրբ մարմին պահողին : Սովին պահոցն պնդութեամբ և երեք մանկունքն ապրեցան 'ի բորբոքեալ բոցոյն , և շիջուցին զմիութիւն կերակրոցն ցանկութեանց , և սակաւ ինչ ոսպամբ շատացան . շիջուցին զբարձրացեալ ահեղ հուր հնոցին . զի անդ 'ի ներքս ցօղ զովացուցիչ զպահողսն մի թարէր , և արտաքոյ բոցն բորբոքեալ զգեղեսեցելօքն սաստկանայր , և քառասուն և ինն կանգուն տարածեալ զամենեսեան սատակէր : Սովին պահոց պնդութեամբ և բազմամբոխ քաղաքն նինուէացւոց ապրեցան , զի դարձան յամենայն անօրէնութենէ և 'ի գնացից չարեաց . խորգով և մոխրով դարձուցին զխստացեալ բարկութիւնն ան . և զի ոչ խնայեցին նեղել զանձինս իւրեանց պահօք և պաղատանօք , ողբալ և լալ հեծեծանօք , խնայեաց անձ յողիս և 'ի մարմինս նոցա : Սովին պահոց

1 Յօր . երկու . եղաք ըստ այլոց :

պնդութեամբ և Ս'ալսէս ընկալաւ զօրէնսն անձադիր , զի քառասնօրեայ պահոց մաքրութեամբ արժանացաւ 'ի մաքուրն մերձենալ , և բերան 'ի բերան խօսեր ընդ նսն իբրև ընդ բարեկամի : Սովին պահոց պնդութեամբ արբեցաւ ի զքիս թեաքացի , և բանիւ բերանոց իւրոց զերկինս բանայր և փակէր , հուր 'ի յերկիր իջուցանէր :

Ի շա զինչ ևս առացից զպահոցն զպնդութիւն , որ և տէրունական ևս մարմնոյն պէտք եղեն պահոցն պնդութիւնը՝ անմեղին և անարատին վասն մերոց օրինակի . որով և հարքն առաջինք առաքինացան , և զվարս անմարմնոցն հրեշտակաց 'ի մարմնս մարդկան երևեցուցին . մեռուցին յերկրի զերկրաւոր զցանկութիւնս , և զօգիս 'ի յերկինս կենդանացուցին . մերժեցան 'ի յանցաւոր հեշտութեանցս , զի ընկալցին զանանց բարութիւնսն . հեռացեալք 'ի տանց և 'ի ստացաւածոց , չարչարեցան բազում փորձանք , և նեղեալ ամենեկին մեռուցին զանձինս քաղցիւ և ծարաւով և զձուձ հանդերձի : () Ի ամանք 'ի նոցանէ խոտաբուտ ճարակօքն և եթ շատոցան , և ոմանք ճաշակօք միոցոց միայն վարեցան : Սմանք զժայրս ծառոցն և զարմատս խոտոց միայն ուտէին . ոմանք սակաւ ինչ ընդովք ժուժկակէին . ոմանք երեք նուկի հացիւ ժամէ 'ի ժամ . ոմանք զբորբոք մասն նկանակի , և այլք զվեցերորդն . ոմանք զթեփ ցորենոց արարին կերակուր . ոմանք խոզաբուտ՝ եղջերուն միայն զտագնապ քաղցին զաղարեցուցանէին : Սմանք զհազոգութիւնն հոգևոր կերակրոյն աւուրն բաւական համարէին 'ի պէտս մարմնոյն . բայց այլ փափկութիւն ինչ կերակրոց ամենեկին մեռեալ էր 'ի նոցանէ : () Ի ոմանք ժամէ 'ի ժամ ճաշակէին . ամանք յետ երկուց աւուրց . ոմանք յետ երկոց . ոմանք յետ եօթն աւուրք՝ և որ ևս աւելի՝ յիշէին զպէտս կերակրոյն , և զայն կշռով ճաշակէին , և ջուր չափով ըմպէին , և անդադար հեծութեամբ յազօթս և 'ի պաշտօնն պարսպէին , և զգիշերն ամենայն յարտասուս և յողբս անցուցանէին , և աղերսալի մաղթանօք և հատաչանօք զանձ հաշտեցուցանէին : Սմանք զլարիւք անկեալ ննջէին . ոմանք ոտանաւոր տքնութեամբ զգիշերն անցուցանէին .

ովմանք սակաւ ինչ նստելով . ովմանք մինչև ցառաւօտն զձեռս 'ի վեր ամբարձեալ ունէին . ովմանք զպարանոցն խոնարհեցուցեալ մինչև 'ի լուսանալն ժուժկալէին . ումանք աղօթս հարիւրաւորս նկարէին : Սմանք անխօսք լինէին , միայն խօսէին զսաղմոսս . ովմանք առանց հարցմանց ուրուք ոչ բարբառէին . ովմանք ընտրութեամբ յօգուտ ընկերին միայն խօսէին , և մշտաջան վաստակօք և պազատանօք զօրն անցուցանէին , և վասն հոգեւոր ինչ խրատու 'ի տար աշխարհս անցանէին , և զԹՅաւման իբրև գգարեկամս սիրէին , և խոնարհութեամբ զընկերն լաւ քան զանձինս համարէին , և վասն հնազանդութեան 'ի հօր ևս մատնէին , և 'ի գազանս դիմէին , և զանձինս 'ի ծառայութիւն ընկերին մատուցանէին , և յարդար վաստակոց զանկն և զտնանկն և զհիւանդն կերակրէին : Չափօք զմարմինս իւրեանց վարէին , և ասնձս խորհրդոց արկանէին . և այնպէս զանազան և բազում նեղութեամբ զպնդութիւն պահոցն յօրինէին : Օ ի այս ամենայն է դուռն նեղ և անձուկ ճանապարհ՝ որ տանի 'ի կեանսն յաւիտենից . որով և բազում նշանս և սքանչելիս առնէին , զդևս հանէին , ըզհիւանդս բժշկէին , զմեռեալս յարուցանէին , 'ի վերայ ջուրք գնային , և զքնթացս արեգականն դադարեցուցաւ նէին ուղիղ պահոցն մնքրութեամբ . և քան զայս և ասաւել ևս զօրութիւն գործէին պահոցն պնդութիւնք : Օ ի սուրբքն առաջինք յորժամ կամէին մերձենալ առ աստ , յառաջ պահօքն մնքրէին , և ապա առ մնքուրն մերձենային և աստատեաք լինէին . իսկ որք հեռացան 'ի պահոցն , հեռացան 'ի շնորհայն անյ , և բազում չարեօք չարչարեցան : Ի՛հա ի՛քամ հեռացաւ 'ի պահոցն պնդութենէ , և ել 'ի գրախտէն յերկիր փշաբեր : Նշանօք նոյազան ազգին հեռացան 'ի պահոցն պնդութենէ , և համալուսն ջրհեղեղաւն սատակեցան և հեղձան : Սողովուրդն երբայեցւոց հեռացան 'ի պահոցն պնդութենէ , և ընտիր ընտիրքն սատակեցան : Ինակիւքն սօգումայեցւոցն հեռացան 'ի պահոցն , և հրացան անձրևք կայծականց տեղեաց 'ի նոսա : Իչ ամենայն որք արհամարհեցին զպահս , արհամարհեցան յայ , և յորումութենէ նորս հեռացան :

Ինայց պահօքն պարտին լինել ընտրողական գիտու-

Թեամբ . քանզի կորուսանէ սատանայ զպահողսն և զպահս պահողին՝ եթէ զանպարկեշտադոյնսն բամբաւ սիցէ , և կամ զինքն գեր 'ի վերոյ այլոցն ցուցանիցէ , և կամ պիղծ զկերակուրսն համարեսցի . և կամ եթէ կեղծաւորութեամբ պահիցէ , որպէս եթէ ինքն յաչս այլոցն ծածկեսցէ զպահոցն պնդութիւնս՝ զի մի մնապարծ և կեղծաւոր երևեսցի , բայց կամի թէ յայլոցն հռչակէր ժուժկայութիւն նորա . և եթէ ոչ որ ի մասցի , ապա և ինքն կամի կարծրացուցանել ընդ պատրուակաւ զպահոցն պնդութիւն , զի իմասցին և զարմասցին ընդ համբերութիւն նորա : Օ ի այսպիսի պահքն ոչ սրբեն և արդարացուցանեն , այլ պղծեն և կորուսանեն : Բայց եթէ կերակրովք իսկ պարկեշտանայցէ , և այլովք անդամօքն ոչ պահիցէ , 'ի զուր և ընդվայր ջանայ : Եւ զոր ասեմս . եթէ զլեզուն ոչ պարկեշտացուցանիցէ , և ական և ունկան և խորհրոց և մտաց ոչ զգուշանայցէ , և սխուժիւն ընդ ընկերին պահիցէ , և ատելութիւն ընդ եղբօրն ունիցի , և կամ սէր կեղծաւորութեամբ ումեք ցուցանիցէ , և կամ խոնարհութեամբ ընկերին ոչ ծառայիցէ , և պատուի և իշխանութեան ցանկանայցէ , և զանձն 'ի պահս կարծիցէ , յոյժ ափշութեան իցէ այնպիսին 'ի սատանայական խորհրոց : Օ ի այն ոչ են պահք խոնարհութեան , այլ խաբէութեան և կեղծաւորութեան , զբաժան և անվատակ՝ որ 'ի հուր այրի , և 'ի ջուր աղայ հանապազ . զոր ցեցն ապականեաց , և գողք հատին և տարան , և ոչ ինչ օգտեցաւ յայնպիսի պահոց մրցանաց , այլ յոյժ պատժի և պատուհասի : Բանզի աստ կեղծաւորական պահօքն պատժի , և անդ յարդար դատաստանէն դատապարտեալ 'ի հուր հնոցացն չարչարի , և քան զորկորեայսն և զարբեցողսն առաւել ևս պարտաւորի . զի զամենագէտսն ամենգէտ համարեցաւ չարաչար կրօնիցն կեղծաւորութեամբ :

Եւ եւս ոմանք որ յորժամ կամին մտանել 'ի պահս , փութան 'ի լուանալ և յօժանել , և խճողեն զպորտ և զորովայնս , և բազում որկորստութեամբ և արբեցութեամբ շուայտանան , ապա մտանեն 'ի պահոցն այլնդութիւնս : Եւ արդ զինչ կոչեսցուք զայնպիսին , պահոց եթէ արբեցողս , պարկեշտս եթէ սրկորեայս ,

Ճգնաւորս եթէ զեղխեցեալս . զի անհնար է պղծութեամբ սրբութիւն գտանել, և մեղօք յարդարութիւն ելանել . և ոչ որ պոռնկութեամբ կուսութիւն ստանայ, և ոչ զեղխութեամբ և արբեցութեամբ զսրբութիւն պահոց ընդունել : Օ ի անհնար է այսմ լինել՝ եթէ նախ պոռնկիմ, ապա կուսանամ . և կամ զեղխիմ և շուայտիմ արբեցութեամբ, և ապա մտանեմ ՚ի սրբութիւնս պահոցն . զի անմարտ է պոռնկին կուսանալ, զեղխելոյն արբեցութեամբ՝ պահող և ճգնող : Օ ի կուսանն կուսութեամբ ստանայ զկուսութեանն պսակ, և ոչ պոռնկութեամբ . և պահողն ժուժկալութեամբ ընդունի զվարձս պահոցն, և ոչ արբեցութեամբ, զեղխութեամբ և որկորստութեանն շուայտանօք :

Եւ են ոմանք որ զպահս քառասորդաց ապաղասան են, զկէս ինչ ՚ի շաբաթուցն կարևոր անուանեն, և պնդին և ճգնին սրբութեամբ, և զայլն ապաղասանուանեն, և թուլացուցանեն զպնդութիւն պահոցն, և անակնունելի իմն ճաշակեն ՚ի փափուկ կերակրոց, և որկորստութեամբ զսուրբ և զերևելի պահս քառասներորդացն լուծանեն : Օ ի զայս կարևոր պահս քառասներորդաց և որդին նյ վասն մեր պահեաց ՚ի մեր օրինակի . և անդ ոչ անուանէր ապաղաս : Օ նոյն քառասունս և Ս ովսէս ՚ի լերինն պահեաց . և անդ ոչ անուանէր ապաղաս : Օ նոյն քառասունս յանապատին պահեաց ՚ի լերինն Եղիաս . և անդ ոչ անուանեաց ապաղաս : Օ նոյն քառասունս և մեք մերով տկարութեամբս օր ըստ օրէ պահօք կատարեմք . և ոչ վայել է մեզ քառասնօրեայ պահոցն անուանել ապաղաս, և լուծանել զսուրբ պահոցն պնդութիւնն . զի ՚ի սկսանիլ պահոցն մինչև ցկատարումն նորուն՝ պահք են ՚ի փափուկութենէ, եթէ կամիցիս ճգնել և պահել . ապա եթէ որկորստութեամբ լուծանել կամիցիս, ոչ եթէ զթեթև ապաղասս լուծեր, այլ պահս կարևորս : Օ ի ապաղաս ՚ի ծուլից և յանկատարից անուանի, և ոչ ՚ի պարկեշտից և ՚ի պահողաց :

Եւ պահք ոչ եթէ ՚ի կերակրոցն միայն անուանի, այլ և կարճել յամենայն մեղաց . զի պահք են և լուծիւնք բերանոյ, և ոչ առանց հարկի և հարցանելոյ օրուք խօսել : Պահք են և անընչութիւն և աղքատու-

Թիւնք, և ոչ զաւելորդացն հոգալ . այլ զպէտտ աւուրն որոնել, և զնոյն խնդրել յայ : Պահք են և 'ի տեղւոն նստել ցածութեամբ, և ոչ վայրապար ուրուք շրջել ցոփութեամբ 'ի զբօսանս և 'ի զօշաբաղութիւնս : Պահք են և զրդուաղելն և զձձելն առանց լուանալոյ և օծանելոյ . պահք են և խարազն ինչ հանդերձիւք զպէտտ մերկութեան և ցրտոյն միայն վճարել : Պահք են և ցածուցանել զաչս յարատութենէ, և զլեւիւնս յանգէպ լսելոյ, և զսիրան 'ի պիղծ խորհրոց : Պահք են չհանգանակելն պատուի և իշխանութե, չբարկանալն, չազաղակելն, չնախանձելն, չխնդրել վրէժ անձինն, և ոչ ջանալ զանձն առ ընկերին արգարացուցանել : Պահք են չազահելն, և չմարդահաձոյնանալն, և ոչ հանդերձիւք ինչ սնտարծել : Պահք են խոնարհութիւն և հնազանդութիւն, և սուրբ սրտիւ զամենայն զք սիրել : Պահք են և յորժամ զպէտտ քնոյ բնութեն և եթ վճարիցէ, և քուն ցանկութեան ոչ ունիցի . այլ զստաջինն միայն, և սպա յարուցեալ գործիցէ և կամ աղօթիցէ :

Եւ արդ այս ամենայն են պահք ճշմարիտք, և առաւել թան զկերակրոցն կարճումն . և զայս և որ սոցին նման են՝ պարտ է կարճել 'ի ժամ պահոցն, և ապա լինի ընդունելի և կերակրոցն կարճումն : Եւ կերակրոցն կարճումն ոչ միապէս, այլ ըստ իւրաքանչիւր կարողութեան . ոմանք միօրէ . ոմանք երկպահք . ոմանք երեքօրեայ, և ոմանք եօթներորդ պարկեշտութեամբ կատարեն ըստ իւրաքանչիւր անձանց զօրութե : Ոմանք լոկով բանջարով, ոմանք ընդով միայն շատապան . ոմանք սակաւ ինչ հացիւ, ոմանք յորվագունգ, և զանպաձոյձ թանկին և ս յաւելուն . և ոմանք գինեհատք միայն, և ոմանք թանահատք, այլ և ոմանք հացահատք լինին, և զխափուկ ինչ կերակուրս և զհամահամ բացէ 'ի բաց հալածեն և ուրանան . բայց միով ինչ կերակրոջն և օգեպահոյն և եթ շատանան, որ միայն զկենդանութիւնն պահէ, և ոչ 'ի մարմինն և 'ի յարիւնս յաւելու որ ըզցանկութիւն տխտիցն յուզեն . և զայն սակաւ ուտել, սակաւ ընկել, սակաւ 'ի քուն լինել, և աղօթք անդազար : Եւ պարտ է մանաւանդ յաւուրս պահոցն զք յորովայնէդ արգելուս, աղքատաց ընձեռել զայն, զի

դու քաղցիցես, և քաղցեալն յագեսցի, և մեղք քո քաւեսցի: Եւս են պահք սուրբք և անձակամք, և տօքօք լինին ընդունելի ամենայն վշտամբերութեանցն ճգնութիւնք, որ բժշկեն զվիրաւորեալս մեղօք, փրկեն զգերեալսն ՚ի սատանայէ, կանգնեն զկործանեալսն անօրէնութեամբք, յարուցանեն զհիւանդացեալսն ամբարշտութիւնք, սրբեն զաղտեղեալսն պղծութեամբք, լուսաւորեն զխաւարեալսն մոլորութեամբք, և մնքրեն և արդարացուցանեն զպահողսն յամենայն յանցանաց, և կացուցանեն մեծապայծառ լուսով առաջի ահաւորի և լուսաւոր բեմբին ան. և ընդ նմին ժառանգեն զանց բարութեանցն զվայելութիւնսն ՚ի Վրիտոս Յիսուս ՚ի տէր մեր. որում փառք յաւիտեանս:



ՎԱՄՆ ԸՆԴՈՒՆԵԼԻ ԵՒ ԱՆԸՆԴՈՒՆԵԼԻ ԱՂՐԹԻՑ

Ամփոփեալ զմիտս մեր իմաստուք զբանս ճառիս, և երևելեալս զաներևոյթն ծանիցուք, և գիտասցուք թէ որպիսի դողումն և ահեղ արհաւիրք են յանցաւորացն յորժամ առաջի դատաւորին կայցեն ամօթով մեղացն. զիարդ վատնին և այլագունին դէմք նոցա. զիարդ սոսկան և սարսափեն. և զի զգողիւ հարկանին երկիւղիւ յահեղ դիմաց դատաւորին, և զխակորեալք և ակն'ի խոնարհ լեզուակապք կան առաջի: Եւ եթէ աղաչել և մաղթել ինչ յանդգնիցին, երկիւղիւ սրտիւ, և անհամարձակ լեզուաւ հիւանդաձայնս բարբառին. և բազում աղերսանօք ցաւագին պաղատանս մատուցանեն. արտասուեն, աղաչեն, մաղթեն, զի'ի գուժ և յողորմ զգատաւորն ածիցեն՝ ապրել յանցանաց պատուհասից. ոչ այլ ուրեք զբօսանին միտք նոցա, և ոչ այլուր աչք նոցա, և այլուր լսելիք: Եւ յորժամ դատաւորն առ նոսա բարբառի, ոչ իշխեն զերեսս դարձուցանել, կամ խօսել ընդ ումեք'ի ծառայակցացն, այլ միայն'ի դատաւորն նային բազում պատկառանօք աղաչել և հայցել զյանցաւոր տանջանացն զթողութիւն: Եւսկ որչափ ևս առաւել կարի կարևոր է մեզ բազում պատկառանօք կալ առաջի ահաւորի մեծի դատաւորին, ահեղ ահիւ և սոսկալի դողութեամբ մտանել և կալ յանդիման երեսացն նայ, և ցաւագին ողբովք և յորդահոս արտասուօք ժտել և խնդրել զթողութիւն: Եւ այլուր զմիտս, և այլուր զիտորհուրդսն պարտիմք առաքել. այլուր զլսելիս, և այլուր զտեսանելիս յածեցուցանել, յորժամ վասն յանցանացն մեղաց կամիցի ոք աղաչել և մաղթել յնայ. զի հեծեծանօք և հառաչանօք զտէրն հաշտեցուսցուք, և'ի գուժ պաղատանաց խոնարհեսցուք. որով զմեղս մեր քաւեսցէ, և զանօրէնութիւնս մեր սրբ

բէսցէ , և փրկեցցէ յահէտիցն տանջանաց և յաւիտենական ամօթոյն 'ի ձեռն աղօթիցն մաղթանաց և գթագին սրտին ջերմութեան : Վրանդի բազումք բազում բարութիւնս 'ի ձեռն աղօթիցն ընկալան և եղէն հաճոյք նոյ , որով գտին մեղաց թողութիւն և ոգւոց փրկութիւն . և մանաւանդ որք հանդերձ արտասուօք և գթով տնանկաց աղօթեցին , ոչ եթէ միայն զմեղաց թողութիւն գտանեն , այլ և զինպիս մարմնոց ընդունին , և զերկնից բարութիւնսն : () 'ի ձեռք են աղօթք աղօթականին , և բուռն հարեալ ունի զստիցն նոյ , և վաղվաղակի խոնարհեցուցանեն յաղաչանս մաղթողին . քանզի յոյժ կամի և ախորժէ անձ զժտել աղաչողին .

“ Խնդրեցէք և տացի ձեզ , հայցեցէք և գտջիք ” :

Եւ արդ պարտ է ամենայն ծանրացելոց մեղօք և նեղելոցն վշտօք և վտանգելոցն 'ի թշնամեաց և աշխատելոցն ցաւօք միշտ աղաչել և ժտել և խնդրել հանապաղ անդադար 'ի ձեռն աղօթից և պաղատանաց . զի որք միամիտ մտօք և աննենգ հաւատովք աղօթեն առ անձ , և խնդրեն զբարին , ընդունին զինդիրս ամենայն , որպէս ընկալան հարքն մեր առաջինք : Իսկ եթէ ասիցէ որ՝ եթէ խնդրեցի և ոչ առի , աղօթեցի և ոչ ընկալայ , չև ևս ժտութեամբ խնդրեցեր , որպէս կինն այրի յանիրաւ դատաւորէն , և իբրև զբարեկամն որ 'ի մէջ պիտրին հայցէր զնկանակացն խնդիրն . զոր ոչ վասն բարեկամութեանն , այլ վասն ժտութեանն ընկալաւ . նոյնպէս և Իննա ցաւագին անձամբ արտասուօքն և աղօթիցն ժտութեամբն ընկալաւ զՍամուէլ . սոյնպէս և ժողովուրդն 'ի հովիտս տրամութեան լային առ անձ , և վասն ջերմագութ աղօթիցն և պաղատանացն յարոյց նոցա զՎեդէոնն , և փրկեաց զԽորայել . և վասն արտասուագին աղօթիցն Եզեկիայի այլ ևս հնգետասան ամ յաւելաւ 'ի կեանսն : Եւ դու եթէ այսպիսի արտասուօք և բողբով սրտիւ աղօթես առ անձ և ոչ երկմտիցես , ընդունի զինդրուածս քո :

Սէ ինչ պիտոյ յօղումն բազում բանից աղօթակաւնին . մարսաւորն մի բարբառ արձակեաց , և ընդունելի եղէն աղօթք նորա , և զբազմաքանքար բեռնիս մեղացն թեթեւացոյց . և Սովսէս անշունչ բերանով իսկ աղաղակէր , և զԾովն յատակաբար բարժանէր : Եւ դու

եթէ բոլորով սրտիւ մաղթես՝ զծով մեղաց միայն ցամաքեցուցանես, և զալիս բարկութեանն դադարեցուցանես : Օ ի չառնուլն յայն ՚ի չժտութենէ է, և ՚ի չաղաչելոյ բոլորով սրտիւ, և կամ եթէ վնասակարագոյն ինչ խնդրիցէք, իսկ եթէ անդադար աղօթիւք զօգտակարն հոգւոց խնդրիցէք, անհնար է չառնուլ յայ : Բհա աղօթք Ադրիայի զերկինս փակեցին և բացին . աղօթքն Վաւթի զսուր հրեշտակին դադարեցուցին . աղօթքն Յունանու զնա ՚ի փորոյ կիտին հանին կենդանի . աղօթք քանանացւոյն զըւնն ՚ի դստերէն հալածեցին . աղօթք զպոռնիկս սրբեցին, զհիւանդս բժշկեցին, զբորոտս մաքրեցին, զկոյրս լուսաւորեցին, զմեղաւորս արդարացուցին :

Աւ արդ այս ամենայն օրինակք ընդունելի աղօթից առաջի կան . որում եթէ կամիս՝ կարող ես նմանել, և հանել զքեզ ՚ի բանտէն մեղաց, և ՚ի սատանայական կապանացն արձակիլ : Սիայն արտասուալից պաղատանօք աղօթես առ անձ, և յախտից ամբարշտութեանն թեթեւացիս, զցաւս անօրէնութեանն առողջացուցանես, և զհիւանդութիւն յանցանացն բժշկես : Սիայն բոլորով սրտիւ աղօթես առ անձ, և յորոգայթից սատանայի ապրիս, ՚ի չարաժանի վիշապէն փրկիս, և ՚ի թիւնաւոր թշնամոյն ապրիս ողջանդամ : Սիայն անդադար աղօթիւք ժտես առ անձ, և զխաւար մոլորութեանն լուսաւորէ . զաղտեղութիւն պղծութեանն մեղաց և զտիղմ ցանկութեանն ցամաքեցուցանէ : Օ ի յորժամ աններկ հաւատով յամենայն սրտէ աղօթես առ անձ, ընդունիս մեղաց թողութիւն և յանցանաց քաւութիւն . ընդունիս զերկնից զարբայութիւնն և զանբաւ բարութիւնն . ընդունիս մարմնոց առողջութիւն և հոգւոց փրկութիւն . ընդունիս աւուրս բարիս և կեանս խաղաղական յամենայն զրպարտողաց : Այլ և զալիս բարկութեան բռնաւորաց աղօթքն դադարեցուցանեն . զցատումն սրտմտութեանն այ դարձուցանեն . աղօթք զազբատս մեծացուցանեն, և զտկարս զօրացուցանեն . աղօթք զհիւանդացեալսն բժշկեն, և զախտս մոլեկանս հալածեն . աղօթք զամուլն ծննդական առնեն, զանորդին բազմորդի . ՚ի ծփանաց ծովու զերծուցանեն, ՚ի յորձանաց զետոց ապրեցուցանեն,

զքաղցեալս կերակրեն , զմերկս զգեցուցանեն , զմահս տարածանս արգելուն , զամենայն խնդրուածս հաւատով ժտողացն լցուցանեն :

Եւս է զօրութիւն ճշմարիտ ազօթից որ կամին մերձենալ առ նա . այս է պատարագ բանաւոր անարիւն . զի իւրաքանչիւր ուրուք ազօթքն են պատարագ նոյ . և եթէ ոչ հաճեսցիս սիրով ընդ ընկերին , ազօթքն քո ոչ են ընդունելի պատարագ , զի առ ան ոչ ելանէ . զի որ քէն ընդ ընկերին ունիցի , անհնար է ազօթից նորա ելանել առ ան . իսկ եթէ սիրով սրտիւ ազօթեաց նա առ նա , մինչ չե քո աղաղակեալ իցէ , ասացից՝ Թէ ահա հասեալ եմ : Օ ի ազօթք անարատք արտասուօք և ողորմութեամբ ընդ ազօթելն ազօթականին բանան գրունք երկնից և ՚ի լեկիս նոյ ելանեն . և եթէ միայն անթերանալի կարդայցեն առ նա :

Եւ զայս ամենայն գիտենալով սատանայի՝ Թէ մեծառեծ զօրութիւնք և անբաւ բարութիւնք յազօթիցն գործին , երթեալ մերձենայ առ այն՝ որ ազօթելն կամիցի . և նախ առաջի ՚ի մահիճանս պատերազմիցի ընդ նան , զանկողինսն հեշտացուցանելով , զբունն քաղցրացուցանելով , զմարմինն ծանրացուցանելով . այսր այնր յեղիցեալ , և քոչքոտեցուցանէ : Եւ ուր ուրեմն յարուցեալ զնայ յեկեղեցին բեկբեկելով , և մտեալ ՚ի ներքս՝ լինի յանդիման նոյ . և անդ ևս զմտանս պատրուակէ սատանայ առ ՚ի չիլիել զբազմութիւն յանցանաց իւրոց . և ոչ իմանայ եթէ նոյ կայ առաջի . ոչ զօրհնութիւնն լսէ , և ոչ զհառաքանութիւնն իմանայ , և ոչ ՚ի սիրտս նորա մտանեն ընթերցուածոցն վարդապետութիւնք : Ոչ հեծէ և ոչ հառաչէ զմեղացն անօրէնութիւնն . ոչ լայ և ոչ ողբայ զհոգւոյն փրաւորութիւնն . ոչ աղաչէ և ոչ մաղթէ յնոյ , և ոչ արտասուելից պաղատանօք զտէրն հաշտեցուցանէ . ոչ խոստովանեալ զքարեացն զբազմութիւնս , և յայտնելով զծածկեալ մթերս անօրէնութեան , զի ապրեցի յահեղ տանջանացն , և յաննշոյլ խաւարէն : Եւ փոխանակ լորոյ և պաղատանաց բազում աներկիւղութեամբ և արհամարհանօք կամք առաջի նոյ . և ոչ պատկառանօք ահիւ և գողութեամբ իբրև զպատապարտեալս առաջի դատաւորացն , և կամ իբրև զճառայս մեղու-

ցեալ՝ որք առ ոտս տերանց աղաչիցեն , և բազում երկիւղիւ և պաղատանօք աղաչիցեն և պաղատիցին : Այս ոչ հեծեծանօք և հառաչանօք և ողորմագին ողբովք արտասուեմք իբրև զմահապարտսն՝ զոր ձգեալ տանիցին ՚ի տեղի չարչարանաց . և ոչ խորզով և մոխրով և մեծաւ սգով անկանիցիմք առաջի ւնյ , զի փրկեսցէ զմեզ ՚ի բորբոքեալ գեհենոյն և ՚ի սաստիկ տանջանացն , յորդանցն չարաթիւնից և յաննշոյլ խաւարէն :

Այս արդ ոչ ահիւ և խանդաղաթագին մաղթանօք կամք առաջի ւնյ՝ աղաչել և մաղթել զվիրացն բժշկութիւն . այլ ՚ի ժամ աղօթիցն և պաղատանացն և թաղութիւն մեղացն խնդրելով՝ լուանամք և օծանիմք և զհանդերձսն պաճուճեմք , որպէս թէ ՚ի բողանոցս կազմիցիմք , կամ ՚ի թատերս խաղուց . և մտեալ յեկեղեցին մնափառ պերճանօք և մոլեկան հպարտանօք կանայք բողից կերպարանօք կան առաջի ւնյ , և արք բողահոմանեաց , և ցոփոգի մեղկութեամբն իգանան պիղծ ցանկութեամբն , և յափրացեալ վաւառտին նման ածից քաղաց և ձիոց մատակախաղից . և անդէն իսկ յեկեղեցւոյն և յանդիման սրբութեանցն գործեն զպրզծութիւնս և զպոռնկութիւնս և զշնութիւնս կատարեն . թէպէտ և մարմնով ոչ գործեն , սակայն մտօք ըզնոյն կատարեն ակնարկելովն և յարատ հայեցուածովքն և կնձաձայն բարբառովն , որպէս և տէրն իսկ ասէ՝ թէ որ ցանկութեամբ նայի , շնացող է կատարեալ : Արք արժանի են փայլատականց և կայծականց և շանթից հրոյ ՚ի վերուստ իջանելոյ , և այրելոյ և սատակելոյ զնոսա անդէն . և յետ այնորիկ յախտենական հրոյն , ահեղ խաւարի և աններելի տանջանացն . փոխանակ զի ՚ի ժամ աղօթիցն ցանկութիւնս պղծութեանցն ՚ի սիրտ արկանիցէ :

Օ ի եկիր , ուլ թշուառական , հեծել և պաղատել առ ւեճ , արտասուս արկանել և ողբալ մաղթանօք , հայցել հառաչել և խնդրել թողութիւն , և արդ այդ են կերպարանք խնդրուածոց , պաճուճելք և օծանելք և լուանալք ՚ի տեսս տեսողաց . այդ են կերպարանք հայցելոյ և թողութիւն մեղաց խնդրելոյ , սյրատանալք և շողմոգելք և պիղծ ցանկութեամբ ակնարկելք . այդ են կերպարանք ՚ի վերայ չարեաց քոց զտէրն հաշտեցուցա-

նելոյ՝ ախտիւ ցանկութեամբ զննել զգեղոյ և զՏասակդ բողահոմանեաց : Օքեզ ինքնին սատանայացուցանես , և ՚ի սատանայե ապրել աղաչես . դու կամօք դիւահարիս , և խնդրես փրկիլ ՚ի դիւաց : Օխարդ կարես հեծել առաջի ւնյ այդպիսի կերպարանօք , և կամ՝ որպէս հառաչել այդպիսի խորհրդովք . այլ և իշխեցեր ևս առաջի ւնյ զազրարի մտօք և սատանայական կերպարանօք մտանել և առնել պրոնկոց զեկեղեցի ւնյ . և ոչ սոսկաս և դողաս ՚ի սրբոյն սրբութեանց և յահեղ դիմանց ւնյ : Ոչ գիտես եթէ սրտագէտն քննէ զխորհուրդս քո և գիտէ զամենայն . ոչ լուար եթէ մտածութեանց է դատումն , և յարատ աչաց պահանջումն :

Եւ արդ եկ ՚ի քեզ , և զկեղծաւորական զխարեութիւն մտաց և պաճուճանաց ընկես ՚ի քէն . ապա մուտ առաջի ւնյ և լսեայ : Ո՛հ հասպարտքն յորժամ մտանեն առաջի թագաւորաց՝ չառնեն ինչ պաճուճանս , այլ մաղթանս և պաղատանս . վիրաւորք յորժամ ՚ի բժշկանոցս մտանեն , չեն պէտք այլ և այլ խորհրդոց , բայց միայն դեղ վիրին որոնել , և զցաւսն բժշկել : Այնպէս և վիրաւորին մեղօք և ցաւագնելոյն անօրէնութեամբք չեն ինչ պէտք պաճուճանաց և պիղծ խորհրդոց յորժամ յեկեղեցին մտանէ , և ոչ օճանելոյ և հերսն հիւսելոյ ՚ի ժամ աղօթիցն պաղատելոյ առաջի ւնյ . այլ զմարմինն նեղել , և զխորհուրդն մաքրել . և գձուձ ձևով , բեկեալ սրտիւ , խոնարհ անձամբ մտանել կալ առաջի ւնյ , և բազում պաղատանօք ողբալ և լալ դառնապէս . աղաչել և մաղթել անդադար հեծութեամբ . զկուրծս բախել , զձեռս տարածել , զարտասուս հոսեցուցանել , զչարիսն խոստովանել նեղեալ սրտիւ , անհամարձակ լեզուաւ , ամօթալից երեսօք , ողբալի ձայնիւ , և խանդաղատելի բարբառով հաշտեցուցանել զիւժ , և առնուլ թողութիւն մեղաց :

Եւ յս են կերպարանք աղօթից և խնդրուածոց՝ յոր տէրն խոնարհի և լսէ . որով զյանցանսն շնորհէ , և զանօրէնութիւնսն քաւէ . որով մաքրիմք և սրբիմք ՚ի չար ախտից պղծութեանց և ՚ի սատանայական խորհրդոց . որով ընդունիմք զարքայութիւնն և զանմահ կենացն զփափկութիւնս : Իսկ մեր զայս ամենայն յիշելով բազում արհամարհանօք մտանեմք առ իւժ , և կամք ընդ

սատանայի՝ որ շփոթեալ խառնակէ զմիտս մեր ազգի ազգի մտածութեամբ, և ցրուեալ հոսէ զխորհուրդս մեր ՚ի հոգս և ՚ի զբօսանս աշխարհիս . և գերեալք յօգնութենէ աղօթիցն շահից՝ գրաւիմք ՚ի չար խորհուրդս չարին . ՚ի ներքս ծուներ խոնարհեցուցեալ յաղօթմն, և միտքն արտաքոյ բազում բանդագուշանօք յածեալ շրջին : Վանդի յաղօթմն խորհիմք զհոգս տանց և զանդաստանացն . յաղօթմն համարեմք զարդիւնս անդոցն և զպտուղս այգեացն, եթէ քանի կապի՞՜հ՝ հաց լինիցի իմ՝ և կամ քանի մար գինի . և զխաչինսն և զանդեայնս յաղօթմն ածեմք զմտաւ . եթէ քանի արջառ իցէ, կամ քանի ոչխար . անդէն և զգործն և զվարձս վարձկանացն յիշեմք, թէ վայ որ ելանէ այս ՚ի տանէ իմնէ : Եւ զգատաստանս ևս զընկերին յիշեմք յաղօթմն, և անդէն դատիմք առաջի նոյն . և մինչ դեռ յաղօթմն կայցեմք, տակաւին խորհիմք ևս ամբաստանութիւն զեղբօրէն . և չև յեկեղեցւոյն արձակեալ՝ անդէն սկսանիմք ամբաստանել զոսոխէն, և որպէս լեղեաւ զբաղջրութիւն աղօթիցն դառնացուցանեմք : Եւ այնպէս յափշտակէ զմիտս մեր ստտանայ, մինչև զխորհուրդս ևս աղտեղիս յաղօթմն յիշեցուցանէ . և զվաշխս փոխոցն և տոկոսեացն յաղօթմն համարեմք . յաղօթմն յիշեմք զնախանձն և զթնամանս ընկերին : Եւ ոչ միայն այսպիսի չար խորհրդովք դատապարտիմք, այլ ընդվայրած լեզուօք և շատխօսութեամբ փնասեալ յաղօթմն վիրաւորիմք . զի բազմաց ոգւոցն փնասեմք, զորօց զմիտն գերեմք, և մերժեալ հանեմք յաղօթիցն և ՚ի փառատրութենէն . գարձուցանեմք ՚ի խօսս խաւարինս և ՚ի խորխորատս կորստեան իջուցանեմք : Եւ այս ամենայն չիցէ՞ ահեղ բարկութեանցն արժանի և բորբոքեալ բոցոյն գեհնոց, բազում տանջանաց և աննշոյլ խաւարին . որ այսչափ անօրինիմք առաջի նոյն, և պատուհասեալք դատապարտութեամբ ելանեմք յաղօթիցն . և ոչ իբրև զաղօթականս պատուիմք, այլ իբրև զհայհոյիս և զարհամարհողս պարտաւորիմք և պատժիմք :

Իսկ եթէ յաղօթմն և ՚ի բարեգործեին մեղանչեմք, որչափ ևս ՚ի չար գործեին պարտաւորիմք . որ ՚ի ներքս ՚ի նաւահանգստիս ընկղմիմք ՚ի խորս չարեաց, զնչ

գործեսցուք յորժամ արտաքս ելեալ 'ի ծով մեղացն մասնիցեմք , 'ի հրապարակա , 'ի վաճառս , յերդմունս , 'ի հայհոյութիւնս , 'ի գրկանս , 'ի սնափասութիւնս , 'ի բանաստանս , 'ի նախանձ , 'ի բարկութիւնս , 'ի զօշաքաղութիւնս , յարբեցութիւնս , յորկորստութիւնս , 'ի հոգարտութիւնս , 'ի յամենայն ախտից բազմութիւնս . որ առաւել քան զծովածուփ ալէկոծութիւնս հեղձուցեալ ընկղմէ , և խորասուզեալ սատակէ բազմահոյլ յանցանգք : Եւ արդ իւ կամ որո՞վ մարթասցուք ապրել յանթիւ և 'ի չարաչար գործոց մերոց և 'ի բազում հնարից սատանայի . որ ոչ միայն դառն չարեօքն չարչարէ և սպանանէ , այլ հնարի և զբաղցրութիւն սուրբ աղօթիցն դարձուցանել 'ի դժնդակ լեղւոյն դառնութի . չկարեմք և ոչ այլ իւրիք զերծանել 'ի չար իժէն և 'ի դառն քարբէն , բայց եթէ հանապազ պատրաստիցիմք 'ի մեքենայից սատանայի , և զգուշանայցեմք յանեռկութ նետից նորա :

Եւ եթէ զօրն վախճանին մերոյ միշտ զմտաւ ածիցեմք երկիրդիւ վտանգին այնորիկ , կարող եմք ապրել յորժամ զոգիսն աններելի տագնապոյն 'ի մարմնոյն 'ի բաց պահանջիցիմք , և բռնավարեալ տանիցի խաւարային միգոյն մթապատեալ . և ցանկ զսոսկալի մեծի բեմբին զարհաւիրսն յիշեմք , և զահագին օր դատաստանին . եթէ յարաժամ զամօթն զայն հոգայցեմք որ լինելոց է առաջի տիեզերական հրապարակին , զբազմութիւն տանջանացն , զդառնութիւն որդանցն թիւնաւորաց , զօշափելի խաւարն աղջամղջին , զժահահոտ տարտարոսաց զխորութիւնսն , զբորբոքումն կայծականց հրոյ գեհենին , զգոչումն բարձրաձայն հնոցացն , զարհաւիրս յորդահոս գետոցն հրեղինաց , զհանապազորդ այրումն և զխորովումն մեղաւորաց , և զանհնարին կրակիծս աղէտիցն և ցաւոցն :

Եթէ զայս ամենայն միշտ զմտաւ ածիցես , կարող ես զերծանել յորդայութից սատանայի . կարող ես երկիրդիւ կալ յանդիման երեսացն ւնյ . կարող ես սուրբ աղօթս մատուցանել . կարող ես սգալ , լալ և ողբալ դառնապէս . կարող ես և զգէմն դատաւորին քաղցրացանել , յողորմ և 'ի գութ խոնարհեցուցանել , և ընդունել թողութիւն մեղաց և քաւութիւն յանցա-

նաց, ժառանգութիւն լուսեղէն խորանացն, և զփափազեղի դրախտին փափկութիւնն, և զյաւիտենական ուրախութեանցն զհեշտութիւնսն, զանմահ կենացն ցանկութիւնսն, և զանբաւ բարութեանցն վայելութիւնն ընդ հօր և ընդ որդւոյ և ընդ սուրբ հոգւոյն . որում փառք պատիւ և գոհութիւն յաւիտեանս յաւիտենից ամէն :



ԹՈՒՂԹ՝ ՅԱՂԱԳՍ ՈՂՈՐՄՈՒԹԵԱՆ
ՏՆԱՆԿԱՑ

Մի որ տղայաբար բարուք և անրնտրողական ինչ մտօք ժպրհիցի 'ի մատակարարութիւն բանին նյ . այլ միշտ 'ի միտս լտղացն նայել , և բազում զգուշութեամբ սերմանել զբանն վարդապետութեան 'ի խոպանացեալ լսելիս . և մի յսկզբանն միանգամայն զծանրալուր և ըզ գժուարակիր վարուցն 'ի վերայ ամայելոցն ¹ Հասուցանել : Օ ի որք կամիցին զտրմուղ յաւանակն հնազանդեցուցանել , եթէ զառաջինն բեռինն ծանունս և զըժուարակիրս կախիցեն , կամ ինքեանք բեկանին , կամ զհակս բեռինն բացէ 'ի բաց ընկենուն . այլ թեթևօք ընտանեցուցանեն , և 'ի կատարեալն հասուցանեն : Երջնպէս և հմուտք 'ի մշակաց որք զանդս երկրի գործեն , ոչ վայրապար 'ի խուղանն և յանտառացեալս փրջօք սերմանս պատուականս սերմանիցեն , որ կամ 'ի խուպանէն կորնչի , կամ թուշունք յափշտակեն . այլ նախ զփուշն կտրեն , և զերկիրն կակղեն , և ապա ցանեն ըզ սերմանինն պատուականս և զշահաւէտս : Ըստ նմին օրինակի և որք զբանաւոր անդս գործել կամիցին , պարտ է յառաջ խոստովանութեամբ զփուշ մեղացն խլել , և պահօք և աղօթիւք զխոպանացեալն և զխոտացեալն ² կակղել վասն կուսութեան և անընչութեան և ողորմութեան և մահուչափ չարչարանաց : Օ ի թէպէտ և մահուչափ ծանրագոյն են ընչասիրացն ողորմութեանն հրամանք , այլ առաւել շահաւոր են և օգտակար քան զամենայն վարձուց առաքինութիւնս . և այնչափ 'ի վերէ քան զամենայն ճգնութիւնս պարկեշտութեանց , որ

1 Երկու օր . առկէլոյն : 2 Երկուս նօսր . օրին . պրօսոսեալսն :

պէս թէ չերևել իսկ ամենայն վարձուց առաքինութե
առաւել լուսաւորութեամբ ողորմութեանցն պատգոց :

Եւ զի՞նչ ասացից զայլ առաքինութեանցն, որ և սրբ
բութիւն կուսութեան ՚ի հնումն և ՚ի նորումն է պա
տուեալ . այլ առանց ողորմութեան գտաւ արհամար
հեալ, և արտաքոյ առագաստին արգելաւ : Եւ ոչ եթէ
չարարին ողորմութիւն, այլ սակաւ և ոչ բաւական . զի
՚ի մէջ գիշերին պակասեալ շիջաւ նոցայն : Եւ այսպէս և
որ ունիցին ինչս բազումն, և սուղ ինչ ողորմութիւն
առնիցեն, ոչ կարէ բաւական լինել փրկութեան նոցա .
զի ողորմութիւնն ըստ գոյին է ընդունելի : Եւ ինչս բա
զումն ունին, ՚ի նոցանէ ողորմութիւն բազում պահան
ջէ . և որոյ ինչքն սակաւք են, ընդունելի են և օղոր
մութիւնք սակաւք : Եւ այսպէս և ՚ի նիւթ խորանին պի
տոյ էր ոսկի, պիտոյ էր և մազ . որք ոսկի ունէին և
մազ բերէին, անընդունելի էր և պիտոյ : Իսկ որ անիւնք
էին և մազ միայն մատուցանէին, ընդունելի էր և հա
ճոյ նոյ, և օրհնութիւն ընդունէին : Օ ՚ի ոչ եթէ ՚ի
չափս ընչիցն, այլ ՚ի կամն տալեացն նայի ան . ընդունի
՚ի մեծէն զմեծն իբրև զմեծ . ընդունի և ՚ի սակաւէն
գրասկան իբրև զմեծ . զի որ ունիցի տասն դահեկան,
և դահեկան մի ողորմութիւն ծախիցէ, և ազքաան
տասն լումայ միայն ունիցի, և զմինն ազքատագունին
ևս տացէ, ընդ նմին համարեալ է առաջի նոյ : Եւ յ
չքաւորին առաւել ևս զարմանալի է, զի ՚ի չքաւորու
թեանէն զընչեղեացն չափ ծախեաց : Եւ նոյ այս և Եր
սուս զարմացաւ, յորժամ այրին որ զերկուս լումայն
միայն ունէր և զնոյնս յողորմութիւնս ծախեաց, ասէ
էհիտուս . մեծամեծքն զաւերորդս ընչիցն բերին, բայց
այրին տառապեալ զամենայն ինչս իւր բաշխեաց աղ
քատաց . զի երկու լումայքն միայն էին ինչք նորա : Եւ
արգ այսու խաբէ սատանայ զընչեղն և զմեծատունն
յորժամ ոչ տացին ըստ մեծութեանն, և զողորմու
թիւնս մեծամեծս բաշխեացէ . այլ սուղ ինչ և սակաւ
իբրև գրասկաւորան, կարծեցուցանելով եթէ այն
բաւական իցէ փրկութեան : Իսկ ունանք զամենայն ինչս
բաշխեցին աղքատաց, և զանձինս աղքատացուցին,
քանզի անանց մեծութեանցն փափագեցին . և ունանք
զկէս ընչիցն ետուն տնանկաց, և զհասարակ օգւոյն և
մարմնոյն բարձանեցին իբրև եղբարց :

Իսկ առաջինքն հանէին տասանորդս, տային և պը-
տուգս, մնառցանէին պատարագս, տանէին և զողջա-
կէզս, և տային զվասն մեղացն՝ զանդրանիկս մարդոյ և
անասնոյ, և զառաջաւորս կալոյ և հնձանի և զամե-
նայն պտուղոց: Եւ տօնս բազումն նոյ կատարէին տա-
րեկանս, և շաբաթս և ամսագլուխս նուիրէին հան-
գերձ ընծայիւք. յայսր վերայ և զաղքատս կարօտեալս
լցուցանէին, զանթիւ զորքս և զայրիս կերակրէին, ըզ-
հոյս կուսանացն տեսանէին, զհիւանդս դարմանէին,
զհիւրս ընդունէին, զնեղեալսն մխիթարէին, և զամե-
նայն կարօտութիւնս տկարացն բառնային: Իսկ արդ
եթէ՛ ՚ի թերակատար հնումն ինդրէր անձ զայս ամե-
նայն բարեգործութիւնս արդարութեան, սրչափ առա-
ւել ևս՝ ՚ի նորումն և ՚ի կատարելումն առաւել ևս ար-
դարութիւնս և ողորմութիւնս պահանջիցէ քան զայս
ամենայն. զի՝ « թէ ոչ առաւելուցու արդարութիւն ձեր
քան զգարաց և զփարիսեցւոց, ոչ մտանէք յարքայու-
թիւնն նոյ », Եւս զոր ներեալ թողութեան ունիցիմք,
եթէ ոչ աւելի ողորմութիւնս առնիցեմք քան զթերա-
կատար հնոցն և հրէին ողորմութիւնս մեք քրիստո-
նեայքս որ ՚ի նորոցն և ՚ի կատարելոցս, որ ՚ի Վրիստո-
սէ վարդապետեալքս: Օ ՚ի թէ զհրէին արդարութիւնս
միայն կատարիցեմք, ապա ընդունայն է մեզ զպառօտն
Վրիստոսի, եթէ ոչ առաւել քան զհրեայն առաւե-
լուցումք սրբութեամք, պտուղք և պատարագք, և սի-
րոյն պատուիրանաւն: Վանզի ՚ի նորումն աղքատք և
մեծատունք ամենեքեան մի մարմին եմք ՚ի Վրիստոս,
և անդամք միմեանց: Եթէ ծառայ ես Վրիստոսի և
պահես զպատուիրանս նորա, պարտ է իբրև քոյոյ ան-
դամոյ ինամ ունել ընկերին. զի եթէ վշտանայ ինչ
մի անդամն, ասէ, վշտանան ամենայն անդամք ընդ նմա:
Եւ արդ եթէ գլուխ է Վրիստոս, և մեք մարմին
եմք Վրիստոսի և անդամք յանդամոց նորա, պարտ
է հասարակ անգամոցս համարել զամենայն ինչ Վրիս-
տոսի՝ զոր ես ՚ի ձեռս մեծատանցն, և կացոյց հազա-
րապետս և մատակարարս, զի գիտութեամք մատակա-
րարեսցեն՝ գիտել թէ որում շատ, և որում սակաւ
պիտոյ իցէ. որպէս և առաքելոցն հասարակաց էին ինչք,
և ամենայն հաւատացելոցն իբրև միոյ անձին անդամոյ.

և ոչ դը իշխեր ասել զընչից թէ իւր իցէ . այլ բերէին և բաշխէին , և տային զայն ինչան որով կարօտն էր անձն ինդդողին : Ընչն էր սրտիւ ողորմութիւն , այն էր անփաշաու թիւն և կատարեալ մարդասիրութիւն , որք այնպիսի գթութիւն բաշխէին՝ որ մինչև վկարօտութիւնն և սհարցանէին : Եւ այնչափ կարի կարևոր էր տեսութիւնն աղքատաց առ առաքելովքն , մինչև ընդ քարոզութեանն Վրիստոսի հանգոյն զողորմութիւնն ուսուցանէին . բերէին և կուտէին առ ոտս նոցա զընչիցն բազմութեան , յորոց վերայ զստեփաննոսեանն կացուցին մատակարարս : Եւ որք ոչ գթով տնանկացն բերէին զողորմութիւն , այլ իբրև 'ի հարկէ իմն , սատակեցան՝ Ընանիայն և Սափիրայն : Եւ Տաբիթայն՝ որ գթով և խընամոզն կերակրէր և զգեցուցանէր զորքս և զայրիս , յաղթից նոցունց յարեալ 'ի մեռելոց : Եւ Պաւղոս ասէ՝ թէ այս հրամայեցաւ մեզ՝ զի զայն աղքատաց յիշեսցուք , զոր և ես փութացայ զնոյն առնել . զի այս պատուիրան է կատարումն ամենայն գրոց նոյ , որպէս ցմեծատունն ասաց Վրիստոս . “ Եթէ կամիս կատարեալ լինել , երթ վաճառեա զամենայն ինչս քո , և տուր աղքատաց , և գտցես գանձս յերկինս ” . և ագահացն ասէ . “ Վիւրին է մալխոյ ընդ ծակ ասղան անցանել , քան մեծատանն յարքայութիւնն նոյ մտանել ” : Օ ի որք աստ ինչս բազումն ժողովէն , և զողորմութիւնն ոչ սերմանեն , սոսկ և ունայն գնան յաշխարհէս , և յանողորմ և յաններեղի հօրն առաքին : Եւ զայն ծանուցեալ տեառն՝ ասէ . “ Ըրարէք ձեզ բարեկամս 'ի մամոնայէ անիրաւութեան , որ ընկալցի զձեզ 'ի յարկն յաւիտենից ” : Օ այս և Պաւղոս ասէ՝ եթէ “ Օ հետ երթայք սիրոյ , և նախանձաւոր լերուք աղքատացն ողորմութեան , զի և դուք ողորմութիւն ընկալցիք 'ի Վրիստոսէ ” : Եւ այլուր ասէ . “ Սփռեաց և ետ տընանկաց . արդարութիւն նորա մնայ յաւիտեանս յաւիտենից ” : Եւ ոչ միայն 'ի կամս ապաստան արարեալ Պաւղոսի , այլ և պատուէր և սոգնէր 'ի վերայ մեծատանցն ասելով . “ Ձեր ընչիցդ առաւելութիւն եղիցի աղքատացն կարօտութեանն , և յաղքատացն աղութիցն առաւելութիւն արասցէ ձերոց մեղաց թողութիւն ” : Օ ի ոչ ինչ թեթեւացուցանէ զվեղացն ծան .

բուժիչն իբրև զողորմութիւն և զգութ անանկաց . որ պէս և սուրբն Վանիէլ՝ Վաբուգողոնոսորայ ուսուցանէր , յորժամ հիւանդացեալ էր 'ի մեղաց . հարցանէր ցմարգարէն՝ թէ զինչ հնարք իցեն ցաւոյս այսորիկ . և մնտուցեալ Վանիէլ որպէս բժիշկ՝ արքայ , ասէ , ոչ պահք և ոչ հսկումն և ոչ քուրձ և ոչ միայնութիւն քեզ օգնել կարեն . բայց երթ զմեղս քո ողորմութեամբ քաւես , և զանօրէնութիւնս քո գթով անանկաց . և այն կաշառ է՝ որ արդարայուցանէ զքեզ , և ճանապարհ՝ որ տանի 'ի կեանսն յաւիտենից :

Տեսանէս որպիսի զօրութիւն է ողորմութեան , և ճշափ համարձակ երեսօք զողորմածն կացուցանէ առաջի այ . և մնաւանդ որ սրտի մտօք զբաղցեալսն կերակրէն , որպէս և լքայի ասէ . “ Իրդեա քաղցեղոց սրտի մտօք , և զաղքատս անյարկս տար 'ի տուն քո . և եթէ տեսանիցես զմերկն՝ զգեցուցանի՞ր , և 'ի տառապելոյ ազգի քո զերեսս մի դարձուցաներ . յայնժամ կարդայցես , և անձ լսէ քեզ . և մինչ չև քո աղաղակեալ իցէ՝ ասէ , հասեալ եմ ” : Լք այսպիսի արագութեւ ողորմութիւնն ևս ելանէ 'ի լսելիս այ , և փութապէս խոնարհեցուցանէ յօգնականութիւն ողորմածին : Լք ոչ եթէ աստ միայն օգնէ և փրկէ անձ զողորմածն , այլ և յորժամ պակասիցէ այս , և 'ի հանդերձեալսն փոխիցիմք , բազմապատիկ առատութեամբ դարձուցանէ ողորմածին զողորմութիւնս նորա : Վանգի ինքն տէրն ասէ՝ եթէ ընդ ողորմութեան աղքատացն ես եմ պարտական , և ընդ փոխոցն նոցա ես եմ փոխատու : Օի որ ողորմի աղքատացն , փոխ տայ այ , և զմինն հաբիւրապատիկ դարձուցանէ անանց բարութեամբ . այլ և զմեղս քաւէ , և փրկէ յահեղ տանջանացն : “ Լքոսնի որ խորհի զաղքատն և զտնանկն . յաւուր չարին փրկէ զնա տէր ” :

Լք զինչ իցէ խորհելն զաղքատն և զտնանկն : Լյորհելն այն է , յորժամ զտառապանս նորա զմտաւ ածիցես՝ եթէ եղբայր իմ է , և անդամ և մարմին , և պէտս ունի որպէս զիս , և կարօտ է ամենայնիւ՝ ընչիւք և յարկաւ , և առ վտանգս քաղցոյն բռնութեան յաժի և շըրջի անհանգիստ . 'ի տօթոյ տապանայ , 'ի ցրտոյ դողայ , որովայնն սին , և մարմինն մերկանդամ , հերքն թաղ-

կեալք, դէմքն դեղնեալ և թօշովեալք, և ամենայն մարմինքն գգուաղեալք և երիթացեալք . թափառի, վարանի, և ՚ի դուրս դուրս երերեալ և դադարեալ կառանչէ, և խանդազատելի ողորմուկս արկանէ առ աղէտս վշտին . և զանագորոյն զմիտս մեր գիտելով՝ զխեղ անգամս ամօթոյ անակնածելի ցուցանէ, զի զանողորմութիւնս մեր ՚ի գութ խոնարհեցուցանէ . յանդգնի, լրբի, և սուգ ինչ կերակուր բազում աշխատութեամբ գտանէ . երկիւղիւ ՚ի դրունս, երկիւղիւ ՚ի գաւիթս, երկիւղիւ ՚ի տուննս մտանէ . զի ՚ի տուննս ամենայն ՚ի շանցն դողայ, յանասնոցն երկնչի . զի ձիքն կիցք հանեն, եզինքն եղջիւր ածեն, շունքն վիրաւորեն, և մարդք չարք և անողորմք բամբասեն և թշնամանեն, և իբրև նետիւ խոցուտեն, և մանաւանդ եթէ խեղք և կոյրք իցեն և ցաւազնուտք . և վասն քաղցոյն վարանի, և յայնպիսի արէկոծութիւնս դիմէ, յերեսս անողորմիցն իբրև ՚ի դէմս գազանաց դիմեալ երթայ հասանէ . յորոց յառաջ թշնամանին, ապա եթէ կարիցեն ինչ առնուլ բազում բամբասանօք : Ըրգ այս է խորհել զսղբաան և զտնանին, յորժամ զայս ամենայն զմտաւածիցէ, և քաղցրաբարբառ բանիւք և գթագին ողորմով զկարօտեալսն մխիթարեսցէ, և հեծեծիցէ և յոգւոց հանիցէ ՚ի վերայ նորա : Ընպիսեացն ետ երանութիւն մարգարէն, որք այնպիսի գթով և ողորմով զաղքատս ընդունին, և յաւուրն չարէն փրկին :

Իսկ որն չար ո՞ր իցէ անողորմիցն և մեղաւորացն : () որ ահեղ դատաբաժանին է յորժամ երկինք սասանին, և երկիր դղորդի . յորժամ արեգակն խաւարի, լուսին և աստեղք կորնչին . յորժամ արհաւիրքն հարկանիցին, և ահագին սոսկումն սաստկանայցէ . յորժամ հնչումն փողոյն սաստկանայցէ և զարհուրեցուցանիցէ, և բարբառք հրեշտակայն հիացուցանիցեն . յորժամ զօրութիւնք և իշխանութիւնք և պետութիւնք շարժեսցին, և գունդք հրեշտակաց յերկիր ծաւաղեսցին . յորժամ ամութք անկանին, և զարքայն Վրիստոս իջեալ տեսանիցեմք . յորժամ յահէ փառաց գատաւորին սերովբէքն և քերովբէքն սարսափեն . յորժամ վեմք պատառին, և գերեզմանք բանայցեն, և բազմահոյնն յեալք յարիցեն, և անթիւ կենդանիքն նորոգեսցին .

դասք սրբոցն ցնծասցեն , և ժողովք արդարոցն պայծառասցին . աշխարհս ամենայն գումարեալ կայցէ , և հուրն ընդհանուր ընթանայցէ և ընդ տիեզերս տարածեսցի . յայնժամ զկապեալսն մեղօք զմեղաւորսն և զպարաւանդեալսն անօրէնութեամբ ածիցեն , և խաւարային միգով մթապատեալ յաշխարհատես հրապարակին ցուցանիցեն առակ և ծանակ անտանելի ամբօով , և առաջի սոսկալի բեմբին կացուցանիցեն յանդիման դատաւորին մեծի և ահաւորի , որոյ հուրն վառեալ տոչորիցէ և բորբոքեալ բարձրանայցէ , և հնոցն կայծականց և հրահոսանք գետոցն հրեղինաց . ուր հուրն վառեալ 'ի վայր իջանիցէ , և հրատիկք վառեալ 'ի ներքս տարածիցեն . ուր գուրք խաւարայինք , և տարտարոսք աղջամղջինք . գեհեն չարատանջ , և որդունք դառնաթոյնք , որք սպառնան և պատրաստեալ են ամենայն մեղաւորաց՝ առնուլ վրէժս յահեղ աւուրն յետնուս :

Ըրդ այս է չար օրն մեղաւորաց , յորմէ փրկէ զողորմածն ողորմութիւն աղքատաց և գթութիւն տնանկաց . զոր և ինքն իսկ փրկիչն երանէ ասելով թէ՛ « Ըրանի ողորմածացն , զի նոքա ողորմութիւն գտցեն » . և « Հոյժ բարձր 'ի գլուխ պարծի ողորմութիւնն առ դատաստանաւ » . և « Ըար և անողորմ դատաստան լինելոց է այնմ , որ ոչ արարին ողորմութիւն » : Ընողորմ դատաստանք են նորա , և անողորմ տանջանարանք . անողորմ պրումն հրոյն հնոցին , անողորմ խորովումն տապոյն . և ամենեւին անանց և աններելի են ահեղ աղէտիցն չարչարանք : Ըյս է անողորմիցն անողորմ դատաստան և տանջանք աններելիք , զոր և անողորմ մեծատունն ընկալաւ՝ զահեղ հրոյն գխորովումն , և զաններելի տապակին . վասն զի ոչ արար ողորմութիւն քաղցելոց և մերկոց և հիւանդաց , ընդ որոց և հատուցումն անողորմ ընկալաւ :

Ըլւ արդ զայս ամենայն լսելով մի յապաղեսցուք ողորմել աղքատաց նեղելոց , և առաւել ևս խեղանդամն և հիւանդացելոց , որբոց և այրեաց և վշտացելոց , օտարաց , հիւրոց և ծերոց , և ամենայն կարօտելոց 'ի կարևոր պիտոյիցն , որով նոցա յաջողին վաստակքն և կեանք աշխարհիս : Ըթէ իցես անձապաշտ , նոցա լեր հոգէբարձող և զերակացու . եթէ կամիս զմեզս քո փա-

րատել, նոցա ընդ կերակրիչ և զգեցուցիչ . եթէ կամիա համարձակ երեսօք զԲրիտոս տեսանել, զերեսս նեղելոցն և կարօտելոցն մի տրտմեցուցաներ . եթէ կամիս 'ի խորանս և յթեվանս սրբոցն մտանել, և զանբաւ բարութիւննն ժառանգել, օթեվանս և ասպնջականս ընդ օտարաց, կարօտելոց, հիւանդաց և վշտացելոց . զնոսա հանգո և միսթարեա երկրաւոր պիտոյիւքս, զի և դու հանգիցես և վայելեսցես հոգևոր կերակրովն և աւանց փափկութեամբն : Բանգի այն է անպաշտութիւն որ միով առատ ողորմութեամբ զնեղեալս և զվշտացեալսն տեսանիցէ . զի այնպիսին ոչ եթէ առնէ ողորմութիւնս, այլ առնու զանանց բարութեանցն զվայելչութիւնս, և աստ բազում բարիս գտանէ յորժամ ըզբարին առնիցէ : Եւ եթէ աղքատք ոչ էին յերկրի, ովոր կարէր զբազմութիւ բեռինս մեղաց թեթեւացուցանել, և կամ յալէկոծեալ և 'ի ծովածուփ անօրէնութեանցս ապրել : Բ) Ողորմութիւնք աղքատացն անցուցանեն զմեզ ընդ սահելի և ընդ ծփելի կեանս աշխարհիս, և հասուցանեն 'ի նաւահանգիստն խաղաղութեան : Եւ աղօթք վշտագնելոցն խլեալ հանեն զգիւշ մեղացն . մաքրեն և սրբեն զթարախ մեղաց պղծութեան . բշխեն և առողջացուցանեն զվէրս սատանայի . ցրեն և թեթեւացուցանեն զճանրութիւն անօրէնութեանց, և քաւեալս և արդարացեալս յերկինս առաքեն : Բ) յսպիսի են ողորմութեանցն զօրութիւնք, որ 'ի դառն կապանէն, և 'ի խորոց յանցանաց հանեն 'ի ձեռն սակաւ ինչ արծաթոյ զոր կարօտելոցն ծախեն :

Վ) ու մի տրտմիցիս ընդ պակասիլ ընդցն, զի ընդ նրմին և մեղքդ պակասին . և յորժամ հաներ 'ի քէն զարծաթն, հաներ ընդ նմին և զմեղքդ, և զաղտեղութիւն պիղծ գործոցքոց սրբեցեր . որպէս և ասէ . “Տուք ողորմութիւն, և ամենայն ինչ ձեր սուրբ եղիցի” : Օ) Ողորմութեամբ սրբի մարմին ողորմածին . սրբի և հոգին . օրհնին ինչքն, և յաջողին վաստակք նորա . առաւելուն անդեայքն : Եւ բազմանան խաչինքն, և պրտղաբերին անդաստանք նորա՝ եթէ միայն անձական կամօք ողորմութիւն առնիցէ . զի զողորմութիւն տնանկացն փոխ տայ այլ . և ոչ այս միայն փոխորէն զոր վերագոյնդ ասացեալ է, այլ շնորհէ և զարբայութիւնն,

փրկէ և յորոգայթից թշնամոյն , և 'ի ձեռաց դժոխոցն սպրեցուցանէ զողորմածսն : Օ ի թէպէտ և մեծ սրբաբութիւն է կուսութիւնն , այլ առաւել և պատուական է ողորմածն . թէպէտ և մեծ է պահոց պնդութիւն , և առաքինութիւնք բազումք և մեծամեծք , այլ ևս մեծագոյն է ողորմութիւն , և կարևոր և ընդունելի յայ . “ Ս՛եծ է և պատուական այր ողորմած ” : Եւ որ ոչ առնէ ողորմութիւն , զայնպիսին և մարդ ոչ անուանեն զիրք անձաշունչք , այլ շուն և խոզս , և գազանս միայնակերս կուշէ : Օ ի այնպիսիքն ճրագ են սուանց լուսոյ և աչք աւանց տեսանելոյ , աղբիւր առանց ջրոց և ծառք գոսայեալք՝ որք զանուանակոչութիւնն միայն ունին , և ոչ զօգտակարութիւնն :

Եւ արդ իւ գիտասցուք զանողորմն թէ մարդ իցէ . քանզի աղբիւր 'ի ջրոյ անուանի աղբիւր , և ճրագ 'ի լուսոյ ստի ճրագ . նոյնպէս և մարդ յողորմութենէն ճանաչի թէ մարդ իցէ , որ հանապազ զսիրտն 'ի սէր և 'ի գութ աղքատին խոնարհեցուցանէ , և զձեռս յողորմութիւն կարօտելոցն դիցէ , և 'ի ձեռն աղքատացն քաղցելոցն զՎրիստոս կերակրէ . քանզի և Վրիստոս իւր իսկ համարի զաղքատաց ընդունելութիւնն . “ Վաղցեալ էի , ստէ , և կերակրեցէք զիս . ծարաւի էի , և արբուցէք զիս . օտար էի , և ընկալայք զիս . հիւանդ էի և 'ի բանտի , և ինձ այց արարէք ” : Եւ արդ եթէ հաւատաս անսուտ բանին յայ , 'ի միտ առ ճմարտապէս , զի յորժամ զքաղցեալսն կերակրես , զՎրիստոս կերակրես . եթէ զջուր ծարաւոյն արբուցանես , զՎրիստոս արբուցանես . եթէ զհիւրս ընդունիս , զՎրիստոս ընդունիս . և թէ օտարին լինիս վանատու , Վրիստոսի ես սասնջական . եթէ 'ի տեսս երթաս հիւանդին , առ Վրիստոս երթաս տեսանել . եթէ զնեղեալսն սփոփիցես , զՎրիստոս մտիթարես . եթէ անօգնականին օգնեսցես , Վրիստոսի լինիս օգնական . եթէ տկարացն սպասաւորեսցես , Վրիստոսի ես սպասաւոր . և զամենայն զոր քաղցելոցն մատուցանես , տաս 'ի ձեռս Վրիստոսի , և բազմապատիկ հատուցանէ յաւուրն յետնում . ուր ոչ ինչք կան համբարեալք , և ոչ սիրելիք և ծանօթք . ուր ոչ սուրբք կարեն օգնել , և ոչ արդարքն կարեն փրկել . ուր ոչ հարք գթան , և ոչ եղբարք ողոր-

մին , բայց միայն օգնեն ողորմութիւնք աղքատաց և վարք բարիք :

Ըրդ մի մնասցուք վախճանին , և մի ինչ ագահեցուցուք , մի զաղքատս կարօտեցուցուք , մի զՎրիստոս տրտմեցուցուք . այլ զորքս սնուցուք , զայրիս յանձանձեցուք , զպանդուխտս ժողովեցուք , զքաղցեալս կերակրեցուք , զՎրիստոս մխիթարեցուք . յերկրիս առատատուր մարդասիրութիւն սերմանեցուք , և յերկինս զողորմութիւնս հնձեցուք . ՚ի վերնախորանսն վերացուք , և յանանց ուրախութիւնսն վայելեցուք մեծապայծառ ինդութեամբ ՚ի Վրիստոս չիտուս ՚ի տէր մեր . որում փառք և պատիւ յաւիտեանս յաւիտենից ամէն :



ՎԱՍՆ ՊՏՂՈՑ ԵՒ ՊԱՏԱՐԱԿԱՑ ԵՒ
ՈՂՈՐՄՈՒԹԵԱՆ

Բազում գաղտաձիգ¹ նետիւք վիրաւորէ զմեզ սա-
տանայ, և զվէրն չերևեցուցանէ . զսկիզբն իրացն երևե-
ցուցանէ որպէս թէ առաքինի ինչ վարուք, և կատարէ
յահէղ անօրէնութիւնս . և փոխանակ վարձուցն վա-
տակոցն արկանէ ընդ մեղօք անօրէնութեամբ . և որ-
պէս ընծայիւք Վայենի և ընծայիւքն (} եփթայեայ, որ
կերպարանօք բարւոյ զգործս անօրէնութեան կատա-
րէր : Օ որ և այժմ առ բազումն կատարէ սատանայ, և
առնէ զրաջան և սնավաստակ յեկեղեցական 'ի պողոց
և պատարագաց ընծայից : Առ ոչ միայն զրավաստակ և
զրաջան 'ի վաստակոցն տեսանեմք, այլ և թշնամանօք
'ի յանդիմանութիւն . և անէծս պատուհասից յայ ըն-
դունին, որպէս և Ս'աղաքիա մարգարէն ասէ թէ "Մի-
ծեալ լիցի մարդ որ կարող իցէ, և կայցէ 'ի հօտի նո-
րա որձ, և մատուցանիցէ տեառն զանօգուտն և զարա-
տաւորն և զվտիտն պատարագ" : Մ. յ. և զբահանայս
և ս որք և զխոտանս 'ի ժողովրդոցն ընդունիցին, պատու-
հասէ և ասէ . "Մութ քահանայք էք՝ որ բամբասէք
զանուն իմ, և մատուցանէք 'ի սեղան իմ՝ հաց պղծու-
թեան, զխոտանն և զյափշտակեալն և զանօգուտն,
այսինքն զնիհարն, և թէ ընկալայց զայն 'ի ձեռաց ձե-
րոց . այլ առաքեցից 'ի վերայ ձեր անէծս, և նզովեցից
զօրհնութիւն ձեր, և բարձից զձեզ հանդերձնորօք . փո-
խանակ զի դուք ոչ եղիք 'ի սիրտս ձեր երկնչեւ յինէն" :

Մ. ը. ք. Եթէ որք 'ի հնումն զխոտանն մատուցին, այս-
պիսի պատուհասիւք պատժեցան, զինչ գործեսցեն որք
'ի նորումն զխոտանն կալոյ և հնձանի այ նօւիրեսցեն ,

1 Մի օրին . գաղտնի գիրք :

և զվտիտն և զանօգուան 'ի հօտիցն՝ կոչնոց աղքատացն մատուցեն, որով և Վայեն կորեաւ խոտան և անընդունելի պատարագաւն . քանզի ոչ ուղիղ բարժանեցեր, ասէ, և այդ ևս առ քեզ դարձցի : Արդ պարտ է մեզ երկնչել 'ի բանէս յայսմանն . զի եթէ որք առանց օրիւնացն մեղան՝ այնպէս պատժեցան, որչափ ևս առաւել մեք եթէ հանդերձ օրինօքն մեղիցուք . զի որ 'ի շնորհացն որ 'ի հնումն էին՝ ոչ էին վայելեալք, և այնպիսի ուղղութիւնք խնդրէին, որչափ ևս առաւել բազում հաւաստեալ ուղղութի 'ի նորումս պահանջիցէ, թէ և սակաւ ինչ գլխիցեմք . որք յօրինաց խրատեցաք, և 'ի շնորհացն վայելեցաք, և զօրինական տեսաք : Աւարդ եթէ զխոտանն այնուիրիցեմք, մեզ որ ներեալ թողութեան կայցէ . զի ասէ՝ թէ զառաջաւորս կարոյ քո և զհնձանի, և զընտիր ընտիրս խաշանց՝ այլ բում մատուցանիցիր . և պատուեալ զտէր 'ի քոց արդար վատակոց, և հանձնա պտուղ 'ի քոց արդարութե արմտեաց : Այս է ընդունելի առաջի այլ : Այլ 'ի յափշտակութենէ, կամ 'ի գողութենէ, կամ 'ի զբարտութենէ, կամ 'ի վաշխից ինչ տակոտեաց, կամ 'ի բռնութենէ վաճառոց, կամ 'ի տառապելոց զրկանաց եթէ մատուցանիցէ ինչ պատարագ՝ եղն կամ ոչխար կամ քօշ, պիղծ է ինձ որպէս թէ զայն՝ որ շուն որ մորթիցէ, և կամ եթէ հարկանիցէ որ զկառապին մարդոյ, և կամ հեղուցու որ զարիւն խողի :

Աւարդ ընդէր որ ժտիցի զայսպիսի պատարագս զազբալիս մատուցանել՝ որ գեհենին առիթ է, և կամ զընդունելութիւն աղքատացն կոչնոց՝ կարողօքն և անկարօտիցն պատուօքն կորուսանել . զոր և Վրիտոս արգել ասելով, եթէ “ Յորժամ առնիցես ճաշ կամ ընդունելութիւն աղքատաց, մի կոչեր զեղբարս քո և մի զդրացիս քո և մի զսիրելիս քո և մի զմեծատունս, զի մի և նորա զքեզ կոչեսցեն, և այն լիցի քեզ փոխորէն . այլ յորժամ առնիցես ընդունելութիւն յազագս ոգւոյ քոյ փրկութե, կոչեա զաղքատս և զխեղս և զկոյրս և զկաղս, և երանի է քեզ՝ զի ոչ ունին փոխորէն հատուցանել քեզ . և լիցի քեզ փոխորէն յարքայութեն արդարոց ” : Այլ են խօսքս և հրամանքս . ոչ ապաքէն Յիսուսի որդւոյն այլ : Աւարդ ընդէր արհամարհես զհրամանսն Վրիտ-

տասի : Եթէ կամիս զմեծամեծս քո պատուել՝ պատուեա . ունիս աւուրս երեք հարիւր վաթսուն և հինգ տալ մարմնոյդ , և զմի օր 'ի նոցանէ հոգւոյդ նուիրեա : Ըրդ ահա զմի օրն չարկանես տալ հոգւորացն և հոգւոյդ կուչունս : Եթէ բժիշկ վիրաւորեալ ոգւոյ քոյ զաղքատն արարեր , և ժողովեցեր զնոսա բարեխօս և ազաչոյս առ նո՞ծ , և մեղաց քոց քաւարան զնոսա կօչեցեր 'ի տուն քո , ապա յայնմ աւուր ընդունելութեան աղքատաց և ոգւոյ քոյ , յորում աւուր քաւին մեղք , դադարեցո ըզխորհուրդս քոյ զմարմնաւօրս , ընդ նմին և զսիրելիս քո զմարմնաւօրս . և մի զոք 'ի կարողաց և կամ 'ի մարմնաւօր սիրելեաց քոց մուծանիցես 'ի տուն քո , զի մի 'ի թողութենէ մեղաց քոց վրիպիցիս՝ նոցա սպասաւորելով , նոյն աչառելովն զնաա , զնոքօք շրջելովն , զնոսա 'ի վեր մատուցանելովն , և կերակուր և զինի ոչ վերանայ 'ի նոցանէ : Եւ քո քաւարան մեղաց՝ աղքատացն ժողովք 'ի ներքուստ 'ի վեր նային , և սեղանք նոցա դատարկ՝ յոգոց հանիցեն . և ոմանք 'ի նոցանէն արտաքս իսկ մնան իբրև զարհամարհեալս , և միայն զձայնն լսեն զբազմականացն , և 'ի սիրտս իւրեանց զարհամարհանսն իւրեանց վարանին , զօղեալք և անկորեալք նստին : Ըրդ մի ինչ այսպիսի կուչունս յաւուր պատարագին ընդունելութեան արասցես , յորոց ծախիցն անվարձ լինիցիս :

Եւ եթէ կամիցիս մեղաց քոց թողութիւն ինդրել , կուչես զորքս և զայրիս , զնեղեալս և զտառապեալս , ըզխեղս և զկոյրս և զկաղս , զկարօտեալսն և զգերիան , և զամենայն քաղցեալս և զանմխիթարսն . զնոսա մխիթարեա , զնոսա սփոփեա , զնոսա կերակրեա , նոցա միայն սպասաւորեա , զնոքօք շրջեա , զնոսա յարմարեա , և քաղցր բանիւք պաշտեա , զի թողութիւն մեղաց և փրկութիւն տան քո եղեցի : Եւ արդ այսպէս յօրինեա զընդունելութեան կուչունս զպատարագացն , և մի ըզգոյաւօրս և զմեծամեծս յընդունելութիւն թշուառացելոցն և աղքատացն մուծաներ . այլ նոքա եզիցին գահերէցք , և նոքին բարձրագլուխք . նոքա 'ի վերոյ , և նոքին 'ի ներքուստ . զնոսա միայն մոյժ աղաչանօք , և զնոսա միայն յղարկէ աղերսանօք : Եւ եթէ այսպէս ընդունիցիս , ոչ եթէ ետուր , այլ աուեր . ոչ եթէ ծախե-

ցեր, այլ մեծամեծ շահս ժողովեցեր, և թողու թիւն ընկալար: Ա՛յ տան այսր ամենայնի ասէր. Բրիտտո՛ւ եթէ յարժամ առնիցես ընդունելու թիւն, մի կոչեր զմեծամեծս, զի մի զբաղմամբք նոցա աղքատքն արհամարհիցին. և դու վասն աշուտանաց իբրև զօրինազանց դատիցիս, ըստ այնմ որ ասէ՝ եթէ որ զհանդերձս պայծառս ունիցի, ասիցէք եթէ դու նիստ աստ պատուով. և ցաղքատն ասիցէք եթէ երթ նիստ առ պատուանդանին. և զայս առնելով, ասէ, ոչ խղճիցէք յանձինս ձեր, և լինիցիք դատաւորք չարեացն խորհրդոց. զի ՚ի մեծամեծացն աշուտելով մեղս գործէք՝ յանդիմանեալք յօրինացն իբրև օրինազանցք:

Այս արդ մի ինչ այսպիսի դատապարտութիւնք ՚ի կոչունս աղքատացն ունիցիս, զաղքատն և զմեծամեծսն ՚ի միասին ժողովելով. զի մեծամեծքն մտեալ՝ բարձ և պատիւ խնդրեն և գահերիցութիւն և սնափառութիւնս և յարգանս և սուտակասպասութիւնս ՚ի քէն պահանջեն. և աղքատքն նստին ՚ի ներքս զողեալք և խոնարհեալք լուծեամբ: Այ է բարւոք կոչ ընդունելի. ոչ որ որոմն ընդ ցորենոյն սերմանէ, և փուշ ընդ որթով տնկեն. և ոչ քեզ պարտ է սուտակասպասութիւն և սնափառութիւն ընդ խոնարհութիւն և ընդ ապաշխարութիւն մեղաց քոց խառնել. խափանիչք են միմեանց և ապականիչք. անհնար է քեզ միով ակամբ յերկինս հայել, և միովք յերկիր. և յայնմ աւուր միանգամայն մարմնաւորացն և հոգեւորացն հաճոյանալ: Հոգեւորքն աղաչեն և մաղթեն զքեզ յերկինս տանել, և մարմնաւորքն սուտակասպասութեամբ և սնափառութեամբ և բազում ստաբանութեամբ և սուտ յարգանօք յանդունդս քարշեն. հոգեւորքն ՚ի լոյս հրաւիրեն, և մարմնաւորքն ՚ի խաւարն առաքեն: Ահա այսպիսի խափանիչք քեզ փնասակարք են յաւուր ընդունելութեան աղքատաց զմեծամեծսն կոչելով: Այլ զաղքատս սփոփեա, զաղքատն հանգուցանել, զաղքատն աղաչել, հաց քաղցելոյն բրդել, զմերկսն զգեցուցանել, զանյարկսն ընդ յարկաւ մուծանել: Այս յայնժամ կարդասցես, և անձ լուիցէ քեզ. և մինչ չև խօսեալ իցես, ասասցէ եթէ ահաւասիկ հասեալ եմ:

Այսպիսի շահաւոր են ընդունելութիւնք աղքատաց,

և մերձ առ նձ աղօթք նոցա, զոր և մարգարէն ասէ .
 “ Երանի որ խորհի զաղքատն և զտնանկն, յաւուր չա-
 րէ փրկէ զնա տէր . երանելի առնէ զնա 'ի վերայ երկ-
 րի, և ոչ մասնէ զնա 'ի ձեռս թշնամեաց իւրոց ” :
 Եւ յայ են երանութիւնք վասն կերակրելոյ կարօտե-
 լոցն, զոր և Վրիստոս իւր համարի : Իսկ ընդ անկարօ-
 տիցն կոչնոց զի՛նչ շահիցիս, և կամ ո՞ր օգուտ գործիցի,
 զի ընդունելութիւն քաղցելոցն է շահաւոր, և ոչ յա-
 գելոցն . և Վրիստոս ոչ ասէ՝ եթէ զյագեալն կերակ-
 րեցէք, և ոչ ասաց եթէ զարեալն արբուցէք . այլ
 զծարաւեալն տեսէք և արբուցէք, զմերկն տեսէք և
 զգեցուցէք, և օտարատեսութիւն արարէք : Եւ յայի-
 սիքն են վարձուց և երանութեան արժանի, և ոչ յագե-
 լոց և անկարօտից զմեյլութիւնք . զի որ զաղքատն և
 զկարօտեալն կերակրէ, զօտարն և զհիւանդն, ոչ
 զմարդ՝ այլ զՎրիստոս ընդունի, զՎրիստոս կերակրէ,
 զՎրիստոս զգեցուցանէ, զՎրիստոս սփոփէ, զՎրիս-
 տոս մխիթարէ, զՎրիստոս հանգուցանէ, և Վրիս-
 տոսի սպասաւորէ . զի անուտ է բանն տէրունական :

Եթէ Վրիստոս է զոր ընդունիս, ոչ է քեզ պարտ և
 արժան 'ի Վրիստոսի ընդունելութիւն զժողովս զեղիւե-
 ցելոցն ժողովել, զնոսա 'ի ներքս մուծանել, և զՎրիս-
 տոս թողուլ արտաքոյ դաւթին : Երբա մեծարանօք 'ի
 վերոյ, և Վրիստոս արհամարհանօք 'ի խժանարհ . նոքա
 պատուով 'ի բազմականի, և Վրիստոս արհամարհա-
 նօք առ պատուանդանի . նոքա անդ 'ի վեր սփոփանօք
 սպասաւորին, և Վրիստոս աստ 'ի վայր նստի գլխար-
 կեալ : Այ է պարտ այսպիսի արհամարհանօք ընդունել
 զՎրիստոս, զի 'ի սրամտութի և 'ի բարկութիւն զար-
 թուցանես, և ոչ յողորմութիւն և 'ի թողութիւն մե-
 դաց : Օյ է եթէ ողորմութեան է ընդունելութիւնդ,
 զի կոչես տեսող բազումս, և հատուցումն 'ի մարդկա-
 նէ ընդունիս : Եւ նա ուսուցանէ զքեզ Վն . “ Օքոյշ
 լեր, ասէ, ողորմութեան՝ մի առնել առաջի մարդկան .
 զի որ յաչս մարդկան լինի, և հատուցումն 'ի մարդկա-
 նէ ընդունի . այլ եղիցի ողորմութիւնն քո 'ի ծածուկ .
 և հայրն քո որ տեսանէ 'ի ծածուկ, հատուցէ քեզ
 յայտնապէս ” :

Եւ որ մի զրկիք յայգպիսի վարձուց, և մի տեսողս ո .

զորմութեան քում ժողովել . այլ զգուշութեամբ մատակարարեալ ՚ի ծածուկ , զի ՚ի մտ է գողն , գողանայ զվարձս քո . դարանակալէ աւազակն , յափշտակէ զդորմութիւնս քո . մերձ կան նենգիւք տնդեւ , և հանել զբարին քո ՚ի քէն . շրջանակաւ ամբարիշտքն շրջին , և ջանան զրաջան առնել զքեզ և սնաժաստակ ՚ի վաստակոցն : Եւ յամենեցունց պատրաստեա երկիւղիւ , պատրաստեա իմաստութեամբ . և զգոյշ լեր յախտէն մարդահաճութեան և ՚ի դիւհն սնափառութեան , զի մի դարձուցանիցեն զբարիքն քո ՚ի չար , և մի զչղան քո ՚ի խաւար . զի եթէ լոյսդ որ ՚ի քեզ ասի խաւար իցէ , իսկ խաւարն որչափ ևս իցէ . զի եթէ ուղորմութիւնդ քո չարիք եղեն , չարիքն որչափ ևս ինչ լինիցին : Եւ որ վասն այսորիկ ծածկեա յամենեցունց զդորմութիւնս քո . և որպէս ոչ կամիս զպղծութիւն մեղաց քոց ցուցանել , և մի զդորմութիւն ապաշխարութեանդ տալ գիտել . այլ ծածկեա զառաքինութիւն ապաշխարութեան իբրև զմեղացն զազրութիւն . և յամենայն ժամ ընդունելի լինին ապաշխարութիւնք քո , և գտանես մեղաց քոց թողութիւն : Եւ առ հաճոյ սնափառութեան զկոչունս ընդունելութեան արասցես , և մի ՚ի ցոյցս մարդկան զտուրս ողորմութեան արասցես աղքատացն , և մի զմեծամեծս և զգոյաւորս յընդունելութեան կարօտելոց աղքատաց բաշխեսցուք և կոչեսցուք . և մի զխոտանան կալոյ կամ հնձանի նյութերեսցուք , և զամենայն տուրս պտղոց եկեղեցւոյ կամ քահանայից մի չարակնեսցուք , որով կայեն յանդիմանեցաւ . և զգէրն և զուղիղն ՚ի հօտից անձանց մերոց մի թողուցումք , և զանօգուտն և զվտիտն ընդունելութիւն աղքատացն արասցուք և կարօտելոցն զենցուք . և մի յազահութենէ և յափշտակութենէ և յանիրաւութենէ ընչից ժողովելոց յանձային ընձայն մատուցուք . զի պիղծեն ամենայն զրկողք և ինչք նոցա առաջի նոյ : Եւ այս զայս անձ ըստ հաճոյիցն նոյ արասցուք , որով անձ հաճեսցի և ընկալցի , և թողութիւն մեղաց արասցէ : Եւ թեմութեամբ և անմեղութեամբ կացցուք , և փառօք և պատուօք զերկինս ժառանգեսցուք , և խոստացելոց բարեացն արժանաւորեսցուք հասանել ՚ի Վրիտաոս Եւրոպայի տէր մերորում վայելէ փառք և սլատիւ այժմ և միշտ և յաւիտեանս յաւիտենից . ամէն :

ՎԱՍՆ ՓՈԻՈՑ ԵՒ ՎԱՇԻՒՑ

Յոյժ չար են ախտը ընչասիրութեան, և անհնարին չար են քան զամենայն փոխոցն տոկոսիք, որ հանապազ հայհոյեալ բամբասի 'ի հին և 'ի նոր կտակարանս . և պատուհասեալք պատժին չարապէս ինդրողք վաշխիցն և փոխոցն՝ որ ընդդէմ պատուիրանացն այ զարծաթս իւրեանց 'ի վաշխու տան, և տոկոսեօք անդէն պահանջեն, և անակնածելի ուտեն զճարմինս անանկաց, և ը՛ւ պեն զարիւն նոցա անողորմ . և ոչ ունկնդիր լինին ի զգեկիելի հոգելից մարգարէին՝ որ ընդ մեծամեծ չարեօք դնէ զփոխոցն տոկոսին, և ընդ կռապաշտիցն համեմատէ պիծութեամբքն ասելով՝ եթէ 'ի կուռս տունն խորայելի պղծեցաւ, և վաշխ ու տոկոսիս պահանջեաց : Եւ յ'Ուվսէս ասէ՝ թէ մի տացես վաշխ ընկերի քում, զի անօրէնութիւն է առաջի այ . զոր և արտաքս կացուցանէ յերկնային խորանացն՝ որք վաշխ և տոկոսիս պահանջեն : Իսկ որ զարծաթ իւր 'ի վաշխու ոչ տացէ, և կաշառ 'ի վերայ իրաւանց ոչ առնու, նա մի սասանեսցի յաւիտեան : Եւ միւս մարգարէն ասէ . որ 'ի վերայ լեւրանց զրհեալն ոչ եկեր, և զգրաւ պարտապանին դարձոց, և վաշխ և տոկոսիս ոչ պահանջեաց, արդար է նա, և կելով կեցցէ . իսկ որ զվաշխ և զտոկոսիս պահանջեն, դիմադարձ են պատուիրանացն այ, և հակառակ հոգւոյն հրամանացն . զի զարգերեալսն 'ի հոգւոյն հրամանացն չարաչար 'ի կիր արկանեն անօրէնութեամբք :

Եւ այնչափ անօրէն են ախտ փոխոց տոկոսեաց, մինչև յամուլ արգանդէ ինդրէ որդի բռնութեամբ, և յապառաժ քարանց պտուղ որոնէ, և առանց սերման կամի արդիւնս ժողովել, և յարուաց ծնունդս պահանջել, և 'ի քարէ կաթն կթել, և 'ի վիմաց ասր ստանալ . զթիւ արծաթոյն զոր տուեալն է՝ լիով ընդունի, և առանց

սերման ժտի արդիւնս ժողովել, և ընուլ զտուն իւր անօրէն ստացուածովք : Ի պա նստի խորհի նախ բազմացուցանել զընչիցն առաւելու թիւն, և ապա ընդ անօրէն նու թեանցն առնել ողորմութիւնս տնանկաց և պատարագս հաշտութեան, զոր յանդիմանէ Եսայի ասելով թէ “ Ի մնատուցանէ ինձ զյափշտակեալն պատարագ, այնպէս զազրալի է՝ որպէս թէ շուն որ մորթիցէ, և կամ թէ հարկանիցէ որ զկառտին մարդոյ ” : () Ի լու է ազքատաց անտես լինել յողորմութենէ, քան թէ յափշտակութենէ ընդունել ինչ : Ի ա է քահանայից ՚ի սովոյ մեռանել, քան թէ յանարժանիցն կերակրել : Բար ուրուք, ասէ, զայլոյ առեալ և այլուր բաշխիցէ, ոչ եթէ վարձս ընկալցի, այլ պատիժս և տանջանս սառտիկս . զի հուր այրիչ և սուր սատակիչ են ծնունդք փոխոց : Եւ որ յընչիցն անիրաւութեանց զամբ պաշտել համարիցին, առաւել բարկացուցանէ . “ Աստուեա, ասէ, զտէր ՚ի քոց արդար վաստակոց, և հան նմա պատու ՚ի քոց արդարութեան արմտեաց ” :

Ի խորհի զյափշտակութիւն ժողովել, և ապա առնել ողորմութիւնս վասն մեղաց թողութեան . զի ոչ երբէք հրով հուր շիջանի, և ոչ վիրօք վէրք բժշկին, և ոչ մեղօք մեղք սրբին, և կամ անօրէնութեամբ անօրէնութիւնք քաւին . քանզի յոյժ չար են վաշխիցն անօրէնութիւնք, և որպէս երկունք յլոյ են ժամադրութիւնք նոցա : Եւ եթէ ազքատ ևս իցէ փոխապարտն, ՚ի ծուփս և ՚ի հոգս մաշի հանապազ . անքուն և դառնաքուն ՚ի գիշերի ննջիւն նորա . տխուր և արտում և մտայոյզ ՚ի տուրնջեան շքի, և ոչ գիտէ յո երթայ : Երբեմն սուղ ինչ զպատրէն կամի վաճառել, զի հատուցէ զվաշխիցն տոկոսիս . և երբեմն զանօրէն գողանալն ակորժէ՝ զոչիսն կորուսանել և դիմադարձ լինել նոյ վասն պահանջողի վաշխի փոխիցն . և երբեմն խորհի գաղտագնաց լինել ՚ի տար աշխարհ : Ըրջի թափառական յաղագս պարտուցն բանութե, և ՚ի բազում խորհրդոցն վարանիցի, և մտացն շփոթելոց զաղօթսն առած մտանայ . և յորժամ ձայն ոտիցն հարկանի, նա ՚ի ներքս սրտաբեկ լինի յերկիւղէն . և թէ արտաբոց տեսանէ փոխառուն զփոխատուն, փախչի և թաքցի իբրև ՚ի տարակուսանաց աղէտիցն, և սիրան թափեալ

զգոցի հարկանի, և կայ գլխարկեալ և լեզուակապ . և ամենեւիմք յերեսս նորա նայել ոչ իշխէ և ոչ համարձակի, զի տոկոսիքն վաշխիցն բազմացան 'ի վերայ նորա, և ոչ ինչ ունի հատուցանել և հաճել զփոխատուն :

Եւ արդ տես, ով պահանջողդ վաշխից, եթէ քանի տարակուսանօք և ընդ վշտօք զեղբայրն արհանես, և քեզ քանի կողկողանաց և աղէտից ետ պատճառք՝ դիմարարձդ այ և բազում մեղաց պարտապան, արհանելով 'ի վերայ փոխոցն վաշխ, և վաշխիցն վաշխ, չար ծննդոց չար թոռունս ծնուցանես . և այս են օձք՝ ծրնունդք իժից : Իժից ծնունդք զորովայն մօրն ծակեն ելանեն, և փոխոցն ծնունդք զոգիս վաշխաժողովացն պատառեն և սպանանեն, և դառն տանջանացն և ահեղ հրոյն պատրաստեն . զի դառն արուեստ և անօրէն մշակութի ստացաւ, որ առանց երկրի տնկեալ յանդրդնի և առանց սերման հնձել . որոյ սերմն ժանտ է, և հունձք չարաչարք, և մշակք անօրէնք, և ստտանայ սատարիչ, վարիչ և յորդորիչ անօրէն հնձողաց զչար փոխոցն տոկոսիս : Ար վառէ իբրև հրով անօրէն վաշխիցն ցանկութեան, և հանապազ սուր և հուր ժողովէ յշտեմարանս, և չարաթոյն սատակիչս քան զօձս և զիժս և ծնունդս քարթից ժողովէ 'ի տունս փոխոցն և տոկոսացն :

Եւ ոչ լուաւ զոգուումն մարգարէին՝ որ թեւս որպէս զազաւնոյ ըզձանայր հեռանալ 'ի քաղաքաց, վասն զի ոչ պակասեաց 'ի հրապարակաց նոցա վաշխ և նենգութի . և ոչ զաղաչանս նորուն առ աստի, զի 'ի վաշխէ չարէ փրկեցէ զանձինս նոցա . այլ զաչս խցեալս և զականջս կափուցեալս անդադար ժողովէ զվաշխիցն տոկոսիս :

Ով չար ախտի անօրէն ստացող . յորմէ պարտ էր երկիւղիւ հեռանալ 'ի տոկոսեաց գթով, նա բազում ցանկութեամբ ընդ շահից վաշխիցն ընտանենայ, որ զուն ապշեցուցանէ չհայել 'ի պատուիրանս այ . զսիրտն յիմարեցուցանէ չիշել զօր ահեղ դատաստանին . ըզփտան քարացուցանէ 'ի գութ կողկողեալ եղբօրն խոնարհել . խնու զլսելիս և զտեսանելիս . յամօթոյ տեսողացն չամաչէ, այլ յանդգնեալ հոլանեալ ժողովէ և զանձէ հուր յաւիտենական՝ ոգւոյն թշուառացեղոյ : Եւ որպէս երկրագործքն յաղագս անձրեաց աղաչեն և մաղթեն յայ վասն սերմանցն և լիութեանց աշխարհի, իսկ

վաշխաժողովն կարօտու թիւն և տարակուսանս և սոսիս սաստիկս և հարկապահանջս աշխարհի ըղձանայ, զի 'ի գործ և 'ի շահ վաշխիցն ինչքն անկանխիցին : Ի ժամ փոխոյն տալոյ զուարթերես կեղծաւորի . և յորժամ ժամադրու թի վաշխիցն հասանիցէ, տեսանելով զչքաւ ւորու թիւն և զտարակուսութիւն պարտապանին՝ ոչ ուղորմի, և ոչ երգմանն հաւատայ մաղթողին, ոչ խոնարհի յաղաչանս վարանեցելոյն . այլ դժոխեալ անխոնարհելի և անհաշտ, և իւր ծառայ զփոխառուն համարի փոխատուն : Բննէ եթէ զինչ ինչք նորա իցեն նան արժանի . հետազօտէ՝ թէ ուր տարեալ թագուցանէ . արտաքոյ զդուրս պահէ, 'ի մէջ բազմութեանն թշնամանէ, 'ի սիրելիսն ամաչեցուցանէ, 'ի հրապարական խեղդէ :

Չար պատահումն 'ի տուն, 'ի կեանս չար քան զմահ տեսանէ փոխապարան . ատէ զաւուրն ժամադրութիւնս, երկնչի յամօթոյն, երեսքն խոնարհի տեսանել 'ի պահանջողն . աչքն պատրուակին իբրև շուն ըմբռնեալ 'ի տեղիս, ամօթովն աղափարի : Տեսէք զողորմելի տեսումն . տեսէք զչար մեքենայսն սատանայի . տեսէք զանօրէն շահն նգովից . զի մոլար ախտիւն անամօթացեալք զընչաւէտն աղքատացուցանեն, զաղքատն մերկացուցանեն, զմերկն խեղդեն, և յարտասուաց արծաթ ժողովեն և բերկրին ընդ անօրէն շահիցն յաճախութեանցն : Եւ անօրէն վաշխիցն չարեաց՝ որ է որդգայթ մահու ստացողաց, և ոչ իմանան . խեղդ է անձանց, կապանք հոգւոյն, առիթ գեհենին, առաջնորդ խաւարի, և պատրաստող ամենայն տանջանաց և յաւիտենական ամօթոյն :

Եւ ան որոյ բազում զգուշութեամբ փախիցուք յընչից տենչանաց . փախիցուք 'ի չար ախտէն յայնմանէ . փախիցուք 'ի չարաժանի գազանէն . փախիցուք 'ի սատանայական մեքենայէն : Օ՛ի վաշխ չար օձին է վարդապետութեան . վաշխ գիւտք էն դիւական . վաշխ թշնամոյն են սերմանք . վաշխ առհաւատցեայ է տանջանացն . վաշխ խափանիչ է բարեպաշտութեան . վաշխ ճանապարհ է գեհենին . վաշխ զրկումն է արքայութե . վաշխ ամբոխումն է մարմնոյ և սատակիչ հոգւոյ և մերժումն ամենայն արդարութեանց : Եւրդ փախիցուք

յնժամարտ յախտէր յայդմանէ, 'ի վարդապետէ խաւարէ, 'ի մարդասպան մօրէ : Լ'ղայեմ' մի ախտասցուք զհիւանդութիւնն զայն . և եթէ 'ի ներքս անկեալ իցեմք յախտն, արտաքս փախիցուք : Իսկ որ նորքքն վարին չարաչար, արժանի են սգոյ և ողբալի արտասուաց . զի զոր օրինակ սուր առեալ և զինքն խոցոտիցէ, այսպիսի է չարութիւն ախտին, և բազում գլուխ ստացեալ ունի . ագահ է՝ սոյն և կռապաշտ առնէ . անամօթ է՝ սոյն և զազանամիտ առնէ . անազորոն է՝ սոյն և անողորմ առնէ . անիրաւ է՝ սոյն և յափշտակող առնէ . անձնասէր է՝ սոյն և քրիստոսատեաց առնէ հակառակ կամացն նոյ :

Եւ արդ զինչ ասացից . չէ մարդն այն քրիստոնեայ՝ որ վաշխս ժողովէ անիրաւութեամբ . այլ բազին է այն պիսին սատանայի լի մարդազոհիւք, և գերեզման լի նեխեալ մեռելովք, և նմանեալ բորբոքեալ հրոյ գեհեւնոյն՝ որ զամենայն ինչ ծախէ, և երբէք ոչ յազնայ : Օ արհուրեսցուք, սիրելիք, եթէ ուր երթեալ տարաւ զմեզ ընչիցն ցանկութիւն . զարհուրեսցուք և բազում զգուշութեամբ զարմատն խլեսցուք, զի մի զարգացեալ ծայրիցն՝ զմեզ 'ի վայր դարահոսեսցեն յանդունդս 'ի հօւր գեհեմին :

Եւ արդ զինչ արասցուք, և կամ որով օրինակաւ ըզչար արմատն խլեսցուք . զի իբրև ընդ օծս և ընդ գազանս խօսիմք, և ոչ ընդ քրիստոնեայս և ընդ քրիստոսասէրս՝ որ հնազանդին հրամանացն նոյ : «Ստեբրազմին բարբառեալ ասելով . եթէ ոչ դառնայ առ մեզ արծաթն վաշխաւ, ապա և 'ի տաղոյ իսկ արգելումք զփոխն, և ոչ սղորմիմք եղբօրն կողկողելոյ : Լ'յդ բարբառ անօրէն և հակառակ կամացն նոյ . այդ բարբառ ծնունդ է սատանայական կամաց՝ որ յնոյ հեռացուցանէ . այդ բարբառ չար թշնամոյն է սերմանք, զի զձեզ 'ի ճմարտութեանէն մտորեցուցէ . քանզի այդ իսկ են խորհուրդք չարին վարդապետութե ընդդէմ պատուիրանացն նոյ : Օ ի Վրիստոս ասաց . թէ տացէք փոխ այնմիկ՝ ուստի ակն ունիք անդրէն առնուլ զկշիռն, զայդ և մեղաւորքն առնեն . իսկ դուք, ասէ, տուք փոխ այնոցիկ՝ ուստի ակն ոչ ունիք առնուլ, յորժամ զմիմեանց բեռն բառնայցեմք, և կատարեմք զօրէնսն Վրիստոսի՝ որ ասէն, թէ ձեր ա-

աւելուածինդ եղիցի չքաւորացն կարօտութիւն, զի եղիցի հաւասարութիւն երկոցունց: Այլ արդ ՚ի միտ առ, զի ոչ եթէ չափով ինչ հրամայէ ողորմել քեզ աղքատին, այլ քու՛մ ընչաւէտութեանդ հաւասարել զչքաւորութիւն նորա. զի անձ եղբայր քո անուանեաց զաղքատն չքաւորն, և անդամ՝ յանդամոց քոց. և քեզ չէ օրէն զանդամն քո մերկ տեսանել և անտես առնել, և կամ զրկել ՚ի բաժնէ ընչիցն. զի եղբայր քո կոչեցաւ:

Այլ արդ թէ եղբայր քո համարիս, մի հեթանոսաբար անկուշներ ՚ի պատուիրանաց անց. այլ կալ քրիստոնէաբար զհրամանն տեսան՝ որ ոչ զպակասութիւն աղքատին հրամայեաց ինուլ, այլ և առաւել ևս բազմաց: Արդ զայս հրաման ունիս յանց, և դու զփոխն ևս կամ տաս չարաչար վարխիւ, և կամ փակես անօրէն և անանձաբար: Այլ անամօթիս ևս ասել՝ եթէ փոխ առնուս. զայն քայլ սիրես, եթէ տամ մին՝ և երկուս առնում, քան եթէ ոչ տամ: Իսկ նա զժամուն վարանսն կամի փարատել, և առ նեղութեանն յախանայ առնու. բայց դու եթէ անձապաշտ ես՝ հայեաց ՚ի պատուիրանս անց, զի ձրի իսկ հրամայեցաւ տալ տարակուսելոցն, և թափել ՚ի պահանջողաց բռնութենէն. զի և դու ՚ի թշնամոցն զերծանիցիս, որ հանապազ յաշխատութեան պահէ զքեզ՝ ժողովել և պոռել՝ և գանձել զայլոց ինչս, և վայելել և ոչ երբէք. զի ոչ ակն տեսանելով յազի, և ոչ արծաթասէրն ժողովելով և առնլով զայլոց: Իրժոխք են անձինք ագահաց, և ոչ երբէք շատանայ, և ոչ երբէք ասեն շատ:

Ինդէր տարածանիս. յաղագս էր անօրինիս, ուլ թը շուառական. զի ժողովես զանպտղութիւն արծաթոցն առիթ յաւիտենական գեհենին: Իիր դու առաջի աչացդ զԻրիստոսի դատաստանն. զինչ պատասխանի տայցես՝ յորժամ զքե շուրջ գայցեն զրկեալքն ՚ի վաշխից ամբաստանելով զքէն առ դատաւորին. զինչ առնիցես, ուլ թշուառականդ, իւ աղաչեցես: Ինդ ոչ աղօթք, ոչ ինչք, ոչ մեծութիւնք. անապատ ես ՚ի սիրելեաց, հեռի յօգնականաց. առանց խօսնակի, առանց պատասխանոց. ամաչեցեալ, տրտում, տխուր, միայլ.

1 Յայլում օրին. պահել:

նացեալ, առանց համարձակութեան . զի ուր և 'ի շուրջ
ածիցես զահն՝ յայտնապէս տեսցես զչարեացն զպատ-
կերս՝ զոր գործեալ իցես . աստի տեսանես զորբոցն ար-
տասուան , անտի զայրոյն հառաչանսն , այլուր զկուփեալն
'ի քէն զաղբատն , զծառայն զոր չարչարեցեր , զգրա-
ցիսն զոր բարկացուցեր . ամենեքեան քեզ 'ի վերայ յա-
րիցեն , և գժնդակ 'ի վերայ չարեաց քոց զհետ քո շըր-
ջիցին հանապօղ . զի զոր օրինակ շուք իւր անմեկնելի
է 'ի մարդոյն , նոյնպէս և մեղքն անմեկնելի զհետ եր-
թան զողոյն . յայտնապէս զկերպարանս բազմութեան
մեղացն ցուցանէ ամենայն հրապարակին : Ա՛յ ամն այնու-
րիկ ոչ որ կարէ ուրանալ անդ զչար գործոցն զպղծու-
թիւնսն . այլ կապի լեզու չարախօս , կարկի բերան ա-
նօրէն . դողայ մարմին յանցաւոր , զի իւրաքանչիւր ու-
րուք մեղք վկայեն զգործելեացն , ոչ բարբառ ինչ արձա-
կելով . այլ որպէս 'ի մէջ օդեացն երևի այծեացն սևու-
թիւնն , նոյնպէս և մեղաւորացն անձինք խաւարազգե-
ցեալք և պատեալք 'ի մէջ լուսազարդեալ հրապարա-
կացն երևեսցին : Այլ արդ ընդէր վասն ծփական կենցա-
ղոյս և կորստական արծաթոյդ մատնիս աններելի տան-
ջանաց և յաւիտենական ամօթոյն . ընդէր ոչ ուրանաս
'ի չար ախտէն ընչասիրութեան . ընդէր ոչ հեռանաս 'ի
գլխոց վաշխի շահիցն՝ որ զքեզ առաւել քան զանօրէն
դատապարտէ 'ի հուր ասէզ հնոցացն :

Այլ ասիցես . եթէ ցրեցից զընչիցն առաւելութիւնն՝
արհամարհիմ , աղքատանամ և կարօտիմ . ո՞չ լուար
մարգարէին որ ասէ , եթէ “ Այ տեսի զարդարն արհա-
մարհեալ , և ոչ զգաւակ նորա թէ մուրանայ հաց , ” :
Այլ թէ և յաղքատանալն հասեր , քեզ լաւ է կողկո-
ղել և թափառել , շրջել և մուրանալ յողորմածաց , քան
եթէ 'ի դառնութէ անօրէն վաշխիցն կերակրել : Այլ
ունիս ձեռս , ունիս ոտս , ունիս արուեստ . գործեա ,
վարձեա , սպասաւորեա , և ուտես : Այլով հնարք են
մարմնոյդ դարմանոյդ , եթէ կամիս վաստակել : Այլ ե-
թէ միջիմն ճնչին ինչ զեռուն է՝ զինքն կարէ կերակրել ,
և մեղուքն զնշխարս իւրեանց կերակուր թագաւորաց
ընձեռեն , որք ոչ ձեռս և ոչ գործիս արուեստից ունին
ստացեալ . իսկ քեզ ետ անձ ձեռս և գործիս և միտս ամե-
նահնարս , անմեղութեամբ հաւասարեա զանունդ կեն-

ցաղոյս : Եւ արդ զոր գիտես պատասխանատուութիւն
 յաղագս քոյոյ ուղղութեանդ , որում հրամայեցաւ գործել
 և տալ ում պիտոյ իցէ . դու և անձինքում ոչ ես
 բաւական : Եւ մտանիս ասեղ աղէտիցն յաղագս փո-
 խոյն վաշխիցն՝ որ հանդերձ մարմնով և հոգւով զքեզ
 արկանեն 'ի հրացան 'ի հնոց տանջանաց , ուր է լալ ան
 դադար և կրճտել զատամունս , յորմէ զմեզ փրկեացէ
 շնորհք և ողորմութիւն հոգւոյն սրբոյ . որում փառք և
 գօրութիւն յաւիտեանս յաւիտենից . ամէն :



ՅԱՂԱԳՍ ՄԻԻԹԱՐՈՒԹԵԱՆ ԱՂՔԱՏԱՑ

Չոր ասացից , և կամ զոր պատմեցից , և կամ զոր
 թողեալ արհամարհեցից . և զոր ոչն կարծեմ կարևոր
 այն զեզու իմ շարժէ , և զհոյս 'ի խորհուրդս իմ ժո-
 զովէ : Այլ քանզի կարևոր տեսանեմ զմիտս ճառիս , կա-
 մեա և ես խօսեցայց և պատմեցից զնեղեղոցն զվհատու-
 թիւնս , զչքաւորացն զչարչարանս յիմարութիւն անօ-
 բէնութեան , մինչև առ յոյժ անմտութեան յիժ ևս
 հայհոյութիւն առնել . և կոչեն զնա աչառող և ակնա-
 ուռ մեծատանց ընչասիրաց : Այն . ի՞նչ զմեծատունս
 սիրէ , և նոցուն աչառի , և զվաստակա նոցա յաջողէ , և
 ոչ հայի 'ի զղկոնս տառապելոցն , այլ արհամարհեալ ան-
 տես առնէ : Այսպիսի անօրէն բարբառովն ուրանան
 զճշմարտութիւնն և զարդարութիւնն ից , և զստուգա-
 դործութիւնն նորա կարծեցուցանեն անօրէնութեան գոր-
 ծակից . և այսու առաքեն հայհոյութիւն 'ի բարձունս ,
 և խօսին զայն անիրաւութիւն . այսու 'ի ճշմարտութե-
 նէն ից ուրանան , և յանդունդս հերձուածողացն ընկրղ-
 մին : Օ ի զճշմարտութիւն արդարութեանն ից ոչ հը-
 րեայն կարէ ուրանալ և ոչ հեթանոսն . զոր հայհոյողն
 ամպարշտեալ ուրանայ , և զարթուցանէ զսաստիկ սրտ-
 մտութիւնն ի վերայ ոգւոցն կորուսելոց :

Այլ արդ էր խօսիս զայն անիրաւութիւն , ով չքաւորդ
 և աղքատացեալդ . միթէ զքեզ զրկեանց ինչ ի՞նչ յի-
 րոցն . ոչ ապաքէն մեծատանց և աղքատաց միապէս
 բարժանեաց իբրև եղբարց՝ աչս ամենեցուն զնոյն , ձեռս
 և ոտս զնոյն . յարեգակնէ և յօղոյ և յանձրեաց առ-
 հասարակ վայելեմք . ամենեքեան յերկրէ և յ'Աղամայ-
 ամենեցուն մի մկրտութիւն և մի խորհրդ . և մի մարմին
 և մի արիւն Վրիստոսի . ամենեցուն մի երկիր և մի եր-
 կինք և մի հիւթ ամենայն : Ահա այս են աստուծոցքն

զոր շնորհեաց հասարակաց՝ աղքատաց և հզօրաց : Ա՛րդ ի՛նչ զրկեաց զքեզ, և եղև աչառող մեծատանց : Ա՛յլ գիտեմ եթէ ոչ ինչ ունիս ասել առ այս . բայց ասես, իսկ ուստի է սման մեծութիւն : Ի միտ առ . ոչ եթէ վնաս տարաւ ւած, և եցոյց ինչս բազումս և ետ նման, և զքեզ զրկեաց . այլ ոմանց յագահութենէ և յափշտակութենէ է մեծութիւն, և ոմանց յանդոյլ վաստակոց, և ոմանց ՚ի հայրենի ժառանգութենէ :

Իսկ ընդ այն զի ես տրտմեալ դու, որ յանընչութեդ ես և յանհոգութեան, ՚ի հանդարտութեան և ՚ի խաղաղութեան, դիւրաւ և սակաւու վարես՝ զկարևոր պէտս մարմնոյդ : Իսկ մեծատանցն դժուարաւ յորինին ճաշք և ընթրիք, և լի բազում հոգովք են վայելք նոցա . և մանաւանդ եթէ ՚ի սպանութենէ և ՚ի զրկանաց և ս իցեն կերակուրքն՝ խղճիւն հանապազ հաշին և մաշին, և վասն բազում աղքայ որովայնին բազում մթրիկք երկիւղիւ պատեն զմիտս նոցա . և կարածմեռն յամենայն կողմանց կայ ՚ի վերայ նոցա, կասկած ՚ի գողոց, և երկիւղ յաւազակաց . արհաւիրք ՚ի զբարտառողաց, տագնապ ՚ի հարկահանաց, մախանք ՚ի նախանձողաց, չարախօսութիւնք ՚ի թշնամեաց, նենգութիւնք և վարանք յամենայն կողմանց . զի ամենեցուն ՚ի նա բացեալ են զբերանս իբրև զվիշապաց, և կամին կլանել : Ա՛հա առաւել են մեծատանց հոգք և տրտմութիւնք քան ըզհանգիստ և զուրախութիւն : Այլ ո՛ր իսկ է մեծատանց ուրախութիւնն յորժամ հանապազ զերկնից անձրևս խնդրեն, զբառնաշունչ ձմերունս հոգան, զգաշտաց դարմանս հոգան, զգազանաբեկ հօտիցն հոգան, ՚ի հիւնիցն դողան, ընդ խաշնամահն տրտմին, վասն գանձուցն սկեն, ՚ի պակասեին հալին . ուր և ցեց իսկ տիրէ ՚ի վերայ մեծատանց, և երկեզուկս արկանէ : Օ ի՛նչ ևս առ սացից վասն ահեղ աւուրն զարհաւիրս և զգառն ողբումն տանջանացն, որ և աստէն իսկ յահէ պատուիրանացն սարսափէ և սուկայ հանապազ՝ յորժամ ընթերցուածք մարգարէիցն և առաքելոցն յանդիմանեալ կշտամբիցեն զանողորմ և զազահ մեծատունս :

Ա՛րդ ո՛ր է խնդութիւն մեծատանց, և կամ ո՛ր մը

1 Յայլում օրինակի մտրէն :

խիթարութիւն՝ որում չքաւորդ բաղձաս և ցանկաս, և ընդ հեշտական և ընդ խաղաղական կեանսդ քո տրրտ միս, և եղկելի և թշուառական գթեզ համարիս, և ըզբազմապատիկ իմաստութիւնդ քո արհամարհես : Օյ ոչ երկիրդ ՚ի գողոց է քեզ, և ոչ կասկած յաւազակաց . ոչ հոգաս վասն դաշտաց դալարոյ, և ոչ վասն լերանց արօտոյ . ոչ երկնչիս ՚ի հովուաց նենգութենէ, և ոչ ՚ի գազանացն յափշտակութենէ . ոչ սարսեռ ՚ի բռնաւորացն բռնութենէ, և ոչ ՚ի գրաւահարկէ իշխանացն . ոչ նախանձտքն նախանձին ընդ քեզ, և ոչ զրպարտողքն զրպարտեն . ոչ երկիրդ է քեզ յումեքէ, և ոչ խռովութիւն . ոչ ահ իշխանացն կարէ զարհուրեցուցանել զաղքատն, և ոչ սատտ տերանց . ոչ հանել որ կարէ յաղքատէն, և ոչ խռովել և սաստել : Ս՝ եծատունք խռովեալք և աղմկեալք, և աղքատն ծաղր առնէ գնութօք . իշխանք ամբարտաւանեալք զայրագնին ՚ի վերայ ընչեղացն, և աղքատն յոչ ինչ համարի գնոսս . երկիր լի գողովք և աւազակօք, և աղքատն աներկիր է ՚ի նոցանէ . հրապարակք լի զրպարտողօք և բռնաւորօք, և աղքատն անհոգ է ՚ի նոցանէ . դատաւորք զայրացեալք և գազանացեալք, և աղքատն անլուկ է ՚ի նոցանէ . զի վասն անընչեղութեանն ՚ի բազում խաղաղութեան և յանհոգութեան են կեանք աղքատին, ազատ յամենայնէ և անկասկած յամենեցունց, աննախանձ և անքիւնահան, և անմեղ ՚ի բազում փեսոց : Սք պէտտ ունի բազում շինուածոց . ոչ պէտք են նմա փականք աղխից . ոչ տրտմութիւն է ՚ի հիւանդութեան աղքատին, և ոչ խռովութիւն և աղմուկ ՚ի մահուն . այլ ՚ի բազում անհոգութեան են կեանք աղքատաց, և անզբաղ հանգիստ նոցա : Ղ, յս ամենայն աղատութիւնք աստ :

Իսկ զանտի մեծութիւն և զփափկութիւն և զանանց բարութեանցն զվայելութիւնսն զոր պատրաստեալ է անդ չքաւորութեանն համբերութեան՝ ո՞ր բերան բաւական է պատմել . զի քան զամենայն վայելութիւնս թագաւորաց աշխարհիս ցանկալի է և փափագելի : Եթէ միայն առանց տրտնջելոյ աղքատութեանն համբերիցէ, թեթև և անհոգաբար անցանէ ընդ կեանս աշխարհիս . զի ինդրէ գաւուրն միայն զկերակուրն՝ զոր բազում ցանկութեամբ զարհամարհն իբրև գբաղցրա-

Համ ախորժեղով ճաշակէ, և ննջէ անհոգաբար : Իսկ մեծատանցն զմայլելոց և ոչ անոյշքն թուին ախորժելիք, այլ անպիտոյք և տաղտկալիք : Եւ տանն նորա մեծագին գինեաւն, թմբրին և յիմարին . իսկ աղքատն դիւրագին ջրովն զնոյն պէտս ծարաւոյն վճարէ, և ըզգաստ և առողջ քան զարեցողն գտանի :

Եւ արդ ընդ էր եղկելի և թշուառական զքեզ համարիս . զի զկեանս անհոգս և հեշտականս, և կերակուրս անոյշս և ախորժելիս զաղքատին տեսանեմք քան զմեծատանցն . զի սուրբ են յամենայն նենգութենէ, և յազահաց խռովմանաց վայելք նոցա : Իսկ մեծատանցն փափկութիւնք նախ այն է՝ զի անսուրբ է և անպարկեշտ, և լի ամենայն պղծութեամբ շուայտութիւնք նոցա . և ապա զի՛ ի յափշտակութենէ և ՚ի զրկանաց ժողովեալ անօրէնութեամբ և ազահութեամբ : Եւ ի բազմաց քրտանց յօրինին սեղանք նոցա . բազում երկիրիւ, և սահաւ վայելումն . աղգի աղգի հոգք, և սահաւինչ հանգիստ, և այն բազում ինչ կասկածանօք . զի սահաւ է կարօտութիւն քաղցելոյ աղքատին, և հեշտ հանգիստ քնոյ նորա : Իսկ մեծատունն չև ելեալ ՚ի մահիճան, անդէն պատեն շուրջ զնովա խորհուրդք նորա իբրև զթշնամիս և զպատերազմոյս, հոգք տանն և ծառայիցն, երկիւղ գողոց և զբարտառոյց, նենգութիւն դրացեայն և իշխանացն . և ամենայն ծուփք մեծութե պատեալ պաշարեն զնա՝ թէ որով հնարիւք զինչս աճեցուցանել մարթացուք : Եւ ճա դառն են մահիճք մեծատան ազահի, և ամենայն ուրեք տրտմութիւն ՚ի վերայ տրտմութեանց յաւելուն . զի տեսանէ փնաս և սխալումն ՚ի տանն և տրտմի . տեսանէ սխալումն յանդին և տրտմի . տեսանէ սխալումն ՚ի խաչինս և տրտմի, և ամենայն ուրեք իբրև ալիք յայեաց առնուն հոգք և տրտմութիւնք : Իսկ զանտի տանջանացն և զհրոյ գեհնոյն զինչ ասացից և կամ զինչ պատմեցից, զոր պատրաստեալ է մեծատանց ազահաց և անողորմից :

Եւ արդ, զու աղքատոյ և չքաւորոյ, ընդէր նեղիս և տրտմիս և տազնապիս ընդ նաւահանգիստն անընդութեանդ, և ինդրեա այնպիսի մրրիկս և այլեկոծութիւն մեծութեան . ոչ է մեծ քեզ զի անհոգ ես ՚ի գիշերի, և անհոգ ՚ի տուրնջեան . անհոգ ՚ի տան, և անհոգ ՚ի

Տրապարակս . աներկիւղ 'ի ճանապարհի , և աներկիւղ յօթեվանի . անկասկած 'ի բռնաւորաց , և անակնածելի յամենայն զրպարտողաց . և մանաւանդ եթէ համբերութեամբ ևս 'ի փոքր ժամանակիս փորձանաց և աղքատութեանդ տանիցիս : Օ ի մեծ է բաշխել զինչս իւր աղքատաց , այլ մեծագոյն ևս է զանձն աղքատացուցանել խոնարհութեմ , և գոհանալ զայ : Օ այս և տէրն գովէ . “ Երանի է , ասէ , աղքատաց հոգւով , զի նոցա է արքայութիւնն երկնից ” : Օ ի եթէ չար ինչ էր աղքատութիւնն , և ոչ Վրիտառս յամենայնի զաղքատութիւնն ընտրէր . զի նմա մարթ էր 'ի թագաւորական քաղաքի երևել , և 'ի դատերաց թագաւորաց յղանալ ; և յապարանս թագաւորաց ծնանել : Եւ յա յաղքատ 'ի կուսէ երևեցաւ , և 'ի գձուձ քաղաքի ծնաւ , որ ոչ տուն և տեղի օթեվանի գտանէր , այլ օտարանոց քարաքուի , ուր ոչ մահիձք , և ոչ որորան գտանէր . այլ 'ի քարանձաւ մուրս հանգուցանէր զտէրն ամենայն արարածոց , և 'ի հիւսան խղի սնանէր , և գետնազնաց ձառնապարհորդէր . և այնչափ իծաւ 'ի խոնարհութիւն մինչև զոտս աշակերտացն լուանալ ծառայական կերպարանօք : Եւ այսու օրինակաւ ամենեքեան որ կամեցան յերկինս մեծանալ , զաղքատութիւն և զխոնարհութիւն ընտրեցին :

Իսկ դու ընդէր դողաս յաղքատութեդ , որով յերկինս վայելես անհոգաբար , և զերկնից անբաւ բարութիւնն ժառանգես փոխանակ ընդ սուղ ինչ աղքատութեանդ : Վանզի կրկին նեղութիւնք և հեշտութիւնք մարդոյ , մինն աստ , և մինն 'ի հանդերձելումն . զի կամ զյաւիտենական զանանց բարութիւնն ժառանգեսցես , կամ զաստի անցաւորն . կամ 'ի մշտնջենաւորան է աղքատանալ և նեղել , և կամ 'ի սուղ ինչ ժամանակիս . կամ աստ է սգալ և լալ , և կամ անդ . կամ աստ է վայելչութեամբ պայծառանալ , կամ անդ . կամ աստ համբերել նեղութեանց և տանել , կամ անդ : Իրպէս Երդիա մարգարէն աստ նեղեցաւ և աղքատացաւ , և յերկինս մեծաւ փառօք փառաւորեցաւ . նոյնպէս և Յովհաննէս Երկրորդն աստ աղքատացաւ , քաղցեաւ և ծարաւեցաւ , և յերկինս զանբաւ բարութիւնն ժառանգեաց . սոյնպէս ամենայն մարգարէքն և առաքեալքն ան

ցուոր նեղութեամբ զանբաւ կենացն զվայելչութիան ստացան : Մ. յ. և հարքն մեր առաջինք զաղքատութեան կենան ընտրեցին . քանզի գիտէին եթէ յոյժ դժուարու է մեծութեամբ աշխարհիս զերկնից մեծութիւնն ժառանգել, և ոչ անցաւոր փափկութեամբ զանանց փափկութիւնն վայելել . քանզի ասէ՝ թէ դժուարաւ է առն փափկասիրի զերեսս Վրիստոսի տեսանել, և մեծատունն յարջայութիւնն նոյ մտանել . այլ նեղելոց և աշխատելոց է անտի հանդիստն, և կարօտելոց է արջայութիւն : Սրբ ապ ի բրե . ՚ի բանդի են յաղքատութեանն, նոցա ՚ի բաց է դուռն արջայութեանն : Օ ի ոչ անձ աւերառ է՝ եթէ ՚ի բանդէ տառապանաց հանէ զնեղեալն և զտառապելան, և ՚ի բանդ դժոխոց արկանէ . այլ ՚ի մտտի կենացս հանէ ; և յանսպառ ուրախութիւնն հանգուցանէ : Եթէ միայն գոհութեամբ աղքատութեանն տանդին, բազում մեծութիւնք համարեալ կան յերկնս, և անբաւ ուրախութիւնք :

Եւ արդ որ է ուրախութեան պակասութիւն անընչիդ և աղքատիդ՝ որ հայհոյութիւն ՚ի բարձունս առաքես, և խօսիս զայն անիրաւութիւն : Մ. յ. և ասիցես, թէ յրնչիցն բազմութենէ ողորմութիւնս բազումս բաշտէ մեծատունն : Մ. յ. և ողորմութիւնք աղքատին առաւել զամանալի է և ընդունելի քան զմեծատունն : Օ ի յորժամ սիրով զք տառապեալն տեսնիցէ, և ՚ի սակաւ ընչիցն իւրոց՝ տառապելոցն բաշխիցէ և ջամբիցէ, և զքաղցեալս կերակրիցէ, զանցուցանէ զտուրս իւր քան զբազում մեծատանց . քանզի ոչ եթէ ՚ի չափս տրոցն նայի անձ, այլ ՚ի կամս տալեացն . և ընդունի զսակաւն ի բրե զմեծ :

Մ. յ. եթէ ինչս ոչ ունիցիս՝ որով և զկարօտեարն մըխիթարեացես, տունս ունիս՝ յորում զօտարն հանգուցանես . ունիս ջուր, զոր ծարաւելոցն արբուցանես . ունիս գութ և ողորմութիւնս, որով լաս և հեծես ՚ի վերայ վշտագնելոցն և ախտացելոցն ախտաժեռաց . զի ողորմութի մեծ է քան զընչիցն բաշխումն : Մ. յ. նախանձիցես, եթէ պատարագս և պտուղս հանէ մեծատունն ՚ի մեծութենէն : Մ. ասել և յայտմ մարթ է աղքատին զանցուցանել զմեծատամբն : Ստո զանձն քո պատարագ նոյ խոնարհութեամբ և անմեղութեամբ . “ Սա

տարագ այս է, հոգի խոնարհ, : Այս անձ է քան զողջակէզս խոյոց և զուարակաց. զի մարգարէն զսիրտ սուրբ և զհոգի խոնարհ անուանէ պատարագ բն դուննելի և հաճոյ այս : Արեք մանկունքն զանձինս և զհոգիս մատուցին պատարագ այս : Այլ եթէ ընդ պտուղս կուլոյ կամ հնձանի մեծատանն նախանձիցիս, * որ մեծ է քան զամենայն բարեգործութիւնս, քան զպատարագս և զողորմութիւնս և քան զպահոց պնդութիւնս պտուղս այս հանել յարմտեաց իւրեանց ՚ի կալոյ և հնձանէ . որով հոտոտի անձ ՚ի հոտ անուշից, և օրհնէ անձ զտունս և զվաստակս նորա : Այլ տուն յորմէ սրտուդք օրհնութեան ոչ ելանեն յեկեղեցիս և ՚ի քահանայս և ՚ի սպասաւորս եկեղեցեաց, անձային օրհնութիւնս ոչ մտանէ ՚ի տուն յայն, և ոչ ՚ի վաստակս նոցա, և հանապաղ ՚ի նուազութեան լինի տունն այն : Այն ախորիկ պատուիրեաց անձ Ապսէսի՝ եթէ “ () անաջինս արմտեաց քոց ինձ տացես, զանդրանիկս հօտից քոց, զարջաւոյ և զոչխարի ինձ նուիրիցես . զի յամենայն յոր ինչ մխիցես զձեռն քո, աձեցուցից և բազմացուցից ” : Այնպէս և Աողոմոն ասէ . “ Աատուեա զտէր ՚ի քոց արդար վաստակոց, և հան նմա պտուղ ՚ի քոց արդարութեան արմտեաց ” . ասէ . “ Աջցին շտեմարանք քո ցորենոյ, և գինուոյ հնձանք քո առաւել բղխեսցեն ” : Արդ եթէ ինչք չկան քո, ով չբաւորդ, և ը հան և դու պտուղ ՚ի քոց անդամոց . քանզի յաչաց պտուղ է՝ կուրին առաջնորդել և հանել ՚ի դիւր . յոտից պտուղ է՝ կաղին ցուպ մտանել, և զհարկ ոտիցն նորա հարկանել . ՚ի ձեռաց պտուղ է՝ անդամալուծին առաջնորդել, և զօսացելոյն օգնել . ՚ի լեզուէ պտուղ է՝ զմոլորեալն ուսուցանել, զտրտեալն սիրովել . ՚ի լսելեաց պտուղ է՝ լսել վաղվաղակի եղբօրն հրամանի, և խոնարհութիւն կամաց նորա հնազանդել : Արդ զայս ամենայն ողորմութիւն առանց ոսկոյ առմենեցուն մարթ է բաշխել, և վարձս առաւել ընդունել քան յընչիցն ողորմութեանն : Արդ զինչ ունիս աւել, զի և պատարագք և պտուղք և ողորմութիւնք աղքատացն դիւրաւ և ընդունելի է քան զմեծատանցն : Այն որոյ բազում ժուժկալութեամբ համբերեցէք

* Զմիջանկեալ հատուածդ որ ձեռն է . . ով սասորդ, և ը չունին այլք :

նեղութեանց , և գոհութեամբ ընկալարուք : Այս ե-
թէ տրտմիջիք և հայհոյիցէք , ընդունելոց էք չար վար-
ձուց հատուցումն . քանզի անսուտ է որ ասէն՝ եթէ են
ումանք որ աստ տանջին և անդ . զի աստ աղքատութի
նեղին , և վասն տրտնջելոցն յարդար դատարէն յան-
դիմանեալ կշտամբին , և հալին և մաշին 'ի հուր գե-
հենին . որպէս սողոմայեցիքն որք աստ տանջեցան , և
անդ տանջելոց են : Արոց մի լիցի մեզ անկանեւ յայն
տեղի տանջանացն և դատապարտութեան : Այլ զմեզս
ապաշխարեսցուք , զաղքատութիւն սիրեսցուք , նեղու-
թեան համբերեսցուք , զվշտաց գոհացուք , յանընչու-
թեան փառաւորեսցուք , բազում առաքինութեամբ զեր-
կինս ժառանգեսցուք և յանբաւ բարութեանցն վայել-
չութեան վայելեսցուք 'ի Վրիստոս Յիսուս 'ի տէր մեր-
որում փառք և պատիւ յաւիտեանս յաւիտենից . ամէն :



ԹՈՒՂԹ ՎԱՄՆ ԲԱՀԱՆԱՅԻՑ ՏԵՍՉՈՒԹԵԱՆ
 Ի ՎԵՐԱՅ ԺՈՂՈՎՐԴԵԱՆ

Ես լի անթիւ յանցանօք և ունայն 'ի վարուց առաքինութենէ, թափուր 'ի բարեաց, և սոսկ յարդարութենէ, որ յամենայն ժամ յաւելում մեղս 'ի վերայ մեղաց, որ սպանանէ զիս չարաչար : Եւ արդ ո՞վ զք միգաւ պատեալ բազում յանցանօք և խաւարազգեաց վարիւք անօրէնութեան զայլս լուսաւորել ժպրհիցի, և կամ հիւանդացեալն մեղօք զայլս առողջացուցանել մարթացէ : Ս'եծ յանդգնութի է ծանրացելոցն 'ի մեղաց՝ ժտել զայլս թեթեացուցանել, և անկելոցն 'ի մտաց՝ ախորժել այլոցն լինելով վարդապետ . և կամ զհարդ մոլեալն անօրէնութեամբ առաջնորդել այլոց բաւիցէ : Եւ վասն զի սէրն նժային և յանհնարս հնարի, և ժտի յաղագս փրկութեան, և ջանայ ընդ նեղ և ընդ նորբ ծերպս մտանել առ 'ի շահ և յօգուտս լողաց . հայել յնժային բանին զօրութիւնն, երթ դարձս զեղբայրն քո՝ զի քաւեսցին մեղք քո . զի որ ջանայ, ասէ, դարձուցանել զոգի մոլորեալ, զբազմութիւն մեղաց իւրոց փարատէ . և որ հանէ զպատուականն յանարգէն, բերան նյ կոչեսցի : Օ՛ի մեծ շահ և օգուտ և կարևոր՝ ջանալ և ինդրել զընկերացն փրկութիւն :

Եւ արդ աւասիկ հովիւք հօտից և առաջնորդք եկեղեցւոյ՝ ցանկի հօտիդ, տեսանէք զսատանայ հանդիսացեալ, և զԲրիտոս թշնամանեալ, և զեկեղեցւոյ փարախդ արհամարհեալ, և զհետ գայլոց ընթացեալ . և հովիւք հօտիդ լռեալ դադարէք, և ոչ անդադար բռնաբէք զպատուէրս պատուիրանացն յամենեցուն լսելիս : Օ՛րբդ 'ի տագնապի են 'ի մէջ թշնամեաց, և զօրավարդ անկեալ ննջես . նաւդ 'ի ծփանս և 'ի մէջ արեացդ

ալէկոծեալ, և նաւապետդ անկեալ կաս անհոգաբար . գազանք մտեալ զայգիդ ապականեն, և այգեզործդ տեսանես և անտես առնես յարաժամ: գողք մտեալ շուրջնակի զանկիւնսդ փորեն, և պահապանդ 'ի քուն ես և խորդաս . Ժողովուրդքդ կարեւիւր են 'ի վէրս, և բըժիշկդ չէ 'ի միջի . խաչինք գայլավատնեալ ցրուեցան ընդ խորխորատս, և յառապարս դարահոսեալք, և յանխնայ կոտորին գայլք և գազանք, և Թռչունք մահաբերք գէշ գէշ պատառեն, և անկեալ կան տարատարափ, և հովիւքդ ոչ երեւին: Ոչ զարհուրիք յահեղ հովուապետն՝ որ ասէ, Թէ «Վատեցայց ոչխար առ ոչ խար, և խոյ առ խոյ», և դարձեալ մարգարէիւն ամբաստանէ զքահանայիցն ասելով, եթէ «Վահանայք անարգեցին զօրէնս իմ. զի զսուրբն 'ի պղծոյն ոչ ընտրեցին, և զարատաւորն յանարատն ոչ զատուցին. այլ զկաթնն ուտեն, և զասն զգենուն, և զխաչինս իմ՝ ոչ արածեն, զտկարացեալսն ոչ զօրացուցանեն, զհիւանդացեալսն ոչ բժշկեն. հովիւք էք՝ զանձինս արածէք, և ոչ զոչխարս . և ցանեցից, ասէ, զապաւառ տօնից ընդ երեսս ձեր: Վարդ բարձից զձեզ նոքօք, և առաքեցից 'ի վերայ ձեր անէծս, և անիծեցից զօրհնութիւնս ձեր, և նզովեցից զձեզ . փոխանակ զի ոչ եղիք 'ի սրտի ձերում՝ երկնչել յինէն, և յերեսաց իմոց ոչ խորչեցէք»:

Մըդ տես զի այսպիսի անէծք և սպառնալիք են յայ 'ի վերայ քահանայից հեղգացելոց . և դու երկիր յահեղ սպառնալեացն այ, և մի ինչ հեղգար 'ի տեսչութենէ հոգևոր հօտիդ, այլ զցայգ և զցերեկ անդադար վաստակել վասն նոցա փրկութեան և քոյոյ սրբութե: (Յիշեա զփոյթն Սովսեսի և Մհարոնի և զՍամուէրի, զի և նոքա դորին հօտի էին առաջնորդք: (Յիշեա և զփոյթն Պաւղոսի և Պետրոսի, և նոքա դորին հօտի էին առաջնորդք: (Յիշեա և զփոյթ սրբոցն որ յետնոցա, զի և նոքա դորին հօտի էին առաջնորդք, որք հրով և սրով և զանազան չարչարանօք չարչարեցան վասն հօտին տեսչութեան, և գանիւք և բանդիւք և բազում կրտսանօք ելին յաշխարհէս վասն մեծ սիրոյն այ և ջերմամտութ հօտին տեսչութեան: Որ և ձեզ ըստ նմին նըմանութեան ամենայն քահանայից և վարդապետաց պարտ է հանապազ 'ի սոյն վաստակել . և մանաւանդ

որ ինքնակամ կամօք ստացաւ զվերակացու թիւն , զոր գովելի է՝ թէ ոչ ՚ի պատճառս ինչ կենաց անձինն իմաւցաւ , և զօրացաւ ՚ի հոգւոյն մտանել ՚ի գործ մշակութեան վասն բազմաց փրկութեան : Օ ի արժանաւորացն և պատուիրանապահացն գովելի է հոգևորապէս ցանկալ վերակացու թեան յաղագս առաւել սիրոյն նոյ . որպէս ց՝ Պետրոս ասէր . « Եթէ սիրես զիս առաւել քան զգոսա , արածեա զոչխարս իմ , » և Պաւղոս ասէ . « Իր վերակացու թեան ցանկայ , բարի գործոյ ցանկայ , » և ոչ չարի : « Եւ ուսցին և մերքն բարեաց գործոց վերակացու լինել , զի մի անպտուղ լինիցին . զի այն է բարի և օգտակար մարդկան , » : Օ ի քան զարեգակն ճառագայթիւք լուսաւորեալ՝ առաւել ևս մեծ է զմոլորութիւն մեղացն փարատել :

Եւս է կարևոր նոյ , և առաւել քան զամենայն առաքինութիւնս . վասն այսորիկ ասէ՝ թէ « Երիցունք կրկին պատուոյ արժանի եղիցին , և մանաւանդ որ վաստակեսցին բանիւ և վարդապետութեամբ , » : Օ ի մեծ և անհանգիստ է ջան քահանայութեան , և շահաւոր չնորհք վարդապետութեան . բժիշկ հոգւոց է քահանայն և գործակից գործոցն նոյ : Ետուաճ արար զմարդն կամաւ ՚ի բարի և ՚ի չար , և քահանայն զկամս ուղղեալ՝ զարդարէ գործովք առաքինութեամբ . անձ զնութիւնն ստեղծ , և նա անձամանութեամբն՝ լուսաւորէ , և հեռացուցանէ յամենայն սատանայական խաբէութենէ , և մերժեալ փարատէ զմէզ մոլորութեան և զխաւարն անգիտութեան . և ծանուցանէ զարարիչն արարածոց , և պարզելիչ ամենայն բարութեանց , և լիութիւն ծովու և ցամաքի . և լուսաւորեալ շքմարիտ հաւատովք , և ուղիղ վարիւք առաքինութեան , և առաջնորդէ անձս սիրացն յառաքինութիւնս և յուրախութիւնս : Եւ անորոյ և բազում պատուօք պատուին , և լուսաւոր պսակօք պայծառանան :

Եւ արդ ամենայն որ ունի զվերակացու թիւն քահանայութեան , պարտ է ջան մեծ և վաստակ անհանգիստ ցուցանել վասն հօտին փրկութեան . զի եթէ չսկովք վասն անբան ոչխարացն ՚ի պարզոյ ցրտանայր , և ՚ի տութոյ տապանայր , և քուն յաչացն մերժէր , որչափ ևս

1 Այլ օրինակք անձնութեան :

առաւել քեզ պարտ է բանաւոր՝ հօտիդ վաստակել և տքնել անդադար միշտ, և դողալ և հոգալ հանապազ, և ջերմագուծ գորովով առաւել քան զհայր գթած և քան զմայր մատաղածին խնամել և սիրել, և խնդրել ոգւոցն նոցա փրկուծիւն, և հանապազ ուսուցանել բանիւ վարդապետութեամբ, և որ առանձինն և որ 'ի մէջ ժողովրդոց : Եւ զոր բանիւք ոք ուսուցանէ, նախ գործովք պարտ է կատարել . զի չէ ինչ շահաւոր բան առանց գործոց . « Սկսաւ չիսուս առնել, և ապա ուսուցանել », և « Եր արասցէ ինքն և ուսուցցէ այլոց, նա մեծ կոչեսցի յարքայութեանն երկնից » :

Ի միտ առ, զի ճրագունք 'ի լուցելոյ ճրագէ լուսաւորին, և ոչ 'ի խաւարելոցն . և ժողովուրդք 'ի ձեռն սրբ բոցն սրբին, և ոչ յաղտեղացելոցն մեղօք . զի քահանայն իբրև ակն 'ի մարմնի է 'ի մէջ ժողովրդոց, և պարտ է զամենեքումբ նայել և յարդարել և մաքրել զամենայն աղտեղութիւնս մեղաց : Իբրև ճրագ է 'ի վերայ աշտանակի, և պարտ է զխաւարն թամսթրամած փարատել, և զամենայն տունս լուսաւորել : Եւ դէտ է և պահապան, և պարտ է հանապազ բողբել, զի մի եկեալ թշնամին սրով մեղացն վիրաւորէ, և արիւն սպանելոցն 'ի ձեռաց քոց խնդրեսցի : Բժիշկ էս վիրաւորելոցն 'ի սատանայէ . հանապազ լուս և պատեա և յարդարեա : Ըղ էս համեմիչ . սրբեա զամենայն նեխութիւն մեղաց : Ըղբիւր էս փրկուծեան . զամենեսեան լուս և մաքրեա 'ի չարեաց : Հովիւ էս հօտից . զգոյշ լեր 'ի գայլոց : Երաջնորդ էս ժողովրդոց . դիտեա իրպէս առաջնորդեա . ահա համարք կան և պատիժք և ճշդիւ քննութիւն :

Բահանայ, զգոյշ լեր երկիւղիւ . զի չէ ինչ ընդվայր զմարդն ստեղծեալ, և ոչ 'ի կամս են կեանք աշխարհիս . ինչիւրք են յածող աչաց, քննիւք են անպարկէշտ լսողաց, պատիժք դատարկ բանից, և պահանջումն անդէպ խորհրդոց : Օ ի եթէ ասել զեղբայրն յիմար կամ մնրոս՝ դատապարտէ, զինչ ևս այլ մթերք մեղաց մեծից գործիցեն . և եթէ ակնարկելն պոռնկութիւն գործիցէ, որչափ ևս առաւել գործն այրիցէ . եթէ երգնումն 'ի սատանայէ է, որչափ ևս առաւել որ սուտ երգնուցուն . և եթէ ամբոխելն և աղաղակելն փնաս գործէ, որչափ ևս առաւել ռիս պահէն տանջիցէ 'ի գեհենին .

և եթէ ցանկանայն ապականէ, որչափ ևս առաւել եթէ զգործն ցանկու թեանն կատարիցեմք . և եթէ չարակնեին չարամահ սատակէ, որչափ ևս առաւել նախանձն և ոխայն . և եթէ զիւր ինչս չբաշխեին դատապարտէ, որչափ ևս առաւել որ զայլն զրկիցէ . և եթէ զխոտանն մատուցանել այ՝ նդովս իբրև զՎայէնն ընդունի, որչափ ևս առաւել որ ՚ի զրկանացն մատուցանէ . եթէ զաղտ զեղբօրէն խօսեին վնասէ, որչափ ևս առաւել քստեին նենգութեամբ . և եթէ որ զընկերն բամբասէ ՚ի հուր առաքի, որչափ ևս առաւել որ զբահանայն և զվարդապետն բամբասեն . և եթէ պահարանք և սիբնկոնք¹ ՚ի կռապաշտութիւն տանին, որչափ ևս առաւել յուսուածք և հմայք դիւականք . և եթէ սգալն վասն մեռելոց հեթանոսութիւն է, որչափ ևս առաւել կոծել և փետել . և եթէ որք լկտին և ծիծաղին՝ որպէս զորոմն ՚ի հուր արկանին, որչափ ևս առաւել որք ՚ի թատերան ընթանան . և եթէ առտնին զարդարելն չէ գովելի, որչափ ևս առաւել որ ՚ի տեսիլս հրապարակին պահիցի . և եթէ զրկելն ՚ի սեղանն դատապարտէ, որչափ ևս առաւել խորեին և գողանայն յեղբօրէն . և եթէ յամել ՚ի գինեոջն պատուհասէ, որչափ ևս առաւել շուայտութեամբ զեղիտեալն և զորկորստութեամբ արբեալն, զոր հին և նոր պատուիրանք պատուհասեն :

Եւ արդ տես, զի այս ամենայն և որ ինչ նման է սոցին՝ ՚ի տանջանն դատապարտեն զգործելիսն : Եւ դու որ վերակացուդ ես եկեղեցւոյ՝ եթէ ծուլացես ինչ, և ոչ զգուշանայցես զայս ամենայն ճշդիւ խրատել և քրննել, գիտեա՛ զի արիւն կորուսելոյն ՚ի ձեռաց քոց խրնդրեսցի : Եւ եթէ անձին տանջանաց ոչ դք կարէ հանդարտել, որչափ ևս առաւել այնքան ոգւոցն լինել պարտապան . յոր խաւար երթայցէ, և կամ քանի՛ գետք հրահոսք իցեն նմա բաւական, և քանի՛ գութք խաւարայինք : Եւ զգոյշ լեր, հանապազ բողբեա, աղաղակեա անդադար, քննեա և լուր զամենայն . կարդա փութով և խրատեա . զոմանս սաստիւ, զոմանս աղերսիւ, զոմանս փափագելի արքայութեանն փափկութեամբն յորդօրեա . զոմանս չար ահեղ տանջանացն երկիւղիւն հիացո . զոմանս ՚ի մէջ եկեղեցւոյ խրատեա, զի այլքն

¹ Այսպէս յօրինակին . յայլ օրինական չեք ամբողջ յօդուածն :

ուսցին . զոմանս առաձինն յանդիմանեա , զի մի 'ի բազմաց ամօթոյն ուրացեալք՝ զյանդիմանութիւն արհամարհիցեն . և եթէ արհամարհիցեն իսկ , դու մի աղաղակաւ հակառակիցիս , զի ծառայի տեառն չէ պարտ հակառակող լինել , այլ հեզ առ ամենեաին , զի թերևս տացէ նմա ապաշխարութիւն :

Բայց դու մի մեծարու ինչ զքեզ համարիցիս . այլ արհամարհեա զփառս աշխարհիս . անարգեա զսուտակասպասացն զգովութիւնն . յիշեա զբարտուհասն զՏերովդէի՛ որ զգովութիւնն ընկալաւ : Յաղագս որոյ և դու մի ինչ անձինդ շուք դնիցես , և մի պատիւ ինչ քեզ որոներ . այլ պաշտեալ զամենեւեան սպասաւոր լեր ամենեցուն , ծառայ զքեզ անուանեա : Յիշեա և զԾառայելն Վրիտտսի , զղենջակին օփածանին , զԶուրն 'ի կոնքն արկանելն և լուանալ զոտս աշակերտացն , ոչ մարդ զմարդոյ , այլ անձ զմարդոյ . որ է ճմարիտ խտտովանութիւն և խոնարհութիւն և սերտ ծառայութիւն . « Բէ եկն պաշտօն առնուլ , այլ պաշտել , » : Բայ է քո վարդապետն , և ոչ հեծեալքն և մեծարեալքն : Բրդ դու նմա լեր նմանող , և հօտք քո քեզ նմանեն . որպէս և Պաւղոս ասէ . « Եմանողք եղիրուք ինձ , որպէս և ես Վրիտտոսի , » : Բհա դու նոյն ինքն Պաւղոս ես՝ որ քարոզես , և նոյն ժողովուրդդ որ ուսուցանես . և ահա մարդ էր քո նմանող 'ի Վիւրիկեա գաւառէ 'ի Տարսոն անուն քաղաքէ . և չունէր ինչ աւելի քան զքեզ , բայց միայն զյօժարութիւն և զվաստակն որով զշնորհս հոգւոյն սրբոյ ընկալաւ . որ է քեզ չէ ինչ արգել , այլ միայն յօժարել և վաստակել , և զշնորհս հոգւոյն սրբոյ ստանալ :

Բրդ մի ինչ պատճառեր , և ընդ այս և ընդ այն ինչ բաղբաղեր . բայց միայն արթուն լեր աղօթից և փոյթ վարդապետութեան . ըստ նմանութեանն Պաւղոսի ընդ հիւանդան հիւանդացիք , 'ի մեղուցելոյն վերայ սղբա , ընդ գայթակղեալն տրտմեա , զտկարացեալն զօրացո , և ցոյց զջան նոցա , հատ զժով և զցամաք վասն նոցա : Ի վաստակս մի վհատիք , յամօթոյ մի լքանիք , 'ի բանից մի ակնածեր . այլ թէ և սովամահ և ծարաւահատ և սհասանէ լինել վասն նոցա փրկութեան , ընկալ խընդութեամբ : Օ՛ր ոչ որկորստութեամբ ոք եղև մարգարէ , և ոչ արբեցութեամբ առաքեալ . այլ նեղեալք և

չարչարեալք յամենայն ցանկութեանց . որ և քեզ պարտ է լինել նմանող քաջացն և առաքինեաց , և ոչ գայլացելոցն հովուաց՝ որք անուամբ միայն են հովիւք , և ՚ի հաւատան գազանաբար յարձակին և գայլաբար կոտորեն և ցրուեն և կորուսանեն . և ոչ զհոգս ինչ հոգւոցն հոգան , և ոչ ընդ մեղացն նոցա վարանին : Սէ խնդիրք են գողոցն , և ոչ համարք պոռնկացելոցն . ոչ քննումն բամբասողացն , և ոչ փոյթ է զարբեցելոցն ինչ . ոչ դիւթական հմայիցն են պատժողք , և ոչ յուսթոցն պահանջողք . ոչ դիւական թատերացն են անարգիչք , և ոչ հեթանոսական լայեացն են խափանիչք . ոչ զնախանձոտն յանդիմանեն , և ոչ զոխապահսն թշնամանեն . ոչ վանն չարեաց ինչ սաստեն , և ոչ վանն հեղգութեց ինչ պատուհասեն . ոչ յողորմութիւն զոր յորդորեն , և ոչ յաղօթս փութացուցանեն , և ոչ ամենևին զոր վանն ուղղութեան տրտմեցուցանեն : ՎՍԼ զամենայն փոյթ ՚ի մարմնաւորսն և եթ ցուցանեն . իբրև պատճառանս ինչ կենաց իմն աշխարհիս ստանան զքահանայութիւնն , յաղագս մարմնոյ հեշտութեան , վանն ուտելոյ և բմպելոյ , և գիւտոյ ընչից , յաղագս պատուի և գահերիցութեան և սատանայական մնափառութեան : ՎՍՍ անորոյ ոչ որբոյն ողորմին , և ոչ յայրին ինայեն . այլ պատժովք մուտս ինդրեն , և պատուհասիւք ինչս ժողովեն յանուն եկեղեցւոյն . բռնութեամբ վարին , և իշխանութեամբ հրամայեն , և քահանայական ինչ ոչ երևին . և ոչ զՎեարոսին երբէք ածեն զմտաւ՝ թէ “ ՎՍԶ քեզք որ ՚ի ձեզ հօտ է յայ , վերակացու լինել մի իբրև ահամայ , այլ կամաւ ըստ այ . մի զօջաբաղութեամբ , այլ յօժարութեամբ . մի իբրև տիրելով ՚ի վերայ հօտին , այլ լինել օրինակ գործոց բարութեանց ” : ՎՍԷ ՚ի ժողովրդոցն , ասէ , թէպէտ և բիւր անգամ անկանիցին , կարեն հասանել ներելոյ և թողութեան . իսկ վարդապետ ոք եթէ զնոյն ախտ ախտանայցէ ՚ի ժողովրդեանն , յամենայն պատասխանուոյ զրկեալ գտանիցի , և զվերջին պատժոցն տացէ զտուկոսիս . զի կարի դժուարաւ է ապրել առաջնորդացն մեղուցելոց :

ՎՍԸ անն որոյ և դու հովիւդ հաւատարիմ , լուր առաքելական հրամանին , և մի նմանիր պղծոցն և կորուսելոցն զորս հուրն այրելոց է . որք զանուն միայն հօ-

վաւացն ունին, և զյափշտակութիւն գայլոցն յափշտակեն. ընդ որս համարս տալոց են չարաչարս, զի ուսուցեն և խրատեսցեն ըստ հաճոյիցն նոյն: Այլ ՚ի կամս անձանց իւրեանց շրջելով՝ անկան կերակուր չարաժանի գազանին՝ որ կարեվէր վիրաւորէ, և չարաչար սպանանէ: Այլեւ և զհեղի. թէպէտ և վարս անարատս ունէր, այլ քանզի զօրէնսն նոյն տեսանէր և անտես աւնէր, անհնարին վրիժուց պատժեցաւ: Այլ դու միշտ խրատեա, և վաստակեա անդադար վասն հօտիդ փրկելութեան, զի և հովիւդ ապրեցիս ՚ի պատժոց պատուհասից: Ի միտ առ՝ զի և զգազանակերն և զգորգահանն տուժին ՚ի հովուացն, և զգորոշմն և զմորթ մեռելոցն ճշդիւ պահանջեն, և զհամար շաղղակեր անդամոցն խնդրեն. և որ ոչ զամենայն հաւատեալ ՚ի մէջ բերիցէ և վկայիւք հաւատարմացուցէ, սաստիկ պատժոց լինի պատժապարտ, և լի բազում ամօթով մեռի ՚ի հօտէն: Այլ արդ եթէ վասն անբան ոչխարացն այն պիտի խնդիրք և պատիժք պահանջին, որչափ ևս առաւել վասն հողոցն կենդանեաց, ընդ որոց և Վրիտատս մեռաւ, ասեղ համարս ՚ի քահանայիցն պահանջիցէ: Իմերև սակաւիկ ինչ ծուլացեն վասն բանաւոր հօտին տեսչութեան. վասն զի ճշդիւ են համարք և անհնարին են տանջանք, որք առաջնորդութիւն ստանան և ոչ առաջնորդեն:

Տես թէ քանի մահուց պարտապան է զօրավարն ՚ի թագաւորէն՝ թէ զգօրսն առեալ յապրեցուցանել, և ՚ի ծուլութենէ ՚ի սուր մատնեսցէ. և կամ դէտ՝ որ ոչ զգօրացոց, ոչ ապաքէն ամենայն արիւն սպանելոցն ՚ի ձեռաց դիտին պահանջեսցի: Այլ որք առնուն աւանդ ՚ի թագաւորաց, և սակաւ ինչ անտի կորիցէ, սաստիկ պատժօք պատուհասին: Տես և զԾառայիցն զպատիժս որք յարքունեացն փնասեսցեն. հայեա և ընդ պահապանս հօտից, զի փոսս փորեն և կարս ձգեն և զամբարս դնեն, և շունք շուրջ զհօտիւն շրջին՝ զի մի գազանաբեկ լինիցին. և եթէ սակաւ ինչ ծուլացին և քնոյ զանձինս տայցեն, գայլք և գորք դարանակալք մտեալ ՚ի հօտիցն յափշտակեն և ցրուեն և վիրաւորեն: Այլ արդ տես որչափ ևս առաւել է մարդ քան զօրոյս. և եթէ անբան ոչխարացն նոյնքան պիտոյ է զգուշութիւն

յերևեկի գայլոցն յախշտակութենէ, քանի՛ ևս զգուշալի պահպանութի ոգւոց մարդկան պիտոյ իցէ յաներևոյթ նետից սատանայի, որ գումար հասեալ կայ ՚ի վերայ, և պատեալ պաշարէ զամենեսեան վարմիք և ցանցիւք, և յածի շրջի զամենեքումք, և նետս իբրև յամպ տեղէ ՚ի խորհուրդս մարդկան, յոմանս ագահութիւն, յոմանս այլազրկութիւն, յոմանս պոռնկութեամբ, յոմանս ջնութեամբ, յոմանս գողութեամբ, յոմանս ատելութեամբ, յոմանս սպանութեամբ, յոմանս նախանձու, յոմանս ռիսակալութեամբ, յոմանս բամբասանաց, յոմանս բարկութեամբ, յոմանս նենգութիւն, յոմանս մեղմխանաց, յոմանս չարակնութեան, յոմանս չարաբարութեան, յոմանս դեղատուութեան, յոմանս վաճառաց զրկութեան, յոմանս վաշխաժողովութեան, յոմանս չափոց և կշռոց նենգութեան, յոմանս դիւթոց և յուռթաց և դիւթութեան, յոմանս թատերասիրութեան, յոմանս պաճնողութեան, յոմանս սատանայական սգոյ տրտմութեան, յոմանս անյուսութեան, յոմանս անհնազանդութեան, յոմանս անժուժկալութեան, յոմանս անհաւատութեան, յոմանս մնաքառութեան, յոմանս ձանձրութեան, յոմանս մոռացութեան, յոմանս ստութեան, յոմանս հայհոյութեան, յոմանս քինահանութեան, յոմանս երդմնակերութեան, յոմանս ստախօսութեան, յոմանս որկորստութեան և արբեցութեան և ամենայն զոչաքաղութեան և ամբարտաւանութեան և ամբարհաւաճութեան և պղծութեան, և այլ ևս ախտից բազմութեան՝ զոր եկեալ հոսէ սատանայ ՚ի սիրտս ամենեցուն, և կարեվէր վիրաւորէ, և չարամահ սպանանէ :

Եւ քո զայս ամենայն տեսեալ անտես առնես և անփոյթ, և հեղգաս և ոչ լաս և ոչ ողբաս զայնչափ վերաց բազմութիւն : Երբեք և սոսկա յահեղ բեմբէն երկիրդէ, թէ որով աչօք և երեսօք զտէրն փառաց տեսանիցես . և քանի՛ զլուխք պատժոց և պատուհասից են բաւական վասն քցոյ ծուլութեան : Եւ երկիր ՚ի հովուապետէն, զարթիր ՚ի ծուլութենէդ, և առ զնախանձն Քենեհէզի . խոցեա զսատանայ և զգևս, վիրաւորեա զնոսս սուրբ հոգւովն . հայածեա զքնակիչս բանսարկուին . ցրեա զզօրս սատանայի . խորտակեա զաղե-

ղունս չարին , և դարձո զնետս 'ի նոսա . բարբառեա զբանս վարդապետութեան , և արա հօտի քում դեղ ողորմութեան՝ ծերոց , արանց և կանանց , ծառայից և տներանց , հիւանդաց ախտացելոց . և մի ինչ ամենեւին դանդաղեր և դատարկանար , այլ անդադար վարդապետեա : Վէտ եօ , աղաղակեա . տեսուչ ես , յանձան ձեա . առաջնորդ ես , յեկեղեցի հետեւեա . հովիւ ես , յուղիղ հաւատս արածեա . բժիշկ ես , զվէրս մեղացն բժշկեա . նաւապետ ես , զնաւդ զերծո յալէկածութենէդ : Մշանդ ստացար , և համար ունիս տալ՝ թէ և սուղ ինչ հեղգայցես : ՄԼ Երկիր 'ի հովուապետէն , և ինդրեա զբանաւոր հօտս քո զկորուսեալն , և զամենսեան ժողովեա . պարսպեա խրատու վարդապետութե . զթշնամիսն ընդ այ հաշտեցո . զվարավատնեալն 'ի սատանայէ միաւորեա . զհեռացեալն յեկեղեցւոյ մերձեցո . զվհերոտան յաղօթից 'ի փոյթ յորդորեա . զկորուսեալն 'ի ճշմարտութենէ ինդրեա . զմոլորեալն յարդարութիւն դարձո . զհիւանդացեալն յախտից թշնամոյ բժշկեա . զվիրաւորեալն 'ի սատանայէ առողջացո . զգլորեցալն անօրէնութեամբ՝ կանգնեա . զխաւարեալն անդիտութեամբ՝ լուսաւորեա . զօտարացեալն 'ի պատուիրանացն այ ընտանեցո . զաղտեղեալն կռապաշտութեամբ՝ լուսաւորեա . զմեղուցեալն ապաշխարութեք արդարացո . զքաղցեալն 'ի մարմնոյն Վրիստոսի կերակրեա . զծարուեալն արեամբն Վրիստոսի արբօ : ՄԶ զամենեսեան արժանաւորս արա 'ի վերին քաղաքն մտանել յայսպիսի գործովք առաքինութեան . 'ի վարս պարկեշտս յորդորեա . 'ի հաւատս ուղղափառս զօրացո . ըզխոնարհութիւն և զհեղութիւն հրամայեա . զպատուիրանապահութիւն և զօրէնս տեառն կատարել ուսո , զարբութիւն սրտի և զճշմարտութիւն լեզուի , 'ի ցածութիւն աչաց և 'ի պարկեշտութիւն մարմնոյ . 'ի ժուժկալութիւն և 'ի համբերութիւն յորդորեա . 'ի սնդութիւն պահոց և 'ի յօժարութիւն աղօթից և յառաւելութիւն ողորմութեան ամենեցուն պատուիրեա : Ս Ի այսպէս ամենայնիւ կատարեալք և սրբեալք և լուսաւորեալք կացէք առաջի Վրիստոսի ընդունել զանթառամ փառաց պսակն : Արում և զմեզ արժանիս արասցէ վայելեալ , և փառս տալ հօր և որդւոյ և սուրբ հօգւոյն այժմ և միշտ և յաւիտեանս յաւիտենից . ամէն :

ՅԱՂԱԳՍ ԲԱՄԲԱՍՈՂԱՑ ԵՒ ՉԴԱՏԵԼՈՑ
ԶՎԱՐԴԱՊԵՏՍՆ

Սթերք հոգոց և աղջամուղջք տրտմութեան դի-
զեալ 'ի վերայ իմ կուտի հանապազ . զի ախտք չար և
ահեղ անօրէնութիւնք մտեալ յեկեղեցի իբրև զհուր
'ի վեր բորբոքեալ, զամենեսեան առ հասարակ այրէ, և
'ի միտս մեր փոքր կարծեցուցանէ սատանայ . որպէս
Սարիամայ ետ բամբասել զՍուլէս ծառայ անջ, և 'ի
միտս նորա փոքր կարծեցուցանէր սատանայ, զի մի 'ի
զղջումն եկեսցէ . և վամն այսորիկ ընկալաւ զպատիժս
պատուհասիցն : Այլ որպէս Վամայն ետ բամբասել
զմերկութիւն Սոյի հօր իւրոյ, և 'ի միտս նորա փոքր
կարծեցուցանէր, մինչև ընկալաւ զանէծան ծառայութե,
սոյն հուր և այժմ մտեալ յեկեղեցի՝ առ հասարակ զա-
մենեսեան այրէ և կորուսանէ, սոյնպէս և որոգայթիւք .
զի մինն շնայ, և մինն բամբասէ, և երկոքեանն հաւա-
սար անօրինին . մինն գողանայ, և միւսն բամբասէ, և
միապէս պատուհասին . մինն արբենայ, և միւսն զար-
բեցողն բամբասէ, և համանման դատապարտին : Այս
ամենայն իսկ զամենայն բնութիւն մեղացն մինն գոր-
ծէ, և միւսն բամբասէ, և միահաւասար դատին և տան-
ջին . քանզի ոչ եթէ զգողանայն և զշնայն առաւել ևս
անօրէնութիւն ցուցանէ Սաւղոս քան զբամբասելն և
զարբենայն, այլ միապէս չարութիւն է . միահաւասար
զերկոցունցն ելանելն յարքայութենէն միով բանիւ նը-
շանակեալ ասէ՝ եթէ՝ « Աչ գողք և ոչ պոռնիկք և ոչ
արբեցողք և ոչ բամբասողք զարքայութիւնն անջ ոչ ժա-
ռանգեն » :

Այս արգահա ելից սատանայ զբերանս ամենեցուն ա-
նօրէն ախտիւն բամբասանաց, և հանապազ անդադար
բորբոքին լեզուք ամենեցունց յեղբօրն բամբասանս և 'ի

Հայհոյութիւնս : Լ՛ներկիւղ և անկասկածելի իմն տե-
սանեմ զանձինս որք զանօրէնութիւնս զայս գործեն , և
ոչ փութան լուանալ և սրբել ապաշխարութեամբ իբրև
զգողութեան և զպոռնկութեան զչարութիւնս : Սիե-
թէ գարշիս ՚ի շնութենէ , գարշեա և ՚ի բամբասանաց .
զի եթէ չար է շնութիւն , հաւասար առնէ և զբամ-
բասողութիւնն : Լ՛յլ առաքեալն օրէնսուսոյց առաւել
ևս ցուցանէ զբամբասանացն անօրէնութիւննն ասե-
լովն եթէ “ Լ՛մենայն որ բամբասէ զեղբայր իւր , զօ-
րէննն բամբասէ և զօրէնս դատի ” : Եւ որ քան զայն
անօրէնութիւնք իցեն , որ օրինացն նոյ ոչ առնելի է ,
այլ տէր և դատիչ լինի : Սի է , ասէ , օրէնսդիր և դա-
տաւոր , որ փրկէ և կեցուցանէ և կորուսանէ . դու զի
դատիս զայլոյ ծառայ : Եւ արդ տես թէ քանի մահաց
պարտապան է՝ որ զպատիւ և զիշխանութիւն թագա-
ւորին յափշտակէ , և զդատաւորի դատապատան դատիցի
ինքն . զի նա ասէ . “ Եւ են վրէժխնդրութիւնք , և ես
հատուցից՝ ասէ տէր ” : “ Եւ զի դատիս զեղբայր քո ,
կամ զի անգոռնես զեղբայր քո ” :

Եւ արդ դու դատեալք և դատապարտեալք մեղքք ,
ոչ սոսկաս և դողաս դատել զայլոյ դատաստան . որ ոչ
եթէ զմարդ որ արհամարհեցեր և թշնամանեցեր , այլ
զմեծ . և զպատիւ և զիշխանութիւննորա յափշտակեալ
դատիս զդատաստաննորա , չսխլելով զբանն սուրբ աւե-
տարանին որ ասէ՝ թէ “ Սի դատիք , զի մի դատիջիք .
զի որով դատաստանաւ դատիք , նովին դատելոց էք ”
ասէ : Սրբոց է դատել , և անարատից է յանդիմանել .
և զայն առանձինն և աղաչանօք , և ոչ հրապարակաւ
զմեղս ուրուք յանդիմանել , և կամ զազտ ՚ի նմանէն
՚ի լսելիս ուրուք բամբասել : Եւ են մեղք անեղք և ա-
նօրէնութիւնք . զի ոյ որ ՚ի խեղութեան ինչ իցէ և զայլ
խեղութեամբ թշնամանէ , ոչ ապաքէն յառաջ քան
զնա զինքն թշնամանիցէ : Եւ զի ինքն իսկ թէ և բիւր
չարիք ստացեալ ունի , ծածկեալ խաղաղէ . և զեղբայրն
թէ և սուղ ինչ յանցանիցէ , սահի , շրջի , և յամե-
նեցուն լսելիս արկանէ , և լինի դառն դահիճ և քննիչ
չարաչար եղբօրն յանցանացն : Իւրում աղանն գերան
կայ և ծածկէ , և զիւղ աղան եղբօրն որոնէ . զոր և
Վրիտտոս ոչ միայն մեղաւոր ասէ , այլ և կեղծաւոր ևս

կոչէ . “ Երգծաւոր , ասէ , հան նախ զգերանդ յականէ քու մնէ , և ապա մատիցես հանել զչիւղ յականէ եղբօր քո ” :

Եւ արդ ո՛վ իցէ քան զնա անամօթագոյն , որ զիւր մեղաց սխալանս ինչ գիտիցէ , և զայն անփոյթ արարեալ հետաքրքիր եղբօրն յանցանացն լինիցի , բամբասել 'ի բազմաց լսելիս : Եւ զայն ոչ իմացաւ ' թէ որով ինչ յանցանօք զեղբայրն բամբասիցէ , նովին մեղաց տանջանօքն և ինքն պատուհասի : Եւ հանապազ անդադար բողոքին լեզուք ամենեցուն յեղբօրն բամբասանս . զի զտանջանս ամենայն մեղացն զոր գործեացն ' է պատրաստեալ զնոյն տանջանս և բամբասողացն հաւասար : Եւ արդ ընդէր այդպիսի տանջանօք դատապարտիցիս , և կամ զինչ 'ի բամբասանացդ օգտեցար . զոր ցանկութիւն կամաց քոց կատարեցեր , և կամ զոր յաճախութիւն ընչից շահեցար . քաղցնօ ինչ միսխթաւութիւն ստացար 'ի բամբասանացդ , եթէ մերկութե՛ ինչ ծածկոյթ : Եւ այլ ինչ աւելի գտանես , բայց միայն զսակ զսատանայ տեսանես զմիտս բամբասողացն ' որ հանապազ լցեալ յղացեալ կան չարեօք . իբրև զծննդաւ կան երկնեն արտաքս զբամբասանս հոսեալ . յուղջան շրջին , և խօսին զեղբօրէն չարութի : Եւ 'ի չար մտաց իւրոց իմանայ , կամ 'ի յայլմէ 'ի լսելիս յաւելու չարաչար սերմ ' և զազրացուցիչս , և ատելի ամենեցուն զեղբայրն ցուցանէ , և զբազումն 'ի նա զայթակղեցուցանէ . ընդ որոց գայթակղութեան ինքն դատապարտի : Եւ չար կարծիս զեղբօրէն հնչեցուցանէ 'ի լսելիս ամենեցուն . որում և ասէ իսկ ' թէ վայ որ կարծեն , և եղուկ որ զկարծիսն տայցեն . տէր է հատուցանող և դատաւոր , բարեացն բարիս , և չարարարացն չարիս : Եւ զի դատիս զեղբայր քօ , և զի անգոհնես և բամբասես . ահա դատաւորն առ գուրս կայ , և հատուցանէ իւրաքանչիւր ըստ գործոց :

Եւ արդ որպիսի տանջանօք դատապարտիցին ' որ ոչ միայն զեղբարս , այլ և զվարդապետս և զքահանայս բամբասեսցեն . քանզի անօրինեալ և լցեալ են սաստիկ անառակութեամբ , և ամենայնիւ սատանայի կան 'ի հնազանդութիւն : Եւ անգի հեղու զամբարշտեալ ըզթոյնս իւր 'ի վերայ , մինչև յահեղ անօրէնութիւնս

կործանէ . որպէս և ժողովրդեանն յանապատին նախ զՍուլէս ետ թշնամանել, և ապա զաժ արհամարհել . նոյնպէս և հրէական ազգին՝ որ նախ զմարգարէսն կուտորեցին, և ապա զԲրիտոս սպանին . նոյնպէս և Յուդայի նախ զաղքատացն ետ գողանալ, և ապա զտէրն մատնել : Բստ նմին օրինակի և բամբասողաց նախ զընկերս ետ բամբասել, և ապա զվարդապետս և զքահանայս, որոց բամբասանքն յաժ ելանեն . որպէս և ինքն Վրիտոս ասէ՝ թէ « Եր զձեզ ընդունի, զիս ընդունի . և որ զձեզ անարգէ, զիս անարգէ » : Եւ եթէ որ զքահանայս և զվարդապետս բամբասէ, զԲրիտոս թշնամանէ :

Ի շխարհական ես, մի զպատիւ քահանայութեանն բամբասեր և հայհոյեր : Հայեա՛ի Կորիս և ՚ի Կաղան և ՚ի յԵբիրոն՝ որք զպատիւ քահանայութեանն թըշնամանեցին . տես զի բացաւ երկիր, և եկուլ զնոսա, և հուր ՚ի բանակս նոցա վառեցաւ : Օգոյշ լեր, զի մի և դու զփորձ նոցա առնուցու՝ որ զպատիւ քահանայութեանն արհամարհես : Վեզ ոչ եթէ զառաջնորդս բամբասել հրամայեցաւ, այլ ունկնդիր լինել և պատուել : « Ընկնդիր լերուք, ասէ, առաջնորդաց ձերոց, և հրպատակ կացէք նոցա . զի նոքա հոգան վասն ոգւոց ձերոց, և համարս տալոց են ընդ ձեր » : Եւ դու հայհոյութեամբ և բամբասանօք պատերազմիս ընդ նմա . տես զի ոչ ընդ նմա, այլ ընդ այ մարտնչիս՝ որ նմա զպատիւ քահանայութեանն շորհեաց : Օի ամենայն որ պատուէ զքահանայն, զաժ փառաւորէ և պատուէ . և որ արհամարհէ, զաժ թշնամանէ : Օքահանայս քո մեծարեօջիր, և զիշխանս ժողովրդեան քո մի արհամարհիցես : Օի թէպէտ և յանապատանեաց որ իցէ քահանայն, այլ աժ տեսանէ՝ զի վասն նորա և զանարգան մեծարես . զի սրբոյն վասն սրբութեանն ակն աժես : Իսկ վասն այ պատիւ այն է՝ որ զանարգն մեծարիցես . այլ է անարգ, զի հրեշտակ տեառն ամենակալի է քահանայն : Եւ եթէ արհամարհես, յաժ մեղանչես՝ որ ետ զձեռնադրութիւն նորա, և նովաւ ինքն կատարէ զխորհուրդն և զմկրտութիւնն . թէպէտ և նոքա չիցեն արժանիահեղ խորհրդոյն մերձաւորութեան, այլ վասն փրկութեան ժողովրդեանն չարգելու զնորհա հոգւոյն

սրբոյ : Օ ի եթէ իշոյն և Բաղասաման դիւթոյն խօսեցաւ վասն փրկութեան ժողովրդեանն, որչափ ևս առաւել անարժան քահանային ինքն գործէ զամենայն վասն մերոյ փրկութեան : Եւ դու եթէ սրբութեամբ հաղորդիս ՚ի սուրբ խորհրդոյն, քահանային պղծութիւնն զքեզ ոչ վնասէ . նոյնպէս և որ պղծութիւն մերձեանայցէ, քահանայի սրբութիւնն ոչ օգնէ : Բայ եթէ համարիցիս՝ եթէ ՚ի ձեռն արատաւոր ինչ քահանայի շնորհք հոգւոյն ոչ իջանեն ՚ի պատարագն և ոչ անձ ինչ նովաւ գործէ, ՚ի միտ առ՝ զի բառնաս զկարգս եկեղեցւոյ և զանուն քոյոյ քրիստոնէութեանդ : Եւ եթէ այդպէս իցէ, և պատարագն չէ պատարագ ըստ բում ասելոյդ, ապա և ոչ ձեռնադրութիւնն ձեռնադրութիւն, և ոչ կարգ քահանայութեան հաստատուն . ահա յոյսդ քո քրիստոնէութեանդ սնտոի է, զի ամենեքին ընդ մեզօք եմք գրաւեալք :

Եւ արդ մի ինչ այսպիսի ածեր զմտաւ, և մի քններ զվարս առաջնորդին, և մի զքահանայս և զվարդապետս քո բամբասեր : Դռներ հրաման քննել զմեզս ուրուք, թող թէ զքահանային . այ է քննել և դատել, դու զքննես և դատես և հայհոյես : Օ ի եթէ զընկեր չառեր հրաման դատել և քննել և բամբասել, որչափ ևս առաւել զքահանայս և զվարդապետս : Օ քո վարսդ քրննես և դատես, և մի զառաջնորդաց . բայց եթէ ՚ի հաւատս ինչ անպիտան իցէ, և թիւրս ինչ ուսուցանիցէ, փախիր ՚ի նմանէ, մի մերձենար և մի ճաշակեր և մի հաղորդիր ընդ նմա և մի հուպ լինիր . զի որ ՚ի նմա հաւատս թերին է, և թիւրս ինչ ուսուցանիցէ, եթէ Պաղոս իսկ իցէ՝ կամ հրեշտակ, մի հաղորդիցիս . զի չէ առանց պատժոց անխտիր հաղորդին : Օ ի վասն հաւատոց քո է քննել, և վասն վարուց այ է դատել : Եւ եթէ ՚ի հաւատս առողջ իցէ քահանայն, հնազանդ և եթեր նմա . վասն վարուց մի ինչ հայհոյեր :

Եւ շակերտ ես, մի դատիս զվարդապետն . Վրիտաոս է որ քննէ և դատի : Օ ի եթէ ընդ դատարկ բանի համարս տարց եմք, և կամ զեղբայրն մորոս և անարգ աւիցես՝ ՚ի հօր առաքիս, իսկ որչափ ևս առաւել պատժոց արժանի համարիցիք, որ զվարդապետն և զքահանայն այ բամբասիցէ հայհոյութեամբ : Եւ եթէ նա ա

զատ ինչ իցէ 'ի պատժոց' որ զխեղճ ինչ մեղաց ունիցի, և 'ի սպասաւորութիւն սրբոյ սեղանոյն յանդգնիցի, այլ ահեղ հրով և աններելի տանջանօք է դատելոյ :

Օ) Ի չեն ինչ, ասէ, այնչափ մեղք չարաչարք՝ որ կարող են զբոլոր զբարկութիւնն նոյ զարթուցանել քան զայն՝ որ անարժանութեամբ որ 'ի քահանայութիւն մերձենայցէ . զի սպասաւոր անարատին պարտ է անարատ լինել ոգւով և մարմնով, զի 'ի ձեռն անարատին արատաւորքս ապրեսցուք : Իսկ արհամարհողքն 'ի քահանայից' որ զխեղճ մտացն ինչ գիտիցեն, և արհամարհանօք 'ի սուրբ սեղանն մերձենայցեն առաջի ահեղ խորհրդոյն, մեծամեծ և չարապատիժս տանջանաց նոցա պատրաստեալ է՝ առնուլ զվրէժս ահագին յարհամարհողաց նոյ :

Ճ) իշեա զորդիսն 'Նարոնի' որք արհամարհանօք 'ի սպասաւորութիւն մտանէին, և հուր բարկութեան եկեր զնոսա . յիշեա զորդիսն 'Նեղեայ' որք անարժանութիւն սրբութեանցն սպասաւորէին, և սուր եկեր զնոսա . վասն նոցուն կորեաւ և 'Նեղի, և բազումք յարացէի սատակեցան . զի եթէ 'ի հնումն այսպէս էր, որչափ ևս առաւել ահեղ վրէժիմնորութիւն 'ի նորումն պահանջիցի, եթէ որ անօրէնութեամբ 'ի սպասաւորութիւն ահագին խորհրդոյն մերձենայցէ :

Երդ քահանայք եթէ սուղ ինչ յանցանիցեն, և խղճիւ 'ի սուրբ խորհուրդն մերձենան, այսպիսի են տանջանք . բայց դու չառեր հրամանն բամբասել և արհամարհել . զի ոչ զմարդ, այլ զանճ հայհոյես և արհաւարհես : Երհամարհեցին զՍոփսէս ժողովուրդն, և անճ իւր համարեցաւ . արհամարհեցին զՍամուէլ որդիքն Խարայելի, և անճ իւր համարեցաւ . « Եթէ ըզքեզ անարգեն, այլ զիս արհամարհեն », . զի ամենայն որ բամբասէ և արհամարհէ զքահանայն, յանճ մեղանէ : Եթէ ասեր՝ թէ ստոյգ են բամբասանքս, և ամենայն որ գիտէ . զի եթէ ստոյգ է՝ ոչ է մեր այն, այլ դատաւորին է քննել : Տես զի զմահապարտն ոչ ամենքեան քննեն և դատին, այլ դատաւորքն միայն . բայց դու մի դատիր զուրուք դատաստան, և մի խօսիր զումեքէ, և մի լսեր զումեքէ . և եթէ լուար բան զեղբօրէն՝ մեռցի 'ի սրտի քում, զի ոչ եթէ ծակէ և երանէ :

Եւ արդ մի զմիմեանս բամբասեսցուք . զի ըստ իւ-

րաքանչիւր գործոց կայոց եմք առաջի նոյն , և ըստ իւրաքանչիւր գործոց համարս տալոց եմք պատուհասից , և իւրաքանչիւր զիւր բեռն բառնալոց եմք , և ընկերին ոչ ոք կարէ օգնել : Օ ի 'ի բազում աղէտից գեհննին , և յահէ հրացան հոսանացն գետոյն յորդուծեանց համարի' թէ միայն իցէ 'ի տանջանս վասն չարահսկիծ ցաւոցն վարանաց . զի բորբոքումն գազանացեալ հրոյն իբրև շնչաւոր իմն շանթիւք յարձակի առնուլ զվրէժս յարհամարհողացն նոյն :

Եւ արդ որոց այսպիսի ահեղ արհաւիրք և դառն դատաստանք մնան , պարտ է զիւրաքանչիւր հոգս հոգալ , և զիւրաքանչիւր վաստակս վաստակել , և զիւր մեղսն կոծել , և զիւր յանցանանքննել , զիւր չարիսն որոնել , զիւր աղէտն միայն ածել զմտաւ , զիւրն սգալ և հառաչել , զիւրն լալ և ողբալ , և հանապազ զիւր անօրէնութիւնն բամբասել , և վասն իւր մեղացն չարախօսել , և ոչ զյանցանս ընկերին որոնել , և մանաւանդ զքահանայիցն և զվարդապետացն : Օ ի քահանայն վարն քո դեգերեալ կայ յեկեղեցւոյն . պաշտէ և սպասաւորէ վասն քո . ընթեռնու և վարդապետէ վասն քո . ձեռս 'ի վեր ամբառնայ վասն քո . մատակարարէ խորհրդոյն վասն քո . միշտ պատարագ մատուցանէ հանապազ վասն քո . զուխտ քո ընծայէ նոյն . զտօն քո կատարէ հանապազ . զմխորեալս քո ուսուցանէ և դարձուցանէ . զերախայս քո մկրտէ . մեղուցեւոցն վարդապետէ . վասն ապաշխարողացն խնդրէ թողութիւն . վասն նծապաշտութեան զգուշացուցանէ . զհանգուցեալս քո օրհնութիւն յղարկէ . զհարսանիս քո և որդւոց քոց ուրախութեամբ պսակօք յորդորէ և շքեղացուցանէ , և զթշնամին յամօթ առնէ . վասն կենաց և փրկութեան քո աղաչէ . վասն պատուհասից քոց անկանի առաջի նոյն յարաժամ . պաղատի վասն քոյոյ փրկութեան միշտ զտէրն քո ընդ քեզ հաշտեցուցանել , ողորմութիւն և թողութիւն մեղաց քոց խնդրէ անդադար . և վասն հոգւոյ քոյ յամենայն ժամ հոգայ , և մարմնոյ քում սպասաւորէ հանապազ , և առաւել քան զարծաթագին կայ քեզ 'ի հնազանդութեան :

Եւ արդ այսպիսի ծառայութիւն և աւելի քան զսոյն քեզ քահանայն հարկանէ , և ընդ այսր ամենայնի քա

Հանայն Հայհոյութիւնս և բամբասանս լսէ . և որպիսի հուրք և տանջանք ահեղք և աններելիք քեզ սպասեալ մնան . ընդ որոյ երախտեացն պարտ էր քեզ ծառայել քահանային , աղաչել և մաղթել , անձամբք և որդւոյք սպասաւորել , և իբրև յայ երկնչել , և իբրև 'ի հօրէ ակնածել , և իբրև յերախտաւորէ պատկառել , իբրև զանձն և զհօգի քո սիրել , զարամութիւն նորա սիրտի , և զվաստակ նորա երանել , 'ի վարդապետութիւն զօրացուցանել , զտկարութիւն ինչ միտիթարել , կերակրել և յագեցուցանել , և զամենայն մարմնաւորս նորա հոգալ , զնա միայն հոգևորացն պարապեցուցանել :

Օ այս և բազում և ս այսպիսի երախտիս պարտ էր հաւուցանել քեզ ընդ քահանային վաստակոցն , և ոչ բամբասանս և Հայհոյութիւնս և արհամարհանս անակնածելիս :

Եւ արդ զայս ամենայն լսելով շիջուսցուք զբորոքեալ հնոց Հայհոյութեան , դադարեսցուք զհուրն արհամարհանաց : Սանձեցէք զլեզուս 'ի չարխօսութենէ . մաքրեցէք և զաչս 'ի յարատ հայեցուածոց . ուղղեցէք զսիրտս 'ի չար խորհրդոց . ծառայեցէք տեառն երկիրի . պատուեցէք զվարդապետս . հնազանդեցարուք քահանայից . սպասաւորեցէք հիւանդաց . զքեցուցէք զմերկս . լցուցէք զքաղցեալս . սիրտեցէք զնեղեալս . օգնեցէք տնանկին , և անդադար վաստակեցէք ազութիւք , պահօք և ողորմութեամբ : Եւ յ է ձեզ ճանապարհ փրկութեան որ հանէ 'ի վերին քաղաքն փափագելի յանանց վայելչութիւնս . յորս և մեզ եղիցի վայելել , և փառս տալ հօր և որդւոյ և հոգւոյն սրբոյ այժմ և յաւիտեանս . ամէն :

ՎԱՄՆ ՍԻՐՈՅ ԵՒ ՄԱԽԱՆԱՑ ԵՒ ՆԱԽԱՆՁՈՒ

Ոչ ինչ պիտոյ է որ յաղաքս սիրոյ նորագոյնս ինչ խնդիրք . զի ունիմք զնոյն ինքն Վրիստոս սիրոյ մեզ վարդապետ , որ ասաց՝ եթէ սիրեսցիք զմիմեանս . և եթէ սիրէք զիս , զպատուիրանս իմ պահեսցիք : Օ ի գլուխ պատուիրանին սէր է . և որ կամի մերձենալ յաճպատութի , յառաջ քան զամենայն պատուիրան զսէրն պարտ է ստանալ . “ Յայսմ ծանիցեն ամենեքեան եթէ իմ աշակերտք էք՝ եթէ սիրիցէք զմիմեանս , որպէս ես զձեզ սիրեցի , : Օ ի ինքն իսկ սէր է , և Յովհաննէս զաճ սէր կոչէ . և որ կայ ՚ի սէր նորա , նա յաճ բնակէ , և աճ ՚ի նման . զի զհրամանս սիրոյ նորա կատարեաց : Օ ի սէր և ՚ի հնուամն ևս քարոզէր . այլ ՚ի նորումս Վրիստոս և զսիրելիս ևս հրամայէ սիրել , և զթշնամիս ևս սիրել , և զանձն ևս դնել ՚ի վերայ սիրոյ սիրելոցն . և նա զանձն իւր եղ ՚ի վերայ թշնամեաց և սիրելեաց , զի զպատուիրանն սիրոյ ոչ բանիւք միայն , այլ և արդեամբք ՚ի մեզ հաստատեսցէ : Ասան որոյ և մեք զաճ սրտիւ սիրեսցուք , և զպատուիրանս նորա երկիւղիւ պահեսցուք . զի այս է սիրելն զաճ՝ եթէ զպատուիրանս նորա սրտիւ պահեսցուք . և պատուիրանք նորա այս են՝ զի ճշմարտիւ սիրեսցուք զմիմեանս . և ամենայն որ ճշմարտիւ սիրէ զեղբայր իւր , նա պահէ զպատուիրանս նորա :

Այս է ճշմարտիւ սիրելն՝ յորժամ ոչ վասն երախտեաց իրիք սիրեսցուք , և ոչ վասն ընդելական իրիք սուվորութեան , և ոչ վասն քաղցրահայեաց երեսաց , և ոչ վասն ազգի ինչ գթոյ , և ոչ սէր փոխանակ սիրոյ սիրեսցուք : Այլ միայն վասն պատուիրանին այ զամենեանս սիրեսցես , և ընդ ամենեսեան զխաղաղութիւն ունիցիս : Իայց զընչիցն կարողութիւնն կարօտելոյն

միայն բաշխեսցես, իբրև վշտացելոց իւրոց անդամոց
խնամ ունել աղքատին . վասն զի ամենեքեան անդամք
եմք միմեանց, և պարտիմք ընդ վշտացելոյն միոյն ան-
դամոյն՝ այլոց անդամոցն վշտանալ ըստ ասելոյն Վա-
ղոսի, և տալ զանձն 'ի չարչարանս վասն սիրոյ ընկե-
րին . որպէս և Վրիստոս ետ զանձն իւր 'ի չարչարանս
վասն մեր : Օ ի թէ նա որ անձ էր՝ այնչափ յանարգու-
թիւն էջ վասն մեր և թշնամեաց և ատելեաց, մեք
զինչ պատասխանի ունիցիմք եթէ չսիրեսցուք զմիմեանս
ըստ պատուիրանին զոր պատուիրեաց մեզ սիրել զթրշ-
նամիս, օրհնել զհալածիչս, բարի առնել այնոցիկ՝ որ
ատենն զմեզ, և աղօթս առնել 'ի վերայ հալածողացն :
Օ ի սէր ընդ սիրոյ և մաքսաւորք հատուցանեն . բայց
այն էր վասն պատուիրանին՝ որ զթշնամիսն սիրեցին . և
ըստ զօրութեանն իւրում օգնեսցէ ամենեցուն . զկա-
րօտեալսն միսթարեացէ . զտրտմեալսն սփոփիցէ . ընդ
զըկելոյն խօսեսցի վրէժխնդրութիւն . անօգնականին
օգնեսցէ . հիւանդացելոյն սպասաւորեսցէ . զմոլորեալն
'ի գիտութիւն ածիցէ, և զամենայն տկարութիւն եղ-
բօրն լցուցէ, և զինչս և զօրութիւն ամենեցուն 'ի կիք
արկանիցէ, եթէ հաւատացելոցն է ամենայն ինչ հա-
սարակաց :

Եւ արդ այսպէս սիրել պարտ է զեղբարս քրիստո-
նէին և աշակերտին Վրիստոսի . զի « Յայսմ ծանի-
ցեն ամենեքեան եթէ իմ աշակերտք էք, եթէ սիրի-
ցէք զմիմեանս », Օ ի քան զոգի մարգարէութեան ըն-
դունել՝ առաւել է սիրելն զեղբայրն, և քան զկոչումն
առաքելութեան բարձրագոյն է, և քան զպատիւ մար-
տիրոսացն պատուական է, և 'ի վեր քան զամենայն ա-
ռաքինութիւնս պատուեալ երևի, և ամենևին իսկ իբ-
րև զթագաւոր 'ի մէջ ռամկաց պայծառացեալ 'ի վայել-
չանաց : Օ ի թէպէտ և մեծ է վայելելութիւն կուսանաց,
բայց առ սիրոյ պայծառութեանն նուազին ամենայն լու-
սաւորութիւնք առաքինութեան . որպէս 'ի ճառագայ-
թից արեգականն ծածկին ամենայն պայծառութիւնք
աստեղաց, ուր ողորմութիւնք լինին առանց սիրոյ :

Եւ արդ զիմարդ լինիցին ողորմութիւնք առանց սի-
րոյ : Յորժամ սնափառութեամբ դե ախտիւ 'ի ցոյց
մարդկան առնիցէ . և կամ նովիմք ախտիւ դե 'ի զանա

և 'ի բանստ մաշեցի, և 'ի հուր պրեցի, ոչ ինչ օգտի . որպէս և Պաղոս ասէ . « Եթէ Զամբիցեմ զամենայն ինչս իմ աղքատաց, և մասնիցեմ զմարմինս իմ յայրումն, և սէր ոչ ունիցիմ, ոչ ինչ օգտիմ » : Օ ի որ սրտիւ որ սէր սրբութեամբ ոչ ունիցի, թէպէտ և զհոգիս մարգարէութեան ունիցի, և շնորհս առաքելութեան, և բազում խստամբերութեամբ զանձն չարարիցէ, և բանիւ վարդապետութեամբ զբազումս լուսաւորեցէ, և հաւատովք նշանս մեծամեծս առնիցէ, և զլէրինս փոփոխիցէ, ամենևինմ յամենայնի ոչ ինչ օգտի . զի սէր աղ համեմիչ է ամենայն առաքինութեան . և ուր սէր ոչ մտանէ՝ ապականի, և արտաքս ընկենուն յարքայութենէն : Ար սրտիւ որ սէր ունիցի, նորա է ուղորմութիւն և անընչեղութիւն . զի հարկ է սիրողին անընչանալ, զի սէր և ինչք 'ի միում անձին ոչ բնակին . զի սէր զինչս թօթափէ կարօտելոցն յօգնականութիւն : Ի սիրոյ հալածական են ագահութիւնք և չարակնութիւնք և նենգութիւնք և թշնամութիւնք, նախանձ և բարկութիւն, ամբարշտութիւն և սնափառութիւն, և ամենայն մախանք ախտից հեռանայ 'ի սիրոյ պահողին : Եւ ընդ սիրոյն միաւորեալ և կապեալ է խոնարհութիւն, հեզութիւն, քաղցրութիւն, ողորմութիւն, անընչութիւն, անկեղծաւորութիւն, անանձնասիրութիւն, խղաղութիւն, ճշմարտութիւն, սրբութիւն, անմեղութիւն, բարերարութիւն . և զամենայն առաքինութիւն և զկատարեալ պատուիրանապահութիւնս պահողն սիրոյ կատարէ :

Իսկ որ ոչ սրտիւ 'ի սէր հաստատեալ է, ամենայն չար խորհուրդք սատանայի զեղուն զնովաւ, ամենայն բազմութիւնք ախտից . զի սատանայական ախտից զլուխ՝ անձնասիրութիւնն է, և 'ի նա շարին ամենայն ախտիցն բազմութիւնք . քանզի անձնասէրն ոչ երբէք կարէ ընկերասէր լինել : Իսկ գլուխ սլատուիրանին սէր է, և 'ի նա շարին ամենայն առաքինութիւնք . զի ընկերասիրին չէ հնար զկամս անձին իւրոյ խնդրել, այլ և զամենայն հաճոյս ընկերին և եթ կատարել 'ի բարիս, այլ և զաճնն և սոյ 'ի ծառայութիւն վասն պատուիրանին սոյ . քանզի գիտէ՝ եթէ կատարումն պատուիրանին սէր է : Եւ ամենայն առաքինութիւնք որ առանց սիրոյ են,

փակեցան նոցա դրունք երկնային առագաստին, և լըսեն զսոսկալի զձայնն զայն՝ եթէ ոչ գիտեմ զձեզ, և մասնին 'ի հուր գեհենին ընդ պոռնիկս և ընդ մարդասպանս . “ () ի ամենայն, ասէ, որ ատէ զեղբայր իւր, մարդասպան է . , : Իսկ որ չարակնէն և նախանձին, նա յոր խաւար երթայցէ, և կամ ուր սուզանիցի, կամ որպիսի տանջանօք խաչիցի և մաշիցի : Վանդի ըսկիզբն ախտից է նախանձ և չարակնութիւն . զի նովա անկաւ սատանայ 'ի փառացն, նովա ել լ' շքամ 'ի դրախտէն . և անէծք և քրտունք, փուշ և տատասկ, մահ և մեղք 'ի վերայ ամենայն ծննդոց լ' շքամայ տիրեցին . նո վիմբ լայէն երեքեալ տատանէր :

Եւ այժմ բազումք են՝ որ միշտ այրին նախանձու, յորժամ տեսանիցեն զեղբօրն զյաջողութիւնն՝ կամ ընչիւք, կամ արուեստիւ, կամ բանիւ վարդապետութեամբ յարգեալ 'ի բազմաց . և զայն տեսեալ նախանձորդացն հալին և մաշին, և յօդեն զնմանէ բանս բամբասանաց, և կան հակառակ կամացն այ՝ որ զյաջողութիւնն չնորհեաց : Եւ ամն այսորիկ թէպէտ բազում ձգունս տանիցի նախանձոտն, և բիւր առաքինութիւնս ստացեալ իցէ, և սրբութիւն կուտութիւն ունիցի, և պահօք և ամենայն վշտամբերութեամբ զինքն մաշիցէ հանապազ, և խորգով և մխրով և մշտահեղ արտասուօք սգայցէ 'ի տուէ և 'ի գիշերի, և ողորմութեամբք անրնչանայցէ, և նշանս մեծամեծս առնիցէ, և ցանկաջան աղօթիւք և փառատրութեամբք վերին զուարթնոցն նմանիցէ, այլ և մարտիրոսացի ևս, և հրով այրեսցի, և 'ի օիրտն նախանձ և չարութիւն ունիցի, և քան զամենայն սպանողս և զնապողս պիղծ զլտանիցի, և քան զամենայն ամբարշտեալս թաթաւեալս մեղօք՝ անիրաւազոյնս : Եւ արդ ո՞ր չարիք ժանտազոյն իցեն քան զնախանձ և զչարակնութիւն . զի քան զհուր այրիչ է և զտուր սատակիչ, զուներիս իւր սատակէ : Եւ ո՞վ որ կարէ համբերել այնմ բոցոյ, և կամ զոր ներեալ թողութիւն ունիցին այնպիսի ստատնաբական անձինք : Վանդի և ոչ մի ինչ չարութիւնման է նախանձու և չարակնութե, զի միշտ 'ի մեղս է . հանապազ 'ի տուէ և 'ի գիշերի ոչ դադարէ 'ի սպանութենէ, քանզի միշտ բարձեալ կրէ ընդ իւր զչարիս իւր :

Եւ արդ ո՛վ կարացէ փարատել զխաւարն զայն թանձրամած՝ որ տարածեալ մածեալ ունի զմիտս նախանձողացն . զի դառն մթերք նախանձու մարդասպանի ոչ երբէք հեռանայ ՚ի սրտից նոցա : Օ ի թէպէտ յեկեղեցի մտանիցեն այնպիսիքն , և յաղօթս և ՚ի խնդրուածս մնչիցին , թէպէտ և արտասուիցեն և ողորմութիւնս առնիցեն , ոչ երբէք սրբին ՚ի սպանութենէ : Եւրդ զո՞ր ներեալ թողութիւն ունիցին այնպիսիքն , և կամ որպիսի ինչ ահէղ չարութեան կարիցեմք նմանեցուցանել զայնպիսի անմեկնելի անօրէնութիւնս . որ գազան չարաժանի , որ սողուն խածանող , որ իժ , կամ որ քարքայնպիսի չարագազան թոյնս ունիցի : Եւ և չէ իսկ հնար գտանել անսուրբ և անօրէն անձինս քան զչարականցն և զնախանձոտացն , զի* միշտ լուցեալ բորբոքի ՚ի միտս իւր հոգածութեամբն : Եւողայ և դեղնի , զի տեսանիցէ զեղբարս իւր և զգրացիս , զի տուն և տղայս ունիցին . և դէք աւերեն զտունն՝ հատուցանեն , կամ վիմօք , կամ հրայրեցութեամբ , կամ ՚ի ջուր ընկղմելով , կատարելով զկամս սատանայի , զայնպիսին պարտէ արտասուել և ողբալ հանապազ : Օ ի լաւ էր այնպիսոյն երկու աջօք կոյր լինել , քան բոլորովին անդամօք ՚ի հուրն յաւիտենից առաքիլ : Օ ի նա ևս քան զհեթանոսս պղծագոյն երեւեցի , և լծակից է սատանայի չար նախանձամբն , և ընդ նմին ժառանգեցեց զհրացայտ տարտարոսն և զանշէջ գեհեանն :

Եւ եթէ զամենայն բարեգործութիւնս և զզանազան առաքինութիւնս և զազգի ազգի վարս և զկրօնս յինքն բարձեալ ունի , ոչ օգուտ գտանէ յայսմ ամենայնէ , եթէ զխաւար ատելութեան ՚ի սրտին պահիցէ , և զչարակնութիւն և զնախանձ : Եւրդ փութա այսուհետև և ՚ի բաց փախիր ՚ի խաւարամած մեղացդ , և արտասուօք մեղայ տեսնն այսա . զի կարացես լսել ՚ի Բրիտանոսի որ ասէ . « Եւկայք օրհնեալք հօր իմոյ , ժառանգեցեք զպատրաստեալ արքայութիւնն » : Եւրում փառք յաւիտեանս յաւիտենից . ամէն :

* Յօրինակին ՚ի բաց անկեալ է զին մինչև Բանից , նա || : Թերին երթուղթ մի , յորում են աւարտ ճակատք և սկզբնաւորութիւն յաջորդութեամբ յերկուց օրինակից :

ՎԱՍՆ ԲԱՐԿԱՅՈՂԱՑ ԲԱՐՈՒՑ

Ամենայն բնութիւնք մեղաց և պիղծ ախտից անօրէնութիւնք ջանան 'ի մարդկանէ ծածկել վանօրէնութիւն իւրեանց : Իսկ բարկութեան ախտին մոլութիւն անամօթ և վայրենաբարոյ, անակնածող և գազանամիտ և արագ շարժի յաղաղակելն իբրև զհաւահալածն մըր գապահաց, որ մինչ չև օդոյն ինչ շարժեալ՝ և նա ըսկանի կարկաչել, ցուցանելով զիւրոյ բնութեանն ըզթեթևութիւն : Եւսնպէս է և բարկացող մարդն, զի դեռ չև իցէ 'ի սիրտն հասեալ ընդդիմութիւն ինչ բանից, նա¹ իբրև զհուր լուցեալ՝ աղաղակելով 'ի վեր բորբոքի, և անամօթ ամենեցուն ցուցանէ զիւրոյ բնութեանն թեթևութիւնն, և յանհամբոյր գազանութենէն ոչ կարէ ծածկել զիւրոյ մոլորութեան անօրէնութիւնն . այլ իբրև զհողմ՝ 'ի հուր մտեալ վառէ 'ի ցասումն բարկութեան անօրէնութիւն 'ի զրկելիս իւր, և զամենեսեան առ հասարակ ցաւեցուցանէ աղաղակաւ իբրև 'ի հինէ արշաւանաց :

Վանզի յորժամ բարկութեան դիւին ոք հնազանդեսցի, զամենայն զգայութիւնս նորա յիմարեցուցանէ, և վառէ որպէս կամի զլեզու նորա 'ի չարութիւն . զբերանն ընութնամանօք, զմիտան գազանացուցանէ 'ի ցասումն, զսիրտն թնդէ բարկութեամբ, զլեարդն պնդէ կռուողութեամբ, զարիւնն եռացուցանէ, զմարմինն դողացուցանէ, զաչն այլագունէ, զգոյնն շրջէ, և ամենեւեմ զմարդն վայրենի ցուցանէ, և տայ աղաղակել բազում մորոսախօսութեամբ . գազանացեալ առաւել քան զվայրենի գազանացն գազանութիւն : Եւ ոչ 'ի գազանս ինչ խածանող, և ոչ 'ի սողունս թիւնաւոր կրի երբէք այնպիսի չարաբարութիւն, և ոչ իժից և

¹ Դարձեալ յաշորդէ երկաթագիր օրինակս :

քարբից դառնութիւն հաւասարէ բարկացողացն աստից . ոչ դեզք մահաբերք և ոչ հարուածք կարձի նման են հարուածոց բարկութեան . ոչ հատումն սրոյ և ոչ այրեցուած հրոյ կսկծեցուցանեն առաւել քան զբարկացողացն . և ¹ ոչ այնչափ չար են մոլորնք դիւաց , որչափ բարկացողք դիւաց յայնմանէ : Վնազի դէն բարկութեամբ վառի 'ի նախանձ միշտ , և պնդէ յանհաշտ սրտակալութիւն , և հանապազ մածեալ պահէ 'ի վերայ սրտին զխաւարն նախանձու : Այլ զոր օրինակ թիւնաւորքն զթոյնան ընդ իւրեանս կրեն հանապազ , սոյնպէս և բարկացողքն զցասումն և զքէն նախանձու . և յամենեւին յարձակին իբրև զշունս կատաղիս , և հանապազ խայթեն իբրև զկարիճս , և խածանեն իբրև զօձս , և լցեալ թիւնօքն բարկութեան ոչ կարեն վաղվաղակի խոնարհել առ միմեանս : Վնազի իժք և ծնունդք իժից անուանին , անհաշտք 'ի միմեանց , և անհնազանդք : Վազում բանս ձևացուցանեն՝ իւրաքանչիւր զք զինքն արդարացուցանելով , և յօրինեն տողս բազումն պատմութեանց զանձինս իրաւացուցանելով . և զվնասս կուտել 'ի վերայ ընկերին ջանայ ամենեցունց առաջի , կարծեցուցանելով զնա վնասակար : Այլ դև նորա տրտմութեան պնդէ յանզղջութիւն , և խտացուցանէ զմիտսն յանապաշաւ անհաւանութիւն , և զսիրտն քարացուցանէ չլինել ունկնդիր խրատու եղբօրն և զրոց վարդապետութեան . և յիմարեցուցեալ ժառանայի զգայութիւնս նորա՝ ոչ տայ ձանաչել զյանցանս նորա . այլ 'ի միտս նորա կարծեցուցանէ զնա անմեղ յամենայնի , և զընկերն վնասակար : Այնպէս և 'ի միւսում ընկերին զսա տայ նմա համարել վնասակար , և զինքն արգար յամենայնի : Այլ զարձեալ զսա աստ խտացուցանէ՝ թէ նմա պարտ է քեզ խոնարհել , զի վնասակար է . և զնա անդ պնդէ՝ թէ չէ արժան քեզ նախ նմա հնազանդել , զի անմեղ ես : Այլ այսպէս զերկոսեան թշնամութեամբ 'ի միմեանց հեռացուցանէ սատանայ 'ի մնալ անզեղջ և անապաշաւ : Այլուրս բազում ծանրացուցանէ զսիրտ եղբօրն , և ամօթ և անարգանս տայ համարել զխո-

1 Երկուք յօրինակացն այսպէս ունին զայս անդի . և ոչ այնչափ լարու ընի նուին 'ի դիւացն , որպէս բարկացողն : Բանդի : Եւ երրորդ մի . ոչ այնչափ լարուին մարմնին 'ի դիւացն , որպէս բարկացողն 'ի դիւացն յամենէ : Բանդի :

նարհեմ ընկերին . զի եթէ ես յառաջ խոնարհիմ, ա-
նէ, զիս վնասակար դը կարծիցէ, և զնա անմեղ համա-
բիցին . վասն այսորիկ գազանացեալ անհնազանգի :

Վասնզի յորժամ միանգամ զխորհուրդս ըմբռնէ ա-
նորէն ախտն բարկութեան, յափշտակէ զմիտան 'ի նը-
մանէ, և գազանացուցանէ, և ամենեւին չտայ իմանալ
զերկիրն այ, և ոչ զահ ահեղ դատաստանին . այլ հե-
ռացուցանէ յերաւանց, և զդատաստանն ոչ երբեք ամէ
զմտաւ, և ոչ յիշէ զօր մահուանն իւրոյ և զարհաւիրոս
սոսկալի բեմբին . այլ անդեալ մնըառի՝ զկան անձին իւ-
րոյ կատարեալ : Եւ ոչ ամթ եղբարցն, և ոչ խրատ
վարդապետաց, ոչ հրամանք պատուիրանաց, և ոչ եր-
կիրն այ, ոչ փափագանք արքայութեանն, և ոչ ար-
հաւիրք տանջանացն զիս ոչ պատկառեցուցանեն 'ի գեղջ
և յաղաչաւ : Եւ ժտի ևս յեկեղեցին մտանել, և
աղթած առ անձ կատարել՝ որ ոչ ընդունի, և առ անձ ոչ
ելանեն : Վեղ ինքն տերն ասէ . « Եթէ հանեալ ի-
ցես զպատարագն քո 'ի վերայ սեղանոյն, և անգ յիշեա
ցես եթէ եղբայր քո ունիցի խէթ զքէն, թող զպատա-
րագն 'ի վերայ սեղանոյն . երթ նախ հաշտեաց ընդ եղ-
բօր քում, և ապա եկեալ մատուցանիցիր զպատարագն
քո », և ընդունելի է : Եւ իւրաքանչիւր օւրուք ա-
ղթքն են պատարագք . և անընդունելի են այ, եթէ
ոչ նախ երթեալ հաճի ընդ տրտմեալ եղբօրն, և ապա
եկեալ աղօթէ առ անձ, և ընդունելի է : Եւ ասէ .
« Երեգակն 'ի վերայ բարկութեան ձերոյ մի մտցէ » .
զի մի դէքն եկեալ 'ի գիշերին յարուցանիցեն զսիրտ քո
առ վաղիւն չհաշտել ընդ ընկերին, և խորհուրդս չարս,
ոխս և նախանձս, և ազգի ազգի նենգութիւնս արկա-
նիցէ 'ի միտս քո : Եւ մինչ չև գիշերոյն հասեալ իցէ՝
երթ հաշտեա ընդ եղբօր քում : Սինչ դեռ յաշխարհի
ես, հաշտեա ընդ ոտխի քում . մի գուցէ մասնիցեն
դատաւորին, և դատաւորն դահձաց, և ոչ ելանիցես :
Սոյնպէս և դու մինչ դեռ օր առաջի կայ, փութա հա-
ձել ընդ ընկերին, և 'ի վաղիւն մի յապաղեր, զի ան-
երեւոյթ են ելք մեր յաշխարհէ, և ոչ գիտեմք՝ թէ ու-
նիմք զվաղիւն ժառանգել՝ թէ ոչ . սակայն ժառանգեմք
զվաղիւն, և ոչ փութամք հաշտել ընդ եղբօրն : Ենդ
հեթանոսս համարեալ եմք, զի անընդունելի իցէ առանց
հաշտութեան ընդ եղբօրն և ընդ ընկերին :

Իսկ որպիսի՞ դասն տանջանօք դատիցին՝ որ խիղճինչ թշնամութեան ընդ ընկերին ունիցին, և ՚ի սուրբ խորհուրդն մերձենայցեն. որպիսի՞ հուր, և որպիսի՞ գեհենք խաւարայինք նոցա սպասիցեն: Սարմնոյ տեառն հաղորդիս, և զի՞նչ գողանալ կամիս՝ թաքուցանելով զթշնամութիւն քո ընդ ընկերին: Եւ յայլ և յայլն գողանալ կամէր զի՞նչ թաքուցանելով զեղբօրն սպանութիւն. և արդ տես զերերումն տատանման նորա՝ զչար խորհրդոյն զպտուղն: Իր ՚ի մարմինն տեառն մերձենայ, և թշնամութիւն ընդ ընկերին ունիցի, ոչ մարմին կենարար է նմա, այլ հուր կիզանող, զի դատաստան անձին իւրում ուտէ և ըմպէ: Եւ անմաք ոչ է թէ վասն փափագելոյ սրբոյ խորհրդոյն փութան ՚ի հաշտութիւն ընկերին, այլ աւուրք բազումք հեռանան ՚ի սուրբ խորհրդոյն, և զաղաւելն և զհաշտելն ընդ եղբօրն ծանր համարին քան զհեռանալն և զչլնդուսելն ՚ի սուրբ խորհրդոյն՝ ՚ի մարմնոյն և յարենէն Վրիստոսի. վասն խանարհեցի ընկերին արհամարհէ զխորհուրդն տերունական. հրաժարելով ՚ի նմանէն՝ կարծէ պատիւ համարել յայ մերձենալ ՚ի խորհուրդն: Եւ ոչ իմանայ՝ եթէ առաւել եւս արհամարհէ չփութալով ՚ի հաշտութիւն ընկերին վասն սիրոյ փափագելի մարմնոյն Վրիստոսի, զոր և Սաւառոս ասէ, թէ ո՞վ մեկնէ զմեզ ՚ի սիրոյն Վրիստոսի. նեղութիւն թէ մահ, և որ ՚ի կարգին է՝ ոչ կարեն մեկնել զմեզ ՚ի սիրոյն Վրիստոսի: Եւ ըզքեզ սակաւ ինչ թշնամութիւն ընդ ընկերին մեկնեաց ՚ի սիրոյն Վրիստոսի, և ՚ի սուրբ խորհրդոյն մերժեալ հեռացոյց: Օ ՚ի թէ թշնամանեաց որ զքեզ, և դու խանարհեցիս վասն պատուիրանին յայ, մի թէ քնասեցար ինչ. այլ վարձս մեծամեծս ընկալար: Եւ նարգ և արհամարհեալ որ զքեզ անուանեաց. այլ դու հող և մոխիր ևս ասա զանձն քո: Եւ ձուձ և ցնոտաւոր՝ որ ըզքեզ կոչեսցէ. այլ դու ասա. մերկ իսկ եկի յաշխարհս, և մերկանդամ անդէն դառնալոց եմ: Եւ յայիսի խանարհութեամբ կապեցեր զլեզուս անօրինաց, խցեր ըզքերանս թշնամանողաց, լուծեր զջիղս սատանայի, ցրեցեր զխորհուրդս նորա, և ամենեկն ոչ որ ինչ քեզ կա-

1 Օրինակ մի ցնոտար . այլ օր . ցնոտար :

րէ փնասել 'ի թշնամանողաց , եթէ միայն առողջ միտս ունիցիս : Ա՛հա բազումք թշնամանեցան և համբերեցին . այլ և աղօթս ևս 'ի վերայ թշնամանողացն արարին : Ատեփաննոս աղօթէր 'ի վերայ քարկոծողացն իւր . Ա՛ռկէս , Ա՛ամուէլ , Ա՛սաւիթ և Վ՛րիստոս որդին այլ թշնամանեցաւ , և առ հայր վասն նոցա աղօթս մատուցանէր : Այլ արդ լեր դու նմանող արանցն երեւելեաց : « Առեա 'ի բարկութենէ , և հանգիր 'ի սրբամտութենէ , և մի նախանձիր ընդ չարս , , ասէ մարգարէն . զի ուր բարկութիւն և սրամտութիւն մտանէ , անդ չորհք հոգւոյն ոչ մտանեն , և ոչ խորհուրդք արդարութեան ելանեն 'ի բարկացող սրտէ . որպէս և ասէ . « Բարկութիւն մարդոյ զարդարութիւն այլ ոչ գործէ , , : Այլ և ցատուծն արդար , և բարկութիւն արդարութեան , յորժամ զվրէժս ինչ պատուիրանացն այլ խընդրեսցես իբրև զԱ՛մուէլն և զՓ՛ենեհէզն , կամ վրէժխնդրութիւն եղբօրն զրկելոյ : Ասկ որ աւելի քան զայս առաւել ինչ բարկանայցէ , կամ վրէժ անձին իւրոյ խնդրեսցէ , այն է 'ի տարապարտուց բարկանալ , զոր'և Վ՛րիստոս ասէր՝ պարտաւոր եղիցի 'ի գեհենն և 'ի հուր : Վ՛անգի տարապարտուց բարկութիւն՝ ճանապարհ է բազում ինչ ախտից . զի բարկութիւն է և աղաղակ և կռիւ , ատելութիւն և թշնամութիւն , նախանձ և ռիսակալութիւն , քինահանութիւնք և սպառնութիւնք , և բազում այլ ևս չարութիւնք : Այլ որ բարկութեանն յաղթէ , այս ամենայն իջեալ դադարէ իբրև զհուր առանց նիւթոյ . զի յորժամ բարկանայցէ որ , և դու համբերութեամբ տանիցիս , շիջուցեր զբարկութիւն : Այլ թէ դիւահար որ զքեզ անուանեսցէ , մի ինչ բարկանար . և եթէ բարկանաս՝ արդարացուցեր զթշնամանողան , զի 'ի դիւէն է բարկութիւն և ոչ յայլ : Ա՛հա և զտէրն դիւահար կոչեցին , և նա ոչ բարկացաւ , այլ հեզութեամբ ետ պատասխանի՝ եթէ յիս դև ոչ գոյ : Թշնամանեաց որ զքեզ և արհամարհեաց , այլ առաւել ևս զտէրն թշնամանեցին և արհամարհեցին : Այլ փեաց որ զքեզ և ապտակեաց , ահա և զտէրն կռիւեցին և ապտակեցին , այլ և չարչարեցին և խաչեցին , որք չև ևս ընկալեալ : Ա՛րդ զայս ամաճ զմտաւ 'ի ժամ ցասմանն յուզելոյ :

Շատ է մեզ սատանայ թշնամի, զեղբարս մեր մի արսսցուք մեզ թշնամի. այլ փութացուք հաշտեցուցանել ընդ մեզ, զի զպսակ նահատակութեան ընկալցուք ընդ կանխելոյ և անկանելոյ առաջի եղբօրն : Վանդի պսակք և պարգևք կան 'ի միջի ոսոխացն և կագոցն . և որ ոք յառաջագոցն նահատակի և խոնարհի եղբօրն աղաչանօք ածել զտրտմեալ եղբայրն 'ի հաշտութիւն, նա յափշտակէ զպարգևս և զպսակս վասննօխախոնարհ նահատակութեան իւրոյ . զի զչար թշնամին սատանայ վիրաւորեաց 'ի խոնարհեւն իւրում, և զինքն և զեղբայրն իւր զերծոյց 'ի ձեռաց նորա, և փրկեաց 'ի յաւիտենա կան 'ի մահուանէն : Աղաթս այնորիկ ընդունի համարձակութեամբ վարձա բազումս, և զվայելութիւն անանց բարութեանց :

Եւ արդ մի վասն սակաւ մի խոնարհութեան կորուսանիցեմք զյաւիտենական փափկութիւնսն . զի բազումք վասն յաւիտենական կենացն զանձինս և զինչս արհամարհեցին, զսէրս ամուսնութեան և զգութս որդւոց իւրեանց . զանազան տանջանաց համբերեցին և հրոյ մատնեցան, զի միայն զարքայութիւնն այ ընկալցին : Իսկ քեզ ոչ հուր կայ առաջի և ոչ սուր, և ոչ զանազան տանջանաց համբերել . այլ միայն խոնարհելեղբօրն տրտմելոյն, և աղաչանօք հաշտեցուցանել, և զնոյն պսակս նահատակութեան ընդունել : Ինդէր ծանրացուցանես զսիրտ քո աղաչել զեղբայրն . չես 'ի հուր դիմել, այլ 'ի խոնարհութիւն իջանել : Վու նախ փութա անկիր աղաչանօք առաջի ընկերին, և առ զպսակն լուսոյ և պարծանաց նահատակութեան, և զերկնից արքայութեանն զանբաւ վայելութիւնսն :

Արդ զայս ամենայն լսելով զտրտմութիւնսն ցածուցուք, զբարկութիւն շիջուցուք, զաղաղակ դադարեցուցուք, զսէր սիրեցուք, զխոնարհութիւն ստասցուք, զհնազանդութիւն ընկալցուք, և ընդ հաշտել ընկերին յառաջ ընթացուք . զի համարձակութեամբ զերկնից բարութիւնսն ժառանգեսցուք 'ի Վրիստոս Ախուս 'ի տէր մեր . որում փառք յաւիտենան յաւիտենից :

ՎԱՍՆ ՈՒԱՊԱՀԱՅ ԵՒ ՔԻՆԱՀԱՆԱՅ

Ահեղ անօրէնութիւն և սաստիկ չարութիւն տեսանեմք զոխապահայն և զքինահանայն քան զամենայն զվեղաց անօրէնութիւնս . զի ամենայն մեղք և անօրէնութիւնք երբեմն սաստկացեալ բորբոքին և երբեմն դադարեն : Իսկ չարայուշ քինահանութիւն եթէ բան ինչ ընդիմութեանց յընկերէն ինչ լսիցէ, միշտ բորբոքի յանօրէն 'ի խորամանկացն խորհուրդս : Եւ յամենայն ժամ անշիջանելի վառի բոցն նախանձու 'ի միտս նոցա, և հանապազ զսիրտն քինախնդիր ոխապահացն կսկծեցուցանէ . և 'ի միտս իրեանց հալին և մաշին և չարչարին . և ունանց գոյնք իսկ երեսացն եղծանին 'ի չար խորհրդոյն և 'ի նենգութենէ սրտին : Եւ չքջի ընդ մարդկան իժ խորամանկն , իբրև զթոփս իժի բարձեալ կրէ քնէն գութիւն սրտին . և հանապազ վանք և օթեվանք են սատանայի միտք նոցա . և զոր ինչ ասէ սատանայ՝ լսէ նմա , և զոր ինչ կամի՝ վաղվաղակի կատարէ զկամս նորա . 'ի տեսս մարդ երևի , և բարեւք իբրև չարածանի ինչ գազան : Եւստի 'ի հրապարակս իբրև զմարդ , և խորամանկութիւնք չար դիւին են 'ի խորհուրդս նորա : 1) Թանէ յեկեղեցին իբրև զքրիստոսնայ , և պիղծ են աղօթք նորա քան զպղծութիւն զոհից . քանզի ոչ երբ նեն ոխապահացն աղօթքն առ նձ , զի չարութիւն է 'ի սիրտս նոցա , և անօրէն նենգութի խորհին հանապազ :

(6) Եպէտ և ինչա բազումս յողորմութի ծախեաց այն պիսին , թէպէտ և հսկեցէ և պահեցէ , և զանձն սաստիկ ճգնութեամբ ցամաքեցուցանիցէ , յամենայնի ոչինչ օգտիցի յորժամ ոխս ընդ ընկերին պահիցէ , և զչարիան 'ի սրտին թաղեալ ունիցի : Եւստի հանապազ , և խորհի պատահարս չարեաց և դիպումն փորձութեանց նախան

ձորդին : Րդձանայ , շրջի մտախորհ յուռ մարեալ¹ , և երկնէ իբրև ծննդական : Այլեթէ չար ընկերին . նմա խորհի և զտով , նմա խորհի և զտուր , նմա խորհի և ըզհէնս , նմա խորհի և զմահս և զամենայն շարս և չարալուրս : Աքողին երեսք նորա 'ի տեսչութենէ նորա , և առ դրամբք տան նորա չախորժէ անցանել : Այլեթէ 'ի ճանապարհի ուրեք դիպեցի , խնդրէ թողուլ զձանապարհն , և ոչ պատահէ նմա . և եթէ յեկեղեցւոջն տեսանիցէ , չկամի և յեկեղեցին մտանել . և եթէ 'ի հրապարակին դիպեցի , պատրուակին աչք նորա առ ոչ կարել հայել յերեսս նորա . այլ զգլուխն խոնարհեցուցանէ , և իբրև ընդ գետինն խօսի , և ըղձանայ չար ինչ խօսել զնա . խանձորդէն : Այլ եթէ չար որ զնմանէն խօսեցի , նա 'ի վեր հայեցեալ զարթնու և զուարթանայ , և լսէ ախորժելով , և աճեցուցանէ զչարախօսութիւն նորա , և բազում խնամով խօսի ընդ չարախօսս նորա : Այլ եթէ բան ինչ բարի զնախանձորդէն լիցէ , տրտմի և տխրին երեսք նորա , և հալին և մաշին միտք նորա : Արեւի է թշնամեաց նորա , և թշնամի է բարեկամաց նորա : Ատէ և զորդիս նորա , և չարախօսէ զնմանեաց նորա . և ոչ միայն զխօսուանս , այլ և զանասունս նորա ատէ , և զանդաստանս նորա չարակնէ , ըղձանալով ցասմունս , երաշտութիւնս վասն նորա : Օ այս և առաւել ևս քան զնոյսս խորհի չարայուչն և ոխապահն 'ի սրտի իւրում , և յերեսս մարդկան ոչ երևեցուցանէ զթշնամութիւնն : Այլ արդ ոչ է պարտ զայնպիսի սատանայամիտսն մարդ անուանել , այլ օձս և իժս , և եթէ ևս քան զնօսա գազանազոյնս ինչ կայցէ . զի նա է չար գազան քան զօձից և զիժից բնութիւնս . քանզի իժից և օձից բնութեամբ է դաժանութիւն . իսկ ոխապահն ինքնակամ կամօք ընկալաւ զչալս խորհուրդս սատանայի , որ ընդ նմին ժառանգելոց է զհուրն անշէջ և զխաւարն աղջամիջին :

Այլ և զարմանամ ևս ընդ ներողութիւնն ւն) որ առ ժամայն իսկ ոչ առաքէ զփայլատակունս յերկնից 'ի վերայ այնպիսի մոլեգնելոց ամբարշտութեանց . զի առաւել ևս քան զաւաղակացն և զպանողացն զանցոյց զանօրէնութիւնս իւրոյ չարութեանն . զի նոքա երբեմն

1 Օրինակ մի առ մտեալ . երև երեւոյ իբրև : կու օր . ւրջի պիտոր յարմարեալ զինն .

սպանանեն, և երբեմն դադարեն . իսկ ռոսպահն չարայուչ ոչ երբեք դադարէ 'ի սպանութենէ : Այս և 'ի զբօսանս իւր մարդասպան է, զի զոխս ընկերին 'ի սըրտին ունի . նա և յանկողինս իւր մարդասպան է, յորժամ զոխս ընկերին յիշէ . նա և 'ի տան մարդասպան է, նա և յեկեղեցւոյ մարդասպան է, և 'ի հրապարակս մարդասպան է . այլ և 'ի ճանապարհի, 'ի տուէ և 'ի գիշերի և յամենայն ժամու մարդասպան է, զի զոխս նա խանձուն հանապազ 'ի սրտի իւրում կրէ : Այս ապա և նօրէն ամբարշտութիւնք ռոսպահացն աճեցուցեալ 'ի քինահանութիւնս յօժարեցուցանէ սատանայ՝ առնուլ վրէժս 'ի զրկողէն . թէպէտ և փոքր են զրկանք նորա, այլ սատանայ 'ի մեծս յօժարեցուցանէ զնա, մինչև հարուածս այգեաց և անդաստանաց տայ գործել . և 'ի զօրանալ ամբարշտութեանց սատանայի, առաւել ևս յանօրէնութիւնս յանդգնեցուցանէ զնա, մինչև տանց և բերդից վնասել հրդեհիւք :

Արդ որպիսի անդունդք գեհենի սպառնայցեն այնպիսի անօրինեւոց . որպիսի հօւր և աղջամղջին խաւարօրք այնչափ ամբարշտեցան՝ մինչև զտունս բնակութե մարդկան հրդեհել, և գողալ և սարսել 'ի ձեռաց մահուցն . այլ և զծերս և զտղայս առ հասարակ սատակել անողորմ և անակնածելի : Այս արդ ո՞ր անօրէնութիւնք քան զայս ամբարշտագոյն իցէ, և կամ ո՞ր մեղք չարաչարք քան զայս չարագոյն կայցէ, և կամ զո՞ր չարիս քան զայս չարագոյն որ կարծիցէ, և կամ ո՞վ 'ի մարդկանէ իցէ՝ որ այսչափ յանօրէնութիւն կործանեցաւ, և յահեղ ամբարշտութիւնս : Այս և անօրէն սատանայ՝ որ յայսչափ խորխորատս ընկղմես զմարդիկ, մինչև յայսպիսի ահեղ անօրէնութիւն գործել, և հեղուլ արիւնս բազումս . և այսչափ յիմարութիւնս մոլորեցուցանել զսիրտս մարդկան, մինչև միանգամայն զամենայն ստացուածն ապականել, զտունս հրդեհել, և զբնակիչն առ հասարակ չարաչար անողորմ և աններելի մահու սրով սպանանել : Այս և անօրէն հեթանոսացն հիանալի է : Օայս և ոչ 'ի կռապաշտիցն և 'ի բարբարոսացն որ գործէ . այսպիսի մահս բազումս և վնասս մարդկան միանգամայն ո՞վ գործիցէ, որպէս գործի յանօրէն քինահանացն մոլորութենէ : Թէպէտ և ապրեսցին 'ի հրոյն 'ի

մահաւանէն բնակիչք նորա, սակայն նա մտօք և գործովք զամենեցուն զսպանութիւնն կատարեաց, և զարիւնս նոցա եհեղ. և տալոյ է համարս և պատիժս տան ջանաց ընդ ամենեցուն սպանութեանցն :

Ըրդ զինչ գործես, ով թշուառական և անօրէն անձն, որ յայսպիսի խորս ամբարշտութեան կործանեցար. եղեր գործակից սատանայի, և քան զդևս մոլորեցար, և փնասս անօրէնս գործեցեր, և բազմաց արեանց եղեր պարտական : Օ ի եթէ իրայէն վասն միոյն սպանութեան յայնչափ պատիժս տանջանաց դատապարտեցաւ, իսկ որչափ առաւել հնոցք և հրեղէն գետոցն հոսանք քեզ սպասեսցեն : Բանդի առաւել ճշդիւ պահանջէ ամ ՚ի ձեռաց առն զարիւն ընկերի իւրոյ, և մանաւանդ զայնպիսի սպանութեանց՝ որ փոխանակ կսկծելի և տղեղ ինչ բանից և կամ վասն սակաւ ինչ պարտուց՝ քինահանութեք որ փնասս մեծամեծս և ահեղ արիւնս հեղու : Եւ արդ ամ զմտաւ, ով թշուառականդ, զսխմարութիւն անօրէնութեանդ քո. և ՚ի սնավաստակ անօրէնութեան քո ահա այրեցան համբարքն, և հրդեհեցան տունքն, մեռան բնակիչքն, կորեան ինչքն, և ամենայն ստացուածքն սպականեցան :

Եւ արդ զինչ շահեցար զսատանայական անօրէնութիւնս կատարելով. բայց միայն զտուգան ոգւոյ և գերկիւղ գեհեներին ստացար, հուր և խաւար և տանջանս յաւիտենականս : Օ նոսա շիջանելի հրովս չարչարեցեր, և քեզ պահին անշէջ հնոցք բորբոքեալ, ուր հուրն խաւարային ՚ի ներքոյ վառեսցի, և գետք հրեղէն ՚ի վերայ հոսեսցեն նոցա : Ըրժամայն մի ցաւեցուցեր, և ըզքեզ ահեղ ակտիցն կսկիծք և դաժանութիւն որդանցն թիւնաւորաց միշտ հանապազ անհնարին ցաւօք կսկծեցուցանեն, ուր լալ աչաց է անդադար, և կրճել ատամանց անհանգիստ, և ամենեւին ներումն ինչ անհնարին վարանացն ոչ գտանես. փոխանակ զի ընդ սակաւ ինչ զբկանաց մեծամեծս գործեցեր : Օ ի եթէ զբկեցար ինչ ՚ի նմանէ, և ցաւեցոյց զքեզ, քեզ պարտ էր անսալ վրէժխնդիր իշխանին, և դատաստանի մեծին այ, և ոչ անձամբ ինչ պահանջել քինահանութեամբ. զի ծառայ որ զլծակիցն իւր նեղիցէ, և նա ժուժկալեալ համբերիցէ վասն ահի տեառն իւրոյ, տէրն դատի ըզ-

դատաստանն նորա : Այա եթէ վրէժխնդրութեան և դատաստանի տեառն ոչ անսայցէ, այլ ինքն իւրովի առնուցու վրէժ 'ի ծառայակցէն իւրմէ, զարթուցանէ զսրտմտութիւն տեառն իւրոյ, զոր և դատաւորք աշխարհիս ճշդիւ պահանջէն : Այլ թէ ոք 'ի զրկելոցն ոչ անսայցէ վրէժխնդրութեան դատաւորին, այլ արհամարհեալ զպատիւ իշխանութեան նորա՝ իւրովին իսկ վրէժ 'ի զրկողէն առնուցու, տես թէ քանի բարկութիւ ածէ 'ի վերայ նորա դատաւորն . սոյն և առ դատաստանն նոյ :

Այլ թէ ոք զրկիցի 'ի զօրաւորէն, և համբերիցէ երկիւղիւ նոյ, և վրէժ զրկանաց ոչ խնդրիցէ 'ի զրկողէն, նորա տէր է վրէժխնդիր, և հատուցանէ ներշնչան նորա նեղութիւն, և չարչարողաց նորա չարիս, և պահանջէ 'ի զրկողէն զվրէժ նորա հրով գեհէնին և զանազան տանջանօք : Այլ նա որ վասն երկիւղին նոյ զրկանացն համբերէ, ընդունի զկատարեալ համբերողացն զպատիւս, և զյաւիտենական զբարութիւնս սրբոց և արդարոց : Իսկ որ ոչ թողու յաճ զվրէժխնդրութիւն զրկողին, և օչ անսայցէ մնալ դատաստանի նորա, այլ յախշտակէ զիշխանութիւն վրէժխնդրութեան նոյ, և զքէն զրկանաց իւրոց ինքն պահանջէ, զարթուցանէ 'ի վերայ անձին իւրոյ զսատիկ սրտմտութիւն ահեղ բարկութեանն նոյ՝ չարչարել և տանջել զնա անողորմ և աններելի տանջանօք հրով գեհէնին և աննշոյլ խաւարաւն, ուր բազում ողբովք և դառն տանջանօք կոծեսցի և լացցէ զահեղ աղէտիցն զնեղութիւնս, և ամենեւին ոչ ինչ օգտիցի . փոխանակ զի դատաստանին վրէժխնդրութեանն նոյ ոչ հաւանեցաւ, այլ արհամարհեաց զպատիւ դատաւորութեան նոյ, և զգատաստանն նոյ ինքն դատեցաւ՝ քինահանութեամբ քնասելով զզրկողն իւր : Այլ որպէս դատեցաւ զզրկողն, առաւել ևս բազմապատիկ տանջանօք դատելոց է յնոյ . զի զրկողն ընդ սակաւ ինչ զրկանաց է դատելոց . իսկ քինահանն ընդ անթիւ ինչ կորուտեան, և ընդ բոլոր ստացուածոցն ապականութեան, և ընդ բազում արեան հեղման է դատելոց աններելի տանջանօք : Օյ թէ պէտ և ինչք և տուն և բնակիչքն ապրեցան 'ի հրոյն ապականութենէ; սակայն նա զանօրէնութիւն անձին իւրոյ կատարեաց . և զոր ինչ կորու-

տանելն կամեցաւ, ընդ ամենայնի է պարտապան պատ-
ժոց պատուհասից և անհնարին տանջանաց :

Ըրդ մի որ յանդգնեսցի յահեղ անօրէնութիւնս քի-
նահանութեան, և մի զանձին վրէժս պահանջիցէ, այլ
անսալ գատաւորին նոյն զի « Կամ են վրէժինդութիւնք,
և ես հատուցից՝ ասէ տէր », : Բայց դու մի չաք փոխա-
նակ չարի հատուցես . այլ թէ քաղցեալ իցէ թշնա-
մին քո, հաց տուր նմա . և էթէ ծարաւի է, ջուր . և
զչարեացն զհատուցումն ես հատուցից՝ ասէ տէր : Եւ
արդ որովհետև տէր է վրէժինդիր և հատուցանող
զրկողացն և զրկելոցն, ոչ որ պարտի զվրէժ անձինն
խնդրել, և ոչ զքէն զրկողին պահանջել . զի այս անօրէ-
նութիւն առաւել ևս զանցուցանէ զհեթանոսական ամ-
բարջութեամբք, յորմէ ամենայն զգուշութեամբ հե-
ռուսցուք, զի մի ՚ի խորխորատ կորստեանն ընդ սատա-
նայի իջեալ այրեսցուք, և անլոյծ կապանօք կապեսցուք,
և անհրաժեշտ տանջեսցուք յաննշոյլ խաւարին : Եւ
փախիցսք յորոգայթից սատանայի . անարգեսցուք ըզ-
հրամանս նորա . մերժեսցուք ՚ի չարայուշն ոխակալու-
թենէ, և փարատեսցուք զկսկիծ սրտից՝ զոր սատանայ
՚ի մեզ իբրև զհօւր լուցանէ, և իբրև զբոց ՚ի վեր բոր-
բոքի՝ կատարել զքինահանութիւն անօրէնութեան :
() այս արհամարհեսցուք, և ընդ զրկողին խաղաղու-
թիւն արարէք . զթշնամիսն սիրեսցուք, զատելլան օրհ-
նեսցուք, չարարարին բարի արասցուք, և զամենայն ինչ
ըստ հաճոյիցն նոյն արասցուք . զի եղիցուք կատարեալք
որդիք հօրն երկնաւորի, և ժառանգեսցուք զանանց բա-
րութեանցն վայելչութիւնն ՚ի Վրիստոս () խուս ՚ի
տէր մեր . որում փառք յաւիտեանս . ամէն :

ՎԱՏԸ ՍԱԿԱԻ ԳՈՂՈՒԹԵԱՆ ՈՐ ՈՉ ԱՊԱՇԻԱՐԵՆ

Յանկարծակի գողանայ և աներևոյթ յափշտակէ ըզմիտս բազմաց սատանայ, և մոռացուցանէ զպատուիրանս ւնյ . և իբրև ըմբռնէ զամենայն խորհուրդս նորա և զգայարանս նորա, և պատրուակէ ՚ի ճշմարտութենէ զմիտս նորա, և սերմանէ զորոմն անօրէնութեան ՚ի խորհուրդս նոցա, և զոր ինչ մեղանչեն ՚ի պատուիրանս ւնյ՝ փոքր կարծեցուցանէ ՚ի սիրտս նոցա : Առաք ՚ի պատուիրանաց ւնյ՝ եթէ յովտ մի, որ է գրակէս, ոչ կորիցէ յամենայն պատուիրանաց ւնյ և ՚ի մարգարէից . և ընդ դատարկ բանից և անպատեհ խորհրդոց և ընդ մշտածութեան եմբ դատելոց : Իսկ զինչ արասցեն որ ընդդէմ պատուիրանացն ւնյ գործեսցեն և սակաւիկ ինչ կարծիցեն, մինչև յայտնի գողունիս փոքր և սակաւ համարեսցեն, և առ ոչ ինչ կարծելով զսոսկարին՝ անապաշաւ թողուցուն, և ոչ բեկեալ սրտիւ և ցաւագին անձամբ խոստովանեսցեն, և բազում պաղատանօք ապաշխարիցեն . այլ չարին խորհրդովք յամենայն ինչ անխտիր մերձենան և ոչ ինչ համարին, և ասեն՝ եթէ փոքր ինչ գողունիս առտնին և կամ արտաբուստ ոչ խրնդրէ և կամ դատի ւած : Եւրարիշտ և սատանայական է այս բարբառ, և լի բազում անօրէնութեամբ : Եւ եթէ ողորմածն ընդ ուզիղ կամացն միայն զարքայութիւնն ընդունի, և ընդ բաժակի միոյ ջրոյ վարձս բազումս, զիարդ զյայտնի մեղս անհամար թողուցու :

Արդ մի այդպիսի կարծեցուցանիցէ գքեզ սատանայ . այլ և եթէ միով դանկիւ չափիցին յանցանքն՝ հատեր և կոխեցեր զհրամանսն ւնյ, և զամենայն պատուիրանս նորա արհամարհեցեր . զի որ միով ինչ պատուիրանացն ւնյ գթիցէ, եղև ամենայն օրինացն պարտապան : Օ ՚ի ոչ եթէ չափք ընչիցն չարացուցանեն զվէրս

մեղացն , այլ հրամանահատուծիւնն ¹ կորուսանէ ըզպատուիրանազանցն : Օ ի որ զհրովարտակս ոք արքունի պատառէ , ոչ միայն զքարտն փոխանակ քարտին պահանջեն 'ի նմանէ , զի զայն և սակաւ ինչ լուծայիւրք մարթ էր վճարել , և կամ ըստ չափոյ քարտին պատժել , այլ ընդ արհամարհելոյ զհրամանս թագաւորին են տանջանք զանազանք և մահք գառինք : Սոյնպէս և Ղաւամայ ոչ եթէ մեծ էին գողանքն , այլ հատումն միոյ ինչ մրդոյ . և արդ տես զբազում հոյս պատուհասիցն , զանխժիցն և զմահուցն , ոչ միայն 'ի վերայ Ղաւամայ , այլ և ամենայն ծննդոց Ղաւամայ . զի ոչ եթէ գողուն մրդոցն եղև պարտապան , այլ հրամանացն արարչին և բանի բերանոյ նորա . զի որ ասացն՝ եթէ մի սպանաներ , նոյն ասաց՝ եթէ մի գողանայցես : Այլ ոչ եթէ փոքու և մեծի մեղաց խնդիր իցէ , այլ պատուիրանազանցուծեան և հրամանահատուծե . զոր և ինքն իսկ ասէ , եթէ և յետի նաքարակիտն խնդրեսցի . և եթէ լուծցի մի ինչ 'ի պատուիրանացն նոյ՝ փոքր կոչեսցի յարքայուծեան : Օ ի զոր ինչ և է 'ի վերս մեղաց , և փոքր համարեսցի և ոչ ապաշխարեսցէ , այն են մեղք մահուչափ :

Տես զի փոքրիկ է հատ մանանխոյ , և ապա աճէ և ծառանայ . սակաւ է և խմոր , և զամենայն զանգուածն իւր նմանեցուցանէ . նուազ է և փայլակն կայծակի , այլ 'ի նիւթ ինչ մտեալ՝ զբազում վայրս հրդեհէ . նեղ և նուրբ է և խայթոց օձի և սուղ ինչ վէրք նորա , այլ դաժանուծիւն թիւնից նորա դառնատեսիլ մահ գործէ . աներևոյթ է և հարուած կարձի , այլ սաստիկ ընդ ամենայն մարմինն կսկիծ արկանէ մինչև 'ի սիրտն : Այլ չափ ևս առաւել հրաման բանի բերանոյ նոյ դառնամահ տանջանօք տանջե զարհամարհիչս իւր : Ահա փոքր համարեցաւ Վամ զանպատկառուծիւնն 'ի հօրէն , և եղև յանէծս և 'ի ծառայուծիւն ամենայն զաւակօք իւրովք : Փոքր համարեցան և որդիքն Ղարոյնի զեղծաւորուծիւն սպասաւորուծեան իւրեանց , և հուր օտար եկեր զնոսա : Փոքր համարեցաւ Ղայէն զանընտիրն մատուցանել պատարագ , և խոտել անարգելել

¹ Սի օրին . հրամանացն ստորնկարուծիւնն :

յերեսացն այ : Փոքր համարեցաւ և մարգարէն զհրամանն հացին չուտելոյ , և առիւծ 'ի ճանապարհին երեկ զնա : Եւ ամենայն որ փոքր համարեցաւ զհրամանս պատուիրանացն այ՝ պատիժս մեծամեծս ընկալաւ , ոչ միայն յաւիտենական տանջանօքն , այլ յանցաւորս և յառժամանակեայս ևս պատժի : Օ ի որպէս յողորմութիւնն երկու լումայիւք զբոլոր օղորմութեանն զվարձս ընկալաւ , սոյնպէս և 'ի պատուիրանազանցու թեանն թէ և հաւատար որ երկու լումայիւ մեղքիցէ և ոչ պապաշխարիցէ , զբովանդակ պատիժս և զտանջանս պատուիրանազանցութեանն ընգունի : Օ ի որ զքծուար երկաւ թոյ գողանալ մտաբերէ , նա թէ և ոսկեոյ պատահէր՝ ոչ ակն ածէր . քանզի ինքն իսկ () իսուս ասէ . “ Որ 'ի սակաւուն անիրաւ է , և 'ի բազմին անիրաւ է . որ 'ի սակաւուն հաւատարիմ է , նա և 'ի բազմին հաւատարիմ է ” : Օ ի թէպէտ և թուին ոմանց սպանութիւնք մեծամեծք և փոքունք , այլ մի է հրամանն այ՝ եթէ մի գողանար , մի շնար , և մի սպանաներ . ահա մի է հրամանատուութիւն սակաւուն և մեծին : Օ ի որ սպանանէ զթագաւոր որ , նոյն սպանութիւն է և որ զազքան սպանանէ , և նոյն սպանութիւն ծերոյն և տրւալոյն . և որ շնայ ընդ թագուհւոյն , նոյն շնութիւն է և որ ընդ աղքատին . սոյնպէս և որ գողանայ որ ոսկի , նոյն գողութիւն է և պատուիրանահատութիւն և որ զկապարն գողանայ :

Եւ առաւել ևս մեղադրելի է՝ որ վասն ոչընչին լղհրամանն այ արհամարհեաց . զի որ վասն բազում ոսկեոյ զք սպանանէ , թերևս ասէ որ՝ թէ յոսկեոյն խաբեցաւ . իսկ որ միոյ լումայի զք սպանանէ , առաւել ևս տանջանա ընգունի : Սոյնպէս է և որ սակաւք զպատուիրանս այ արհամարհէ , եղկելի է և թշուառական և արժանի բազում տանջանաց : Եւ ևս առաւել չարաբոյն է՝ որ ընտանուոյն և ջերմին մեղանայ . և չար է սպանութիւն զոր անձին որ առնէ քան օտարին . զի այնչափ բորբոքեցաւ ախտ ընչասիրութեան՝ մինչև առ ընտանին և մերձաւորին ետ մեղանչել : Եւ արդ մի որ ասիցէ՝ եթէ յընտանեաց անտի հատանեմ , և այս ոչ ինչ վնասէ . այլ գողութիւն է , և առաւել ևս մեղանչական է քան եթէ յօտարացն գողանալցեն . քանզի ընտանեաց և սիր

րելեաց մեղանչեն, որպէս վերագոյն ասացի՝ եթէ չար է անձնամահութիւն քան զօտարսպանութիւն :

Եւ արդ զայսպիսի մտախաբ կեղծաւորութիւն 'ի բաց արասցուք, և բազում զգուշութեամբ զպատուիրանս այ պահեսցուք . զի ոչ եթէ յակամայ կամաց բռնադատէ զմեզ անձ գործել զբարին, այլ թողու յանձն իշխանութիւն կամաց մերոց : Եւ եթէ ոչ երկիւղիւ պահիցեմք զհրամանս նորա, պահէ զամենայն յանցանս մեր 'ի մեծ օր ահեղ դատաստանին և սոսկալի բեմբին յանդիմանութեան՝ յորժամ Խթոռ դատաստանին դընի, և հին աւուրց նստի, և գետք հրեղէնք յորդեալ ելանեն, հնոցք բորբոքեալք և տարտարոք խաւարայինք, լալումն աչաց և կրճառումն ատամանց և սուգ անմխիթար մեղաւորաց : Եւրդ զայս ամենայն զմտաւ ածելով՝ զընդվայրաբանութիւնս՝ մեր դադարեցուցուք, և զծուլութիւնս մեր 'ի փոյթ դարձուցուք . հրամանաց նորա զգուշացուք, և զոգիս մեր մաքրեսցուք . սրբութեամբ զաւուրս մեր անցուցուք, և անմեղութեամբ զվախճանն կատարեսցուք . զփափաքելի դրախտն ժառանգեսցուք, և յանմահ բարին վայելեսցուք՝ ի Վրիստոս (Յիսուս 'ի տէր մեր . որում փառք և պատիւ յաւիտեանս յաւիտենից . ամէն :

1 Մի օր . Էջեփայրագիտոյ Բնութիւնս մեր :

ՎԱՍՆ ԶԱՐ ՍՈՎՈՐՈՒԹԵԱՆ ԵՐԴՄԱՆ

Յոյժ չար են սովորութիւնք չարին ամենայն ուրեք . այլ աւաւել ևս չար ախտ և սովորութիւնք անօրէնութեանց են երգմունք . և այնչափ յիմարեցուցանէ 'ի սովորութիւն ախտին՝ մինչև յընդելական սովորութեան և չարիքն չարիք իսկ ոչ երևին : Արպէս և այժմ զբազում տեսանեմք զոր սովորեցոյց սատանայ յերգմունս անօրէնս . և 'ի սիրտս իւր ոք ոչ երկնչի՝ եթէ մեզս ինչ անօրէնս գործեսցէ : (Դէպէտ և ասաց 'ի հնումն՝ եթէ 'ի տէր անձ քո երդնուցուս , ոչ եթէ հրամանս ինչ երդման հաստատեաց , այլ զտղայական միտս նոցա յանուանցն 'ի կռոցն երդմանէն հեռացուցանել կամեցաւ : Վրանզի ոչ եթէ անդէն և անդ զամենայն կատարելութիւնս կարէին ընդունել , այլ ընդելացուցանէր որպէս յովանակս տրմուղս : Եթէ ասացեալ էր թէ ամենեւին մի երդնուր , թերևս և չերդնուին իսկ . այլ եթէ երդնուցուս , 'ի տէր անձ քո երդնուցուս : Իսկ 'ի նորումս Վրիստոս զամենայն հրամանս կատարելութեանն պատուիրեաց , և ամենեւին 'ի բաց եբարձ զերգմունս սատանայականս : Եւ ասէ Սովսէս՝ թէ “ ամենեւին մի երդնուցուս սուտ . այլ ես ասեմ . ամենեւին մի երդնուցուս , մի յերկինս՝ զի աթու է նայ , մի յերկիր՝ զի պատուանդան է ոտից նորա , և մի յարուսաղէմ՝ զի քաղաք է արքայի մեծի , և մի 'ի գլուխ քո երդնուցուս՝ զի ոչ կարես մազ մի սպիտակ առնել կամ թուխ , , :

Եւ արդ տես զառաւելութիւն նորոյ պատուիրանիս : Սովսէս ասաց թէ սուտ մի երդնուցուս . այլ ես ասեմ , ամենեւին մի երդնուլ , մի սուտ և մի արդար . զի երդումն արդար երբէք ոչ է , այլ 'ի սատանայէ է . զի ինքն Վրիստոս ասաց , եթէ որ քան զայոյն և քան զոչն աւելի է՝ 'ի սատանայէ է : Եւ արդ եթէ յաթուռն նայ չհրամայէ երդնուլ , իսկ քանի՞ գեհենի և ահեղ հրոյ

մասնիցին որք յսճ երդնուցուն . և եթէ 'ի պատուան դանն չհրամայէ երդնուլ, իսկ յոր խաւար երթիցէ՝ որ 'ի խան երդնուցու և 'ի չարչարանս նորա . և եթէ 'ի գլուխն չհրամայէ երդնուլ, յայտ է՝ թէ ոչ ես իշխան 'ի վերայ գլխոյ քօ, այլ այն՝ որ սպիտակացուցանէ . և եթէ գլխոյդ ոչ ես իշխան, որչափ և ս աւաւել ընկերին : Իսկ որպիսի տանջանօք դատապարտեսցին որք 'ի մարգարէս և յաւաքեալսն և 'ի մարտիրոսս երդնուցուն . և եթէ յԱրուսաղէմ՝ չհրամայէ երդնուլ, յայտ է՝ եթէ և ոչ 'ի սուրբ բնակիչս նորա . և եթէ յերկինս չհրամայէ երդնուլ, յայտ է՝ եթէ և ոչ յերկնաւորն : Լ՛որդ ո՛ւր է արդար երդնուլ, յորժամ ասիցէ՝ եթէ ամենեկին մի երդնուլ, մի յսճ, մի յերկինս, մի յերկիր, և մի որ ինչ 'ի նոսա է . ամենեկին արգել և եբարձ զսովորութի սատանայական երդմանց : Իսկ զինչ . եղիցի ձեր բանն այոյն այո, և ոչն ոչ . և որ քան զայն աւելին է երդումն, այն 'ի սատանայէ է : Լ՛որդ ո՛ւր է արդար երդնուլն, յորժամ ասացն՝ եթէ որ քան զայոյն և զոչն աւելի որ ասիցէ՝ 'ի չարէն է :

Եւ արդ որ զերդումն որ արդար ասիցէ, յայտ է եթէ զսատանայ արդարացուցանէ : Երիստոս զերդմունս ամենայն՝ ծնունդ սատանայի ասաց . բայց միայն զայս երդումն՝ որ հրամայեացն զայոյն և զոչն . զոր և իւր իսկ 'ի կիր արկեալ երդուաւ Լ՛քրահամու, և ասէ . “ Լ՛յո օրհնելով օրհնեցից զքեզ ” : Եւ այլուր ասէ . արդարեւ ասեմ ձեզ . և 'ի միւսումն ասէ . ամէն ամէն ասեմ ձեզ : Լ՛յս է երդումն զոր հրամայեաց մեզ, և այսպիսի երդմամբք հաստատին, և վստահանային ամենայն հաւատացեալք : Իսկ չարք և հակառակողքն՝ 'ի սատանայական երդմանցն առնուն զվճիռ հաստատութեան, որպէս և Պաւղոս ասէ՝ եթէ ամենայն հակառակողացն հաստատութեան վճիռ երդումնն է . հակառակողաց և ոչ քրիստոնէից հաւատացելոց : Իսկ հաւատացելոցն՝ այոյն այո է հաստատուն, և ոչն ոչ . և նյ պաշտօնեայն որ քան զայոյն և զոչն աւելի երդնուցու, թէ և քրիստոնեայ անուանի վասն մկրտութեանն, այլ ոչ հաւատացեալ, բայց հակառակող : Որպէս քրիստոնեայք են և գողք, քրիստոնեայք են և պոռնիկք, նոյն քրիստոնեայք են և հակառակողք, երդմնահարք և երդմնա-

կերք : Իսկ հաւատացելոց այս պատուիրանապահ հուծիւն է որ վասն երդմանս է, զոր և առաքիւնն Յակոբոս եղբայր տեառն յայսմանէ զգուշացուցանէ ասելով. “ Յառաջ քան զամ ինչ մի երդնուցուք, մի յերկինս, և մի յերկիր, և մի յայլ ինչ երդումն ” : Եւ վասն այսորիկ ասաց, եթէ յառաջ քան զամենայն, զի երդումն է անօրէնուծիւն առաւել քան զամենայն ամբարշտուծիս մեղաց :

Եւ մեղս և անօրէնուծիւնս գործեցին որդիքն Խորայէլի, ոմանք չարաչար սպանուծիւնս և պոռնկուծիս, իսկ ոմանք զհայր և զմայր օսբանին . ոմանք զկանայս ընկերաց յափշտակեցին . ոմանք զուստերս և զգատերս իւրեանց զօհեցին դիւաց . ոմանք թողին զամ, և կուոց երկիր պագին . և այսու ամենայնիւ ոչ զարթեալ սրբամտուծիւնն այլ ՚ի վերայ նոցա՝ որպէս յորժամ երդուանն և օտեցին . քանզի որ թ կտրեցին ՚ի տաճարին, և անցին ընդ մէջ քահանայքն և թագաւորն Սեղեկիս, և երդուան արքային բաբելացւոց, եթէ ոչ աստամբեմք և ապստամբեցին : Եւ ասէ ամ թէ Սեղեկիս որ երդմանն իմուստեաց, ասէ՝ ահա ես հանից ընդ կառաւին նորա : Եւ յա յարոյց ամ զարքայն բաբելացւոց ՚ի վերայ Երուսաղէմի, և եկին պատեցան զօրքն զնու վաւ քաղղէացւոց, զքաղաքն հիմն ՚ի վեր արարին, ըզտաճարն աւարեցին, զչս թագաւորին խաւարեցուցին, զորդիս նորա փողոտեցին, զմեծամեծս նորա սրով սատակեցին, և զժողովուրդն ՚ի գերուծիւն վարեցին : Եւ յս են երդման անօրէնուծիւնք առաւել քան զամենայն ամբարշտուծիւնս . որպէս և գրեալ է թէ “ Եւ դարացաւ աստամբուծիւնն Խորայէլի առ ուխտազանցուծեամբն Յուդայ, : Եւ աստամբուծիւնն Խորայէլի կռապաշտուծիւնն էր, և ուխտազանցուծիւնն Յուդայ՝ երդումն Սեղեկիս . և վասն առաւել երդմանն Յուդայ՝ կռապաշտուծիւնն Խորայէլի որպէս թէ արդարուծիւն համարէր : Օ ՚ի որպէս որ սակաւ ինչ ցաւ ունիցի, և ապա յետոյ սաստիկ կսկիծք ինչ ՚ի վերայ հասանիցեն, առ աղէտս վերջին ցաւոցն զառաջինն որպէս առողջուծիւն համարիցին, նոյնպէս և առաւել մեղացն և չարուծեան երդմանն այլ անօրէնուծիւնք որպէս եթէ արդարուծիւն համարէին :

Եւ արդ ՚ի չար սովորուծեանէ ախտաւ այսորիկ ամե-

նեւին իսկ մեզս չարաչարս և անօրէնութիւնս որ ոչ հա մարի . այլ իբրև զհուր վառեալ 'ի բերանն զերդման սովորութիւնն այրեն հանապազ և ոչ զգան , այլ և 'ի հրապարակս երդնուն հանապազ : Եւ յորժամ յեկեղե ջին երթան մտանել 'ի ներքս 'ի յերդնու՝ զարթնու իմն և խորհի . ընգէր . զի յերդումն երթամ , ասէ . և որ արտաքոյն երդուաւ , բազում անգամ զայն ոչ իմա նայ , և ոչ համարի ինչ առ ընդելականս սովորութեամբ : Եւ 'ի թէ 'ի ներքս բաւանդակեալ է անձ , և արտաքոյ ոչ . այլ նա արտաքոյ է և ներքոյ . և ամենայն որ մեզս և ա նօրէնութիւնս աննէ , եթէ արտաքոյ գործէ և եթէ 'ի ներքս , առաջի ան է : Եւ դու զհրապարակին երգումն մի փոքր ինչ և ընդվայր համարիր : Ի միտ առ զոր ա սեմս . ամենայն սպանութիւնք եթէ արտաքոյ է , եթէ ընդվայր ինչ , սպանութիւն գործեցաւ . և ամենայն գո ղութիք եթէ արտաքոյ և եթէ 'ի ներքս , և եթէ ընդ խաղ ինչ և եթէ ընդվայր , գողութիւն գործեցաւ . և ան պոռնկութիւն եթէ արտաքոյ և եթէ 'ի ներքս , և եթէ զինչ օրինակաւ է , պոռնկութիւն գործեցաւ : Եւ յոյսպէս և երդմունք ամենայն եթէ արտաքոյ երդնուն և եթէ 'ի ներքոյ , և կամ ընդ խաղ ինչ ընդ վայր , և եթէ զինչ օրինակաւ և իցէ , չարութիւն երդմանն կա տարի : Եւ զայս փոքր կարծեցուցաներ . եթէ աստ եր դուար և անդ , եթէ աստ ստեցեր ան և անդ , եթէ աստ ուրացար և անդ և ամենայն ուրեք երդուար , առաջի ան էրդուար , առաջի ան ստեցեր , առաջի ան ուրացար : Եւ որ զինչ արասցուք զահեղ ամբարշտութիւնս ախ տիս այսորիկ . զի իբրև զհուր հոսեցաւ ընդ ամենայն երկիր , և լցան բերանք ամենայն բոցով անօրէնութեանս ախտին : Եւ 'ի հրապարակս և երդմունք 'ի բերանս . մանկունք 'ի զբօսանս և երդմունք 'ի բերանս . փաճա աականք վաճառեն և երդնուն . թշտամանտղքն թշտա մանեն և երդնուն . դատախազողն դատախազէ և երդ նու . և ամենեցուն քան զիսօսս բերանոյն ստատանայա կան երդումն յառաջէ . և ամենայն ցոփողեացն և աղա լեզուայն ' չև խօսք 'ի սրտին՝ երդումն 'ի լեզուն կայ պատրաստ : Եւ արդ ո՞ զայսպիսիս մարդ անուանեսցէ .

1 Այսպէս յօրինակին . որ և փոքր մի զինի աղաւալեցաւ զբէ , զոր ուղղելի է աղաւալեցաւ : Ճառնս . աստ միայն աղաւալ և պատի :

չէ և չէ իսկ ասել մարդ, այլ օձ չար և չարին տատա-
նայի սպասաւոր: Պիղծ է բերան այնպիսւոյն, և հուր
ժանդահոտ ցոլացեալ ելանէ 'ի բերանոյ նորահանա-
պազ: Բնդէր հանապազ առաջի այ հայհոյես, երդնուս
և ուրանաս: Բնդէր հուր առեր 'ի բերանդ այրել ըզ-
քեզ հանապազ: Բնդէր սուր սրեալ 'ի լեզուիդ ունիս՝
անդադար զքեզ խոցոտել. ոչ գիտես՝ եթէ երդումն
տէգք սրեալ են սատանայի, և հանապազ որչափ երդ-
նուս՝ ցցին 'ի սրտիդ քում: Երդումն կապանք սատանայի՝
կապէ զմարդիկ, և լուծումն ոչ գոյ: Երդումն խեղդ ան-
ձին՝ որով խեղդէ զմարդիկ 'ի ժամմահոն, և առեալ
տանի 'ի դժոխս:

Եւ արդ եղբարք, երկիցուք յերդմանէ քան յամե-
նայն մեղաց և քան յամենայն անօրէնութենէ. զի քան
զամենայն մեղս հեռացուցանէ յայ: Եւ ասն զի գիտաց
անիծեալ թշնամին՝ թէ 'ի ժամ մկրտութեանն երդ-
մամբ հրաժարեն յինէն, և երդմամբ ուրանայցեն զիս,
երդմամբ հեռացին յինէն ասելով՝ թէ հրաժարեմք 'ի
քէն, սատանայ, հրաժարեմք 'ի պաշտամանէ քումմէ,
հրաժարեմք 'ի հրեշտակաց քոց, հրաժարեմք յամե-
նայն խաբէութենէ քումմէ. և դարձեալ երիցս ան-
գամ երդուան և հաւատացին 'ի սուրբ երրորդութիւնն
ասելով՝ հաւատամք 'ի հայր, հաւատամք յորդի, հա-
ւատամք և 'ի սուրբ հոգին, և կնքեցին զինքեանս եր-
րորդական զօրութիւն հօր և որդւոյ և սուրբ հոգւոյն,
և զսուրբ խաչն 'ի վերայ մատանի եղին: Եւ ես յոր-
ժամ հայիմ յերեսս նոցա, և տեսանեմ զնշան խաչին
սրբոյ դրոշմեալ 'ի վերայ երեսաց մարգոյն, յետս եր-
թամ 'ի սուրբ նշանէն և փախչիմ և հեռանամ, և չը-
կարեմ ինչ առնել: Եւ որհեցաւ և ասէ. զինչ արարից,
և կամ զինչ գործեցից, իւ կարացից հեռացուցանել
զբրիտոնեայս 'ի մեծութէ և հիմանէ հաւատոց սուրբ
երրորդութեանն, և 'ի զօրութենէ և 'ի սլահպանու-
թենէ սուրբ խաչին: Եւ ասէ. գիտեմ զինչ արարից.
զի երդմամբ ուրացան զիս, և երդմամբ հեռացան յի-
նէն, ուսուցից և ես առ հասարակ ամենայն մարդկան՝
թագաւորաց և իշխանաց, եպիսկոպոսաց և քահանայից,
մանկանց և ծերոց, արանց և կանանց երդմունս սուտս
'ի հրապարակս, 'ի վաճառս, 'ի տունս, յեկեղեցիս,

յարեգանքն և ՚ի լուսին և յաստեղս և ՚ի գլուխ իւրեանց և յաչս և յած ինքն գլխովին և ՚ի սուրբ խաչն Վրիւտոսի, որ է կատարեալ ուրացութիւն և հեռանալ ՚ի քրիստոնէութենէ և ՚ի զօրութենէ սրբոյ խաչին, և ապա կարացից յաղթել ամենայն մարդոյ : Եւ արդ ոչ երկն չիցիմք յահագին և ՚ի կործանիչ և յանկանգնելի չարեացս այսոցիկ . ոչ դողայցեմք և ընդ երկրաւ մտանիցեմք՝ որ հանէ զմեզ յերեսաց նյ, և տայ ՚ի ձեռս աստանայի :

Եւ երդմամբ հաստատեմք զւերանս, զի առանց երդմանն ոչ հաւատայ : Եւ այդ հաստատութեան, այլ սատանայական սովորութեան . քանզի զւանն միտք առաքինիք ընտրեն, և ոչ երդմունք . զի առաքինեացն երկիւղածիցն թէ և չերդնուն՝ հաւատան . իսկ ցոփողեացն և աղաւալեղուացն թէպէտ և բիւր անգամ երդնուն՝ ոչ որ հաւատայ . զի ամենայն որ ՚ի մտացն հաստատութիւն և յառաքինութիւն հայի, և ոչ յընդվայրած լեզուին աղութիւն : Վանզի մեծ առաքինութիւն այս է՝ եթէ մտօք որ ՚ի բանս կամ յերդմունս հաստատուն կայցէ, քան զողորմութիւնս և զպատարագս մատուցանել . այն յընչիցն ձեռնհասութենէ է, բայց ՚ի բանս և յերդմունս հաստատուն կալ՝ մտացն առաքինութիւն է . և որոյ միտքն առաքինիք են, երդումն որ ՚ի նմանէն ոչ պահանջէ : Իսկ երդմանց սովորութիւնք յաներկիւղածութենէ է, և յանընտրող յիմարութենէ . հանապազ կապէ զբանս իւր երդմամբք, և կապէ զհոգին իւր ընդ հուր գեհենին :

Եւ արդ զայս ամենայն իմացեալ թափեացուք զթրււ բիր յիմարութեան մերոյ . երկիցուք յահէ ահաւորի մեծին նյ, և բազում զգուշութեամբ պահեսցուք ըզհրամանս սրատուիրանացն նյ՝ ամենաքննող և շքմարիտ ահեղ դատաւորին, և զչար սովորութիւն ՚ի լեզուաց մերոյ ՚ի բաց արասցուք, և առաւել փութով հեռացուք ՚ի սատանայական և ՚ի սատակիչ ախտիցն երդման . և մի վայրապար ընդ նյ յուխտ մտցուք և զսուրբ անունն նյ ընդ երդմանն կապեսցուք . այլ վստահացուցուք ըզմարդիկ յոչն և յայոյն մեր հաստատել . զի այս են երդմունք քրիստոնէից հաւատացելոց . և ամենևիմբ ոչ նեղել զդք և զրկել, և ոչ հակառակութեամբ երդմունս

սատանայականս յեկեղեցի այ մուծանել : Եւ զի իսկ
զոն , ասէ , դատաստանք 'ի մէջ քրիստոնէից . ընդէր ոչ
դուք զրկիք և նեղիք 'ի նոցանէն , այլ դուք զրկէք և նե-
ղէք զնոսա , որ ոչ էք 'ի քրիստոնէից հաւատացելոց ,
այլ յանօրինաց հեթանոսաց : Եւրդ 'ի բաց արասցուք
զայս ամենայն , և դիցուք սանձս լեզուի և կապ բերա-
նոյ զերկիւղն այ . զի ըստ հաճոյիցն նորա խօսեցուք , և
զկտնն նորա արասցուք . կացցուք առաքինութեամբ , և
վախճանեցուք հաւատով , և անդ երթեալ զերկինս
ժառանգեսցուք , և 'ի խոստացելոց բարութեցն վայե-
լեսցուք 'ի Վրիստոս {խուս . որում փառք և պատիւ
այժմ և միշտ և յաւիտեանս յաւիտենից . ամէն :



ՎԱՍՆ ԱՐԲԵՑՈՂԱՅ ԱՆՕՐԷՆՈՒԹԵԱՆՑ

Մեծ սգով և ցաւաբէին արտասուօք պարտ է պատմել զմիտս ճառիս , և ցուցանել զանզեզը չարութիւնս արբեցողացն , զանապաշաւ անօրէնութիւնս բամբաստողաց՝ որ միշտ օրովայնի իցեն պաշտօնեայք , և չար դիւին արբեցութեանն կան ՚ի հարկի : Եւ են հանապազ հայհոյողք և արհամարհողք և թշնամանողք պատուիրանացն այ . զօր և Պաւղոս իսկ լալով ողբայր ըզթշնամիս խաչին Վրիտտոսի . որոց կատարածն , ասէ , կորուստ է . որոց նձ որովայնն իւրեանց է , և փառք ամօթն . որք զերկրաւորս միայն խորհին , և ոչ զվարս առաքինութեան՝ զոր յերկինս վայելեմք . և մեծաւ ըզգայութեամբն անանն անասնոց անմտից՝ յամենայն Ժամ խոտաձարակ , զի թշնամիք խաչին են և չարչարանացն Վրիտտոսի որկորեայքն և արբեցողքն՝ որ միշտ զորովայնն պաշտեն և ոչ զՎրիտտոս , և անհնարին անզգայութեամբ գկեանս անցուցանեն . որոց և յայտնի իսկ բողբէ մարգարէն՝ եթէ անզգամք և անմիտք կորիցեն :

Եւ ուր ուրեք այնչափ անզգամագոյն անմտութիւնք կայցեն , և ոչ կարացեն գիտել՝ եթէ մեծ պակասութիւն է կուրի որ զքեանն է ՚ի լուսոց արեգական : Եւ եթէ այս պակասութիւն է , պարտ է գիտել՝ թէ որչափ ևս առաւել մեծագոյն ևս պակասութիւն է և անհնարին կուրութիւն այնոցիկ՝ որ խաւարեալքն են ՚ի լուսոց պատուիրանացն , և վրիպեալք ՚ի գրաց տեղեկութենէ . և ոչ կարեն որոշել զչարն ՚ի բարւոյն , և ոչ հաւասար միմեանց իմանալ : Եւ յայտնի ինչ է զոր ասեմն . որպէս թէ ումեք դիպեցին երկու օձք չարութոյնք , և զմինն թիւնաւօր կարծիցէ և փախչիցի ՚ի նմանէ , և ՚ի միւսն աներկիւղ մերձենայցէ՝ որ զնոցն չարութիւն մահաբեր թիւնիցն ունիցի , և չարամահ սպանանիցէ : Եւ յայտնիք

են՝ որ զմի ՚ի պատուիրանացն լսեն և պահեն երկիւղիւ , և զհաւասարն նորուն արհամարհեալ անարգեն , և նա վին չարաչար կորնչին : Եւ արդ այս է որով կորնչին . լուաք ՚ի Պաւղոսէ , մանաւանդ եթէ ՚ի Վրիստոսէ իսկ որ ասէ , թէ “ Պողք և պոռնիկք և արբեցողք և բամբասողք զարքայութիւնն նոյ ոչ ժառանգեն , ” :

Եւ արդ ո՞ւր կայցէ այսպիսի յիմարութիւն կուրու-
թեան՝ որ զայս ամենայն ընդ մի չարութիւն ոչ համա-
րիցի : Եւ յոմանց զգուշանայ և պահէ , և զոմանս
արհամարհեալ անարգէ , և աներկիւղ մերձենայ՝ որ ու-
նի զնոյն չարութիւն : Եւ զարեւ իսկ անզգամք և ան-
միտք են այնպիսիքն , և նման կուրացն մոլորելոց որք ընդ
խաւարն խարխափիցեն . այնպէս և նոքա յավենայն ինչ
անխտրութեամբ մերձենան , և չքեալք ՚ի սաստիկ ծու-
լութենէն , և աներկիւղ գործեն զարգելեալսն ՚ի պա-
տուիրանացն : Օ ի եթէ արգել զպոռնկութիւնն և ըզ-
գողութիւնն , արգել և զարբեցողութիւնն և զբամբա-
սանս . զի միապէս հաւասար միով հրամանաւ արգել
զամենայն : Իսկ դու ընդէր ՚ի համանման հաւասարացն
յոմանց իբրև ՚ի չարէ աներկիւղ հեռանաս , և յոմանց
իբրև ՚ի բարի անկասկած մերձենաս . զի եթէ պիղծ է
գողութիւնն և պոռնկութիւն , պիղծ է և բամբասանք
և արբեցութիւն . ընդէր զպոռնկութիւն զղջաս և ա-
պաշտարես , և վասն էր զարբեցութիւնդ անփոյթ ա-
րարեալ արհամարհիցես , որք միապէս վիրաւորեն , և
երկիւղեան սպանանեն : Օ ի եթէ օրէնսդիրն հաւասար
չարութիւն ցուցանէր և համանմանս պղծութեամբ ,
և որ ասացն եթէ գողք և պոռնիկք զարքայութիւն նոյ
ոչ ժառանգեն , անդէն ասաց՝ նոյնպէս բամբասողք և
արբեցողք զարքայութիւն նոյ ժառանգել ոչ կարեն :

Եւ արդ եթէ չար է պոռնկութիւն , չար է և արբե-
ցութիւն . իսկ ընդէր չերկնչիս և խորշիս յարբեցու-
թենէն իբրև ՚ի պոռնկութենէն . այլ աներկիւղ մեր-
ձենաս , և անկասկած կատարես զարբեցութեանն պրղ-
ծութիւնս : Եւ լուար ՚ի Պաւղոսէ՝ զի միով պատժովք
պատուհասէր զպոռնիկն և զարբեցողն : Իսկ որ համա-
րինն եթէ զպոռնիկս դատի անձ , և զարբեցողսն ընդ նը-
մին ոչ , այսպիսիքն յիմարեալք և կուրացեալք են մը-
տօք . զի նոյն հուր և նոյն վայումն և նոյն տանջանք են

արբեցողին որպէս և պոռնիկին . և որպէս և մարգարէն զվայուսն գեհնին նշանակելով ասէր . “ Այ հզօրացդ ձերոց՝ որ ըմպեն զգինին , և իշխանաց՝ որ խառնեն զքցին , ” . զի գինին իսկ , ասէ , այրէր զնոսս անչափու-
թեամբ և արբեցութեամբ :

Այլ և ոմանք զայրեն իսկ ոչ իմանան . զօձից չարա-
թիւնից բուռն հարկանեն , և զգառնամահ սատակումնն որ անտի է՝ ոչ իմանան . () որոց ոչ միայն զոգիմն օպա-
նանեն արբեցութեանն զեղխութիւնք , այլ և զմարմինն փետեն և ապականեն գինւոյն նեխութիւնք , և հանա-
պազ զսիրտն տաղտկացուցանեն , և նեղեն նողկալովն և շմալովն , և որովայնին փքալովն . և զողորմելի ոգիւն միշտ նեղէ և չարչարէ իբրև զթշնամի , և արգելեալ պահէ 'ի մթի և 'ի խաւարի՝ յորժամ մթերք կերակրոցն և ըմպելեացն 'ի ներքս ամբարիցին , և ընդ ցիխ աղբոյն և տղմոյն որդուկքն զուղիցին , և զկարգս աղեացն ողո-
ղիցեն , և զաղբաբոյն որովայնն փտեալ ապականիցէ : Աւ-
միշտ հեծէ և հանապազ թառանչէ յորովայնին ծանրու-
թենէ , և զժահահոտ զգայութիւնն նեխութեանն զմեր-
ձաւորսն զաղբացուցանէ , և 'ի կարկառակոյտ աղբոյն յաճախութենէ զառ 'ի վեր փսխածք ելանեն , և զառ 'ի վայր խողխոջանք արձակին , և շոգին աղտեալ ընդ երեսն մտանէ , և ընդ օդսն տարածանին , և ազգի ազ-
գի ցաւ 'ի մարմինն արկանէ . զսիրտն մեղկէ , զմարմինն թուլացուցանէ , զստամոքսն խանգարէ , զուղիղն ապա-
կանէ , զտեսանելիսն գիջացուցանէ , և զամենայն ան-
դամն ջրզողեցուցանէ . այլ և 'ի նեխութենէ լճացեալ աղբոյն գեռունք գեռան , և ճիճիք ծնանին . որոց բա-
զում անգամ զսիրտն նեղեալ յանկարծամահ սպանա-
նեն : Արդ այս և այսպիսի ցաւք և աշխատութիւնք են մարմնոյ 'ի զեղխութենէ արբեցութեանն :

Իսկ զօգուոցն ցաւոցն զինչ ասացից , և կամ որ բերան բաւական է պատմել զանհնարին աղէտիցն ցաւոց՝ որ 'ի դատաստանի մեծի ահեղ աւուրն յայտնեսցի . սոսկումն բեմբին , արհաւիրք դատաստանին , դառն դատաստանն , անողորմ տանջանք , աններելի պապականն գեհնին աղ-
ջամիջին , տարտարոսք ներքին և հնոցք վառեալք , յոր հուրն հոսեալ իջանէ յորդահոս գետոցն հրեղինաց , որ կան և պահին 'ի պահանջումն ամենայն մեղաւորաց և

արբեցողաց : Այս եթէ մարթ էր ցուցանել յանդիմանն ,
աստէն իսկ 'ի տանջանս և 'ի գատապարտութեան ցու-
ցանէր զոգիս արբեցողացն , զի միշտ 'ի մթի և 'ի խա-
ւարի պահէ արբեցութեանն թմբութիւնն , և իբրև 'ի
յանդուռդս ինչ աղջամղջին անկեալ գնի 'ի մարմին . և
միշտ նեղեալ 'ի գինւոյն գիջութենէ՝ թաղեալ կայ հա-
նապաղ իբրև մեռեալ 'ի գերեզմանի կիսամահ և տը-
խաւ . և որչափ 'ի մարմինն թանձրութիւնն յաւելու ,
նոյնչափ և սգին 'ի ակարութիւն իջանէ : Այս արդարեւ
իսկ յիրաւի են յայսպիսի խաւարի արբեցողացն հոգիք ,
որք զտիւն ամենայն յարբեցութեան ծախիցեն , և ըզ-
գիշերն ողջոյն 'ի քուն հանիցեն , և այգուցն յարու-
ցեալք ծանրարթունք իբրև զխելագարս դանդաչիցեն ,
և չև երեկուն թմբութիւնն թափեալ՝ անդէն 'ի նոյն
գառնայցեն , և զճառս երկիւղի նյ և վարուց առաքի-
նութեան ոչ ճանաչեն :

Արգ չիցեն յանդոյս խաւարի այնպիսիքն . չիցեն 'ի
միգի և 'ի մեղքութեան մեռեալք և թաղեալք 'ի բա-
րեաց , և չարեացն միայն կենդանիք . որք վասն արբե-
ցութեանն շուայտանաց մտացածին ևս բանիւք անօրէ-
նութեան բանս ևս յօղեն և ասեն , թէ որ յարբեցու-
թեանն ոչ գողանայ և ոչ պոռնկի և կամ սպանանէ , ար-
բեցութեամբ միայն ոչ մեղանչէ : Այս 'ի մտաց թա-
փելոց են բարբանջք , որք և զարբեցութեանն անուն
ոչ իմանան : Օ ի ամենայն որ արբենայ և սպանանէ ,
երկուք են չարիքն , սպանող է և արբեցող . նոյնպէս և
որ արբենայ և պոռնկի , պոռնկի է և արբեցող . իսկ ա-
նառակ՝ արբեցողք միայն են :

Վինեակէք են որք յանդուռն ցանկութեամբ զհետ
գինւոյն շրջիցին , և 'ի նմին յամիցեն , և զանէծս ոչ պա-
տուիրանապահացն ժառանգեսցեն : Արպէս և Աղոռմն
ասէ՝ թէ ում է վայ , ում է խռովութիւն . եթէ ոչ
այնոցիկ՝ որք յամեն 'ի գինւոյ , և որք դիտենն ուր գի-
ներբաւքն լինիցին , և անչափութեամբ գինւոյն զեղ-
խեալ յիմարին և թմբին իբրև զանբան անատունս՝
ոչ գիտելով թէ նձ իմատունն բանաւոր արար զբեզ ,
և զու յանառակ արբեցութեանդ թմբիս և յիմարիս
և 'ի մտաց անկանխս , և չես 'ի մարդկան համարի , սյլ
'ի վայր ևս քան զանատուն՝ անզգայացար յիմարութիւնդ

և անբանութեամբդ, և ամենևին իսկ իբրև զփայտ և զքար անզգայացար՝ ՚ի գինւոյն զեղխութենէ : () ՚ի թէպէտ և մարմին է արբելոյն, ձեռքն ՚ի գործոյն են դադարեալք, օտքն ՚ի գնացիցն են պարաւանդեալք, լեզուն ՚ի խօսելոյ համրացեալ, լսելիքն ՚ի լսելոյ են խրջեալք, օջքն ՚ի տեսութենէն կուրացեալք, սիրտն յիմաստութենէն է յիմարեալ, և ամենայն անդամօքն է ՚ի խուարի՝ խելացնոր և մտակորոյս :

Եւս են չարիք և անօրէնութիւնք արբեցութեան՝ որք զարքայութիւնն նոյ ոչ ժառանգեն, այլ ընդ պոռնիկրս և ընդ սպանողս դատին . զի զիմաստունն օտեղծեալ նոյ՝ ՚ի յիմարութիւն գիտեցին ցանկութեամբ գինւոյն արբեցութեան : Եւ ուր ենն և ուր երթանն և ուտի գան՝ ամենևին իսկ ոչ իմնման, զի ըմբռնեալ ունին զգայութիւնն անոցա գինւոյն թմբութիւնք, որ յիմարեցուցանէ զիմաստութիւն, թուլացուցանէ զթմբութիւնն, քայքայէ զխորհուրդսն, և բուծանէ ՚ի յուժոյ արութեանն գինւոյն զեղխութիւնն : Եւ արդ ոչ է այս արժանի մեծի տանջանաց և ահեղ բարկութեանն ՚ի վերուստ . զի զխօսունն և զբանաւորսն անբան անասուն եցոյց արբեցութեանն զեղխութիւն : Աման որոյ () ուրս օպատուիրէ՝ եթէ է « () » ՚ի արբեցուք գինւով յորում զեղխութիւն է ,, : () ՚ի եթէ որք ՚ի խօրանն մը տանէին ՚ի հնումնն՝ գինի ամենևին իսկ ոչ ճաշակէին, իրչափ ՚ի նորումս պարտ է պարկեշտութեամբ ևս մտանել օտաջի նոյ, զի մի յարբեցութենէն զեղխիցիմք, և յանդիմանեալ դատապարտիցիմք իբրև զորդիսն Լ՛հարովի, որ վասն զեղխութեանն հուր օտար եկեր զնոսա, որ եղև յօրինակ անառակ քահանայիցն : Աման որոյ գիրն ասէ՝ եթէ անառակ է գինի, և թշնամանող է արբեցութիւն, և որ խառնակի ընդ նա՝ չէ իմաստուն . զի իմաստնոյն և ջուրն միայն բաւական է ՚ի դադարումն ծարաւոյն, և ՚ի պէտս խելացն զուարթութեքանդի զուարթ են, ասէ, խելք ջրարբաց, և առողջ են մարմինք ուժակերաց . զի և տէրն ամենայն արարածոց այսպիսի սեղանովք յագեցուցանէր զժողովուրդն յանապատին, և զգինի ամենևին ոչ յիշեաց . զի օրինակ ամենայն աշխարհի էր լինելոց ճաշն Վրիստոսի :

Իայց գիտեմ զի ասես իսկ, եթէ ընդէր ապա արար

զգինին՝ զի զըմպելն արգել։ Այլ եթէ զըմպելն արգել,
այլ զարբենայն . որպէս արար զկին վասն ամուսնութե,
և զպրոնկութիւնն արգել . արար և զերկաթ վասն երկ-
րագործութե, և զսպանութիւնն արգել . արար և զգի-
նի վասն մերոյ տկարութեան, և զանչափն կարճեաց .
Այլ եթէ զըմպելն խտտէ, այլ զարբենայն պատուհասէ .
Իայց և գինի իսկ 'ի պէտս հիւանդաց է և սգաւորաց,
և մեծի խորհրդոյն . որպէս և ասէ՝ եթէ գինի սգաւո-
րաց, և ուրախութիւն այնոցիկ որ 'ի տրտմութեանն իցեն .
Իսկ որ զկենդանութե զպէտս վճարէ, հաց է և ջուր և
հանդերձ . բայց այն ամենայն ցանկութիւնք են և ոչ
կարևորք, ընդ որ ոմանք սովորութեամբ և կամօք կա-
պին, և ոմանք կամաւ և սովորութեամբ հեռանան .
Այլ արդ մեք մի սովորութեամբ իսկ կապեացուք ընդ
չար դիւին արբեցութեան . այլ կամօք հեռացուք յոր
կորստութենէ կերակրոց և յանառակ արբեցութենէ,
որով զօրէնս նորա ընկալցուք . զվարս՝ յարդարեացուք,
և զառաքինութիւնս յօրինեացուք, և զսէր սուրբս սի-
րեացուք, 'ի պահս պնդեացուք, յաղթս պարապեա-
ցուք, յողորմութիւնս յորդորեացուք, և 'ի պարկեշտու-
թիւնս յօժարեացուք, զանձինս արդարացուք, և զօգիս
մեր ապրեացուք . զվախձանն բարի ընկալցուք, զի յա-
նանց 'ի կեանսն փառաւորեացուք, և ընդ հոգեղէնն
դասակցեացուք . զփափագելի դրախտն ժառանգեացուք,
և յանմահ բարիսն վայելեացուք 'ի Վրիստոս {Պաւս} 'ի
տէր մեր . որում փառք յաւիտեանս յաւիտենից . ամէն:

ՎԱՍՆ ԱՆՕՐԷՆ ՔԱՏԵՐԱՅ ԴԻԻԱԿԱՆԱՑ

Ուր երթեալ դադարեցից և լացից զահեղ անօրէնութիւնս որ զիս ճնկեցուցանէ . և կամ ուր լռեալ զողեցից թախծեալ մեղօքս , և մաշեալ յամենայն զազրալի և չարալուր համբաւոյ՝ որ միշտ զսիրտ իմ գելու , և գալարեցուցանէ զաղիս իմ և զօրովայն իմ ողբալով , և հանապազ հալեն և հեղձուցանեն զիս տրտմութիւնքս . զի յամենայն ժամ զանառակ պղծութիւնս լսեմ , և զանօրէն ամբարշտութիւնս տեսանեմ : Այլ 'ի բազում թախանձանաց սրտի իմոյ կցեցաւ ոսկր իմ 'ի հող , և մարմին իմ յերկիր քանցեցաւ . զի 'ի լուութենէ բազում մտաց յուզութեանց եղև իբրև զխուր չորացեալ , և իբրև զպատկեր ինչ առանց շնչոյ . և յափշուութենէ մտաց իմոց զիմ սխալանս յետոյ ընկեցեալ մոռացայ , և զձերդ քննեմ հանապազ : Այն զի լուր չար և համբաւ զազրալի 'ի լսելիս մեր հասեալ հնչեն հանապազ . յորմէ բուրէ սատտիկ ժանդութիւն և շարաւնէխութեան և փտութեան . և հոտ չարահոտ 'ի վերցորացեալ տաղտկացուցանէ զսուրբ եկեղեցիս , ընդ որ անձինք ամենայն արդարոց ահիւ հիացեալ ողբան զանօրէնութիւնս :

Այլ ես լի ամենայն յանցանօք միշտ զգոյն հառաչեմ և սգամ . զի 'ի զազրալի անօրէնութեանց ձերոց յամենայն ժամ թատերք սատանայականք ցնծան խայտալով , և եկեղեցիք Վրիստոսի միշտ ողբան դառնապէս : Վրանգի առեալ զմանկունս սուրբ եկեղեցոյս՝ իւր ընծայեցոյց սատանայ , պղծեալս և պղտորեալս յանառակ թատերս տեսարանաց : Ար միշտ հանապազ կամի հեռացուցանել զմարդիկ յողորմութենէն այ , և յամենապայծառ անանց բարութեանց , և տանել առնել բաժանորդս իւրոյ ահեղ աղէտիցն տանջանաց : Այն որոյ զի-

մյո բազում յանցանացն անտես արարի, ձերոյ վշտացո լինիմ վշտակից, և ողբամ զաներևոյթ վեր բեկման անձին ձերոյ. զի մերժեալ արհամարհեցէք զպատուերս պատու իրանացն իյ, և առ ոտն հարեալ կոխեցէք զհաւատս առաքելական եկեղեցւոյ. և առ ոչ ինչ համարեցայք զսրբութիւնս մարմնոյ և արեանն Վերիստոսի, զոր հանապազ ընդունիք յահաւոր և ՚ի սոսկալի սեղանոյն :

Եւ արդ յոյժ ընկղմեալ էք ՚ի դիւական մոլորութեանէդ, և գերեալք և գրաւեալք ՚ի խորհրդոց սատանայի. փութացայք անկանել ՚ի դառնամահ որոգայթս նորա, երթեալ մտանել յապականիչ թատերս խաղուց, լսել զձայնս աղտեղիս խաբարան ականջաց, ՚ի զազրացելոցն և պղծեցելոցն յանօրէն և ՚ի չարալուկ կատաղանաց դուսանաց, որք միշտ զչնորհս հոգւոյն սրբոյ հալածեն, և զմահաբեր պիղծ խորհուրդ սատանայի ՚ի սիրտս և ՚ի խորհուրդս ձեր սերմանեն. յորմէ վառեալ լուցանի հուր ցանկութեանց, և բորբոքեալ տոչորի բոցն ազգի ազգի ախտիւք ՚ի մարմինս հնազանդելոցն, որք իբրև զփուշ և զտատասկա թաղեալ զանձինս վիբաւորեն, և մթերեալ կուտեն բեռնս դժուարակիրս ՚ի վերայ ոգւոցն կորուսելոց : Եւ հուր այրիչ և սուր սատակիչ անձանց իւրեանց ստացեալք ելանեն ՚ի թատերս պղծութեանց՝ եղեալ կարեվէրս և հաստախոց ՚ի գաղտնի նետից սատանայի՝ որ չարաչար զոգիս վիրաւորէ, և փոքր կարծեցուցանէ զմեծամեծ անօրէնութիւնս. յորմէ պարտ էր սարսել և դողալ հանապազ, և փախել և հեռանալ բազում երկիւղիւ : Օ ի չար է սովորութիւնն, չար են և յորդորիչք նորա՝ գինի և գուսան և սատանայ, և միտք մոլորեալք ցոփագնացութեամբք և յափրանօք վաւաշոտութիւնք, որք կանխօժար և դիւրահաւան ընդունին զչար սերմանս սատանայի, մանաւանդ թեթեամիտ և շուաղաբարոյ ազգն անհամեստիցն կանանց, երագալուր և դիւրահաւան և վաղապատիրք՝ որք յափրանօք պակշտեալք միշտ ՚ի թատերան փութան աներկիւղ ՚ի աեսիլ անօրէն խաղուցն և սատանայական հրապարակին, ելեալ ՚ի վեր ՚ի գիտակ տեգիս նաախն, խորհին և դիտեն զնմանինս իւրեանց ՚ի չարիս :

1 Երկու օր • Ընդ-Երազարի • • • ՚ի վերադարձի Կեղիս :

որ թէպէտ և գործոյն անօրէնութեան ոչ պատահեն առժամայն, սակայն զնետս սատակիչս հարեալ տանին 'ի սիրտս, յորմէ պարտ է առ յապա մեռանել: Որպէս և զգազան ինչ վիրաւորեալ 'ի նետոյց որսորդաց, որ թէպէտ առժամայն 'ի հաղւիցն զերծաւ, սակայն զնետսն տարեալ մեռանի:

Եւ արդ իւ իւիք դադարեցուցուք զահեղ տոչորումն ցոյացեալ բոցոյն այնորիկ. և կամ իւ հնարս բժշկու թեաներեոյթ վիրացն գտանել մարթասցուք. և կամ օրով իւիք աւարեալ կործանեցուք զտեղի թատերցն պղծութեան, զորոգայթն մահաբեր, զժողովն բազմաչար, զարուեստանոցն ամենայն ախտից: Օ ի անտի յոր գորին կուսանք 'ի պոռնկութիւն, ամուսնաւորք 'ի շուութիւնս. անտի լինին կանայք ատելի արանց, և արք կանանց արհամարհելի. անտի որդիք 'ի հարանց. թնամանին, և ծառայք 'ի տերանց. անտի ծերոց անհամութիւն և երիտասարդաց վաւաշոտութիւն. անտի է պառաւանց յայրատութիւն, և աղջկամարդկացն գիշութիւն, և արանց լկտութիւն, և կանանց կատաղութիւն. անտի են մարդերուզութիւնք և կնահանութիւնք և մանկասպանութիւնք և այլ զրկութիւնք յաղագս զարդուցն պաճուճանաց. անտի են սնափառութիւք և պրճնութիւնք, և բազում մեքենայք չարարար ախտից. անտի է և զանազան պղծութիւնք՝ զոր և ասել իսկ աղտեղի է: Եւ և ուսուցանէ անձին լկտութիւն, ոգւոյ մեղկութիւն, մտաց քայքայումն, աչաց յարատութիւն, լեզուի դատարկաբանութիւն, գործոց հեղզութիւն. և պարապեցուցանէ յամենայն չարիս, որ ուծացեալ հեռացուցանեն 'ի սիրոյն ան, և մերժեալ հանեն 'ի քրիստոնէական կարգէ: Եւ զայլ և ս աղբի ազգի կերպարանս չարեաց ասել չեմ բաւական, զոր թատերքն ուսուցանեն. զամբարտաւանութիւն, զհայհոյութիւն, զնենգութիւն, զմեխմեխութիւն, զչարակնութիւն, ըզնախանձ, զբամբասանս. վասն որոյ զեղուն պատուհասքն ան 'ի վերայ երկրի, որ սաստիկ սրտմտութիւն 'ի տանջանս դատապարտէ: Եւ զայս ամենայն անօրէնութիւնս ստանան՝ որք մտանեն 'ի թատերս իւրուցն, և անեցուցանեն 'ի մարմինս իւրեանց զչար պրտուղ սերմնացն սատանայի:

Եւ արդ որ բերան բաւական է ողբալ և լալ զայն պիտի աղտեղեալսն և զպղծեալսն . և կամ որ լեզու պատմել կարասցէ զանթիւ աղէտիցն բազմութիւնս՝ զոր անտի ստանան . և կամ որ միտք ցուցանէ զահեղ տանջանացն բազմութիւնս՝ զոր պատրաստեալ է նոցա 'ի հոսանս հրոյ գեհեհին ընդ անձամարտն սատանայի , որք զխաւարայինսն ախորժելով ընկալան : Եւ արդ էր վասն այդպիտի տանջանացդ մատնիցիս , և կամ զինչ 'ի պիղծ խաղչոյն ընկալար . քրքրանս և ցոփանս և թեթեանս , և օգուտ և ոչ ինչ . այլ անթիւ ահեղ աղէտից բազմութիւն : Օ ի թեպէտ և պակշտելոցն լինին ցանկալի պիղծ թատերցն տեսութի , որք միշտ յախտիցն ցանկութիւնսն ծիրին և ծորան , այլ առողջիցն երևի տաղտկալի պղծութիւն և ամօթալի վաւաշտուութիւնս :

Կանայք 'ի բարս բողից կերպարանեալք , և արք ձիոց մատակախազաց , որք անօրէն զազրաբանութեամբն և քան զանասունս ևս 'ի վայր իջանեն , և քան զշանց փրոխածն աղտեղագոյնս ևս փսխեն զտաղտկալի բանիցն զգարչութիւնս , յորմէ շարաւ նեխութեան և հոտ զազրալի ելանէ , որ զանձինս երկիւղածացն զլուեցուցանէ , և դիւաջն է ցանկալի . զի 'ի մէջ այնպիտի խայտառակելոցն սատանայ գումարեալ շքի 'ի վերայ : Օ ի ուրկատակք և գուսանք են և խաղ և ծաղր լիտիք , անդ և դեք ընդ նոսա 'ի պարու անցանեն , և սերմանեն բազում աղտեղութիւնս 'ի միտս զեղխեցելոցն , և առաւել ևս 'ի մոլեգնութիւն բորբոքեն զգուսանսն՝ զպիղծ և քրհալածողս շնորհին սրբութեան , զբորբոքիչս հրոյն ցանկութեան , զարհամարհողս պատուիրանացն , զկարապետս սատանայի խորհրդոցն , զանօրէնս և զանձամարտս և զթնամիս ամենայն արդարութեան : Օ որս պարս էր իսկ բազում քարամբք քարկոծել և յաշխարհէ հալածել , զնոսա առեալ զեղխելոցն 'ի խաղարանս զօսուին , յորս մտանեն ողջանդամք , և ելանեն վիրաւորեալք . զՎրիստոս 'ի բաց մերկացեալք , և զսատանայ յանձին զգեցեալք . զհոգին շնորհաց հալածեալ , և լըցեալ պիղծ հոգւովն դիւայ : Օ ի ամենայն որք հաւատովք և երկիւղիւն մերձենան 'ի Վրիստոս , սուրբ հոգւովն լուսաւորին , և օր ըստ օրէ գործովք առաքիւնութեամբ 'ի վեր ելանեն , և մեկնեալ հեռանան յամե-

նայն խաբից սատանայի : Եւ որ պղծութեամբ թատերայն առ դեւ հպին հանապազ, խաւարին վարիւք մի գապատեալք մթանան, և ընուն պիղծ ոգւովն սատանայի, և որ ըստ օրէ անօրէնութեամբք ծանրացեալք 'ի վայր կործանին, մինչև ուծացեալ հեռանան յերկիրդէն պատուիրանացն նայ, և լինին աման սատանայական խորհրդոցն : Եւ վասն այսորիկ առաւել ատորժելով ընթանան 'ի բանակետդ դիւաց, փութալ 'ի կոչն սատանայի՝ քան առ Վրիտտաի սուրբ եկեղեցին : () Ի բանակք դիւաց են թատերքն խաղոյն, և ամենայն անառակ և գուսանամոլ գինարբուքն, որք զեղխին և պակշռտին անօրէն և աննօժարար՝ լուծեալ զսանձս լեզուի և զկապ բերանոցն արձակեալ ուտեն և շուայտանան համանգամ՝ կերակրոցն, և հոտն հոսեալ 'ի բերանոցնոցս՝ բուրբ բազում ժանտութիւնս . և խորհին և խօսին զամենայն կամն սատանայի, և ոչ իմանան զչարնետո սատանայի : Հարկանէ՝ և զվէրսն խաղաղէ, և չտայ իմանալ, զի մի ապաշխարութեամբ բժշկեսցուք . վասն զի գող է, և ոչ ընդ յայտնի ձանապարհն գնայ՝ եթէ զգուշանայցեմք . այլ գաղտնի և զհետ արածէ, և անակնածելի տայ արհամարհել զմեծամեծս պատուիրանացն, և փոքր կարծեցուցանէ՝ զի մի զգուշացուք : Վիտէ թէ արգելեալ է 'ի պատուիրանացն զբան տգեղ և գատարկ, զբամբասանս և զհայհոյութիւնս . և առաւել հեղուն 'ի բերանս վաւաշ գուսանացն և բազում խեղկատակութիւնս և մորոսախօսութիւնս, գարշաբանութիւնս, դատարկաբանութիւնս : Վրհամարհութի, ձաղութիւն և հայհոյութիւն հոսեն 'ի նոցանէն հանապազ . զի 'ի ծաղր և 'ի խառն և 'ի խառնախօսութիւն դեք փութացեալք հասանեն, և բերեալ ատոս բազումս ջամբեն և արբուցանեն՝ որք անդն շուայտանայցեն : Եւ ան որոյ պարտ է լալ և ողբալ զայնպիսի անառակութիւնս, և մանաւանդ զկատակն մտակորոյս՝ որ 'ի մէջ լիտի բազմակնացն . իբրև զայսահարս յափրին, ծախս, պէտք, արքայութեան, արքայութեան աղտով բերանոցն քակրացուցանեն . զունան հայհոյէ, զունան բաւժբաւէ՝ զպիտութեամբ նամանէ, և զունան ձողէ, խեղութեամբ ամօթով կուրացուցանէ . ոմանց ստէ, և յար-

Վերջու օր . կանոնգրանի կերպրով :

գանօք սնափառեցուցանէ . իբրև զշուն կապաղեալ զա-
մենեսեան առ հասարակ խածանէ :

Օրինչ գործես , ով թշուառական . ընդէք ոչ փա-
թաս թափել 'ի չարաչար ամբարշտութենէդ . ընդէք
ոչ սգաս յանդգամութենէդ՝ գալ 'ի միտս քո . ընդէք ոչ
ողորմիս ոգւոյդ կարուսելոյ . ընդէք ոչ լաս և ողբաս զա-
նօրէնութիւնս . ընդէք հուր 'ի հուր յաւելուս այրել
դառնապէս . ընդէք 'ի վերայ կայծականց և փոռոյ գնաս
հանապազ . զի ընդ բեռինս մեղաց բւեռօխ հանապազ .
հիմքարապէժ և դարահոս լինիս 'ի վախից . վասն էր
սուր արես , և նովին վիրաւորիս . զի ոչ դէ՛տ՝ որ հրով հուր
շիջուցանէ , և ոչ չարիւ բարւոյ հանդիպի : Ո՛վ է որ
փուշ տնկէ՝ և խաղող կթիցէ . կամ օրսն սերմանիցէ՝ և
ցորեան հնձիցէ . և ոչ անառակ վարիւք որ Վ՛րիստոս
տեսանիցէ և զարքայութիւնն ժառանգիցէ . այլ 'ի հուր
գէ՛հնին դատապարտի 'ի մէջ որդանցն թիւնաւօրաց :
Եւ որ այդպիսի անօրէն լկտութեամբ և գինեմոլ զեղ-
խութեամբ կեցցէ , և դիւական թատերօք և ծաղա-
ծու գուսանօք վարիցի , մի ամենեւին ակնկալցի ապրել
'ի հրոյն տանջանաց : Յիշեա զբանն ահեղ , թէ վայ որ
ծիծաղիցին այժմիկ , զի նոքա սգայցեն . վայ որ խնդան
այժմ , զի նոքա լացցեն և ողբասցեն . վայ որ բնկեն զի-
նի յարբէնալ , և անոյշ իւղօք օժանին . վայ ձեզ մեծա-
տանցդ՝ զի բնկալայք աստէն զհատուցումն բարութեան
ձերոյ . զի բաղամ նեղութիւն պարտ է մտանել յար-
քայութիւնն ւնց : Եւրդ Վ՛րիստոս լալ և սգալ սոսց
յաշխարհիս , և դու ծիծաղիս և ցնծաս , և ոչ զարհու-
րիս և դողաս յահեղ դատաստանացն ւնց , որ ճշմարտի-
քննէ զամենայն որ կամու և որ ակամայ , զոր 'ի ծու-
լութենէ և զոր 'ի մուտցմանէ գործէք :

Եւրդ փութա մաքրեա զանձն քո յայրատութենէդ ,
զեղուդ 'ի դատարկաբանութենէդ , զպելիս 'ի պղծա-
լուր սովորութենէդ , և զմիտս քո 'ի մահաբեր ստոա-
նայական խորհրդոց : Ենկիր առաջի ւնց և ստա . մեղայ
յերկինս և առաջի քո : Ո՛ր հեղգար 'ի վաստակս ա-
պաշխարութեան՝ մինչ առուր կայ . ահա փութա 'ի գի-
շերն յայն հասանել ահեղ և սակալի խաւարին և աղ-
ջամկին : Եւրդ ծանօր զմեղաց քոց բազմութիւն . յի-
շեա թէ մեռանել ունիս առ վաղիւն . նկատեա զպա-

Հանջումն հոգւոյդ քո 'ի մարմնոյդ . և աժ զմտաւ հանապազ զվեժ ահեղ օր դատաստանին , զհուրն անշէջ , զխաւարն աղջամղջին , զգութն ապականութեան , և ըզտարտարոս գեհննին , և զգառն ողբումն մեղաւորաց յահեղ դատաստանայն ահագին դատաւորին . ուր բանք սպառին , և գործքն թագաւորեն . ուր խորհրդոց և գործոց պահանջումն . ուր դատարկաբանին են խնդիրք , և անդէպ մտածութեան համարք : Լորդ զայս աժ զմտաւ հանապազ , զայս յիշեա միշտ . յոգւոց հան և ողբա , հեծեա և լաց անդադար , զի թերևս ապրել կարիցես յահեղ աղէտիցն տանջանաց և յաննշոյլ խաւարէն , և հանդիպել անանց բարութեցն խոստացելոց 'ի Վրիտտո ճիտ 'ի տէր մեր . որում փառք յաւիտեանս . ամէն :



ԹՈՒՂԹ ՎԱՍՆ ԿՆԱԹՈՂԱՑ

Տէր մեր Աստուծոյ Վարդապետ վասն փրկական բանիցն յանդիմանութեան չարչարանօք խաչեցաւ յինձամարտ ազգէն և յընդդիմակաց ժողովրդենէն : Այլ այժմ նոքա որք զուղիղ բան և զփրկական վասն փրկական ոգւոց խօսիցին , թշնամանեալ բամբասին 'ի կարծելոցն իմաստնոց : Այլ չէ այն իմաստութիւն , այլ իշխանութեան անիրաւութիւն , զ'իմաստութիւն երկիւղ տեան է . և որ եզիտ զերկիւղն ինչ , նա եզիտ և զիմաստութիւն : Այլ թէ իցէ ևս իմաստուն , չէ պարտ զօգնականն իւր արհամարհել : Այլ իմաստուն էր և Սոլոսէս , սակայն լուաւ խրատուն Աթորայ . հոգևոր էր և Ղաաթիթ , այլ պէտք եղէն և նմա Վաթանայ յանդիմանութիւնն . զ'իմաստունք իմաստնոց լսեն , և խոնարհք խոնարհաց հնազանդին : Օյ որք ուղղապէս մտաց աչօք նայիցին 'ի պատուիրանս ինչ , և հոգևոր վարիւք զքաղցրութիւն սրտին ստացեալ ունին ազատաբարոյ բարուցն հանդարտութեամբ , չէ պարտ արհամարհել զայսպիսի աղերսաբանութիւնս . քանզի երանելին Պետրոս ասէ՝ եթէ “ Արք իմաստութեամբ բնակեցեն ընդ կանայս , իբրև տկար անօթոյ արասցեն պատիկանանց , : Այլ ոչ ատելութեամբ ինչ հեռանալ հրամայէ . զի ամենայն , ասէ , որ ատէ զեղբայր իւր , մարդասպան է . իսկ որ զկինն իւր ատէ , անձնասպան է :

Այլ թէ վասն չքաւորութեան որ որդւոյ առնիցէ ատելութիւն ընդ ամուսնոյ իւրոյ , չար է առաջի ինչ : Օյնչ օգուտ է որդիս խնդրել , և զողիս կորուսանել անիրաւ ատելութեամբն : Օյ ոչ եթէ որդւոց խնդիր է առաջի ինչ , այլ անարատ ոգւոց : Վրանդի և մարգարէն ասէ վասն անիրաւ որդիս խնդրելոյ . որոյ վարձք իւր առ անձ են , այն է պտուղ որովայնի իւրոյ , և զա-

ւակ սուրբ արձանութիւն նորա : Ը՛յլ ոչ գիտէ՝ եթէ վասն առնն յանցանաց արգել անձ զպտուղ որովայնին , և կամ վասն այլ բարւոյ չետ . զի բազում որդիք են որ բարկացուցանեն զծնողս , և ընդ արիւն զկեանս նոցա անցուցանեն . և վասն այնորիկ արդեօք արգելու անձ : Ը՛յլ և այլ անիրաւութիւն է , եթէ զայ ոք գործ ՚ի մարդոյ պահանջէ . և անիրաւք , ասէ , զարքայութիւնն այ ոչ ժառանգեն , քանզի անիրաւութեան բամկաց ¹ : Իսկ թագաւորաց և իշխանաց անիրաւութեան՝ պատուիրանք այ են յանդիմանիչք և արգելիչք :

Ը՛ւ արդ զինչ օգուտ խի են որդիք ոգւոց . ահա մարդ , ասէ , և գործք իւր : Ը՛րդ անձ զմտաւ զահեղ զարհաւիրս ահագին աւուրն այնորիկ , և մի ընդդէմ ինչ կամայն այ առնիցես , զորս յետ սոսկալի ատենին այնորիկ մատնեցին աղէտիցն տանջանաց . զի մի ոք կարծիցէ իբրև զաստի ինչ չարչարանս՝ զոր երկրաւոր թագաւորք անեն ՚ի վերայ մահապարտացն : Ը՛յլ անդ դառն լալիւն է , և չարաչար կսկիծք , և աղախարշանք յորդահաս գետոցն հրեղինաց՝ որ ՚ի վերայն հոսեցին , ՚ի դուբս հրացան կայծականց հնոցին՝ ուր տանջին և մաշին մարմինք մեղաւորացն ՚ի խորս տարտարոսացն և յաննշոյլ խաւարն , ՚ի մէջ որդանցն թիւնաւորաց . զորոց զչարաչար իրս աղէտիցն բանիւք ոք ոչ կարէ ցուցանել՝ զողորմելի վարսնումնն , և զահեղ ողբումնն աններելի տանջանացն . զոր եթէ աշխարհս ամենայն մեծաւ սգով ողբասցեն , այլ և փայտք ևս և քարինք լային ՚ի ձայն ողորմելի աշխարանաց , ոչ կարեն արժանապէս ողբալ և սգալ զայնոսիկ՝ որք այնմ չարատանջ գեհեմին և աններելի աղէտիցն մատնեցան : () որ պարտ է ատեն միշտ զմտաւ անել , և զգուշութեամբ անցանել ընդ սահելի և ընդ ծփալի և ընդ մեղսասէր կեանս աշխարհիս : Ը՛ւ անբաւ են յաւիտենականքն , պատիր և երազ են երկրաւորքս սիրելի , և տկարագոյն քան զսարգի ոստայն : Ը՛հա այսօր և վաղիւ , և այլ ոչ ևս իցեմք . երկաւորք է հանգիստ աշխարհիս , և յաւիտենական են տանջանք և անթ : Ը՛հա յայլ երկիր կայ անցանել , և զտէրն փառաց կայ տեսանել : Արտիւ զսիրտս քննես .

1 Թերի է պարբերութիւն բանիս :

ցուք, և աստէն մաքրեսցուք . զի յետ օտկաւ առուրց եմք երթալոց առ ահեղ և անխաբ դատաւորն՝ որում գաղանիքն մեր յայանին, և զխորհուրդս քրտից յանդիւ մանէ . յորմէ ոչ ինչ ծածկի՝ ի ճշմարտատես և ՚ի քրն-նող ականէն :

Արդ երկիր յահեղ ահեղ դատաստանէն այնորիկ, և մի այլ ևս յերկար աներեւոյթ սրովն վիրաւորիր, և չար ՚ի չար յաւելուլ՝ յաններեղի տրտմութիւնն յամեցուցանելով զանգամս քո . վասն որոյ պէտք են յերկար ժամանակի ապաշխարութեան և ընդ այդդ՝ եթէ երկեղած իցես յայ : Արդ մի ևս հասուցաներ ապաշխարութիւն՝ քահանայից, և զեկեղեցի տրտմեցուցաներ և այլ ևս ժամանակօք . մերձ է վախճանն հասարակաց, փութա մերձենալ առ Խժ, և Խժ մերձեսցի առ քեզ : Ահա գող է օրն մահու, գուցէ հասանիցէ տարաժամ . արթուն լերուք, ասէ, զի ոչ գիտէք զօրն և ոչ զժամն, որ յանկարծակի անակնկալ անկանի ՚ի վերայ քո իբրև զորոգայթ :

Արդ երկիր դու յօրէն յայնմանէ . փութով զզջացիր զոր գործեցերդ մինչ դեռ մերձ է ժամանակս . մի պատաղիր՝ երկրաւորօքս, զի ՚ի մօտոյ փոխելոց եմք ՚ի վերին քաղաքն, և մնան աստէն ժողովեալքս յաշխարհիս . զի ոչ բերաք ինչ յաշխարհս, և ոչ տանել ինչ կարասցուք աստի . այլ մերկ մտաք յաշխարհս, և մերկանդամ անդրէն դառնալոց եմք : Ասն որոյ միշտ ըզմտաւ ած զերկիւղ ահագին առուրն այնորիկ, և մի մեռանար զբոցն՝ օր ոչ երբէք շիջանի . և փութա խոտորել ՚ի ձախոյն սատանայի, և լինի Խժ ընդ աջմէ քում մէ . լուր հոգւոյն սրբոյ, և Խժ լուիցէ քեզ յահեղ առուրն տուգնապի : Ա՛ի ինգրեր ՚ի բարեխօսութիւն ըզբանս շքեղ երեսաց և զպատիւ նախաթառոյն, յորմէ և վարձս սակաւ ընգունիս : Այլ յիշեալ եթէ գոն դատաստանք, կան տանջանք, լինի յարութիւն և ինդիրք ամենայն գործոց . և այսու երկիւղիւ հնազանդեալ, զի և վարձս մեծամեծս ընկայցիս :

Ա՛եժ է լսել ձայնի աւետարանին՝ ՚ի բարեխօսութիւն մահկանացու մարդկան : Ա՛լուր մարգարէական հրատա-

1 Թերևս աշխարհիս :

2 Եօրինակին . գողաբի :

նին և առաքելական պատուիրանացն քեզ 'ի բարեխօսութիւն, և հնազանդեա անձային պատգամիս . ած ըզմտաւ և զմեղաց քոց զբազմութիւնս : || 'ի զսակաւն ուրուք պահանջեր . 'ի միտ առ զահագին բողոքումն պատուիրանաց՝ որ քեզ վկայեցին : յանիր զի և ընդ բանիցն իցէ դատումն և ընդ խորհրոյ և ընդ սակաւիկինչ քինի պահանջումն : Հայեաց 'ի կեանս աշխարհիս՝ զի իբրև զստուեր անցանէն, և փութա յօրահագին դատաստանին : Երկիր 'ի սոսկալի բեմբէն և յահագին դիմաց դատաւորին, և եկ 'ի զգաստութիւն . դողա 'ի դառն դատաստանէն և յանտանելի ամօթոյն, և փութա զնա հաշտեցուցանել . զարհուրեա 'ի չարաչար տանջանացն և յաննշոյլ խաւարէն, և եկ 'ի լուսոյն ճանապարհ . փափաղեա անբաւ բարութեանցն և անյագ փափկութեանն, և հան հարածեա 'ի քէն զհոգեկորոյս խորհուրդս սատանայի . հնազանդեա հոգւոյն սրբոյ հրբամանաց, և բանիւ բերանոյ այ՝ որ ասացաւ քեզ 'ի թղթիդ, զի և վարձ քում հնազանդութեանդ զարքայութիւնն երկնից շնորհիցէ հանդերձ անբաւ բարութեամբքն, և յաստիս առողջ մարմնով պահէ 'ի ցաւոց, և բաւեալ ոգւովք 'ի մեղաց . և բովանդակ քո ոգի և շունչ և մարմին անարատ 'ի գոյստեան տեառն մերոյ : Երեսի Վրիստոսի պահեսցէ . օրում փառք և պատիւ յաւիտեանս յաւիտենից . ամէն :

ՎԱՄՆ ԱՆՈՒՄԱՐՈՒԱՑ ԵՒ ԻԳՈՑԵԼՈՑ ԵՒ

ԱՐՈՒԱԳԻՑԱՑ

Ողբալով յիս հոգի իմ հիացեալ զարմանամ, և տու
կալի հիացմամբ և դողութեամբ անձն իմ հեծէ անդա-
զար, առ միշտ հանապազ զմտաւ ածելով թէ յորդի-
սի անդունդս խաւարայինս ատօից սողի իջանէ ժպրհու-
թիւնս մեր . ընդ որոյ ակտիւ տարակուսեալ լեզու իմ
տկարանայ առ ոչ բաւել ցուցանել զահեղ ատօից
պղծութիւնս՝ որ առաւել քան զամենայն բնութիւնս
մեղաց զանցուցանէ անօրէնութեամբ . զի քան զմե-
նայն յայտնի ամբարշտութեանցն աւազակութիւնէ սա,
և քան զգաղտնի գողութեանցն չարութիւնսն, և քան
զամուսնացելոցն շնութիւնսն, և քան զկուսանացն պո-
նրկութեանցն պղծութիւնս, և քան զարիւնահեղ ըս-
պանութեանցն խողխողումն : Եւ քան զայս ամենայն
չար ամբարշտութիւնս մեղաց առաւել ևս ահեղ ամ-
բարշտութիւնք և անհնարին պղծութիւնք այն են՝ զոր
արուք ընդ արուս գործեն զազրալի անօրէնութիւնս և
զիւական մոլութիւնս, և էգբ առ էգս կատարեն զանա-
ռակ զցանկութիւս և զսատանայական կատաղութիւնս .
և առաւել ևս այն է՝ յորժամ յանբան յանասունս որ
պղծիցի :

Ինդ այս և վերին զօրութիւնքն հիացեալ զարմա-
նան . ընդ այս և սրբոցն դասքն տխրացեալ սգան . ընդ
այս ողբան և անձինք ամենայն արդարոց, զի զարարիչն
արարածոց թշնամանեալ արհամարհեցին անօրէն պղ-
ծութեամբք : Ի սմանէ և հոգին սուրբ գարշի և փախ-
չի և հեռանայ, և այլ ոչ դառնայ ՚ի սա . և ապա բնակա-
րան լինի սատանայի և դիւաց, և ողորմելի ամենեցուն :
Ի վանզի և ոչ մի ինչ ամբարշտութիւն հաւասարի ատ-

տիս այսորիկ . այլ քան զամենայն դիւահարս միշտ ան զգայացեալ են անձինք նոցա՝ որք մոլեկան ցանկու թիբ 'ի միմեանս կատաղին , արուք վաւառոտեալք զարուացի զարուական բնութիւնն իգացուցանեն . և էգքն լըրբեալք և անամօթեալք զիգական բնութիւնն արուացուցանեն : Այլ յանբան անատունսն ևս ապականեցան , որ է առաւել քան զամենայն պղծութիւնս :

Իայց հիացեալ զարմանամ ընդ այնչափ ներողութիւնն այ՝ որ ոչ վաղվաղակի փայլատակունս յերկնից իջուցանէ 'ի վերայ այնպիսի ամբարշտելոցն , և ոչ զերկիր միանգամայն հերձանէ և ընկղմէ զչար տղմոյն զազրացեալսն . զի արտաքոյ օրինացն պղծեցան , և քան զամենայն սահմանս մեղաց անօրինեցան : Օ ի ոչ բաւեմ ցուցանել զդառն ողբալի ախտին զեղիութիւնն . և առաւել ևս ընդ այս զարմանամ և հիանամ՝ յորժամ և կանայք ևս զայսպիսի մոլեկան կատաղութիւնս գործեն , և զանբանական զպղծութիւնս կատարեն : Օ ի 'ի սկզբանէ այրն այր ստեղծաւ 'ի պէտս կանանց , և կինն կին ստեղծաւ 'ի յարանց յօգնականութիւն . իսկ անօրէն պակշտառեալքն անզգայական ախտիցն զնձադիր զսահմանս փոխեցին ամբարշտութիւն . և զպէտս բնականս զոր պարտ էր արանց 'ի կանանց ընդունել , և կանանց յարանց , նոքա և յայլ աղտեղութիւնս փոխեցին , և յանհարին պղծութիւնս այլակերպեցան՝ որ է տաղտկալի ամենայն լսողաց , զոր և պատմել յիս հիացումն արկանէ :

Արդ և դուք 'ի բանէս ինչ լսելով գարշեալիք . այլ երանի թէ յիրացն տաղտկացեալ նողկայիք , զի քան զամենայն ախտս զազրագոյն է : Օ ի առ այնպիսւոյն ոչ է օրէն բնակել , և ոչ ճաշակել ընդ նմա . այլ իբրև 'ի դիւե փախել . զի պիղծ է ամենայն՝ յոր ինչ հասանէ ձեռն նորա , և քան զամենայն պղծութիւնս առաւել ևս պղծագոյն է , և արժանի մեծաց վրիժուց , և բազում շանթից հրոյ 'ի վերուստ : Այլ առաւել ևս բազում մահօք իբրև զպոռնիկս դատին այնպիսիքն աննեբեղի ահեղ տանջանօք : Օ ի պոռնկութիւն թէպէտ և անօրէն է և դիմադարձ նձային հրամանին , սակայն ընս բնութեան է մեղացն խառնակումն : իսկ անասնա մեղացն և իգացելոցն և արուագիտացն պղծութիւնք առաւել են քան զամենայն չարաչար անօրէնութիւնս , և

զարթուցանեն զբարկու թիւնն նոյն և զսաստիկ սրտմտու թիւնն : « Օ ի ամենայն մեղք , ստէ , արտաքոյ մարմնոյ են . բայց որ պոռնկին , յիւր մարմինն մեղանչէ » : Իսկ ծրչափ զազրալի է և գժնեալ այս մեղութիւնս , և անհնարին պղծութիւն քան զամենայն արտնկութեանց . և արդարացուցանէ զամենայն չարաչար անօրէնութիւնս մեղաց ըստ առաւելութեանն իւրոյ ամբարշտութեանն : Իրպէս և զրեալ է՝ եթէ « Ըրդարացաւ կատարշտութիւն Իսրայելի առ ուխտադանցութեամբն { Յուդայ } , սոյնպէս առաւել զեաւ այս ամբարշտութիւնս քան զամենայն չարութիւն անօրէնութեան ախտից , զոր և բանիս բերնամբ չէ հնար ՚ի միջի կացուցանել զպղծութիւնս նոցա . վասն զի շփոթեալ փոփոխեցին զանութիւն իւրեանց , զանացին լինել կանազի , և զկանացին արանցի . և առաւել սողեալք յանբան անասունս ապափանեցան . անօրէն ահեղ անօրէնութիւնք , և արհաւիրք և գողումն սոսկալիք ՚ի միտս բանիս :

Ըրդ զինչ ասացից , և կամ որպիսի բանիւք ծանուցից զչար ախտիս դառնութիւնս . զի անդունդք ժանտահոտք բանան յախտէս , որում ոչ կարէք հանդարտել լսելեօք : Օ ի եթէ հաւատեալ զանութիւնս ախտին բանիւ մերկացեալ ծանուցից առ ՚ի քաջ ՚ի միտ առնուլ զլեզուս իմ աղտեղեալ ապականեմ և սղոթով շաղախեմ կամ եթէ զղացեալ ընդ պատբուակով ասացից , ծածկի չարութիւն մոլեկան ախտիս :

Իսկ արդ անցից ընդ պատմութիւնս ախտիս ըստ ձերում լսելեացդ հանդարտելոյ , և մտօք ՚ի միտս իմացուք զազրալի ախտին , և մի զամենայն նեխութիւնս բանիւ ցուցանել , զի մի և դուք տաղտկացեալք նողկայեք առ ՚ի հանդարտելոյ լսելեաց . քանզի իննտանոյն և մի բան բաւական է առ ՚ի խրատ և ՚ի զգուշութիւնս հոգւոյ : Օ ի զայնպիսի մորէգնութիւնսն զոր անասնամուքն պղծին , կամ էգբ առ էգան կատարեն և արուք ընդ արուս , որ ընդ միտս անբամ անցուցանէ պղծութիւն է ոգւոյ , իսկ յոչափ և ս առաւել գործն այրեցէ . զի եթէ արգարն հազիւ կեցցէ , իսկ ամբարիշտ մեղաւորն ուր գտանիցի : Օ ի հուր անչէջ վառեցաւ ՚ի մարմինս նոցա , և ՚ի վեր բորբոքեալ ապականեցաւ յանանն բնութիւնս . զի այրն այր էր՝ և ախորժեաց լի .

նել կին, և զայրն լինել կորոյս . և կինն կին էր՝ և կամեցաւ լինել այր, և զկինն լինել կորոյս . զորս պարտ է հաւածել յարանց և ՚ի կանանց, զի թողին զքնական պէտս և յանբնականս մոլեցան . զոր և Պաւղոս ողբալով ասէր՝ թէ “ [Կք նոցա փոխանակեցին զպէտս բնականս ՚ի պէտս անբնականս . նոյնպէս և արուացն թողեալ զքնական պէտս իբու թեանն, բորբոքեցան ցանկու թեամբ իւրեանց ՚ի միմեանս, արուք ընդ արուս զխայտառակու թիւն գործէին, ։ Որոց պիղծ խորհրդովք զչար ցանկու թիւնս լցուցեալ ՚ի մարմինս իւրեանց և յանբան առասուռն բորբոքեցան, և զեղան յամենայն չարութիւն, և առաւել ևս պղծեցան քան զսեղանականապուտն և ըզգերեզմանակրկիտն, և չար ևս քան զմարդասպան անօրինեցան . զի մարդասպանն միայն զմարմինն սպանանէ, և զայն՝ աստ միայն . իսկ տղբա զհոգին և զմարմինն սպանանեն յաւիտենական տանջանօքն ։

Ըյս և քան զհեթանոսութիւնս ամբարշտագոյն է . և վասն այսորիկ բարկութիւնք ահեղ հեղուն ՚ի յերկրի . վասն այսորիկ երկինք կամ փակին չարաչար, և կամ բանին խտու թեամբ . վասն այսորիկ մահք տարաժամք և զանազան պատուհասք . վասն այսորիկ ջրհեղեղք համբռնք զտիեզերս հեղձեալ կորուսին . վասն այսորիկ և հրացան անձրեք կայծականց տարածեալ տեղեաց ՚ի վերայ Սողոմայ և հրակիզեաց զամենայն սահմանս նորա վասն արուամոլ գիջութեանցն և իզական կատաղութեանցն ։ Ո՛վ անօրէն մոլորութիւն . ո՛վ սատիկ կուրութիւն և միգապատ յիմարութիւն . զի ՚ի սկրզբանէ սառսուռ առնու, և առ ահիս միտքս յիմարին, և ոչ կարեմ՝ զբանս բովանդակել ։ Ո՛վ ետես, կամ ո՛վ լուսւ այսպիսի ահեղ արհաւիրս և անօրէն ամբարշտութիւնս և զազրալի պղծութիւնս ։ Ո՛վ սատանայ և ՚ի սկզբանէ մարգասպան, յոր խաւար կամ յորպիսի խորս անօրէնութեան իջուցեր զմարդն, մինչև արուամոլս և անամնամոլս և իզացեալս գործես ։

Եւ արդ զինչ անուանեսցուք զնոսա, որք զայնպիսի մոլեգնութիւնս մոլեգնեցան . զի մարդ չէ, և չէ իսկ ։ Իսկ անասուն կոչեսցուք . այլ և նա քան զանասունս առաւել ևս անմտագոյն գտանի, քանզի ոչ երբէք տեսանմբ զանասունս ՚ի մարդոյ բնութիւն ախորժեալ ։ Իսկ

շունս կատաղեալս անուանեցուք . այլ և քան զշունս առաւել անամօթացեալք կատաղին : Օ՛ր շունք յիւրեանց նմանութիւնսն ախորժին , և մերձենան ըստ իւրեանց օրինաւոր քնութեանն . իսկ իգացեալքն և արուազէտքն և անօրէն անասնամուլքն առաւել քան ըզշունս կատաղին , և զանցուցանեն զչարութիւնս իւրեանց քան զչարութիւնս դիւայ :

Ո՛վ ահեղ երկայնմտութիւն նոյ . ո՛վ մեծի սիրոյն և անբաւ երախտեաց բարերարին , որ ոչ զերկինս 'ի վայր կործանէ յայսպիօի ամբարշտելոցն վերայ , և ոչ զերկիրս 'ի ներքոյ հերձանէ և ծածկէ զապականեալսն և զծանրացեալսն , և ոչ սաստիկ փայլատակունս իջուցանէ 'ի վերուստ , և շանթիւք հոյ խանձտէ . այլ երկայնամտեալ ներէ մինչև 'ի ժամանակս վրէժինդրութեան , և յօր ահեղ դատաստանին : Եւ արդ քանի գեհէնք և հնոցք հրացանք իցեն բաւական այնպիսի անձանց . քանի տարտարոսք ներքինք և աղջամուղջք խաւարի ընդ այնպիսի անօրէն զեղիութեան . քանի գուրք որդնալիցք սպառնացեալ են և բազմութիւնք տանջանաց , զոր և ասել չեմ բաւական զհրեղէն գեթօցն ըզյորդութիւնս , որ հոսեալ իջանեն յամբարշտութեցն վերայ , ուր են ահեղ արհաւիրք և լալ և ողբալ անդադար :

Ընդ զինչ առնիցես եղկելիդ և թշուառականդ ըզդառնութիւնդ սաստիկ յիմար¹ կուսանացն յաւուր չարաչար քո վախճանիդ , յորժամ պահանջիւք ոգւոյդ քո անողորմք եկեալ ահագին կերպարանօք 'ի վերայ քո հասանիցեն փութանակի տազնապաւ զոգիդ քո յափշտակել ընդ մարմնոյն , և տազնապեալ ոգիդ վարանեալ ահագին դողմամբ անգրէն 'ի ներքս դառնալ ջանայ , և դողեալ ընդ յարկաւ մարմնոյդ , և ոչ հանդարտեալ հայել ընդ դէմն եկելոց հրեշտակացն , որք սաստիկ սպառնալեօք զոգիդ 'ի մարմնոյդ հանեալ ձգիցեն . և յայնժամ պատիցեն զքեզ արհաւիրք սոսկալի ահեղ ատենին , և երկիւղ տարակուսանաց չարաղէտիցն տանջանաց :

Եւ արդ զահն զայն ո՞չ զմտաւ ածեալ ըայցես դառնապէս , և անդադար ողբալով հառաչիցես զբազմութի չարաչար քո ամբարշտութեդ : Թերևս երկայնամտեալ

1 Այլք քարախոսանացն :

Գթասցի տէր 'ի Ջերմեռանդն արտասուու վշտագնելոյ
 սրտի քո , և գորովագու թ ողորմութեամբ ընկալցի ըզ-
 պաղատանս քոյոյ հեծութեան : Ըրդ վաղըլաղեա յա-
 պաշխարութիւն մինչ զեռ է մեր ժամանակս , զի մի ե-
 կեալ օրն յափշտակիցէ , և ոչ ոք իցէ՝ որ փրկիցէ : Ը՛յլ
 փութա գերծանել 'ի պղծութենէդ՝ ապաւինեալ 'ի մար-
 գասիրութիւնն ւնյ : (Թ)էպէտ և անթիւ են անօրէնու-
 թիւնք քո , այլ անբաւ են մարդասիրութիւնքն ւնյ . թէ-
 պէտ և չարաչար գլորեցար , այլ վաղճաղեա աղաչեա
 զՎրիտոսս՝ որ կանգնէն զգլորեալս : (Թ)էպէտ և գեռա-
 թաթախ տղմով զազրացար , այլ ունիս աղբիւր արտա-
 սուաց՝ որ մաքրէ և լուանայ : (Թ)էպէտ և յաններելի
 աղտեղութիւնս մեղացն կործանեցար , այլ մի ևս յա-
 մեր և մնար 'ի կործանմանդ , և գտանեօ թողութիւն և
 փրկութիւն : (Թ)էպէտ և ներկեալ նեխեցար 'ի սեա-
 թոյր ամբարշտութիւնս քո , այլ մերձեցիր առ Վրիս-
 տոս Ջերմեռանդն արտասուօք , և լուսաւորեալ պայծառ
 օացուցանէ զքեզ : (Թ)էպէտ և սաստիկ բարկացուցեր
 յամերով յապականեալ 'ի զնացս քո խաւարայինս ,
 այլ կանխեօ խոստովանութեամբ , և ընդունիս որպէս
 զանառակ որդին : (Թ)էպէտ և կարեւլէր վերաւորեցար
 յոտից մինչև 'ի գլուխ , այլ կարող ես բժշկել ողորմու-
 թեամբ և գթով տնանկաց : (Թ)էպէտ և կապեցար 'ի
 շղթայս սատանայի , և շաղեալ պատեցար 'ի հաղքս նո-
 րա , այլ պնդութիւն պահոց և Ջերմութիւն աղօթից
 քոց ցրուէ զտուունս մեղաց կապանաց սատանայի :
 (Թ)էպէտ և յանդունդս խաւարայինս և 'ի խորինս իջու-
 ցին զքեզ ահեղ անօրէնութիւնք քո , այլ հայցումն և
 հառաչումն կամաւոր ապաշխարութեանդ քո հանէ 'ի
 խորին խաւարէն , և բարձրացուցանէ 'ի կամարն երկնա-
 ւոր՝ ուր արդարոցն են բարութիւնք : (Թ)էպէտ և ժան-
 տահոս պղծութեամբ եղեր ընակարան խաւարային գի-
 ւաց , արդ սրբեցիր 'ի զազրալի նեխութենէդ , խորգով
 և մոխրով և պաղատանօք ել 'ի տաճարն ւնյ : (Թ)էպէտ
 և չար են չարիքդ քո , այլ յաղթող են մարդասիրութիւնք
 նորա : (Թ)էպէտ և պղծագոյն քան զոհեալն և զմեռել
 տին , այլ կարող ես մաքրեալ վարիւք առաքինութեամբ
 և հաճոյանալ ւնյ : (Թ)էպէտ և տաղտկալի աղտոյն մեղաց
 չարանէս փետեցեր զմարմինդ քո , և շաղսխեալ ծըր-

դեպ կաս յանօրէնութեանդ, բեկեալ անձամբ, խնարհեալ սրտիւ ջնջեա 'ի քէն զանօրէնութիւնս քո, և փաղվազակի շնորհօք սուրբ հոգւոյն լուսաւորիս :

Բազումք մարտեցան 'ի Ճշմարտութենէն, և ապա գտին ճանապարհս փրկութեան . բազումք գլորեցան չարաչար, և միւսանգամ կանգնեցան . բազումք 'ի նա հատակացն խոցեալ կիսամահ վիրաւորեցան, և դարձեալ յաղթութի գործեցին . բազումք աղքատացեալք 'ի նաւաբեկութենէ՝ դարձեալ մեծացան . բազումք 'ի խորս չարեաց ընկղմեցան, և միւսանգամ արգարացան ապաշխարութեամբ . բազումք 'ի հիւանդաց յետ անյոյս լինելոյ բժշկեցան . բազում ծանրաբեռնիք մեղօք ջերմեռանգ ապաշխարութեամբ թեթեւացան : Ըրդ և գումի յուսահատիր յողորմութենէ մարգասիրին այ . յիշեա զի բազում մաքսաւորք արդարացան, բազում պտնիկք սրբեցան, բազում աւազակք արդարացան և բացին զգրունս դրախտին . և գու փութացիր կանգնեա 'ի գլորմանէդ, և ընկեա 'ի քէն զանօրէնութիւնդ, և հասանես փրկութեան : Ե՛ի նմանիր սողունայեցւոցն անզջուութեամբ քով, զի մի ընդ նոսին հրակիզեալ այրեցիս 'ի հուր գեհենին . այլ Վինուէի նմանեա ապաշխարութեամբ, և դարձիր 'ի չար ճանապարհէն : Ըհա գեռ և ս բնակեալ է 'ի քեզ թշնամին անօրէն, և խտացուցանէ զսիրտ քո չբառնալ 'ի զջումն ապաշխարութեան . արդ ծանիր զգաղտնի նետս սատանայի, և փութա զերծիր յորոգայթից նորս : Ըհա պահպանեալ կան զքեանթիւ բանակք դիւաց, և պատեալ պաշարեն գետհուրդս քո՝ չխոստովանել և չապաշխարել . այլ ոտիր 'ի միջոյ նոցա իբրև 'ի հրոյ կայծականց, և փութա անկիր յողորմութիւնն այ . ողբա ասելով . Հայր, մեղայ յերկինս և առաջի քո . մի մերժեր յողորմութենէ քումմէ . յորմէ լսեմ 'ի ձեռն մարգարէին, թէ թողեալ լիցին քեզ մեղք քո : Արում ողորմութեան և մեք արժանի լիցուք շնորհօք և մարգասիրութեամբ հօր և որդւոյ և սուրբ հոգւոյն այժմ և միշտ և յաւիտեանս յաւիտենից . ամէն :

ՎՐԱՄՆ ԶԱՌՆԵԼՈՅ ՍԷՐ ԲԱՐԵԿԱՄՈՒԹԵԱՆ ԸՆԻ

ԹՇՆԱՄԻՄՆ ԱՄՏՈՒԾՈՅ

Հանապազ զմտաւ ածեալ զարհուրիմ յահեղ յան-
ցանացս այսորիկ, և անպակաս խորհուրդք իմ յուզին .
սիրտ իմ հիացեալ երկնչի, զի հանապազ վիրաւորիմ
յափտէս յայսմանէ . զի յընդեւական սովորութենէն և
վէրն իսկ վէր ոչ երևի : Երեւոյն շարաշար խացոտիմք,
և անհոգ եմք իբրև զառողջս . ընդ միշտ հիացեալ զար-
մանամ և սգամ հանապազ, քանզի գիտեմ զվիրին չա-
րութիւնն, գիտեմ լիով զվիրացն ծուլութիւնս : Այսն
այսորիկ պարտ է առաւել սգալ դողալով, և անզադար-
ոգբալ զկուրութիւն յիմարութեանս մերոյ . քանզի գի-
տեմ թէ ասեղ բանդք և կապանք մեծամեծք և պա-
տիժք զանազան տանջանաց կան արհամարհողաց բանից
և թագաւորաց աշխարհի : Իսկ որչափ ևս առաւել հուր
ասեղ տանջանաց բազմութեան այնոցիկ մնացէ՝ որ ըզ-
հրաման հոգւոյն և զպատուիրանն այս արհամարհեն, և
թշնամեաց այ բարեկամք լինիցին, որք հանապազ զհո-
գին սուրբ հայհոյեն և տրտմեցուցանեն անօրէն գնա-
ցիւք, և ոչ դառնան և զղջան, այլ կան ՚ի նմին հանա-
պազ . յորոց պարտ է անձապաշտաց և քրիստոսատիրաց
'ի բաց հեռանալ ըստ բանին « Եւզոսի որ ասէ . « Ե-
թէ եղբայր անուանեալ կամ պոռնիկ իցէ, կամ ազահ,
կամ արբեցող, կամ բամբասող, կամ յափշտակող, ընդ
այնպիսումն և հաց մի ուտել », : Եղբայր անուանեցաւ՝
որ աւազանին ծննդեամբն և սրբոյ սեղանին հաղորդու-
թեամբն լուսաւորեցաւ . և զի անսուրբ վարիւք և ան-
ապաշաւ անօրէնութեամբք պղծեաց և կորոյս զսուրբ
աւազանին զսրբութիւնն, և հեռացեալ մերժեցաւ ՚ի
մէնջ և ՚ի սուրբ հաւատոյ քրիստոնէութեանն, կամ

պղծեցաւ ընդ անօրէնս շուժեամբ աղտեղեալ, և կամ զազիր և գարշելի անկողնեօք ամուսնութիւն կասկե լով՝ զօրէն խողի ընդ ցեխ և ընդ տիղմ՝ թաւալեալ, այնպիսին եթէ եղբայր իսկ իցէ և կամ քոյր, կամ որդի, կամ դուստր՝ նզովեսցի և մերժեսցի՝ ի սիրոյն և ՚ի ինամոյն և ՚ի բարեկամութենէ . և ընդ այնպիսուսն և հաց մի ուտեր, փոխանակ զի դարձաւ յետս ՚ի Վրթատոսէ, և եթուք յաւազանն, և հաւատաց անօրէն խաբէութեան սատանայի :

Ըրդ ո՞ր են հրամանքս, ո՞ր են պատուիրանքս . ո՞չ ապաքէն միածնին այ և թագաւորին թագաւորաց՝ զոր պատուիրեաց հոգւովն սրբով՝ ՚ի բերանոյ առաքելոյն : Եւ արդ թշնամանեալ արհամարհին պատգամք հագւոյն սրբոյ և պատուիրանք այ վասն հրաժարելոյ մեր նախ յանօրինացն սիրոյն և յանարժան ինամութենէն, որ է հանապազ պոռնկութիւն : Եւ արդ որո՞ւմ ներելոյ և թողութեան արժանի լինիցիմք, զի զհրամանս և զպատուիրանս այ կոխան արարաք . նա ընդ ագաճիւն ընդ արբեցողի հրամայեաց առնել բարեկամութիւն, և մեք ընդ հրեայս և ընդ հեթանոսս և ընդ հերձուածոր առնեմք բարեկամութիւն և ինամութիւնս : Եւ յոր խաւար երթայցեմք, և կամ ո՞ր սուզանիցիմք վասն անհնարին ծուլութեանս և չարաչար սովորութեանք, որ արհամարհեմք զպատուիրանս այ . և կամ որ կա՞տասխանատուութիւն կայցէ յաւուր ասէղ դատաստանին՝ յորժամ յանդիմանեալ կշտամբիցիմք առաջի տեղերական հրապարակին . զինչ ասիցեմք, չուամք երբէք յումեքէ ասեմք, կամ չուսոյց որ : Ե՛հա Պաւղոս բողոքէ և ասէ . եթէ եղբայր որ ագահ իցէ, կամ արբեցող և կամ բամբասող և կամ յափշտակող, ՚ի նոցանէ, ասէ, որոշեա և ՚ի բաց հեռացիր . ընդ այնպիսուսն և հաց մի ուտեր : այլ ելէք ՚ի միջոյ նոցա, և մեկնեցա՞րուք ՚ի նոցանէն . մի ճաշակէք, մի հուպ լինիք, զի հանապազ թշնամանողք են այ, և արհամարհողք պատուիրանացն նորա : Օ այս յամենայն ժամ լսեմք ՚ի Պաւղոսէ, մանաւանդ ՚ի հոգւոյն սրբոյ՝ եթէ չէ պարտ թշնամեաց այ լինել բարեկամ : Ե՛հա և մարգարէն ասէ՝ եթէ

1 Այսպէս յօրինակին : ...

“Օ ատելիս քո տէր՝ ատեցի, և վասն թշնամեաց քոց տրտմեցայ . ատելու թիւն կատարեալ ատեցի զնոսա, և եղէ նոցա թշնամի, զի գորէնս քո ոչ պահեցին .” : Ահա մարգարէն ուսուցանէ թէ պարտ է ատել զթշնամիս այ, և ոչ եթէ բարեկամու թիւն ընդ թշնամիս այ առնել : Այլ և միւս մարգարէն ասէ, եթէ “Այս վասն այսորիկ խորտակեաց զնաւս քո, զի թշնամեաց այ բարեկամ եղեր .” . ահա և սա զնոյն բողոքէ՝ եթէ չէ պարտ ընդ թշնամիս այ առնել բարեկամու թիւն և խնամու թիւն և լինել ատելի և թշնամի այ : Օ այս և այլ մարգարէ ասէ . “Ար ամբարտաւանն էր աջօք և ագահ սրբաւիւք, ընդ նմա և հաց ոչ ուտէի . և ոչ բնակէր ՚ի մէջ տան իմոյ, որ առնէր և գործէր զանօրէնու թիւն .” :

Արդ զայս գիտելով և մեք հեռացուք ՚ի թշնամեաց այ . զի չէ պարտ քրիստոսասիրաց և անձապաշտից ընդ ատելիս այ և ընդ թշնամիս Վրիստոսի սէր ինչ և բարեկամու թիւնս առնել . այլ ատել և իբրև զթշնամիս հա մարել : Աին որ եթէ զայրն իւր թշնամանեալ տեսանիցէ, ոչ միայն թշնամի թշնամանողին լինի, այլ և քինանայ ևս ընդ նմա և ոխայ . մեք վասն Վրիստոսի չատեմք իսկ երբէք և չքինանամք ընդ գողս և ընդ պոռնիկս և ընդ բամբասողս և ընդ ամենայն թշնամիս այ, որ յամենայն ժամ բարեացուցանեն զնա անօրէն գնացիւք : Արդի զանարդիս հօր իւրոյ անարգէ և թշնամանէ . և մեք զթըշնամիս այ հօր մերոյ սիրեմք և պատուեմք, և առնեմք բարեկամու թիւն ընդ նոսա : Բազում ծառայք ՚ի վերայ տերանոյ իւրեանց մեռանին, և մեք վասն այ հօր մերոյ և արարչի մերոյ ատելի ևս թշնամեաց նորա չկամիմք լինել : Այս զիսորդ անուանիմք անձասէրք և անձապաշտք, և ակն ինչ յաւիտենական կենացն ունիցիմք . և կամ զիսորդ սիրիցիմք ՚ի նմանէ՝ որք ոչ սրտիւք զնա սիրիցեմք . զի որով չափով չափեք՝ չափեցից ձեզ : Օ ի եթէ կոչեք զիս հայր՝ ասէ, և զոր ասեմն ոչ առնէք, որդիս կոչեցից և ես, և ՚ի ժառանգու թիւնէ իմմէ հեռի արարից : Բնդէր տէր և վասն էր . զի զթշնամիս իմ սիրեցիք, և զատելիս իմ բարեկամ արարէք :

Այս այժմ ոչ ինչ համարին զայն բազումք . այլ խառն և անխտիր ընդ թշնամիս, ընդ շունս և ընդ գողս և ընդ պոռնիկս և ընդ ագահս և ընդ յափշտակողս ուտեմք, և

ընդ բամբասողս և ընդ զըկողս, և խնամով՝ ՚ի տունս մեր մուծանեմք, և պատուեմք զթշնամանողս անյ, և զողիս մեր փնասեալ կորուսանեմք: Այլ որ ևս ահագին անօրէնութիւնք են քան զամենայն չարիս, և հաւասար կռապաշտութեան, որք քրիստոնէայքն լինին, և ընդ անօրէնսն խառնակին, ամուսնանան ևս և հաւասար անասնազիտաց անուանեն զանձինս իւրեանց, և զհոգին սուրբ հալածեն յինքեանց և ՚ի տանց իւրեանց և ՚ի ծնողաց և յեղբարց և յաղգատոհմից իւրեանց, և ոչ իմանան և զգջանան, և ոչ դառնան և ապաշխարեն. և սատանայ զայն փոքր կարծեցուցանէ, և չտայ իմանալ՝ եթէ այս են մեղք որ մահուչափ են: Ա՛յ ան որդ ոչ է պարտ յայսպիսիսն յարել և ճաշակել ընդ նոսա. այլ իբրև յօժից փախչել՝ ՚ի հաղորդութենէ նոցա, գուցէ որ ուսանիցի զգործսն: Իսկ եթէ ընդ չարակն չհրամայէ հաց ուտել, որչափ ևս առաւել ընդ չարագործեն՝ որով ոգիք մեր ապականին: Օ՛յ թէ ՚ի պոռնիկ ամուսնոյն հեռանալ հրամայէ, որչափ ևս յօտար պոռնկէն, որք զմեզ յայ հեռացուցանեն: Օ՛յ եթէ ՚ի դատարկէն փախչել հրամայէ, որ դատարկ և անգործ և ստահակ չըջի, որչափ ևս առաւել փախչել ՚ի բամբասողաց և յարբեցողաց: Օ՛յ եթէ ընդ բարկացող առն չհրամայէ բնակել՝ գուցէ ուսանիցին զճանապարհս նորա, որչափ ևս առաւել ՚ի նոցանէն հեռանալ՝ որք զամբ բարկացուցանեն հանապազ:

Ինդէր օտար չարեօքդ չարչարիցիմք, և ընդ այլոց մեղացն դատապարտիցիմք. տես որ զհամադերձս մաքուրս որ ունիցի, և առաւել շփիցի ընդ այնոսիկ՝ որ տղմովն իցեն շաղախեալք, ոչ ապաքէն և նա ընդ նոսա շաղախեալ ապականիցի. նոյնպէս և որ սրբութիւնս իցէ ստացեալ, և ընդ ագահս և ընդ յափշտակողս և ընդ ամենայն շաղախեալս մեղօք սէր և բարեկամութիւնս առնիցէ, ՚ի պղծոցն պղծութենէ զսրբութիւնն իւր ապականէ: Ի՛պա եթէ որ նեխեալ և փտեալ և չարահոտ վիրօք զոր տեսանիցէ, չկամի և ոչ ՚ի մահիճսն յարել. իսկ մեք ընդ անօրէնսն և անկոնքսն խառնակիմք, և ընդ հերձուածողսն՝ որ ևս չար քան զնեխութեան և փտութեան ՚ի նոցանէ բուրէ մեղացն ծանրութիւն՝ որ զմարմինս մեր և զողիս պղծեալ ապականէ, և հանէ

յարքայութենէն, և սատանայի և դիւայ առնէ ժառանգակից, որ Վրբիստոս բարկացուցանեն յանօրէն անկողինս պղծելով: Իսկ քրիստոնեայք նորա են՝ որք զհրամանն Վրբիստոսի պահեն և առնեն համապազ:

Եւ յլ քրիստոնեայքն միշտամեղք որք ընդ անօրէնս վաւաշին, և քան զհեթանոսս առաւել ևս դատապարտին: «Շառայ, ասէ, որ գիտէ զկամս տեառն իւրոյ, և ոչ առնէ, արբցէ զան սաստիկ», և Պաւղոս ասէ. «Եթէ եղբայր որ անուանեալ կամ ագահ իցէ, կամ կուսպարիշտ, ընդ այնպիսումն և հայ մի ուտել», և հաւաստիկ ընդ կուսպարիշտս համարի զայնստիկ երանելին Պաւղոս՝ որք ընդ անօրէնս կամօք յարաժամ պուներկին, և ամուսնութիւնս համարին. զԹլփատութիւնն պատուեն, և զաւազանն և զլուսաւորութիւնն Վրբիստոսի անարգեն. և ոչ իմանան թէ չէ նմանութիւն լուսոյ ընդ խաւարի, և ոչ Վրբիստոսի ընդ սատանայի, և ոչ բաժին հաւատացելոյն ընդ անհաւատին: Եւ ընդ եթէ սիրելի էս Վրբիստոսի, ատեա զԹշնամիս նորա. եթէ բարեկամ էս Վրբիստոսի, Թշնամի լեր ատելեաց նորա, զի ամենայն որ անօրէնութի գործէ, արհամարհէ զարտու իրանս նորա, և Թշնամի է նա նոյ. որ սրտիւք նծապաշտ է՝ մերժի և հեռանայ ՚ի նմանէ որպէս ՚ի Թշնամոյ, Թէպէտ և կարի սիրելի որ է, և կարևոր յընտանեաց:

Ի՞նչ առաքինութիւն է որք նահատակին և մերժին յարհամարհողացն նոյ, և լինին Թշնամիք Թշնամանողաց նորա. ընդ որոց կան հատուցմունք մեծամեծք և պարգևք զանազանք և պատիւք ընդ մերձաւորս նոյ: Եւ զէ հարց ընդ Թագաւորս աշխարհիս, եթէ զոր ՚ի ծառայիցն տեսանիցէ՝ որ Թշնամի Թշնամեաց նորա լինիցի, տես քանի վայելչութեամբ պատուով փառաւորէ զնա առաջի մեծամեծաց իւրոց: Իսկ եթէ լսէ եթէ ծառայ որ Թագաւորին սէր ընդ Թշնամիս նորա առնիցէ, և բարեկամութի ընդ նոսա դնիցէ, ՚ի միտ առ թէ քանի գանիւք և բանդիւք և զանազան տանջանօք մաշեցցէ, և չար մահուամբ յաշխարհէս բառնայցէ: Իսկ մեք որո՞ւմ ներելոյ և Թողութե արժանի լինիցիմք, եթէ սէր և բարեկամութիւն ընդ Թշնամիս նոյ առնիցիմք, որք հանապազ անօրէն գնայիւք հայհոյեն և Թշնամանեն զնա:

Յորոց պարտ է բազում երկիր զիւ զգուշանալ 'ի սեղանոյ
 և 'ի սիրոյ նոցա . քանզի յանօրէնութեց են կերակուրը
 յափշտակողաց և գողոց . պիղծ են կերակուրը պոռնկաց
 և բամբասողաց . առիթ յաւիտենական տանջանացն են
 արբեցողացն խրախճանք , և մարդազօհիցն արեամբ շա
 դախեալ են ագահացն սեղանք , և են անսուրբ , և ապա
 կանիչ են կերակուրը ամենայն անօրինաց և ապստամբու
 զաց յայ , յորոց և Պաւղոս պատուիրէ հեռանալ . զի
 թէ մատուցողն պիղծ է , առաւել զօհն նոցա պիղծ է .
 և որոց վարքն անսուրբ է , անսուրբ են և կերակուրը նո
 ցա : Եւ գու եթէ սրտիւ ես անձապաշտ , մերժեալ և հե
 ռացիր 'ի սեղանոյ և 'ի սիրոյ նոցա : Տես զի և դատաւորք
 աշխարհիս զոր և ընդ գողս և ընդ սպանողս գտանեն ,
 ընդ նոսին և դատին , մանաւանդ զբարեկամս և զվա
 նատուրս նոցա : Ս ասն որոյ և մեք հեռացուք 'ի նոցա
 նէն զոր անձ է դատելոց . զի մի և մեք ընդ նոսին դա
 տեսցուք յահեղ հուր գեհենին և աններելի տանջանօք :
 Եւ արդ զայս ամենայն իմացեալ 'ի բաց եղիցուք 'ի
 բարեկամութենէ հրէից և հեթանոսաց և հերձուա
 ծողաց , գողոց և սպանողաց , պոռնկաց և բամբասողաց ,
 յարբեցողաց և յագահաց և յափշտակողաց . և սա
 լել յայնցանէ՛ որ յանապաշաւ չարիմս իցեն զազրեալ
 և ընդ անօրէնս՝ ամենեկին 'ի բաց մեկնեցուք . զի չէ
 միաբանութիւն արդարոյն ընդ անօրինին . զի թշամի
 է արդարութիւն ընդ անօրէնութեան : Օ ինչ միաբա
 նութիւն է լուսոյ ընդ խաւարի , և կամ զինչ կայ հա
 ւատացելոյն ընդ անհաւատին . զի հաւատացելոց տէր
 է բաժին , և անհաւատիցն հուր է ժառանգութիւն :
 Եւ կամ զինչ նմանութիւն է տաճարի այ և մեհե
 նաց . զի քրիստոնէայն տաճար է բնակութեան այ , և
 անօրէնն բազին է դիւաց : Երջնպէս և ամենայն անօրի
 նեալք մեղօք մեհեանք սատանայի են և բնակարան դի
 ւաց : Ե՛հա այս են բաժինք և սահմանք և որոշմունք ,
 և զատուցանեն զմեզ յանօրինաց սիրոյ : Եւր է զի ա
 զաւնիք ընդ ազուս բնակեցեն , և գառինք ընդ գայլս
 մակաղեցեն , և կամ խառնուրդք միաբանութեան դի
 ւաց պիղծոց և լուսեղէն հրեշտակաց լինիցին : Եւ յ
 սուրբք զսուրբս խնդրեն , և անօրէնք յանօրէնս յա
 րին . զի ամենայն հաւ , ասէ , յերամս իւր իջանէ , և

մարդ զմանիս իւր խնդրէ : Այն որոյ և մեք զսուրբս
 խնդրեսցուք և 'ի սուրբս յարեսցուք . զսուրբս պա-
 տուեսցուք , զառաքեալս սիրեսցուք և բարեխօս արաս-
 ցուք , և 'ի շնորհաց և յողորմութենէ և յաղօթից մի
 զանգիտեսցուք . և արժանի լիցուք ընդ նոսին խոստա-
 ցեալ անձային բարութեանցն 'ի Վրիստոս (Յիսուս 'ի
 տէր մեր . որում փառք յաւիտեանս . ամէն :



ՎԱՍՆ ԱՀԵՂ ՀԱՐՈՒԱԾՈՑ ԿԱՐԿՏԻ

Բազում կերպարանք են պատուհասից սպառնալեաց
 քո՛ր յօգուտ և գթութիւն մեզ մատակարարէ . զի
 թէպէտ և դէմք իրացն ցասման են նշանակ , այլ առ
 մեզ զգութ հայրենի խնամոցն ցուցանէ : Ս ի յորժամ
 արհամարհիցեմք զպատուիրանս նորա , և յանցանք ինչ
 յանցանիցեմք ըստ կամսց անձանց մերոց գնալ , առ սա-
 կաւ սակաւ ներէ և երկայնամտէ , ակն ունելով դարձի
 ապաշխարութեան : Վ յորժամ ոչ երկիւղիւ գեհե-
 նին , և ոչ փափագանօք անանց բարութեանցն չփու-
 թամք յապաշխարութիւն , կամի փոքր մի զարթուցա-
 նել զդանդաղութիւն ծուլութեան մերոյ՝ ի ձեռն սուղ
 ինչ պատուհասից առ ՚ի խրատ և ՚ի զգուշութիւն . զի
 իւրաքանչիւր ուրուք սրտի հանդէս արարեալ՝ ծանիցէ
 զանօրէնութիւնս գնացից իւրոց , և զերծեալ հեռացի
 ՚ի չար սովորութենէ մեղացն , և ապրեսցին յահեղ ա-
 դէտից տանջանացն : Մ պա եթէ զայս ևս արհամարհի-
 ցեմք , և ոչ փութանայցեմք զանձ հաշտեցուցանել ա-
 պաշխարութեամբ , և զայլ ևս ճաշակս դառնութեամբ
 պատուհասից տայ մեզ ըմպել , և հեղու թափէ ՚ի վե-
 րայ մեր զահեղ պատուհասիցն բազմութիւն , և զահա-
 գին միուր բարկութեան իւրոյ արբուցանէ մեզ չարա-
 չար սպառնալեօք . զի յառաջագոյն ոչ փութացաք հաշ-
 տեցուցանել զնա ՚ի ձեռն խրատոյ գաւազանին :

Ս ի թէ էր Ռարաւոնի առաջին պատուհասին խրա-
 տեալ , զտանն ևս հարուածոցն զճաշակն ոչ ընդունէր .
 և ժողովուրդն Մմովսայ մարգարէին եթէ առաջին պա-
 տուհասին էր ապաշխարեալ , զցաւս ատամանց և զգա-
 լուկն և զմարախն և զկարկուտն և զսաստիկ երաշտու-
 թիւնն և զսոսկալի սոգն և զհարուածս չարաչարս և ըզ-
 մահս տարածանս ոչ ճաշակէր : Վ՛ անս որոյ պարտ է

զգուշանալ իւրաքանչիւր 'ի չար ճանապարհէն , զի մի այլ ևս բազմութիւնք չարաչար պատուհասիցն յաւելցին 'ի ձեզ : Վրանդի յորժամ անօրէնութիւնք մեր առաւելուն , յայնժամ պատուհասքն զեղուն 'ի մեզ : Վրնախախնամութիւնն ւայ և զայն ևս խնամովածէ 'ի վերայ մեր . զի յորժամ մոռանայցեմք զերկիրն ւայ , և 'ի չարիսն յորովիցեմք , ոչ անդէն 'ի մեղսն կամի անապաշառքը կորուսանել , այլ շնորհէ ժամանակ ապաշխարութեան : Վպա եթէ ոչ ապաշխարեմք , և այլ ևս յանձինս մեր խնայէ վասն դարձի , և հարկանէ զանդատանս մեր կարկտիւ , կամ մարխով և կամ այլ ինչ պատուհասիւք , զի ծանուցեալ զյանցանս մեր ապաշխարեսցուք : Վպա եթէ և այնպէս ոչ ապաշխարիցեմք , հարկանէ վասն մեր զանասունս մեր պէսպէս հարուածովք իբրև զպատժապարտ , զի մեք 'ի զեղջեկեսցուք : Վպա եթէ և այնպէս ոչ ապաշխարիցեմք , կամ փակէ զերկիրն 'ի վերայ մեր դժնդակ երաշտութեամք , կամ բանայ չարաչար յորովութեամք յապականութիւն : Վպա եթէ այնպէս ոչ ապաշխարիցեմք , շարժեալ զերկիր դողացուցանէ 'ի ներքոյ մեր , և իբրև ձայնիւ բարբառի ծանուցանել զյանցանս մեր . այլ ոչ ընկղմէ վասն դարձի ապաշխարութեան : Վպա եթէ և այնպէս ոչ ապաշխարիցեմք , այնուհետև առաքէ յանձինս մեր ախտաչարս , կամ մահս տարաժամս , կամ խեղութիւն մարմնոյ , կամ ցաւ անբժշկելիս , կամ վիճումն դիւական , և պէսպէս ախտաժէտութիւնս , որպէս և Պաւղոս ասէ՝ թէ « Վ ասն այնորիկ են 'ի ձեզ բազում հիւանդք և ախտաժէտք , և շատ ևս տարաժամ ննջեցեալք , » : Վ ասն որոյ պարտ է ձեզ միշտ պատուհասիւ դառնալ և ապաշխարել , և մի զհոյս բազումս և չարաչարս ընդունել զպատուհասիցն , և յետ այնորիկ զհուրն անչեջ և գտանջանսն յաւիտենից :

Իւր արդ իւրաքանչիւր որ զխեղձ անձին իւրոյ քննեսցէ , և զբազմութիւն յանցանաց իւրոց ծանիցէ , և մի զսօժ անիրաւ որ կարծիցէ 'ի հեղուլ զցասումն սրտմտութեան իւրոյ . այլ տուր գոհութիւն ներող և արդար դատաւորութեան նորա , զի զոր ինչ սօժ գործէ՝ ոչ եթէ բարկութեան ինչ նշանակիչ է , այլ ողորմութեան : Վհա ջրհեղեղն համաջունջ ամենայն աշխարհի՝ նշանակ էր

ողորմութեան և ոչ բարկութեան . զի իբրև ոչ կամեցան զղջանալ և ապաշխարել տապախազորժ քարոզութեամբն՝ լոյի, որ ձայնիւ ուրազին հնչեցուցանէր յամենեցունց լեւիս, ՚ի ձեռն արաքահաս մահուն յսնութիւ մեղացն կարձեցան . թէպէտ և սաստիկ տանջանա ընկալան վասն գործոցն չարեաց, այլ զոր ՚ի վաղին գործել կամէին՝ ՚ի ձեռն մահուն ապրեցան . և յայտ է՝ եթէ ողորմութեան նշանակեղև ջրհեղեղն նոցա, որք ոչն կամեցան զղջանալ և ապաշխարել : Օսոյն և սաստիկեցուցն իմացիր . զի ոչ եթէ ՚ի բարեգործութեցին կործանեցան ՚ի ձեռն հրացան կայծափանց, այլ ՚ի սաստիկ անօրէնութեանցն և ՚ի ժանտազորժ գնացեցն . զի բանտարգելեալք էին յամենայն զաղրութիւնս, որք յարագ մահուն ապրեցան ՚ի բազում պղծութեանց :

Ըստ ՚ի ձեզ իբրև յորդիս մատուցեալ է անձ ՚ի խրատել ՚ի բժշկել, և ոչ վիրաւորել . այժմէն յայտնել զանօրէնութիւնս ձեր, և ոչ պահել յախտենական ամութոյն տանջանաց : Հարկանէ վասն ձեր զանգատտանս ձեր, զի անձինք ձեր ՚ի զեղջեկեցեցն : Ըստ թերևս չար պիտիւն աքահալութեան ընչաքաղց և օգտաժողով էիք, և կարձել կամեցաւ . և կամ ՚ի ցոխապնացո ինչ յանկութեամբ յափրացեալք, և ՚ի ձեռն կարօտութեանցք ցածուցանել կամեցաւ . և կամ ՚ի լքութեանէ հացալիցք և մարմնազարար յափրութեամբք յուսացեալք ինչ մոռացալք զերկիրդն այ, և արգ ՚ի ձեռն սուղ ինչնեղութեան և կարօտութեան յիշէք, խրդրէք և սղաչէք զնա . և կամ մեղօք ինչ բարկացուցանէք զնա, և զարթոյց զձեզ յապաշխարութիւն . ահա և ձեզ ցատումն պատահասիդ նշանակ է ողորմութեան, և ոչ բարկութեան : Ըստ ողորմութիւն ՚ի դէմն ցասմանդ ցուցանելոյ՝ բազմութիւնք մեզաց դադարեն :

Ըստ հանդէս արարէք խորհրդոց, և քննեցէք զսիրտս ձեր, և գտէք զբազմութիւն յանցանաց, վասն որոյ զեղուն յորդութիւնք պատահասից ՚ի վերայ երկրի . զի չարն սատանայ միշտ ՚ի չարիսն յորդորէ, և ՚ի միտս մեր փոքր կարծեցուցանէ, զի մի ապաշխարեցուք . և մեր անմտաբար արհամարհեալ չնչին ինչ զմեզս համարելով, դիզեալ կուտէ ՚ի վերայ մեր շեղջբ շեղջբ մեղացն : () ՚ի ոմանք նեղեն և կտրեն զահմանս անդաբանաց

ընկերին, զորմէ մարգարէն ասէ . « Այ որ շինէ զտուն
 առ տուն և ոչ իրաւամբք », և սատանայ զայն փոքր
 կարծեցուցանէ, զի մի ապաշխարեացեն : Եւ ոմանք ըզ-
 վարձս վարձկանաց հատանեն, որք ընդ արինահէղն
 համարին . և սատանայ զայն փոքր կարծեցուցանէ, զի
 մի ապաշխարեացեն : Եւ ոմանք զպտուղս եկեղեցւոյ չա-
 բակնեն և խաբեն զանձ, և զընտիր ընտիր խաշանց, ըզ-
 կալոյ և զհնձանի անձանց իւրեանց չարակնեն, և խա-
 բեն զանձ, և զխոտանն և զանօգուտն տեառն մատու-
 ցանեն . որում և մարգարէն ասէ . « Ընիծեալ լիցի
 մարդն որոյ ընտիրն կացցէ, և զարպատուորն տեառն մա-
 տուցանիցէ », որում և Վայէն անիծեցաւ . և սատանայ
 զայն փոքր կարծեցուցանէ, զի մի ապաշխարեացուք : Եւ
 ոմանք ընդվայրած լեզուօք 'ի բամբասանաց ոչ դադա-
 րեն՝ գաղտ զընկերէն խօսելով, որոյ և ասէ . եթէ որ
 'ի մարմնոյ տեառն հաղորդի, և չար զընկերէն խօսե-
 ցի, երկնաւոր սուրն շողացի 'ի շրթունս նորա . և սա-
 տանայ զայն փոքր կարծեցուցանէ, զի մի ապաշխարե-
 ցուք : Եւ ոմանք յորկորստու թիւնք ապականեալք, ո-
 րոյ և Պաւղոս ասէ՝ եթէ « Ըրբեցողք և բամբասողք
 զարքայու թիւն այ ոչ ժառանգեն », և սատանայ զայն
 փոքր կարծեցուցանէ, զի մի ապաշխարեացուք : Եւ ո-
 մանք աներկիր և պակասամիտք ելեալ 'ի թատերս նը-
 տին անամօթեալք, և 'ի դիւամոլ տեսարանէն անե-
 րեցթ նետիւք վիրաւորին . թէպէտ և ոչ զմարմնան,
 սակայն զհոգինս պղծեալ ապականեն . և սատանայ զայն
 փոքր կարծեցուցանէ, զի մի ապաշխարեացուք : Եւ ո-
 մանք ոչ երկիր զիւ այլ ըստ սովորութեանն միայն
 մտեալ յեկեղեցին՝ զանձինս դատարկ բանից պարապե-
 ցուցանեն, և զպաշտօնեայնս փառաբանութեանն այլ
 արհամարհեալ և զաղօթսն 'ի մեղս գարձուցանեն, և
 գնան դատապարտեալք . և սատանայ զայն փոքր կար-
 ծեցուցանէ, զի մի ապաշխարեացուք : Եւ ոմանք ուժա-
 ցեալք 'ի սիրոյն այլ, և մերժեալք 'ի հոգւոյն չնորհաց,
 կամ պղծութեամբ հաղորդին 'ի սուրբ խորհրդոյն, և
 կամ ժտութեամբ հեռանան . երկրեան չարաչար տան-
 ջանօք դատապարտին . և սատանայ զայն փոքր կարծե-
 ցուցանէ, զի մի ապաշխարեացեն : Ոմանց արհամար-
 հեալ զնորա մկրտութիւնն և զոյս յարութեան՝ հե-

Թանտական անյուսու թեամբն գնան , և լան և կոծին 'ի վերայ մեռելոց , զոր արգելեալ 'ի քրիստոնէից սրբոց առաքելոցն . և սատանայ զայն փոքր կարծեցուցանէ , զի մի ապաշխարեսցուք : Եւ ոմանց թողեալ 'ի բաց ընկեցեալ զհաւատա քրիստոնէութեան և զգորութիւն խաչին , և 'ի հմայս և յուրթս և 'ի խտիրս և 'ի դիւթս և 'ի գիւաց զառածանս ընթանան , որ է կատարեալ կռապաշտութիւն և մերժումն յածային օրինացն . և սատանայ զայն փոքր կարծեցուցանէ , զի մի ապաշխարեսցուք : Եւ ոմանց աներկիւղ յերդումս և 'ի սուտ երդումն սովորեցուցանեն զիւզուս , զոր և Վրիստոս իսկ պատուիրեաց՝ թէ և ամենեկին մի երդուր . այլ եղիցի ձեր այսն այո , և ոչ ոչ . որ աւելի քան զայն՝ 'ի չարէն է . և սատանայ զայն փոքր կարծեցուցանէ , զի մի ապաշխարեսցուք : Եւ ոմանք զորքս և զայրիս և զպանդուխտս յաղթահարեն , և տան հառաչել 'ի վերայ զբարտրողացն . և սատանայ զայն փոքր կարծեցուցանէ , զի մի ապաշխարեսցուք : Եւ ոմանք զգրացիս իւրեանց նեղեն ընդարձակել զտեղի իւր , և զվիճակ ընկերին սակաւացուցանեն . վասն որոյ ասէ մարգարէն . “ 1) այ որ յարէ տուն 'ի տուն , և զընկերին հանիցէն ” . և սատանայ զայն փոքր կարծեցուցանէ , զի մի ապաշխարեսցուք : Եւ ոմանք թիւրեն զիրաւունս այրոյն 'ի դատաստանի , և ակն առնուն 'ի չբեղ երեսաց , խտտեալք և արհամարհեաք կաշառօք անօրէնութեան , զոր և գիրն ասէ , եթէ “ 1) հրապարակս անէծք եղիցին , և անէծք բնակեացեն 'ի տունս կաշառառուաց ” . և սատանայ զայն փոքր կարծեցուցանէ , զի մի ապաշխարեսցուք : Եւ ոմանք 'ի տոկոսեաց վաշխից ժողովեն մեծութիւն և խուն զտունս իւրեանց , զոր և մարգարէն ողբալով ասէ՝ թէ “ 1) այ որ ժողովէ զմեծութիւնս անօրէնութեամբ ” . և սատանայ զայն փոքր կարծեցուցանէ , զի մի ապաշխարեսցուք : Եւ ոմանք զվաճառս ճիղեն և կրկնեցուցանեն զսիրտս գնողայն՝ չհայելով յարդարակիւր վաճառոցն . այլ ջանան առնել զսակաւս մեծագին , և զմեծն սակաւագնի . և սատանայ զայն փոքր կարծեցուցանէ , զի մի ապաշխարեսցուք : Եւ ոմանք չար արդար և կշիւ արդար ոչ ստանան , այլ առնեն փոքր և մեծ 'ի խաբէութիւն և 'ի զրկումն բազմաց , զոր և մարգարէն

ասէ՛ եթէ “ Չափ կրկին պիղծ է առաջի նոյ ” . և սատանայ զայն փոքր կարծեցուցանէ , զի մի ապաշխարեւցուք : Եւ ոմանք քինահանուծեամբ զանդաստանս ընկերին և զհամբարս ապականեն . այլ առաւել մտորեալք խորհրդովն սատանայի յանդգնին հաեղ անօրէնուծիք զտունան բնակուծեանց նոցա հրդեհեն , որ են բազում արեանց պարտապան . որ թէպէտ և մարդիկն ապրեցան ՚ի հրոյն մահուանէ , սակայն նա որ զհուրն եդ՝ ըստ թուոյ ոգւոցն է պարտական վրիժուց մարդասպանուծեան . և սատանայ զայն փոքր կարծեցուցանէ , զի մի ապաշխարեսցուք : Եւ ոմանք առանց հարկի հոգևորինչ պատճառանօք սէր ընդ թշնամիսն նոյ առնել յօժարեն . և առնեն բարեկամու թիւնս և խնամու թիւնս ընդ անհաւատսն , ընդ հրեայսն և ընդ հեթանոսսն և ընդ հերձուածողսն , զոր և մարգարէն ասէ՛ թէ “ Եւ ասն այնորիկ խորտակէ զնաւս քս , զի թշնամոյ նոյ բարեկամ եղեր ” . և սատանայ զայն փոքր կարծեցուցանէ , զի մի ապաշխարեսցուք : Եւ ոմանք ՚ի պակասամտաց և յաներկիւղածաց նոյ թէպէտ և ոչ պոռնկուծեամբ , այլ չարաչար նախանձու և շուբարոյ զօշոտու թեամբ հաշեն և մաշեն զամուսինս իւրեանց ՚ի կարծիս պոռնկուծեան , որ ոչ երբէք դադարեն ՚ի մեղաց և ՚ի խռովուծենէ , այլ անդադար հանապազ մեղանշեն քինու և աղաղակաւ . վայ որ կարծեն , և եղուկ որ կարծիս տան . և սատանայ զայն փոքր կարծեցուցանէ , զի մի ապաշխարեսցուք : Եւ ոմանք զծնողս տրտմեցուցանեն և ցուեցուցանեն անարգանօք զսիրտս նոցա , զորս պատուիրաննս պատժել հրամայէ : Եւ ոմանք զօրդիս իւրեանց սչ խրատեն , այլ խակ և ընդվայրագնաց թողուն . ընդ որոց ծնողքն զպատիժս պատուհասի ընդունին : Եւ ոմանք ծառայք ստահակք զտեարս իւրեանց արհամարհեն , մարդահաճոյ և աչք վաստակօք յանձանց դատապարտու թիւ և ՚ի տանջանս : Եւ ոմանք յուխտաւորաց՝ որք զխաշինս ընծայս մատուցանեն , անցին զուխտիւն և ստեցին , և զդաշինս երդմանն արհամարհեցին : Եւ ոմանք ՚ի կուսանաց՝ որք Քրիստոսի կամեցան հաճոյ վնել հանդերձիւք և կերպարանօք , որ է չարաչար շուծիւն : Եւ ոմանք ՚ի կրօնաւորաց ոչ երկիւղիւն նոյ պարկեշտանան , այլ կերպարանեալք սնդին առ ՚ի մարդկանէ , յիմա-

րեալք ախտիւն մնափառութեամբ զած անգիտացուցանեն . ընդ որոց առաւել քան զպոռնիկն և զարբեցաղն դատապարտին : Եւ ումանք ախտիւք և խեղութեամբ նախատեն և բամբասեն զեղբարս , որոց թնամանքն յած երանեն , զի զգործս ձեռաց նորա հայհոյեն . զի որոց գործն հայհոյի , և գործելին թնամանի : Եւ ումանք չարակնեն և նախանձին ընդ եղբօրն յառաջագիւմութիւնն , և ուրախ լինին և ինդան ընդ անկանենն և ընդ աղքատանալն նորա , որ են մեղք ահեղք և չարաչար անօրէնութիւնք առաջի ան . և սատանայ զայն փոքր կարծեցուցանէ , զի մի ապաշխարեսցուք :

Եւ ըստ սովորութեանն և մարդահաճոյ աղօթեմք , և ըստ սովորութեանն հազորդիմք , և ըստ սովորութեանն զպաշտօնն կատարեմք , և ոչ ահիւ և երկիւղիւ և սիրով հոգւոյն , և անձանց¹ ամենայն յօժարութեամբ : Եւ որոցից ասել և զայլ անթիւ բազում յանցանացն , զամբարտաւանութեանցն , զգողութեանցն , ըզպոռնկութեանցն , զսպանութեանցն , զնենգութեանցն , զկուտպաշտութեանցն , և առաւել զարինարբառ նախանձուէ և զպիղծ ռիակալութենէ և զանհաշտ թըշնամութենէն զընկերին , որ են հանապազորդ սպանողք և միշտ 'ի մեղս . և սատանայ զայն փոքր կարծեցուցանէ , զի մի ապաշխարեսցուք :

Եւ արդ այս ամենայն բազմութիւնք անօրէնութեց զեռան 'ի մեղ . և իշխիցեմք ասել արդեօք եթէ ընդէր զեղուն 'ի մեղ ցասմունք պատուհասիցն ան , զոր վասն ողորմութեանն իւրոյ 'ի բազում ժամանակաց երկայնամտեալ արգել հեղուլ զսրտմտութիւն բարկութեանն իւրոյ 'ի ձեզ՝ ակն կալով դարձի ապաշխարութեան : Եւ վասն զի անզեղջ և անապաշաւ մնացէք , արբոյց ձեզ սակաւիկ ինչ ճաշակումն սպառնալեաց իւրոց . զի ծանիջիք՝ թէ գոյ որ դատի զամենայն բազմութիւն անօրէնութեանց մերոց . և ոչ զբարկութիւնն եհեղ ըստ չափոյ մեղաց ձերոց , այլ զմասն մի 'ի բազմաց առ 'ի իրատել զձեզ . զի գիտասջիք թէ գոյ գեհն և տանջանք յաւիտենականք , որով դատի և զայլ և ս անթիւ զամբարշտութիւնս ձեր :

1 Ճառընտիրն ամենայն անխօթարութեամբ :

Եւ արդ ահա զփորձ առէք զգորուծեանն նոյ, և ծանեայք զմարդասիրութիւնն նորա . մի այսուհետեւ նմանէք առքարչտութեանն Վարաւոնի խտացուցանել ըզսիրտս ձեր . այլ յիշեցէք զանուղղայ զգործս ձեր, և գարձարուք յիրաքանչիւր ձեր ճանապարհէ, և ուղիղ ճանապարհին խնդիր արարէք աղաչանօք և պաղատանօք . զի և 'ի ձէնջ այլ պատուհասից բազմութիւնք վերասցին, և սպառնալիք ահեղ տանջանացն անցեալ դադարեսցեն . զի և 'ի ցատումն եկելոց պատուհասիցն համարեսցի մեղաց թողութիւն, որպէս և մարգարէն ասէ . “Տէր, տուր մեզ զխաղաղութիւն քո, զի ըստ ամենայն գործոց մերոց հատուցաւ մեզ” : Որպէս և դուք ընկալայք 'ի ձեռանէ տեառն սակաւ ինչ հատուցումն մեղաց ձերոց, որ եղև ձեզ նպաստ փրկութեան՝ զարթուցանել զձեզ յապաշխարութիւն :

Եւ արդ մի սողումնապէս պանծանալ անզղուծեամբ, այլ նինուէաբար ապաշխարել, լալով և հառաչանօք հաշտեցուցանել ընդ ձեզ զհայրն երկնաւոր՝ որ խրատէ զձեզ որպէս սիրելիս, և ոչ անտես արարեալ արհամարհեաց իբրև զխորթս ատեցեալս : Եւ զխրատն թէպէտ և առ ժամանակ մի տրտմութիւն համարիք, բայց յետոյ ճանաչէք՝ թէ զղուծումն ապաշխարութեան և զթուութիւն մեղաց նովաւ ընկալայք . զի զոր սիրէ տէր՝ զնոսին և խրատէ, զի սրբեալք և քաւեալք 'ի մեղաց պահեսցեն : Եւ թէ և գոհանայցէք ևս զարդար դատաստանացն նոյ, եթէ յիրաւի յորում գործեցաքն՝ ընկալաք, կարող է անձ զսակաւ ինչ մնացորդս պտղոցն անդաստանաց ձերոց իբրև զհինգ հացին բազմացուցանել առ 'ի լիութիւն բաւականութեան ձերոյ : Բայց դուք մի ինչ զարմանաւոր յղիութիւն խնդրէք, այլ խնդրեցէք նախ զթողութիւն մեղաց և զբժշկութիւն հոգւոց ձերոց, և այդ ամենայն յաւելցի 'ի ձեզ : Եւ անձ որ մեծն է ողորմութեամբ, տայ սերմն սերմանահասնին, և հաց 'ի կերակուր պարգևեսցէ ձեզ, և աճեցուցէ զարդիւնս արգարութեան ձերոյ : Ձեր զամենայն լիութիւնն ընկալեալ և առաւելեալ լիջիք ողորմութեամբն նոյ՝ առ 'ի լնու զամենայն կարօտութիւնս ձեր չքաւորաց, որբոց և նեղելոց : Եւ այդ է քաւութիւն մեղաց և ամենայն անօրէնութեանց ձերոց . այդ է ճանապարհ՝

որ տանի զձեզ յօթեվանս արքայութեանն . այդ է նաև՝
 որ տանի 'ի նաւահանգիստն խաղաղութեան . և այդ է
 դուռն որ մուծանէ զձեզ 'ի փափկութիւնս անուշահոտ
 դրախտին և 'ի լուսեղէն և յաւիտենական սրբոցն և
 արդարոցն խորանս : Ինչ որս զմեզ արժանիս արասցէ
 վայելել 'ի շնորհս փառաց հօր և որդւոյ և հոգւոյն սրբ-
 բոյ այժմ' և միշտ և յաւիտեանս յաւիտենից . ամէն :



ՎԱՍՆ ԶԳՈՒՇՈՒԹԵԱՄԲ ԵՒ ԵՐԿԻՒՂԻՒ Ի ՍՈՒՐԲ

ԽՈՐՀՈՒՐԴՆ ՄԵՐՁԵՆԱՊՅ

Սոսկան ոսկերք իմ դողութեամբ, և սարսափէ անձն իմ հիացեալ՝ յորժամ յիշեմ զմերձաւորութիւն անհազին և մեծ խորհրդին . և յերկուս վարեալ միտք իմ ծփին հանապազ . կամիմ մերձենալ՝ ի փափագելին, և անարժանութիւնս իմ արգելու . մերժել հեռանալ այս կորուստ է հոգւոյս : Վանգի են բազումք՝ որ կամ հպին չարաչար, և կամ հեռանան անօրէնութեամբ, և երկոքեան են սատանայականք . զի մինն զահեղ խորհրդոյն զգորութիւն ոչ իմանայ, այլ ընդելական սովորութեանն հարեալ խղճի մտօք մերձենայ, ոչ ՚ի փրկուցութիւն՝ այլ ՚ի դատապարտութիւն, ոչ ՚ի թողութիւն մեղաց՝ այլ յաւելումն անօրէնութեան : Եւ միւսն իբրև զդոյզն ինչ արհամարհեալ հեռանայ՝ ոչ ինչ կարելոր համարելով, զի զգորութիւն և զչնորհս մեծի խորհրդոյն ոչ ճանաչէ, և կամ ՚ի պատիւ ինչ խորհրդոյն համարի զոչ ստէպն մերձենալ . որ ոչ ՚ի պատիւ, այլ յիմարութիւն և ծուլութիւն, հեռանալ ՚ի կենաց, և փափագել խաւարի և մահու . զոր տէր ինքնին ասաց՝ եթէ “ Եւ եմ հացն կենաց . և որ ուտէ ՚ի հացէս յայս մահնէ, կեցցէ յաւիտեան . և հացն զոր ես տաց՝ մարմին իմ է, զոր ես տաց վասն կենաց աշխարհիս ” :

Եւ արդ ամենայն որ հեռանայ ՚ի մարմնոյ և յարենէ Վրիստոսի, որպէս յաւել և ս զամէնն՝ վասն առաւել և ս հաստատութեանն, թէ “ Եւ մէն ամէն ասեմ ձեզ, եթէ ոչ կերիջիք զմարմին որդւոյ մարդոյ, և արբջիք զարիւն նորա, ոչ ունիք կեանս յանձինս ձեր ” : Եւ որք ոչ ունին զկեանսն յաւիտենից, նոցա խաւարն աղջամբղին և հաւր գեհենին է ժառանգութի : 〇 ի ամե-

նայն որ հեռի է 'ի սուրբ խորհրդոյն, զիւրաւ ընդունի զախտ սատանայական, և օթեվան լինի նմա հանապազ : Պարտ է անձին կամ 'ի շնորհաց հոգւոյն վայելել, կամ 'ի պիղծ հոգւոյն ընդունել : “ Հոգի տեառն վերացաւ 'ի Սաւուղայ, և նեղէր զնա այս չար , : Օ ի այգւոյ որ ոչ է պարիսպ, զազանք ապականիչք և խոզք անտառի մտեալ ապականեն զնա . և որ սուրբ խորհրդոյն ոչ պարսպին, բնակարան են դիւաց անձինք նոցա . փախուցեալք 'ի հրեշտակական ժողովոյն 'ի բանակս դիւաց անկանին . և դեք դիւրաւ ըմբռնեն զնոսա, և զհոգիս նոցա տանջեն, և զմարմինս նոցա լլկեն չարաչար, երբեմն 'ի հուր, երբեմն 'ի ջուր : Եւ արդ տես և զյիմարութիւն քո փարատեա 'ի քէն, զթերահաւատութիւնդ քո ուղղեա, զծուլութիւնդ 'ի փոյթ յորդորեա, և փութա սրբիլ 'ի մեղաց, և մեծաւ փափաղանօք փութա 'ի սուրբ սեղանն հոգւոր, զի մի 'ի քրիստոնէական անուանէդ մերժեսցիս : Օ ի քրիստոնէութի հաւատքն են և մկրտութիւն և վայելումն սրբոյ խորհրդոյն . և որ յայտմանէ հեռի է և թերի, թերի է 'ի քրիստոնէութենէդի ոչ Վրիստոս 'ի նմա բնակէ, և ոչ նա 'ի Վրիստոս քանդի որ ուտէ, ասէ, 'ի մարմնոյ իմմէ, նա յիս բնակեսցէ, և ես 'ի նմա :

Եւ արդ որ կամի բնակել 'ի նմա, այնպէս պարտի գնալ, որպէս նայն գնաց : Եւ որ ունիցի զայն յոյս թէ յիմ 'ի նմա բնակէ և նա յիմ, այնպէս պարտի լինել սուրբ, որպէս և նայն սուրբ է՝ ըստ մարդկան տկարութեան չափոյ, ապա մերձենալ : Եւ որ ոչ այսպէս մերձենայ, յայտ է եթէ 'ի դատապարտութիւն անձին իւրում մերձենայ . զի մերձենալ 'ի սուրբ մարմինն տէրունական՝ սրբոցն յոյս է, և լուսաւորէ հոգւոյն մերձաւորութեամբ . և պրծոցն հուր է, այրէ և ապականէ վասն խղճիւն մերձենալոյ : Օ ի յորժամ վկայութիւն մտացն սրբութեան քում ոչ վկայէ, յայտ է եթէ մերձենայն քո 'ի սուրբ խորհուրդն ոչ է ըստ կամացն այ . որպէս և Պաւղոս ասէ՝ թէ “ Եւս են կամք այ վկայութիւն միտաց ձերոց , : Եւ եթէ միտք քո վկայեն քում սրբութեանդ, ըստ կամացն այ է մերձաւորութիւնդ : Եւս եթէ խղճիւ մերձենայցես, գիտեա զի դատապարտեալ ելանես, և անօրէն քան զամենայն անօրէնս . զի սա ևս

առաւել անօրինապօյն է քան զարիւնահէղ սպանողացն չարութիւնս : Օ ի մարդ որ զմարդ սպանանէ, մարդասպան անուանի . իսկ որ անարժանութեամբ 'ի մարմնոյ տեառն հաղորդի, նա անասպան է . քանզի վերստին 'ի խաչ հանէ զօրդին այ :

Աւարդ տես թէ յոր սեղան անօրէնութեամբ մեր ձենաս . յորմէ վերին զօրութիւնքն սոսկան և սարսեն, և դու պիղծ շրթամբքդ յանդգնեալ մատչիս : Օ ի եթէ հօտ ինչ չարեաց հարկանէր՝ առ թագաւոր որ չիլ խէլը մերձենալ, և զերկնաւոր թագաւորն 'ի հոտեալ հոգիդ ընդունիս, և ոչ մեծաւ ահիւ հիանաս . ցխոտ ձեռօք 'ի կերակուրս խղճես մերձենալ, և զեռաթաթախ ոգւովդ անխտիր հաղորդիս : Մ խորք անօրէնութեան, ո՞ ահէղ արհաւիրք, ո՞ անամօթ լրբութիւն և սաստիկ ամբարշտութիւն . խղճիւ մտօք և աղտեղեալ ոգւով երթեալ մերձենաս 'ի սրբութիւնս մեծի խորհրդոյն . և որ քան զայս անօրէնութիւնս յանդգնեալ յանդգնեսցի, չէ և չէ իսկ տեսանել : Յորժամ մարդոյ, ասէ, մեղանչէ՝ առ անձ աղաչէ, իսկ որ այլ մեղանչէ՝ զո՞ աղաչեսցէ . զի ոչ եթէ արեան մարդոյ եղեն պարտաւհան, այլ և մարմնոյ և արեան որդւոյն այ : Այլ 'ի միտ առ և տես՝ եթէ որպէս հաղորդիս 'ի սուրբ խորհրդոյն . զի եթէ վստահ ես յարքայութիւնն այ մտանել՝ անխիղճ ընկալ և զհաղորդութիւն խորհրդոյն . իսկ եթէ թերահաւատ ես յարքայութենէն երկնից, ապա և անարժան ես և խորհրդոյն սրբութեան : Օ ի չէ հնար սրբոյ խորհրդոյն արժանաւոր լինել, և արքայութեանն ոչ . զի երկոցունցն մի սրբութիւն է արժանաւոր լինել :

Այլ և ոմանք թէպէտ և 'ի խղճէ մտացն ոչ հաղորդին, սակայն կեղծաւորեալք մնան 'ի ներքս, կարծեցուցանելով արտաքնոցն՝ եթէ 'ի հաղորդելոցն իցեն . զի ամենայն որ ոչ է արժանի խորհրդոյն, և ոչ 'ի ներքս կալոյ, ոչ աղօթից և ոչ հաղորդութեան . այլ ելանել արտաքս ընդ անարժանսն : Մ 'ի կեղծաւորիք մնալ 'ի ներքս իբրև արժանաւոր, և չհաղորդել իբրև զանարժան : Ինդէր արհամարհես զահաւոր և զմեծ խորհուրդն . ոչ իմանաս՝ եթէ յորժամ խորհուրդն սուրբ 'ի սուրբ սեղանն ելանիցէ, յայնժամ երկինք բանին 'ի վերուստ, և Վրիստոս իջեալ անդր հասանիցէ, և զօրք

հրեշտակաց յերկնից յերկիր ծաւաղիցին, և շուրջ զսե-
ղանոջն բողբոխն՝ ուր ասագին խորհուրդն է տէրունա-
կան, և սուրբ հոգւոջն ամենեքեան ընտցուն: Այս-
ժամ հարեալքն խղճիւ ոչ են արժանի հաղորդել յայն-
պիսի խորհրդոյն, մինչև ապաշխարութեամբ և զղիցիին:
Ուր և զահեղ բողբոք քարոզին. մի որ յերախայից,
ասէ, մի որ ՚ի թերահաւատից, և մի որ յանցուսից. որ
ոչ են պատրաստ սրբութեամբ, զնոսա արտաքս առաքէ.
և ՚ի ներքս մնացելոցն աղաղակէ՝ եթէ հայեցարուք
յանձինս ձեր, և զսիրտս ձեր քննեցէք մի խղճիւ որ և
մի նենգութեամբ, մի խորամանկութեամբ որ և մի
պատրանօք, մի երկմտութեամբ և թերահաւատութե-
մբ մերձեսցի. զի սրբութիւն խորհրդոյն սրբոց և անարա-
տից վայել է: Այս զայս լսելով ոչ դողամբ և սոսկամբ
յահեղ և ՚ի մեծ խորհրդոյն, յորմէ սերովբէքն սարսա-
փեն, և քերովբէքն չիշխեն մերձենալ. հրեշտակք և
հրեշտակապետք սոսկան դողալով, և ամենայն վերին զ-
րութիւնքն հիացեալ սարսեն: Իսկ որչափ սաստիկ տան-
ջանօք մահիցի, թէ մարդ յանցաւոր խղճիւ ինչ ՚ի նա
հպիցի. և որպէս խուլ ինչ ՚ի հուր հպիցի, որ ՚ի հրոյն
այրի և ապականի. զի իբրև փոքր ինչ համարելով
գ՛րբիստոսի մարմինն թշնամանեաց:

Այլ մի իբրև ՚ի լոկ հաց հայիցիս, և մի իբրև զգի-
նի համարիցիս և տեսանիցես. զի ոչ տեսանելի է ասա-
լորութիւն սուրբ խորհրդոյն, այլ իմանալի զօրութիւն,
քանզի ոչ ինչ տեսանելի աւանդեաց մեզ գ՛րբիստոս ՚ի
խորհուրդն և ՚ի մկրտութիւնն, այլ իմանալի: Սուր
տեսանեմք, այլ անձային բանին հաւատամք, որ ասէն,
եթէ է այս է մարմին իմ և արիւն. որ ուտէ ՚ի մարմնոյ
իմմէ և ըմպէ յարենէ իմմէ, նա յիս ընակեացէ և ես ՚ի
նա, և ես յարուցից զնա յաւուրն յետնում: Այս մեք
ձգմարիտ հաւատով գ՛րբիստոս իմանամք ՚ի վերայ սե-
ղանոյն, ՚ի նա մերձենամք, զնա տեսանեմք, զնա շո-
շափեմք, զնա համբուրեմք, զնա առնումք ՚ի ներքս և
ընդունիմք, և զինիմք մարմին և անդամք և որդիք ւնայ:

Արդ որ այսպիսի հաւատով ոչ հաւատայ, և զմարմին
որդւոյն ւնայ ոչ իմանայ, հեռի է յօգնականութենէն
ւնայ, հեռի է և ՚ի շնորհաց հոգւոյն, հեռի է և ՚ի թո-
ղութենէ մեղաց և ՚ի կենացն յաւիտեանականաց, ան-

ակնկալ յարութեան, և անյոյս փրկութեան, և մերժեալ ՚ի քրիստոնէական հաւատոց, որով եղև մեզ փրկուածիւն հեղմամբ արեամբն Վրիստոսի: Այլ արդ մի որ ՚ի նա խղճիւ մերձեցցի, մի որ ՚ի նա թերահաւատութեամբ մերձեցցի, մի որ թուլութեամբ յարեսցի. այլ հաւատացեալ ճշմարիտ՝ եթէ ՚ի մեծ ահեղ խորհրդին երկինք են եկեղեցին, աթոռ փառաց է սեղան խորհրդին, և Վրիստոս իջեալ դնի ՚ի վերայ՝ որ միշտ բաշխի ՚ի փրկութիւն ամենեցուն:

Այլ արդ ով մարդ, հայեաց ՚ի քեզ և տես, ո՞ր կաս, զով տեսանես, զով համբուրես և ՚ի ներքս ընդունիս. ընդ երկնային զօրութիւնսն կաս, ընդ հրեշտակս օրհնես, ընդ սերովբէան բարեբանես, զՎրիստոս տեսանես, զՎրիստոս համբուրես, զՎրիստոս առնուս և ճաշակես, և լցեալ հոգւովն սրբով և անձային շնորհօքն պայծառացեալ զօրանաս հանապազ: Այսն որոյ և դուք քահանայք և սպասաւորք՝ մատակարարք սուրբ խորհրդոյն, ահիւ մատերուք, երկիւղիւ պահեցէք, սրբութիւն սպասաւորեցէք, և զգուշութեամբ մատակարարեցէք. դանձ ունիք արբունի, մեծաւ երկիւղիւ զգուշացարուք պահպանութեանք. քանզի և ձեզ աններելի տանջանք են՝ եթէ զգարիս ուրուք զիտիցէք, և նա եկեալ յանդրդնեցցի ՚ի սուրբ մարմինն Վրիստոսի, և ակնածիցես ինչ խրատել մերժել և յանդիմանել: Այլ վասն ծուլութեան և ակնառութեան զսուրբ մարմինն Վրիստոսի անօրինաց և անարժանից բաշխիցէք, և որպէս շանց և խողից ընկենուցուք, և զօր ներեալ թողութիւն ունիցիք, և քանի պատժոյ և աններելի տանջանաց մատնիցիք՝ որք մատնիք և պարտականք տերունական մարմնոյն եղերուք: Ահա վասն Վրիստոսի իշխէք, վասն Վրիստոսի կերակրիք, և զՎրիստոս անօրինացն մատնէք, և պիղծ վարիւք անարժանիցն չարչարէք:

Արդ հայեա յանձն քո՝ քահանայդ, և ծանիր զքեզ՝ զինչ է վաստակ քո քահանայութեանդ, և զինչ գործ ստացեալ ունիս: Այլ հերկահար ես ժողովրդեանդ, և ոչ արտունձ՝ և կասող, այլ յուսուցանել և ՚ի խրատել կարգեցար, մերժել և յանդիմանել: Այս է գործ քահանայութեան, և միշտ հարկ հանապազ. զի վասն

1 Կտարադիր օրինակն արգանդով:

այնորիկ այսպիսի պատուով պատուեցայք, և իշխեք աւմենեցուն, զի զայսպիսիսն քննեցէք, և յանդիմանեալ մերժեցէք: Իսկ զոր ոչն գիտիցեն քահանայքն՝ նորա ևս առաւել աններելի տանջանայ են պարտապանք, որպէս և Պաւղոս ասէ, եթէ “ Իր ուտէ և ըմպէ անարժանութեամբ, պարտական եղիցի մարմնոյ և արեանն տեառն ”: Եւ ըստ ևս բազմաց իսկ զճաշակ դատաստանին արբուցանէ՝ չարաչար ախտիւք և դառնութեամբ հիւանդութեանց տարածամ հանէ յաշխարհէս, որպէս և ասէ՝ եթէ “ Եւ ասն անարժան ՚ի մարմնոյ տեառն հաղորդելոյ են ՚ի ձեզ բազում հիւանդք և ախտաժէտք, և շատ ևս որ տարածամ ննջեցին ”: () Ի ոմանք վասն անարժան ՚ի խորհուրդն մերձենալոյ լլկին մոլեկան ախտիւք. և ոմանք վասն նորուն խեղք և լուծեալք շրջին զամենայն աւուրս. և ոմանք վասն նորուն անկեալկան ՚ի հարուածս և ՚ի ցաւս անբժշկելիս. և ոմանք վասն նորուն ՚ի բանտս և ՚ի կապանս մտանեն. և ոմանք վասն նորուն անզաւակ իսկ յաշխարհէս ելանեն: Եւ ըստ ևս բազում ևս ցասմունք ՚ի հիւթոցս, և պողպակորուսութիւնք և մահք տարածամք մարդոյ և անասնոյ վասն անարժան հաղորդելոյ ՚ի մարմնոյ և յարենէ տն լինին:

Եւ ասն որոյ բազում երկիրդիւ մերձեսցուք, բազում զգուշութեամբ զսիրտս մեր քննեցուք. մի վասն ծուլութեան տօնս նշանակեսցուք ՚ի հաղորդութիւնս մերձենալոյ. զի յուրբաթուն և ՚ի կիրակէին և ՚ի տօնս պենտեկոստէիցն և զատկացն մի զենումն է, և նոյն խորհուրդ կատարի. և դու ՚ի ժամանակ մերձենալոյ՝ սուրբ զմիտս միայն պահեա, և մի ինչ աւուրս յերկարածիլս: Եւ ինչ յանդգնութիւն սուրբ սրտիւ բազում անգամ մերձենալ, զի առաւել ևս կեցուցանես և նորոգես զզգիդ. իսկ անարժանութեամբ և խղճիւթէ յամենայն ժամանակս կենաց քոց մի անգամ մերձեսցիս, կորուսեր զոգիդ: Տես զի մի յանցանս յանցեալ կայէն, և կորեալ. մի յանցանս յանցեալ Վանան, և կորեալ. մի յանցանս յանցեալ Բաբաբ, և կորեալ. մի յանցանս յանցեալ Յուդայ, և կորեալ. և որք զԻրիտոս սպանին՝ մի անգամ սպանին, և կորեան. և դու եթէ մի անգամ յամենայն ժամանակս կենաց քոց անարժանութեամբ ՚ի սուրբ խորհուրդն մերձենաս, սպաներ զոգիդ յախտենական տանջանացն կորստեամբ:

Այլ ասիցես . 'ի տօնս քառանորդացն սրբեալ մեր ձենամ : **Եւ** արդ զինչ օգտիցիս մի անգամ 'ի սրբեոյն՝ յորժամ դարձեալ աղտեղանայցես . զինչ օգուտ է լուանայն՝ յորժամ դարձեալ ցիտտ լինիս . զինչ օգուտ է շինելն՝ յորժամ դարձեալ քակիցես : **Յաւուր** տօնին միայն կամիս առողջ լինել 'ի ցաւոց , և յետ այնորիկ 'ի ցաւս մաշել . մի օր բժշկիլ 'ի վիրաց մեղացն , և ապա զնոյն վերս ստանալ ախորժես . մի օր հեռանաս 'ի դիււէն , և ապա նովին լլկել հանապաղ : **Այսպիսիք** են որ մի անգամ հաղորդին 'ի սուրբ խորհրդոյն , և ապա 'ի մեղս մաշին հանապաղ : **Օ** րնչ օգուտ է մի անգամ հեռանալ 'ի սրոյն սպանողին՝ յորժամ վաղիւն 'ի ձեռն նորա մատնիցիս . և կամ մի օր ընդ թագաւորի բազմիլ 'ի սեղանն , և վաղիւն դահճաց մատնիլ անողորմ : **Այնչ պէս չէ** ինչ շահ և օգուտ 'ի տօնի զատիկն միայն վայելել 'ի սուրբ սեղանոյն , և ապա պիղծ գործովք հեռանալ , և ընդ սատանայի լինել հանապաղ : **Օ** րնչ օգուտ է յաւուր տօնի գտանել ականս պատուականս , և 'ի վաղիւն կորուսանել . և ոչ 'ի տօնին հաղորդելն է օգուտ , յորժամ դարձեալ անարժան վարիւք կորուսանիցես : **Օ** րնչ օգուտ է 'ի Քրիստոս մերձենալ , յորժամ դարձեալ անդրէն 'ի սատանայ յարիցես : **Չէ** ինչ օգուտ այսօր 'ի հրոյն զերծանել , և 'ի վաղիւն միայն այրել չարաչար . և ոչ մտիթարութիւն ինչ է՝ մի օր 'ի բանտէ ելանել և լինել թագաւոր , և ապա ընդ դատապարտեալն տանջել անողորմ . և ոչ մի օր օգուտ է 'ի խորհրդին վայելել , և ապա ընդ դատապարտեալն արտաքս ելանել : **Օ** ր յերկուս ոտս կաղաս և յերկուս միտս տաղտալիս . կամ դիւաց լեր պաշտօնեայ , և կամ Քրիստոսի խորհրդակից . մի օր օդի սպիտակացեալ երևիս , և մի օր այծի սևաթոյր . այսօր **Պաւիթ հոգեւից** , և վաղիւ **Սաւուղ** այսահար . այսօր **Պետրոս** հընազանդ , և վաղիւ **Յուդայ** սպստամբ . այսօր **Քրիստոսի** խորհրդակից , և վաղիւ սատանայի կամարար . այսօր իբրև զբրիստոնեայ 'ի մարմնոց տեառն վայելես , և վաղիւն իբրև զերախայ հեռանաս 'ի նմանէ . այսօր ընդ խոստովանողն , և վաղիւն արտաքոյ ընդ ուրացողն . այսօր ընդ հաւատացեալն 'ի խորհուրդն մտանես , և վաղիւն ընդ անհաւատն արտաքս ելանես : **Օ** րնչ

զքեզ կոչեցից , կամ զինչ զքեզ անուանեցից . երբեմն գառնացեալ , երբեմն գազանացեալ . երբեմն լուսազգեաց , և երբեմն խաւարապատ . այսօր առնուս պատիւ 'ի թագաւորէն , և վաղիւն չնդունին և դարձուցանես զերեսդ : 'Երկուսիք են՝ որ 'ի յաւուրս ինչ հաղորդին խորհրդոյն , և ապա իբրև զերախայս զերեսս գարձուցեալ ելանեն : 'Եթէ արժանաւոր ես խորհրդոյն՝ հանապազ վայելեա համարձակ , զի հոգելից և քրիստոսազգեաց և քրիստոսընկալ լինիցիս . և եթէ անարժան ես վարիւք , և ոչ 'ի տօն զատկին ես արժանաւոր .

'Եւ յասիցես՝ եթէ 'ի քառաներորդ պահան սրբեցայ , և ցանկամ 'ի սուրբ խորհուրդն մերձենալ : 'Եւրիորդ է , և ես գովեցից . բայց արդ ընդէր չմերձենաս հանապազ : 'Սկարեմ , ասէ , զիս մարտիր ունել հանապազ : 'Երդ եթէ այդպէս է 'ի միտս քո՝ եթէ մի անգամ հաղորդիմ 'ի տօնին և ապա հեռանամ , և ոչ 'ի տօնին ես արժանաւոր . զի խորհուրդք չարին են 'ի քեզ : 'Օհնչ օգուտ է 'ի 'Քրիստոս մերձենալ , և 'ի սասանայի չհեռանալ . զինչ օգուտ է զպատուական դեղն ճաշակել , յորժամ զցաւն 'ի ներքս 'ի քեզ պահեցես . զինչ օգուտ է առ բժիշկն երթալ , յորժամ զվերսն չըկամիցիս մերկանալ . և օչ օգուտ 'ի հաղորդելոյ ինչ գտանես , յորժամ 'ի մեղացն չկամիս հեռանալ . պիլ յաւելուս դատապարտութիւն և տանջանս : 'Օհ եթէ լսէր թագաւորն՝ եթէ իշխան զքայսօր ընդ նմա 'ի խորհուրդ մտանէր , և վաղիւն հեռանայր 'ի նմանէ և թշնամեացն լինէր խորհրդակից , միթէ ընդունէր զնա 'ի խորհուրդս . այլ կապէր և տանջէր և սպանանէր : 'Իսկ որչափ ևս առաւել 'Քրիստոս դատապարտիցէ և տանջիցէ՝ որ այսօր կամի ընդ նմա 'ի խորհուրդն տէրունական մտանել , և վաղիւն 'ի խորհրդոյն հեռանալ , և զկամս թշնամոյն կատարել : 'Եթէ այսօր մարտիք ինչ իցես 'ի մեղաց՝ յորժամ զայդ 'ի միտս քո խորհիս եթէ վաղիւն հեռանամ , և զկամս անձին իմոյ կատարեմ . այս առաւել ևս չար է առաջի այ : 'Եր խորհի զք մերձենալ 'ի սուրբ մարմինն 'Քրիստոսի , և ապա հեռանալ 'ի նմանէն և 'ի հրամանացն այ , այս է խղճի մտօք մերձենալ , և այս է երկմտութեամբ ընդունել , այս է նենգութեամբ հաղորդել , և սպտրանօք և խա-

բէութեամբ և թերահաւատութեամբ ճաշակել : Եւս աղտեղագոյն է քան զամենայն պղծութիւն՝ յորժամ դարձեալ հեռանալ խորհիցիս , և միւսանգամ անդրէն յառաջին չարիսն մերձենալ : Օ ի մարդ որ ասէ դառնալ ՚ի մեղաց , և միւսանգամ անդրէն շրջիցի , շան նըման է՝ որ յիւր փոխածն դառնայցէ :

Եւ արդ զայս ամենայն իմացեալ մի արժանաւորութեամբ հեռացուք ՚ի սուրբ խորհրդոյն յերկար ինչ ժամանակս , և մի անարժանութեամբ յանդգնեալ հըպեսցուք յահեղ խորհուրդն սրբութեան . զի պատիժք ասեղք անարժանիցն մնան՝ որք յանդգնեալ խղճիւմտացն հաղորդին , և պատիժք արժանաւորացն՝ որք հեղգանն և ծուլանան յերկար ինչ ժամանակաւ : Եւ բազում երկիւղիւ անձանց զգուշացուք , և մեծաւ փութով զխաւարն անգիտութեան փարատեսցուք . զանիրաւ զբարկութիւն , զթշնամանողութիւն , զարայուչ ոխակալութիւն ՚ի բաց ընկեսցուք . զխորամանկութիւն , զքինահասնութիւն , զնախանձ մերժեսցուք . զտրտմութիւն և զառանց բարբառոյ աղաղակն ՚ի բաց թօթափեսցուք . յագահաց , ՚ի բամբաստողաց , յարբեցողացն և ՚ի գեղխեցելոցն փոխիցուք . զչարակնութիւն և զատելութիւն և զգաղտնի նենգութիւն դադարեցուցուք . ընդ թշնամիսն հաշտեսցուք , զատելիսն սիրեսցուք , և զյանցանս միմեանց թողցուք . յամենայն սրտէ միմեանց ծառայեսցուք , միմեանց հնազանդեսցուք , զմիմեանց բեռինս բարձցուք , զմիմեանս սիրեսցուք , զընկերս լաւքան զանձինս համարեսցուք . զսիրտս սրբեսցուք , զաչս ցածուցուք , զլեզուս ՚ի բամբասանաց դադարեցուցուք , զմեղս ապաշխարեսցուք , զխիղճս փարատեսցուք , զյիմարութիւնս թօթափեսցուք , և զծուլութիւնս ՚ի փոյթ դարձուցուք . պահօք պնդեսցուք , աղօթիւք աշխատեսցուք , յողորմութիւն յօժարեսցուք , գործովք առաքինասցուք , ՚ի չարեաց տղայացուք , և հաւատով կատարեալ լիցուք : Օ ի այսպէս ամենայն առաքինութեալ արժանաւորեսցուք ասաւորի և մեծի խորհրդոյն . բազում փափագանօք և կատարեալ սրբութեամբ վայելեսցուք յամենասուրբ և ՚ի կենսարար ՚ի մարմնոյ և յարեանն տեառն մերոյ Զիսուսի Բրիտտոսի . որում փառք և զօրութիւն յաւիտեանս յաւիտենից . ամէն :

ԹՈՒՂԹ ՄԻԻԹԱՌԻԹԵԱՆ ՎԱՅՁԱՆԵԼՈՑ

ՅԱՇԽԱՐՀԻՍ

Հայեա դու 'ի յոյսն վերին՝ որ իջանես 'ի խոր խաւարային սգոյդ . փուլթա փարատեա 'ի քէն զժիմարեցուցիչ խորհուրդս չարին , և զարթիր և եկ 'ի միտս քո . յիշեա զպատուէրս պատուիրանացն ւայ , և թափեա ըզքեզ 'ի սատանայական թախանձանացդ , և 'ի միտ առ զըազմաչար հնարս թշնամոյն , և պատկառեա 'ի նետից նորա . երկիր 'ի խորամանկութենէն և թիւնից աներևութից նորա . փախիր 'ի դառն վերաց և 'ի սաստիկ հարուածոց նորա : Հայեա 'ի պղտորութի մնացցքոց , և ծանիր եթէ այդ սերմանք թշնամոյն են 'ի քեզ . արի անկիր առաջի ւայ՝ զի ապրեսցիս 'ի չար խաբից նորա և յանօրէն տրտմութենէն :

Օ ի յորժամ սատանայ բողոքովիմք գերէ զմիտս մարդոյն , ածէ 'ի վերայ տրտմութիւն և յուզմունս խորհրդոց . որ թէպէտ և սուղ ինչ իցեն տրտմութիւնքն , սակայն նա 'ի պղտորեալ միտս նորա անհնարին և անչափս կարծրացուցանէ , որով և զսիրտն յիմարեցուցանէ , և թուլացուցանէ 'ի սովորական աղօթիցն և յերկիւղէն ւայ : Այլ մանաւանդ որում պատճառս ևս վախճանելոյ իւրոյ գտանիցէ , բողոքովիմք արկանէ 'ի վերայ մերձաւորացն նորա անհնարին մթերս սգոյ տրտմութեան , և 'ի ներքս զսիրտն այրէ , և զմիտն նուազէ , և ամենևին զուշն ամիշեցուցեալ 'ի զգայութենէ մտացն ընկենու , և ոչ տայ խոնարհել 'ի բանս մխիթարչացն և սիրոփողացն . այլ յամառեալ պնդին 'ի սգոյն տրտմութիւն , զի ցնորք թշնամոյն անհնարին թաղծանօք յիմարեալ ամիշեցուցանեն առաւել քան արբեցութեամբ . և ամենևին ոչ թողացուցանեն նայել 'ի պատուիրանս

այ որ ասէ՝ թէ լաւ է որ մահուանն քան զոր ծննդեան :
 Ինդէր . քանզի որ ծննդեանն սկիզբն է մեղաց և անօ-
 րէնութեանց , և անտի սկսանին աճել 'ի նմա ցաւք և
 հոգք և տրամութիւնք և զրպարտութիւնք և աղքա-
 տութիւնք , այրութիւնք և որբութիւնք և անզաւակու-
 թիւնք և ամենայն չարչարանք բազում նեղութեանց և
 տառապանաց աշխարհիս : Եւ ժողովեալ ևս հեղու-
 զնովաւ սատանայ զամենայն բազմութիւն ախտից մե-
 ղացն չարչարել , նեղեալ , վիրաւորեալ զնա թէնամու-
 թեամբ , զողութեամբ , սպանութեամբ , բամբասա-
 նօք , երգամբ , նախանձու , չարակնութեամբ , ոխա-
 կալութեամբ , ագահութեամբ և զայս զրկելով , նեն-
 գութեամբ , հմայիլ դիւթականօք , և ամենայն անթիւ
 ախտից բազմութեամբ . ընդ որոց հատուցումն է հուրն
 անշէջ և տանջանք մշտնջենաւորք : Իսկ 'ի ձեռն մա-
 հուանն յայնմ ամենայնէ բուժեալ դադարէ . զի թէ-
 պէտ և վարս արդարութեան ոչ ունէր , սակայն 'ի մե-
 ղանչելոյն դադարեաց . սպա եթէ վարս ուղիղս էր ըս-
 տացեալ՝ զերծաւ յամենայն կասկածանաց մեղաց և 'ի
 հոգոցս աշխարհիս , և վերացեալ խառնեցաւ 'ի բա-
 նակս սրբոց և արդարոց :

Եւ արդ զայսպիսի լուսաւոր կեանս յիմարութիւն
 է լալ և սգալ անտաւակութեամբ և հեթանոսաբար . զի
 և Պաւղոս և զլուկ միայն տրամութիւնն արգելեալ փա-
 կեաց ասելովն՝ թէ « Եւ ասն ննջեցելոցն մի տրամիք որ-
 պէտ և այլ հեթանոսք՝ որ ոչ գիտեն զսօժ » : Իսկ որչափ
 սաստիկ պատժոց արժանի համարիցիք՝ որք 'ի սուգս և
 'ի կոծս և յողբս մտանիցեն . զի արգելեալ է 'ի քրիս-
 տոնէից հաւատացելոցն՝ որք լուսաւորեցան սուրբ աւա-
 զանաւն , և մեծ և ահեղ անուն սուրբ երրորդութեն
 'ի վերայ նոցա անուանեցաւ , և կնքեալ խաչիւն այ
 նուիրեցան , ամենեկին իսկ ոչ են իշխան զնուիրեալսն
 այ խայտառակել հեթանոսական անօրէնութեամբք , և
 ոչ չարաչար խղել և փետել և մոխիր 'ի վերայ նուի-
 րեալ զլիոյն արկանել . այլ ամենեկին 'ի բաց հեռանալ
 յանօրէն և 'ի սատանայական վայելցն և յողբոցն և անօ-
 րէն ձաղանացն : Եւ զհերս փետել հրամայեցեք քրիստո-
 նէիցն , ոչ զայտս ցտել , և ոչ 'ի կոծ մտանել , ոչ զառի-
 քածն ածել , ոչ զուսովքն մերկանալ , ոչ զձախատն հար-

կանել, ոչ քուրճ զգենուլ, ոչ մեխիր ցանել, և ձայնս արկանել, և ոչ աշխարանօք ողողանել. զի այս ամենայն սատանայական է և հեթանոսական, զոր անմիտ կանայքն բարբառեն 'ի ցոյցս կեղծաւորութեան, և զկուս պաշտիցն զգործն գործեն 'ի վերայ քրիստոնէից, զողջան ողբալով, և զկականն բառնալով, և զձչիւն աշխարանացն հնչեցուցանելով, անյուսաբար չարաչար զմարմինն կոծելով 'ի վերայ քրիստոնէի վախճանելոյն, զոր պարտ էր սաղմոսիւք և օրհնութեամբք յղարկել, պատուեալ երգօք 'ի կեանն յաւիտենականս :

Ինդէր խայտառականօք և անարգանօք սգոյդ թըշնամանէք զմարմինն հոգեկիր և քրիստոսազգեաց : Եւ արդ իւ իւրք քրիստոնեայ անուանեսցուք զնոնս որք սատանայական մտրութիւնս մտրեսցին 'ի վերայ մեռելոյն . քանզի ընդ այդպիսի անօրինեալն և դեք խառնին 'ի կոծատեղին անցանեն : Բանզի նոքին իսկ ուսուցին զկոծ անյուսութեան և զտրամութեան սգոյ աշխարանացն, զի զկոծողն ընդ նմին 'ի հուր գեհենին դատապարտեսցեն : Եւ ձեզ պարտ էր ամաչել 'ի չըրեից և 'ի հեթանոսաց և յայլաղանդիցն՝ որ զհաւատս մեր բամբասեն և ասեն . ուր է ձեր յոյն յարութեան յորժամ այդպիսի ողբովք և սգովք և աշխարանօք և զազրալի խայտառականօք արիւնահասն և արիւնահեղ լինիք հանդերձ վայիւք և փետիւք, ձչիւք, գուժիւք կոծեալ աշխարիցէք զանուանեալն քրիստոնեայն :

Ինդէր պարծիւք, ով քրիստոնեայք, որ երգովդ էք նմանեալք չրեից և հեթանոսաց . այլ զուգ և ըզտրամութիւն զօրինաւորիդ առաւել քան զանօրինացն տեսանեմք, արք չարաձայնք կառանչիւք և վայիւք և փետիւք խեղդին, ողբան և ողողանին անյուսալի, զձական դիւահարեն հարկանեն, և զկուրծան անզգամաբար բախելով իբրև զայսահար . և կանայքն կանչիւք հերարձակ զայտոն ցտեն, զստինս կեղեքեն, և անամօթապէս իգացեալք մերկանդամք խզին և կոծին մոլելով, իբրև զմոլիչն չարալուկ գիւահարեալս . եղի՞ճ, արիւն և մոխիր, և հանդերձք պատուեալք : Եւ որ այսպիսի ձաղանօք ձաղին և ծանակին քրիստոնէիցն պատկերքն՝ որ ոչ 'ի հեթանոսս լի, և ոչ 'ի չրեայս, և ոչ 'ի հերձուածողս, և որք ոչ ընկալան երբէք զյոյս յարութե

մեռելոց : Այլ արդ մեք մերժեսցուք զայնպիսի անօրինեալ սգաւորսն 'ի համարոյ քրիստոնէից , և հանեալ յեկեղեցւոյ՝ ընդ երախայս համարեսցուք , և սուգ առցուք 'ի վերայ նոցա իբրև 'ի հեթանոսաց . զի այնպիսիքն են սոց արժանի՝ ողբալոյ և աշխարելոյ և կոծոյ մեծի , որք 'ի հուր գեհենին դատապարտին , և մասն ընդ անհաւատն ունին , զի զհեթանոսական չարաչար արիւտն անյուսուածեան յեկեղեցի մուծին :

Այլ արդ ասա ինձ , ուլ քահանայ , ընդէր մուծանես զգունդս պաշտօնէից և սաղմոսաց 'ի դասս մերկանդամ խայտառակելոցն . զինչ կայ սրբեցելոց պաշտօնէից և սատանայազգեաց դիւանոյ կոծողացն : Ինչէր խառնես զօրհնողսդ ընդ անիծողսն , զչօհացողսդ ընդ թշնամանողսն , զփառաւորիչսն ընդ հայհոյիչսն : Աչ է օրէն յա նօրէն ժողովս սատանայականս զհրեշտակական երգսն մուծանել , և ոչ 'ի պիղծ մեհեանս դիւացն նոցա զսուրբ զաղօթան մատուցանել , և ոչ 'ի բագինս զօհարանացն պատարագս նուիրել . զի պիղծք առ պիղծն ժողովին , և սրբոցն սրբութիւնք վայելեն : Աչ է մի ժողովուրդ հրէից և հեթանոսաց , և ոչ քրիստոնէից և հերձուածողաց , զի հակառակք և խախանիչք են միմեանց . և դու խառնեալ ընդ միմեանս միաւորես , և 'ի մի ժողովս առաքէք օրհնութիւս և անէծս : Կոծողք անօրէն անառակութեամբք բարկացուցանեն , և պաշտօնեայքն աղօթիւք և սաղմոսիւք բարեխօսեն : Յորժամ մերձաւորք վախճանելոյն անօրէն սգով և կոծելով թշնամանեալ բարկացուցանեն զսձ , ընդէր աղաչես , մաղթես և բարեխօսես վասն թողութեան մեղաց վախճանելոյն . ո՛ւմ լսէ , և զօր ընդունի : Աթէ ես ինչ հոգաբարձու հրաժարելոյն , յեկեղեցիս քօ յիշեա , և յաղօթս քօ աղաչեա զսձ . այլ ընդ վայր և անվայելուչ է խառնել զպաշտօնեայս սուրբ եկեղեցւոյ 'ի պիղծ ժողովս սատանայական կոծողացն , և 'ի տեսիլ անամօթ կանանցն հերարձակացն արինաշաղախ խղելոցն և մոխրացանայն . որ թէ և թշնամիք էին վախճանելոյն , այնչափ կարէին տրտմեցուցանել և առնել նմա չար , զոր 'ի ժա մանակի հրաժարելոյն հոգւոյն արարին . և ոչ ընկալան զբանն մարդարէին որ ասէր՝ եթէ “ Դարձ անձն իմ 'ի հանգիստ քօ , զի տէր բարի արար քեզ ” : Տէր բա-

բերարու թիւն ցուցանէ զոր մահուանն , և դու կոծիս և աշխարհս և ողբաս դառնապէս : Ա՛հա քեզ ասէ մարգարէն՝ թէ « Ա՛յ որ ասէ զչարն բարի , կամ զբարին չար » . քանզի չար են կեանք մեղաւորին , և ևս քան զևս յաւելու 'ի մեզս . և բարի է մահ նորոհն , զի դու գարէ 'ի չարեաց :

Այլ թէ կեցեալ էր , ասես , թերևս ապաշխարէր , աղաչէր և ողորմութիւնս առնէր , և սրտասուօք զտէքն հաշտեցուցանէր : Ա՛յի դու զայդպիսի ինչ անծեր զմտաւ , և անգէտ զամենագէտն կարծեցուցաներ՝ որ ոչ կամի զմահ մեղաւորին . բայց զիտէր սրտագէտն անձ թէ ոչ ապաշխարեցէ , զմահն նմա ողորմութիւն պարգեւէ՝ զի գաղարեցէ յառաջիկայ մեղացն գործելոյ : Այլ մահ արդարոյն ամենևին իսկ ցնծու թիւն է և ուրախութիւն՝ փոխել 'ի մեղասաէր և սնավաստակ հոգոց աշխարհիս . և զգանձս վարձուց առաքինութեան զոր համբարեալ տարաւ , յամրի և զգուշութեամբ պահեցէ . և եթէ սուղ ինչ իցէ ստգտեալ , օգնեսցուք նմա գթով անանկաց , յիշեսցուք յահեղ խորհրդին , ողորմութիւն վասն նորա արասցուք . և այն է կաշառ բարերարին անձ որ առնէ բարերարութիւն 'ի վերայ վախճանելոյն՝ որպէս ինքն գիտէ : Այլ արդ զայս լսելով փարստեա 'ի քէն զսուգ թանձրամած յուսով ահեղ աւուրն յարութեան , և բողորովն հանեալ զերծ 'ի քէն զաղձատանս սքոյտրիւրութեան , զի քրիստոնեայ կուեսցիս . և ամենայն բերկրանօք սթափեցիր , ակն կալ փափագելի կենացն յաւիտենականաց . և այսիւ միտթարեա , զի քում վախճանելոյն ոչ պատահեցին մահք սոսկալի պատուհասից :

Քանզի բազում են մահք չարաչարք , և յանկարծօրէն յորդայթից ինչ տարածամ մեռանել . այլ դու այդիւ միտթարեա և գոհացիր զայ , զի քոյդ խաղաղութեամբ 'ի մահիչն իւր վախճանեցաւ : Այլ մահք չարաչարք այնոցիկ է , որք 'ի գետոց վախճանեցան , և քաւրածեծ պատառեցան . այլ դու այդիւ միտթարեա և գոհացիր զայ , զի քոյդ 'ի գիրկս քո կատարեցաւ , և կտակ միտթար կենդանեաց եթող : Այլ մահ չարաչար այնոցիկ է՝ որք 'ի թիւնից օձից և 'ի չարածանի գազանաց գէշ գէշ պատառեալ իցեն , և ոչ որ զյետին բարբառն լեաց , և ոչ զձեռս և զոտս անեալ տեսանիցեն . այլ դու

այդիւ մխիթարեալ և գոհացիր զայն, զի քոյդ ձեռովք քովք թաղեցեր, և զյետին բարբառն լուար:] և մահ չար այնոցիկ՝ որք ՚ի պատերազմունս մեռանիցին, և ըզ սուրն շողացեալ տեսանիցեն, և կենդանւոյն խաւարն զա չօքն պատիցի, և թնամոյն դիթաւալ կացուցեալ՝ գէշ գազանաց արկանիցեն. այլ դու այդիւ մխիթարեալ և գոհացիր զայն, զի քոյդ ՚ի վերայ անկողնից հիւանդացաւ, և պատուով այն ուիրեցաւ:] և մահ չար այնոցիկ՝ որ վասն մեղայ դաճաջն մատնեցան, և կենդանւոյն զմարմինսն յօշեալ և պատուեալ անդամ՝ անդամ ՚ի փայտ՝ բարժանեցեն անգեղք և ազուաք ամօթալից ձաղանօք. այլ դու այդիւ մխիթարեալ և գոհացիր զայն, զի քոյդ գոհութեամբ հիւանդացաւ, և խոստովանութեամբ կատարեցաւ, և համբուրիւք ողջունից զգերեզ ման հարցն ընկալաւ:] և մահ չար այն՝ որք ՚ի դիւաց լկեցան, և անդպայեալ զմարմինս անդամոյն ուտիցեն, և անողորմ ձեռակապօք արկեալ յարգել՝ սովամահ մեռանիցին. այլ դու մխիթարեալ և գոհացիր զայն, զի քոյդ հանգստեամբ հիւանդացաւ, և օրհնութիւն վախճանեցաւ, պատանօք պատեցաւ, և սաղմոսիւք յղարկեցաւ, և քահանայական աղօթիւք և պատարագօք յերկինս առաքեցաւ, և հանապազ օրհնի և յիշի ՚ի յիշատակացն կատարելոյ:

] և արդ ո՛վ իցէ որ այնչափ ապաշնորհ և անխնացա կան միտս ունիցի, և զայս զմտաւ ածելով մեծապէս ոչ մխիթարեսցի, և անդադար գոհացի զայն՝ թէ որպիսի փառօք և պատուօք վախճանեալն յերկինս կուէցաւ, ուր են ամենայն ժողովք տիեզերաց, բանակք արդարոց և գունդք սրբոյն, երամբ մարգարէիցն, դասք առաքելոյն և անթիւ հոյք մարտիրոսաց, խորանք պայծառազարդք, բնակութիւնք լուսեղէնք, և մշտնջենաւոր վայելչութիւնք, և փափագելի դրախտն, անանց բարութիւնք, անտրտում խնդութիւնք, անծերանալի մանկութիւն, անխախտելի առողջութիւն, սէր սուրբ, տեղի ցանկալի, կեանք փափագելիք, և անյագ ցանկութիւք հոգևոր կերակրոց, հրձուանք հրաշալիք, գգուանք գգուանաց, և սփոփումն փափկութեանց, և հանդիստ հոգևորական ամենայն ընտրելոց. ընդ որս և քո վախճանեալն ուրախութեամբ հանդիցի:

Եւ արդ քեզ պարտ է մխիթարել ամենայն խնդու-
թեամբ, զի 'ի յերկինս թռեալ, 'ի մարդկանէ 'ի հրեշ-
տակս փոխեցաւ, 'ի մահուանէ 'ի կեանս ընկեցաւ, 'ի
խաւարէ 'ի լոյս ձգեցաւ, յաղթատու թենէ 'ի թագա-
ւորութիւն կոչեցաւ, 'ի ծառայութենէ յազատութիւն,
'ի վաստակոց 'ի հանգիստ, 'ի հոգոց յանհոգութիւն, 'ի
մեղաց յարդարութիւն, 'ի հողեղինացս 'ի հոգեղէնսն
փոխեցաւ և ընդ հրեղէնան դատակցեցաւ : Ըրդ գու-
այրիւ մխիթարեա ամենայնիւ՝ եթէ ակն օտնիս յարու-
թեանն . այլ և ած զմտաւ՝ եթէ մահ է ճանապարհ
ամենայն աշխարհի, և ամենեքեան երթամք ընդ այն
ճանապարհ : Ըրամ, Ըբէլ, Սէթ, Էրդ, և ամենայն
արդարքն զմահ ընկալան . որով պարտ է և քեզ մխի-
թարել : Ըբրահամ, Իսահակ և Եսայի և Սոլոմոն
և Իսահիթ՝ տեսողքն նոյ, և ամենայն նահապետքն՝
արդարքն և անախօսքն զմահ ընկալան . որով պարտ է
և քեզ մխիթարել : Ըհա ամենայն թագաւորք սուրբք
և արդարք զմահ ընկալան, որով պարտ է և քեզ մխի-
թարել . ահա և մարգարէքն և առաքեալք և մարտի-
բոսքն և սուրբ կոյնն անախօսքն զմահ ընկալաւ, որով
պարտ է և քեզ մխիթարել . ահա և Քրիստոս որդին
նոյ վասն մերոյ փրկութեան զմահ ընկալաւ, զի զմեզ
անմահացուցէ 'ի կեանս անմահս : Ս անն որոյ պարտ
է գոհանալ և մխիթարել նորոգութեամբ յուսոյն յա-
րութեանն ամենայն արդարոց, ընդ որս և մեք յարի-
ցեմք, և զվախճանեալն մեր ընկալցուք խնդութեամբ :

Ըրդ լուարուք Պաղոսի, որ մխիթարէ զմեզ ասե-
լով եթէ՝ « Ս անն ննջեցելոցն մի տրտմիք՝ որպէս և զայլ
հեթանոս որք ոչ գիտեն զանձ » : Ը ուր և մարգարէին
որ ասէ . « Բնդ երեկոյս հանգիցեն լալիք . առաւօտուց
եղիցի ուրախութի » : Ըրդ եթէ անուանեալ էք քրիս-
տոնեայ, և հաւատացեալ էք յարութեանն, արիք մը-
խիթարեցէք զձեզ մարգարէական և առաքելական մը-
խիթարութեամբ . զի սուգ անյուսից է, և ոչ իմաստ-
նոց և հաւատացելոց՝ որք ակն ունին նորոգման ամե-
նայն ննջեցելոց . զի ոչ է 'ի կորուստ մահ քրիստոնէին,
այլ 'ի նորոգութիւն կենացն յախտենից . զսոն որոյ և
զողիս վախճանեցելոցն մերոց սաղմոսիւք և օրհնութիւնք 'ի
կեանս յղարկեմք, իբրև ընծայ ինչ նոյնախորեմք : Ը հա-

զազս այնորիկ ոչ է պարտ քրիստոնէին 'ի վերայ մեռելոց սուգ ունել և լալ . այլ լայցեն Հրեայք և ողբասցեն հերետիկոսք , սուգ առնուցուն և կոծեսցին ամենայն թերահաւատք և հերձուածողք , զի նոքա լալց և ողբալոյ արժանի են , աշխարանաց և կոծոյ մեծի . այլ մեք նորոգութեամբ կենացն յաւիտենից մխիթարեսցուք : Արդ վասն այսր ամենայնի բարձէք զկոծս , խափանեցէք զողբս , 'ի բաց արարէք զտրամութիւն , դադարեցուցէք զարտասուս , արդելէք զլալականս , լռեցուցէք զկառաչիւն լալեաց և վայից . արհամարհեցէք զեղանակամարտալականաց , անարգեցէք զփետիւն վարսից և զխզել հերաց , հալածեցէք զարիւնահանան և զմխրացանան , թշնամանեցէք զմերկանդամն և զխայտառակեալն : Անկնեսցուք յանօրէն մոլորութենէն , հեռացուք 'ի հեթանոսական ամբարշտութենէն , ամենևին 'ի բաց փարատեսցուք զսուգ սատանայական և զանյոյս մթերս : Օրի կեցցուք քրիստոնէութեամբ , և վախճանեսցուք անձպաշտութեամբ , և հանգստեան և երկնից արքայութեանն արժանի լիցուք 'ի տէր մեր . որում փառք իշխանութիւն և պատիւ այժմ և յաւիտեանս :

- Խ**ոստովանողք փութացարուք
 Չ անալ ապրել յաւուրս մեր .
 Օ ի օր ահեղ կայ առաջի ,
 Ը հեղ ատեան և հուր անշէջ :
- Կ**ստէն լացցուք և ողբասցուք
 Եւ խընգրեսցուք ըզթողութիւն .
 Օ ի ապրեսցուք յանշէջ հըրոյն ,
 Ար ըսպառնայ մեղաւորաց :
- Ս**իշտ հանապաղ արտասուեսցուք
 Գորովագին պաղատանօք ,
 Ը զերսալի հառաչանօք
 Օ քաւիչ մեղացն աղաչեսցուք :
- Ը**նկցուք առ նա խոստովանել
 Օ որ արարաք աստ 'ի ծածուկ ,
 Յայտնել ասել և ցուցանել
 Օ գաղտնիս մեղացն բազմութեան :
- Օ** ի անդ քրննին խորհուրդք մեր
 Եւ ցուցանին յանցանքն մեր .
 Յայտնին գաղտնիք սըրտից մերոց
 Յաշխարհատես հրապարակին :
- Ե**ս զարհուրեալ եմ և գողամ
 Յորժամ լսեմ ըզձայն փողոյն ,
 Ար տաքնապաւ կուէ զազինս
 Ի մեծ ահեղ օր ատենին :
- Օ** ի չարաչար մարտեաւ ընդ իս
 Ը մեհամեղըն սատանայ .
 Եւ կարեվէր զիս արարեալ
 Հանեալ ընկեաց յանմահ փառացն .
- Դ**առնագին չար պատրաստեաց
 Ը զտարտարուսս գեհէնին ,
 Եւ ըսպառնայ մեղաւորիս
 Ը յրեւ 'ի հնոցըս կայծականց :

Որ որ ունիք սէր սրբբուծեան ,
 Օ իս ողբալով արտասուեցէք .
 Ծերմագունձ պաղատանօք
 Ինձ խնդրեցէք ըզթողութիւն :
 Քրիստոսասէրք իմ սիրելիք ,
 Ինձ օգնեցէք վիրաւորիս .
 Եւ գորովով մեծ ողորմիւ
 Եղաչեցէք ըզտէր վասն իմ :
 Հառաչանօք զձեզ աղաչեմ
 Մեղուցելոյս ողբակցեցէք .
 Պաղատանօք լացէք ընդ իս
 Չայնակցելով իմ աղէտիս .
 Կահանաբարձ զիս ողբացէք
 Եւ ձայնս առէք ողորմելիս .
 Օ ի չարաչար ըմբռնեցայ
 Ի չար նետից սատանայի :
 Միգապատեաց զիս Թըշնամին
 Եւ սուր հանեալ վիրաւորեաց ,
 Օ որ աղաչեմ զձեզ բրժըշկել :
 Սուրբ հաւատոյ մանկունք ,
 Ողորմեցէք ինձ նեղելոյս ,
 Եւ գրթագին պաղատանօք
 Օ քաւիչ մեղացն աղաչեցէք :
 Յաղօթըս ձեր ապաւինիմ ,
 Եւ ինձ հայցեմ ըզթողութիւն .
 Օ ի զանազան եմ մեղուցեալ ,
 Եւ ոչ բաւեմ ապաշխարել :
 Եւ զարհուրեալ եմ և դողամ
 Յորժամ յիշեմ զիս մեծամեղս ,
 Թէ յայն երկիր կայ անցանել ,
 Եւ զտէր փառաց կայ տեսանել :
 Քրիստոս գըթած և ողորմած ,
 Գըթա և յիս ամենամեղս ,
 Օ ի ես գրախց ողորմութիւն
 Ի դումարել մեծ ատենիդ .
 Օ ի օր ահեղ կայ առաջի
 Եւ սոսկալի մեղաւորիս .
 Որ ըզգաղանիս սրբտիս քրննէ
 Եւ ըզճածկեալ խորհուրդս յայտնէ :

Ըրդ աղաչեմ, տէր մարդասեր,
 Օ իս յայնմ աւուր մի պահանջեր
 Զար տանջանացըն մի մատներ,
 Եւ կայծականց անշէջ հըրոյն :
 Օ ի քեզ տացից փառս օրհնութեան
 Հօր և որդւոյ և սուրբ հոգւոյդ,
 Որ միշտ օրհնեալ են յաշիտեանս,
 Փառաւորեալ յաւիտենից :

ԱՂՕԹՔ ԵՈՐԻՆՆ՝

Ով որ անեղզ էս և անստեղծ և արարիչ ամենայն
 արարածոց, զոր ոչ երկիրս ստանալ հանդուրժէ, և ոչ
 երկինք բաւանդակեն . այլ ՚ի վեր էս քան զերկինս, և
 անդր քան զծագս . և ամենայն երևելիքս և աներևոյթ-
 քրս ընդ քե եմք բովանդակեալ : Դու տիրես ամենայ-
 նի, և քո հրամանդ կառավարէ զամենայն արարածս .
 դու աղբատացուցանես, և դու մեծացուցանես, հար-
 կանես, և դու բժշկես . դու էս սփոփիչ վտանգելոյս ՚ի
 սատանայէ, և առողջացուցիչ հիւանդացելոյս մեղաց-
 դու էս ընդունիչ աղօթից և կատարիչ խնդրուածաց :
 Խոնարհեցո, տէր, զունկն քո, և լուր քոյոյ ծառայիս .
 տես, տէր, զտառապանս իմ, և ընկալ զիս գթութիւն .
 մի բարկութեամբ քով խրատեր զիս, և մի սրամտու-
 թեամբ քով յանդիմաներ . զի անձ էս գթութեանց՝
 գթա և յիս ՚ի մեղաւորս, որ բազում հեծեծանօք և
 պաղատանօք մաղթեմ և աղաչեմս զքեզ : Օ ի կարե-
 վէր եմ մեղօք, և ցաւագնեալ անօրհնութեամբ . չա-
 րաչար ախտիւք եմ ՚ի յանցանս, և պիղծ խորհրդովք
 յամբարշտութիւնս . ժահահոգւովս եմ աղտեղեալ, և
 մեղսաթաթաւ մարմնովս զազրացեալ . ամօթով երե-
 սօք կամ առաջի քո, և ամօթով առաջի տեսողաց :

Եւ արդ դու տէր քաղցր և ներող, երկայնամիտ
 վասն մեղաւորաց կոչեցար . որ ասացեր՝ թէ ՚ի դառնալ
 անօրինին ոչ յիշեցից զամենայն անօրհնութիւնս նորա

* Մասն ինչ ՚ի սկզբանէ աղ-
 թիցս կայ ՚ի գիրս հարանց վարուց
 յանուն Ս . Եփրեմի . կան և այլ
 չորս օրինակք ՚ի կարգս աղօթա-
 դրոց յանուն Ս . Մեսրոպայ, կի-

սով չափ նման երկաթագիր օրի-
 նակիս, թէպէտ երևելի տարբե-
 րութեամբ . այլ անտի յառաջ ա-
 մենեկն տարաձայն :

զոր արար : Այլ արդ ահա եկեալ անկեալ եմ առաջիքս
 ծառայս մեղուցեալ, և ժառեալ խնդրեմ 'ի քէն ողոր-
 մութիւն . մի յիշեր զմեզս իմ բազում, և մի զանօրէ-
 նութիւնս իմ յանգիմաներ՝ եթէ կամաւ և եթէ ակա-
 մայ ինչ մեղայ, եթէ բանիւք և եթէ գործովք և եթէ
 անդէպ մտածութեամբք պղծեցայ, եթէ յանգիտու-
 թենէ և եթէ 'ի ծուլութենէ և 'ի մոռացութենէ գոր-
 ծեցի . զի դու տէր, սովոր ես գթալ և ողորմել, և թո-
 ղուլ զմեզն բազումս, և քաւել զամենայն հոյս անօրէ-
 նութեան . որ զպոռնիկս սրբեցեր, զաւազակն ազատե-
 ցեր, զմաքսաւորն արդարացուցեր, և զծանրաբեռ-
 նեալն մեղօք թեթեացուցեր : Այն զի նժ ես ողոր-
 մած, և գթաս 'ի մեղուցեալսն՝ որք հաւատով կարդան
 առ քեզ . գթա, տէր, և յիս 'ի բազմամեզս, և ապրե-
 ցի 'ի թիւնից թշնամոյն : Վարատեցի, տէր, զխաւար
 յածող հայեցուածոցս իմոց, և բաց զականջս իմ խլա-
 ցեալս յանդէպ լսելոյ . բժշկեա զվիրաւորեալ լեզուս 'ի
 բամբասանաց, և սրբեա զսիրտս իմ 'ի չար խորհրդոց :

Վեզ ցանկամ, տէր բարերար, և փափագեմ գթա-
 ծի հօր իմոյ . գթա 'ի վերայ իմ մեղաւորիս, և ընկալ
 իբրև զանառակ որդին : Յագեցի 'ի քաղց իմ 'ի սիրոյդ
 քումնէ, և լցի զծարաւիս յառատաբուրն շնորհէդ .
 զի ցանկ առ քեզ խնդրեմ մերձենալ, և բաղձամ 'ի
 քեզ հայել 'ի յարածամ . միշտ շնորհաց քոց փափա-
 գեմ, և հանապաղ ողորմութեան քում կարօտիմ : Այն
 ընդ պատժեալսն պարտաւորեալ, և մի ընդ ատելիսն դա-
 տապարտեր . այլ ընդ կամարարս կամաց քոց ընկալ, և
 ընդ պահողս պատուիրանաց քոց պահեա : Օյ եթէ ա-
 ռանց ներելոյ զյանցանս իմ քննեսցես, ընդունայն են ինձ
 յարութեան խոստմունք . զի 'ի հուր գեհնէնն է ժա-
 ռանդութիւն իմ : Օյ եթէ զզատապարտութիւն և
 զանդէպ մտածութիւնս իմ դատիցիս, ապա երանեմ
 ես չեղելոյն յորովայնէ . այլ նայեա 'ի մաղթանս իմ և
 'ի պաղատանս, և մի մերժեր 'ի յողորմութենէդ քում
 մէ՝ որ ողորմութեան քում բաղձամ, և քոյոյ գթու-
 թեանդ կարօտիմ : Օյ միշտ զմարմինս իմ պղծեցի, և
 հանապաղ զոգիս աղտեղացուցի, ոչ չարաչար վարիւք
 միայն, այլ և զազիր խորհրդովք :

Այլ արդ լուս 'ի մեղաց, և մաքրեա 'ի գեւաթա-

Թախ տղմոյ : Օքեզ խնդրեցի , և զքեզ աղաչեմ , լից զկարօտութիւնս իմոյ փափագմանս . խառնեա զիս 'ի դասս սրբոց և 'ի ժողովս արդարոց , որք 'ի բաղձալի տե սութենէդ քու մմէ վայելեն յարածամ : Աս ոչ համար ձակերես իբրև զբարեգործ որ հայցեմ , այլ աղերսիւ ժտիմ իբրև զպարտապան և զբազմամեղ : Այ . . . ¹ ունեիւմ համարձակիմ իբրև զմարտը , այլ 'ի մարտութենէդ քու մմէ զժահահոտութիւնս իմ մարտել աղաչեմ , զի անթիւ ունիմ զմեղաց իմոց զբազմութիւնս , և հոյք անօրէնութեանս իմոյ հեղձուցանեն զիս հանապազ . միշտ զփրտոս իմ ձիւեցուցանեն , և զմարմին և զոսկերս իմ հալեն և մաշեն . և վասն այսորիկ ժտիմ հանապազ պաղատել , աղաչել և մեղթել , զի դու ես հայր իմ և տէր , արարիչ իմ և ստեղծիչ . առ օ երթայց , և կամ յուսմէ խնդրեցից օգնութիւն : Վեզ մեղայ , և առ քեզ խոստովանիմ , և զքեզ աղաչեմ . մի 'ի քու մմէ ողորմութենէդ զիս մերժեր , և մի յերեսաց քոց ընկենուր : Աղթեմքեզ տեսուն բարեբարիդ և բարեմտ գութ իմոյ արարիդ . մի յաւիտենական ամօթոցն : ամաչեցուցաներ զիս , և մի 'ի մեծի աւուրդ դատապարտեր . մի 'ի տիեզերական հրապարակիդ զիս յանդիմաներ . մի անողորմ տանջանօքդ տանջեր , և մի սոսկալի գեհենիւզ պատուհասեր : Այլ ապրեցո 'ի հրացան հրնոցացն , և 'ի հրահոսան գետոցն հրեղինաց , յորդանցն չարածանեաց և յաննշոյլ խաւարէն և դառն դատաստանացն և յաններելի տանջանացն , յանլոյծ կապանացն և 'ի հանապազորդ նեղութեանցն , 'ի միշտ ողբոցն և 'ի կրճելոցն ատամանցն : Այլ գթա 'ի վիրաւորեալս մեղօք , և բժշկեա զհիւանդացեալս անօրէնութեամբ : Անկալ իբրև զհայհոյողն և զհարածիչն , և փարատեա զմեղաց իմոց զբազմութիւն . սրբեա 'ի պրղծութենէս իբրև զպոռնիկն , և արդարացո իբրև զմարտաւորն : Աղորմեա ինձ իբրև քանանացւոյն , և չնորհեա զյանցանս իմ իբրև զաւազակին : Բնակեցո զիս 'ի դասս սրբոց և 'ի խորանս արդարոց կամարարաց յանանց կենացն վայելութիւնս , և 'ի յանբաւ բարութեանցն ուրախութիւնսն 'ի Վրիստոս {խուս 'ի տէր մեր . ուրում փառք յաւիտեան :

1 Թորինակին բառ մի անընթեանի :

ՅԵՐԱԿԻՄ ՊԷՍՊԷՍ ԱՌԱՔԻՆՈՒԹԵԱՆ ԽՐԱՏՈՒ՝

Յառաջ քան զամենայն առաքինութիւնս է խոնարհութիւն, և նախ քան զամենայն ախտս է փառասիրութիւն : Վչուիս առաքինութեանցն սէր է՝ իսկ գլուխ ախտիցն է արդարացուցանել զինքն : Իսկ երկիւղն այն հալածէ զամենայն զվեղան . իսկ դանդաղումն հալածէ զերկիւղն այն . նոյնպէս և զերութիւնն հալածէ զառաքինութիւնն յանձնէ : Եորք են առաքինութիւնք, լուութիւն, և խոնարհութիւն, և պահել զպատուիրանս այն, և նեղութիւն : Եորք են առաքինութիւնք որ պահեն զանձն, ղողորմութիւն յամենեսեփան առնել, և մի բարկանալ, և երկայնմտութիւն, և զգուշանալ ինքեան ՚ի մոռացմանէ մտաց : Պէտք են առաքինութիւնքս այս յարժամ, և անսպառ անկանել առաջի այն ՚ի սրտի իւրում, և ունել զինքն առ մեղաւորս, և մի դատել զոր . և յայնժամ դադարեն խորհուրդք : Եորք են այս առաքինութիւնք որ օգնեն մանկան արեղայի, խոկումն զրոյ յամենայն ժամ, և տքնութիւն և զործածեռն, և հնազանդ և հպատակ լինել հօրն, և մի թուել զինքն յիրս ինչ ուրեք ամենեւին : Աման չորիցս այս իրաց հոգիք պղծին, մի՛ շրջել ՚ի քաղաքի և չգնել պահապան աչաց, և մի՛ ունել ծանօթութիւն ընդ կանայս, և մի՛ ունել սէր ընդ փառաւորս երկրի, և սիրել զմարմնական խօսս և զգատարկաբանութիւնս : Առաջ չորից իրաց լինի պոռնկութիւն, յուտելոյ և յրմպելոյ յագ, և յագմանէ քնոյ և ՚ի դատարկ կալոյ, և ՚ի դատարկաբանելոյ խաղալ և ծիծաղել, և ՚ի զարդարմանէ հանդերձից : Աման չորից իրաց խաւարին միտք,

* Զայս ձևով հանգերձ յաջորդ հատուածովն տես և ՚ի Հարանց վարս երևելի տարբերութեամբ հա . Բ . 532 . 571 :

մի՛ յուզելոյ զընկերն , և անգոսնելոյ զընկերն , և արհամարհել և նախատել ընդ ընկերին , և ՚ի չարախօսելն զընկերն : Այաղագս չորից իրաց հոգիք խոպանանան և լինին անպտուղ , մի՛ յոչ դադարել ՚ի տեղուք և ՚ի տան , և մի՛ գործել ինչ ոչ , և մի՛ զի սիրեսցէ զգբաղմունս մարդկապէս , և մի՛ յորժամ սիրեսցէ զնիւթս երկրի և զագահութիւն : Այաղագս չորից իրաց բարկութիւն գայ , մի՛ ՚ի տալոյն , և յամելոյն զիւր կամն , և հակառակելն և սիրելն վարդապետ լինել բազմաց , և մի՛ կործնել զինքն լինել քան զայլ մարդ իմաստուն : Աորք են այս առաքինութիւնք զոր դժուարաւ ստանայ մարդ , և այսոքիկ պահեն զամենայն առաքինութիւնս , սգալ յարժամ , և հայել միշտ և եթ յիւր մեղան միայն և մի՛ դատել զոր , և ունել զինքն առ մեղաւորս , և ունել առաջի աչաց իւրոց զմահ իւր հանապազ : Արդ որ որ կամի սրահել զառաքինութիւնս զայսոսիկ , կարէ ապրել . զօրաւոր է անձ պահել զմեզ յամենայն չարէ և ՚ի փորձութենէ և ՚ի հանդերձեալ ժամանակին՝ որ գալոցն են ՚ի վերայ ամենայն տիեզերաց . զի գոցուք ողորմութիւն ՚ի Վրիտանս , ՚ի ձեռն սուրբ հոգւոյն :

ԵԱՂԱԳՍ ՊԵՍՊԵՍ ԱԻՑԻՑ

Արար անձ զմարդն , և եդ զնա ՚ի դրախտին փառկութեան , զամենայն զգայութիւնս ողջ ունելով ՚ի բունութեան իւրում : Արդ իբրև լուաւ այնմ՝ որ խաբեացն զնա , յայնժամ էառ զախտս ամենայն , և խկոյն ընկեցեալ եղև արտաքս ՚ի մեծ և ՚ի չքնաղ փառաց իւրոց . զի ծանկոյց մարդ՝ թէ գոն ախտք որ մերժեն զնա յայ . և զի աղաչէ զբարերարն անձ , որպէս զի օգնեացն նմա , և ապա կարասցէ կտրել յինքենէ ՚ի բաց զախտս ամենայն : Այս ամենայն վերք են՝ որ կրին յանձին մարդոյն , և քակեն որոշեն զնա յայ : Արանի որք սրբեն զինքեանս յամենայն ախտից և յամարձուութեանց հոգւոց և մարմնոց . զի է ոչխար բանաւոր ընդունելի պատարապ այ , և լսէ զձայնն որ ասէ . “ Բարի ծառայ և հաւատարիմ՝ ՚ի սակաւուդ եղեր հաւատարիմ , ՚ի վերայ բազմաց կացուցից զքեզ , եկ մուտ յաբախութիւնս

տեանն քում, : Իսկ որք կամին կատարել զկամս իւրեանց որ ըստ մարմնոյ, և ոչ կամին բժշկել զինքեանսս 'ի բժշկութեանէ սուրբ առաքինութեանց, գտանին մերկ 'ի սուրբ պատուիրանէն 'ի ժամ հարկաւորութեանն . անկանին 'ի խաւարն արտաքին՝ ուր կայ սատանայ և կապեալքն : Եւ պատմուճանք պղծութեանցն են այսոքիկ, պոռնկութիւն, արծաթսիրութիւն, չարակնութիւն, բանսարկութիւն, նախանձ, փառասիրութիւն, հպարտութիւն . այսոքիկ և որք սոցին նման են : Օրինչ է պոռնկութիւն . պոռնկութիւն՝ ցանկութիւն, որկորբատութիւն, յագեղ քնոյ, դատարկութիւն, դատարկաբանութիւն, պաճուճանք մարմնոյ, և զեղումն և ընդ վայր ծաղր, անամութութիւն, թուլութիւն, դանդաղումն : Օրինչ է արծաթսիրութիւն . արծաթսիրութիւն, անհաւատութիւն, անյուսութիւն, անգթութիւն, անողորմութիւն, ազահութիւն, արհամարհութիւն, անբարիստութիւն, անձնահաճութիւն, և ոչ հայել 'ի պատուիրանն յայ : Օրինչ է չարակնութիւն . չարակնութիւն է չարախօսութիւն, նախանձ, մարդահաճութիւն, անձնասիրութիւն, անգիտութիւն, ստուքութիւն, և սուտ վկայութիւն : Օրինչ է բարկութիւն . բարկութիւն է հարբստահարել զիւր կամն, հակառակութիւն, վիճութիւն, նենգութիւն, սուտ գիտութիւն, կարճատուութիւն, նեղկութիւն, ձանձրութիւն, ոչ բառնալ զլինամանս մտօք, տալ և առնուլ : Օրինչ է նախանձ . նախանձ՝ ատելութիւն, ոչ բառնալով զփառս ընկերին, և արկանել գայթաղութիւն ընկերին : Օրինչ փառաւորութիւն . փառաւորութիւն է անզգամութիւն, սիրել զաշխարհս և որ ինչ յաշխարհի է, և լինել անուանի 'ի մէջ մարդկան, և կատարել զկամս յանդգնութեանն : Օրինչ է հպարտութիւն . հպարտութիւն է խստասրտութիւն, անհնազանդ լինել ամենեցուն, և քաջալերել յիւր զօրութիւնն, և համարելով զինքն իմաստուն, և առնել յար և եթ զիւր կամն, և արհամարհել զընկերն, և կարծել զինքեան իմաստուն գոլ, և ունելով զինքն իբրև ոչ իմիք կարօտ գոլ : Ընչ ամենայն գործին յանձին մարդոյն, մինչև որոշէն զնա յայ : Ընչ է զոր եբարձն Ըբամ՝ յորժամ եկերն 'ի պողոյ ծառոյն, և անկաւ ընդ ոտիւք մահուն :

ԹՈՒՂԹ ՎԱՍՆ ՀՄԱՅԻՑ ԴԻԻԹԱԿԱՆԱՑ ԵՒ
ԱՆՏՐԷՆ ՅՈՒԹՈՂԱՑ

Առնոյր առնէր որ զգլուխ իմ շտեմարանս ջուրց
բազմաց, և զաչս իմ յորդ աղբիւրս արտասուաց, և լայի
գառնապէս 'ի տուէ և գիշերի գհանապազ մեղս մեր .
զի կորեաւ երկիւղած յերկրէ, և ոչ գոյ ուզիլ առաջի
մարդկանս . և լցաւ աշխարհ մեր հմայիւք իբրև գառա-
ջինն . և խոնարհեցաք մտաք 'ի հնազանդութիւն սա-
տանայի մերոյին իսկ մտօք . զի լեզուօք խոտտանալք ճա-
նաչել զամ, և գործովք ուրանալք 'ի նմանէ : Ասաց
ամ՝ եթէ “ Սիրեսցես զտէր ամ քո յամենայն սրտէ և
յանձնէ և 'ի զօրութենէ քումմէ ” : (Եանձնէ է՝ այս
ինքն եթէ զնա միայն պաշտեսցես, և կոչեսցես անձին
քում տէր և արարիչ . 'ի զօրութենէ՝ այս ինքն եթէ
զգօրութիւն անձին քում նախ հանիցես յաղօթս և 'ի
վաստակս հոգևորս . յամենայն 'ի սրտէն՝ այս ինքն է
մի 'ի տունս հեթանոսաց և 'ի ժողովս մարտիրոսաց, մի
'ի մեհեանս և յեկեղեցիս, մի 'ի բախտս և 'ի շնորհս,
մի 'ի խաչն և 'ի ճակատագիր, մի առ դիւթս և առ քա-
հանայս, մի առ աղօթս և առ պահարանս . մի լեզուով
խոտտովանել, և 'ի սրտէ ոչ հաւատալ . և մի սրտիւ հա-
ւատալ, և լեզուիւ ուրանալ . մի բանիւք պատուել զամ,
և արդեամբք բարկացուցանել . մի հաւատովք մեծա-
րել, և գործովք տրտմեցուցանել . այլ յամենայն սրբ-
տէ և յանձնէ և 'ի զօրութենէ և 'ի մտաց սրտէ օրբել
զամ, և քրիստոնեայ անուանակից Վրիստոսի :

Իսկ եթէ լեզուաւ կոչես զամ արարիչ, տուիչ և փրկ-
կիչ և կեցուցիչ, իշխան մահու և կենաց, և սրտիւդ և
անձամբդ առ դիւթս և առ թովիս և առ հարցուկս և
առ ուռութս և առ խտիրս և առ հմայս գերեսցիս, ոչ
ևս պարտ է կոչել զանձն քրիստոնեայ՝ զի հեռացեալ ես

ի Քրիստոսէ, և հնազանդեալ ընդ լծով սատանայի . զի թողեր լքեր զարարին և զկեցուցիչն, և առ սատանայ ապաւինեցար : Օ ի եթէ ճշմարտութիւն հաւատայիր՝ թէ աստուծ է արարիչ ամենայնի, ապա պարտ էր թէ արարիչն միայն էր իշխան կեցուցանել և մեռուցանել, հարկանել և բժշկել : Օ ի ո՞րք իշխէր մերձենալ առ հարցուկս՝ որ և անձին ոչ կարէ առողջութիւն և անմահութիւն շնորհել : Լճէ ցոյց զոր ՚ի կախարդաց՝ որ անցաւ և անմահ եղև : Իսկ եթէ ասես՝ եթէ ոչ երթամ առ հարցուկս, այլ բժիշկ է և առ բժիշկս երթամ, գործ բժշկի այս է, խարել, կտրել և արիւն թափել և դարմանս ըստ ցաւոցն նմա մատուցանել . այլ ոչ եթէ յուռութս յուռութել, և զսատանայական բարբառնք բարբառնջել . կամ աղ և ածուղ, կամ ասղենի առնուլ կարմիր, և երկաթ, և ջուր, և ուլունս ուռութել, և կամ գիր պահարան ընդ անձն արկանել, և կամ զուկերս ձկանց և սողնոց, զծրարս բժժանաց ՚ի ձեռին և ՚ի յակին և ՚ի պարանոցի կապել :

Ըրդ եղկելի և թշուառական, զի թողեր զստարիչ և զբժիշկ և զխաչն պահապան, և ապաւինեցար առ կախարդս յիմարս և ապականեայս դիւօք : Լճէ տես զինչ գործէ չարադիւթն . ՚ի մէջ գետինն անցեալ յուռութելն, և ընդ ուռութելն մերձենան ՚ի նա դեքն . և ընդ մտանելն յարանչտի, ՚ի ձախ դիւթէ և ՚ի յաջ թքթքէ, զխաչն անարգէ և զՔրիստոս թշնամանէ, և ոչ իմանայ : Իսկ եթէ զուռութս և սցուցանէր, ծաղր և կատականս և խաղ մանկուոյ լինէր : Ըրդ եթէ էր պարապ զմասանց մարմնոյ զուռութս մի ըստ միոջէ պատմել, ծաղր կացուցանէի զյիմարեալ միտս դիւթին առաջի ամենեցուն : Օ ի ամենայն ուռութք և պարտանք դիւթի և թողի ի հարցկի սուտ են և եղկելի, և առ իթ գեհէնի և հրոյն յաւիտենից . և որ մերձենայ ՚ի նոսա, ՚ի հուր գեհէնին դատապարտի, և մասն ընդ անօրէնս ունի . զի զշնորհս բժշկութեանն արհամարհիցեն, որով մարթ էր արուեստիւք բժշկութեան խարելով և կտրելով և դարմանս ցաւոցն առնելով՝ բժշկել : Օ ի և սառաւել զշնորհս պարզեացն արհամարհիցեն . զի որ սէն՝ եթէ “ Հիւանդանայցէ որ ՚ի ձէնջ, կոչեսցէ զերիցունս եկեղեցւոյն . աղօթս արասցեն ՚ի վերայ նորա ,

և օճցեն իւրով՝ ի յանուն տեառն , և աղօթքն հաւատով փրկեացեն զաշխատեալն ,» և զոր դէն լլկէ , նորին իսկ հրամայեաց՝ պահօք և աղօթիւք հալածեն ՚ի ձեռն նշանի ամենայաղթ խաչին : Եւ որ անարգէ զխաչն փրկական , և արհամարհէ զնորհան Վրիստոսի , և գնայ առ դիւթս յուռթել , և պահարան և ուռուծսն և զգիր պահարան ընդ անձն արկանեն , զնոցանէ ասէ Վրիստոս՝ եթէ « Երթայք , անիծեալք , ՚ի հուրն յախտենից , ոչ գիտեմ՝ զձեզ ,» • վասն զի զայն արարին՝ զոր նայն ոչ հրամայեաց :

Եւրդ եթէ ասես՝ եթէ և նոքա քրիստոնեայք են և Վրիստոսի անուամբն ուռթեն , այլ և զգիրն և սպասաւորք եկեղեցւոյ և արեղայք գրեն , արդ միտ զիր աւետարանչին . « Բազում մարգարէք , ասէ , ասեն յաւուր յայնմիկ՝ եթէ տէր , յանուն քո մարգարէացաք , և յանուն քո դէս հանաք , և զօրութիւնս՝ բազումս աւրարաք , բաց և մեզ . և տէրն ասէ . ոչ գիտեմ՝ զձեզ ,» • վասն զի զայն արարին՝ զոր նայն ոչ հրամայեաց : Եւ զինչ ասացից զմարգարէիցն . այլ և աշակերտն և սուգաս՝ որ ՚ի վեր քան զմարգարէսն նշանս և բժշկութիւնս առնէր , ոչ թուեցաւ ընդ առաքեալսն , այլ եղև ՚ի ներքոյ գեհնին : Եւ զինչ ասացից զաշակերտն . որ և հրեշտակն ոչ պահեաց զմնակութիւնն ուր կարգեցաւն . այլ անիծեալ անկաւ և եղև սատանայ , և զխտան աւունն ժառանգեաց : Եւրդ որ ՚ի յայդ ապաստանիսդ՝ թէ և նոքա քրիստոնեայք են և սպասաւորք եկեղեցւոյ , և անուամբ Վրիստոսի գրեն զերդմունս պահարանացն , ով անմիտ , զինչ են երդմունք գիւացն , ոչ սպառքէն պահօք և աղօթք հաւատովք ՚ի ձեռն յաղթողի նշանին խաչի , յորմէ դողան ամենայն բնութիւնք դիւաց :

Եւ զիր պահարան հակառակ է շնորհաց և պատուի ընդանն այ . որպէս զսուտ մարգարէքն՝ որ թիւրէին ըզժողովուրդն առ ուղեալսն մարգարէիցն , և զբանն ճրջ մարտութեանն դադարեցուցանէին , և զմոլորութիւնն դադարեցուցանէին : Եւրդ եթէ մարգարէիցն որ սուտ ուսուցանէին՝ ոչ լուաւ յաւուր յայնմիկ , և զաշակերտն Յուդայ եհան ՚ի գնդէն , և ՚ի հրեշտակս յանցուցեալսն ոչ ինայեաց , այլ խաւարային կապանօքն արկեալ ՚ի տարտարոսն , ոչ պահեալ յօրն դատատանի՝ յօրինակ

այժմու մեղացելոցս , ասար պարտ է խնամալ՝ եթէ և 'ի տասս ոչ խնացեաց՝ որք ոչ հաւատալք , բայց լով անուամբ զանձինս այ նուիրեն , և 'ի տան այ կերակրին , և վասն այ պատու ընդունին , և եկեղեցոյ գլուխ համարին , և զորէնս այ ընթեռնուն , և տգիտաց վարդապետ անուա նին , և մորրելոց առաջնորդ . և ինքեանք մորրեալք են , թողեալ զչնորհսն այ , զաղթան և զիւրն օժման՝ զոր պատուիրանք հրամայեցին հիւանդին , և զպահս և զաղթս ցաւածին , և ինքեանք յուռութե և 'ի զիր զաւածին :

Այլ և առաջնորդացն ևս միս 'ի մարմին խղեցին և կամ ցաւ ինչ արագ անկանի , դիւթս 'ի տունս ւածեն առ 'ի յուռութել . և ոչ մի արտաքին զիւթիւքն վարին , այլ և անձանց ևս ուռութե ուսանին , և գրել պահաւրանս , և 'ի փոքս ցաւածիցն արկանեն , և ժաժմուկս մտացածին բանից . և զանունս որ ոչ լսի 'ի պատու ընտն՝ գրածս անեն , և զանուն Վրիտասոի ընդ նոսինն արկանեն՝ զի գրածն անձական համարեցի : Իչ այնչափ յանդակեցոց օստանայ , մինչև զուրբ անուն այ 'ի պահարանս դիւթաց գրել , և 'ի յուռութս արկանել . զի այն ոչ 'ի պատու այ է , այլ յարհամարհանս : Իչ ևս ստաւել պարտաւորին՝ զի զանձ յուռութս և 'ի պահաւրանս ընդ զիւրքն արկանեն , և ոչ խնանան զանկերեղթ նետս սատանայի . զի ուռութք և զիր պահարան՝ դիւաց հրամանք են , և ոչ այ . և վասն այնորիկ չտայ սաւանայ զգալ զար նետս իւր , զի և զուրբ անուն այ ետ չարաչար հարկանել 'ի հրամանս իւր , զի վասն անուամբն այ մի որ կարսացէ խնանալ զիւարտային խոր հուրդս նորս : Օ ի յիմարեալ մտօք անուամբ քրիտոնեացք անուանին , և զործուք յիմարեալ խնարհին յիմաստութենէ իւրեանց : Արդ միթէ որ զբւանս պաշտիցէ , յաչս և 'ի բերանս զգեան համբուրեցէ . ոչ , այլ զհրամանս դիւացն կատարել՝ է կատարեալ դիւարարութիւն :

Արդ յորժամ 'ի խտիրս և 'ի հմայս երևի կեւոս , և 'ի դիւթութիւնս և 'ի թողլութիւնս և 'ի հաստահարցութիւնս և 'ի հաւահմայութիւնս և 'ի մնդաբախութիւնս և 'ի բռտահարցութիւնս և 'ի հեղահարութիւնս և 'ի հմայութիւնս և 'ի միջագիտութիւնս և 'ի գրաբարու-

Թիւնս, յաստեղագիտութիւնս, ՚ի դիւահարցութիւնս, յօրահմայս, ՚ի լուսնախտիրս, և ՚ի շեղջատիրս, յօգոտնահմայս, ՚ի գեղահմայս, ՚ի աննիկոնս, յուռութս, ՚ի բախտս, ՚ի ճակատագիրս, և ՚ի գիր պահարանի, և յամենայն ՚ի շարժմակս բժժանաց, հմայից, դիւթաց, յորս կոչեն զդէսն յաղ, յերկաթ, ՚ի ջուր, ՚ի նարտա, յիւղս, ՚ի գարի, ՚ի յուլունս, ՚ի մում, և ՚ի հեր գլխոյ և յամենայն պղծութիւնս՝ որով պղծենն և կորուսանան զողիս հնազանդելոցն: Եւ արդ այն ամենայն սօղ և արտասուաց և մեծի բարկութեան չիցէ՝ արժանի, զի յեա զորդին իւր առաքելոյ յայնպիսի իրս մտաբերել իշխիցեմք: Եւ արդ որ այսմ հնազանդիցի, պարտ իցի արգեօք զանձն քրիստոնեայ կոչել՝ որ հեռացեալն է ՚ի Վրիստոսէ, և հնազանդեալ կամաց դիւաց, և ՚ի ծառայութիւն կայ սատանայի, և զհրամանս նորա կատարէ հանապազ հմայիւք և յուռութիւք և պահարանօք զրոյ՝ զորս գրեն մանկունք անիծից, և համարին կալ ՚ի սպասու սրբոյ սեղանոյն նոյ:

Ով անմիտք և անհանձարք, ոչ լսես՝ զի մեղաորին ասէ անձ. «Եւ ընդէր բնաւ պատմես զարդարութիւն իմ, կամ առնուա զուխտ իմ՝ ՚ի բերանս քո», և դարձեալ ասէ. «Օ մեղս. Թէ տեսանէի ՚ի սրտի իմում, միթէ լսէր ինձ տէր», և դարձեալ ասէ. «Եւ բաց կացէք յինէն ամենեքեան՝ որ գործէք զանօրէնութիւն», և Վրդ ՚ի մնոտի աղօթս քո հրժարէ զքեզ մարգարէն, և ոչ իմանաս: Երբժամ ասես, եթէ ՚ի բաց կացէք յինէն ամենեքեան՝ որ գործէք զանօրէնութիւն, ոչ ապաքէն անձինդ ասես հեռանալ ՚ի բաց, պիղծդ և անօրէնդ. յորժամ դու իսկ ասես ՚ի ինդրուածս քո, մեղաորին ասէ անձ՝ դու ընդէր բնաւ պատմես զարդարութիւն իմ, ոչ ապաքէն քեզ ասես. ընդէր իշխես բանալ զամենապիղծ բերանդ քո, և պատմել զարդարութիւնն նոյ, ոչ ապաքէն հակառակ քեզ բարբառիս, և ոչ իմանաս: Եւ յորժամ լսես ՚ի բումմէ բերանոյդ իսկ զմեղս Թէ տեսանէի ՚ի սրտի իմում, միթէ լսէր ինձ տէր, արդ ահա դու իսկ գիտես՝ Թէ ունիս մեղս ՚ի սրտի, տէրն ոչ լսէ քեզ. զի դու ասես զայդ բերանով քով հանապազ: Եւ արդ յորժամ զբարբառ բերանոյդ ոչ լսես, զիմոյ հնարս սատանայի գիտել մար-

Թասցես . և կարեվէր արարեալ զքեզ՝ և ոչ իմանաս . որ զգիրս ընթեռնուս , և զգրեալսն ոչ իմանաս :

Օ ինչ հրամայեն մեզ պատուիրանք այ . ոչ ապաքէն ամենայն գործոց մերոց զեռան հրամայէ պահպան և յօրինիչ , հիւանդաց աղօթս և օծումն իւղոյ , և լկեւրոցն ՚ի սատանայէ պահս և աղօթօ . և որ զայս խոտիցէ , գրօվք և յուռթովք վարիցէ , և կանայս ձեռնաճուս ՚ի տունս մուծանիցէ , արտաքոյ է պատուիրածաց և քրիստոնէութեան , և ընդ նզովիւք առաքելոցն : Օ ի ՚ի նոցանէ այդ ոչ քարոզեցաւ . այլ և նզովս ևս դնէ ՚ի վերայ և ասէ . “ Եթէ որ աւելի քան զայս ուսուցանիցէ , նզովեալ լիցի ,” . և դարձեալ ասէ . “ Ս՚ի ինչ աւելի քան զգրեալսն իմանալ ,” . և դարձեալ ասէ . “ Մնի՛ ձեալ ամենայն մարդ՝ որ ոչ կացցէ ՚ի գրեալսն ՚ի գիրս ,” . և Վրիստոս ասէ . “ Եթէ որ լուծցէ մի ինչ ՚ի պատուիրանաց , փոքր կոչեսցի ,” : Մոդ ահա զշնորհսն այ և զգորութիւն սուրբ խաչին լուծանես , և զպահս և զաղօթս զոր պատուիրանք հրամայեն , և մուծանես ըզգիր . պահպան , և զուռութս դիւթացն՝ որ ոչ է ՚ի պատուիրանաց այ , այլ զգաղտնի նետս սատանայի ՚ի ձեռն դիւթացն , որ իբրև զմէզ տարածեալ ունի զամենայն աշխարհս , և ոչ իմանան :

Մյլ և ասես ևս . զոր դիւթքն գործեն և ասեն , այսպէս լինի : Եւ եթէ երբէք պատահէ՛ մի խաբիր , ով մարդ . ոչ եթէ ՚ի դիւթէն եղև , այլ և թէ չերթայիր առ դիւթն՝ բեզ ՚ի ժամուն այն այնպէս պատահէր . բայց դու զայ ողորմութիւնն դիւթին զօրութեն կարծեցուցանես : Բայց ՚ի ձեռն դիւթաց բազում անգամ ջինի , և երբեմն լինի . ոչ եթէ զօրութեամբ դիւթին լինի , այլ իբրև կուրաց ընդ խարխափս ընդ ոտս ինչ անկեալ գտանիցին . ահա ընդ խարխափս գտանես , և ոչ եթէ աչօք ինչ յառաջագոյն տեսանիցես . նոյնպէս և զդիւթացն տեսանիցես : Բայց մարդիկ յիմար ՚ի չպատահեալն չհային , բայց եթէ զմինն պատահել տեսանիցեն՝ զայն առեալ վերացուցանեն , և ՚ի լսելիս ամենեցուն արկանեն : Մյլ դիւթի և ուռթոյ զօրութիւն սչ լինի . և եթէ եղեալ տեսանես ՚ի յանկարծ , որպէս ասացին , ոչ եթէ յուռթէն և ՚ի դիւթէն եղև , բայց զի դու այնպէս հաւատացեր՝ թոյլ ետ անձ այնպէս

լինել ըստ քում այնպէս հաւատարմին, զի մեծապէս դատապարտեսցիս, զի փոխանակ նոյ առ դիւթան ընթացար : Այլ յորժամ թողուս զպատուիրանն, և ՚ի գիւթս և ՚ի յուռութս ապաւինիս, մտեր կամեք ընդ հնազանդութեամբ սատանայի, և տէր եղև կամեց քոց . որպէս որդի թագաւորի յորժամ կամեք թողու զթագաւորն, և երթայ ՚ի լերինս առ աւազակադէտ մի, և տայ զինքն ՚ի ծառայութիւն նմա, ապաքէն տէր և իշխան է աւազակապետն կենաց և մահու նորա :

Արդ մեծ մասն աշխարհիս ընդ յուռութիւք և ընդ հըմայիւք եմուս ՚ի հնազանդութիւն սատանայի, և չէ որ որ իմանայ զարարչար ամբարշտութիւն մեր . որ թողեալ զնձ արարիչ, և առ գիւթս և առ սուռութս և առ թուփլս և առ պահարանս և առ հմայս ընթանան, և հաւապագ բարկացուցանեն զարարիչն : Եւ արդ առ այս աւմենայն զինչ պարտ էր առնել, բայց միայն սգալ և լալ . զի փոքր մասն աշխարհիս հազիւ թէ ապրեսցի . զի առեալ զպատու որ նոյն վայել էր՝ մահկանացու մարդոց մատուցեալ էաք զգիտութիւն . զայն գիտութիւնն՝ որ առաջնոցն երևէր, որպէս Սաւուղայ վասն իշոյն կորուսեցոյ յայտնեաց . վասն զի տղայք էին, և չէր կատարելութիւն գիտութեան առ նոսա : Բայց առ մեզ կատարելութիւնն ճանախառ ուրեց գիտութիւնք . զի ինքն Վրիստոս էկն աւետարանեաց, գկապանս օրինացն ելոյծ, զճարհոս եմոյծ, զմահ խափանեաց, զյարութիւն խոստացաւ, և զարքայութիւն և գկեանան յաւիտենից : Այս է կատարեալ գիտութիւն, և ոչ գիւտ իշոյ կորուսելոյ . զան գիտութիւնն եթարձ, և զայս եմոյծ, զոր ոչ կամի վասն մեր եթէ զմարմնաւորս ինչ խնդրեսցուք . այլ մեք զհոգևորան հոգացուք, և զմարմնաւորան ՚ի նա ընկեսցուք . վասն այսր ծածկեաց ՚ի մէնջ զայն գիտութիւն :

Արդ մի հաւատայք՝ եթէ որ զօշաբարութեամբ յոյ և ՚ի սրբոց զգրութենէ գիտել ինչ կարծեցուցանիցէ զքեզ . արգելեալ է ՚ի մէնջ զայն, զի չէր ինչ մեծ այն քան զճարհոս զոր ետ մեզ : Արդ եթէ որ հաւատայք առ նձ անկանի, աղաչանօք ապաւինի ՚ի նշխարս մարտիրոսաց, ընդունի բժշկութիւն ցաւոց, զհալածունն ախաթ, և զերումն դիւաց, և զթողութիւն մեղաց : Այլ և ծածկեալ մարգարեութիւնն ՚ի յայտմու ժա

մանտակիս մարդոյ ոչ է . զի ոչ նշխարք մարտիրոսաց ըզմեզս ուրուք յանդիմանեն , և ակամայ ապաշխարութիւն 'ի վերայ ածեն առանց կամաց առնելոյն . զի անօր ոչ երբէք բռնադատէ զմարդ , այլ 'ի կաման ապաստան առնէ , զի վարձս ընկալցի գործելին : Այլ ոչ եկեղեցիս և մատուռն շինեն , զի ոչ երբէք անօր է այդպիսի ինչ գործել , զի մի բարիքս մեր 'ի հարկէ լինելցին . այլ 'ի կաման ապաստան արարին , զի վարձս տացէ առնելեացն : Ի այց այսպիսի շփմունք 'ի դիւաց կեղծեաց լինին՝ զի անվարձ աշխատ և ծաղր արասցեն զմարդիկ :

Այլ զյառաջիկայ ինչ գիտութիւն դեք ոչ երբէք գիտեն , զի մինն միայն է սրտագէտ՝ արարիչն ամենայնի . իսկ դեքն և դիւթքն արարածք են , և ոչ արարիչ . և կեանս և մահ և առողջութիւն և հիւանդութիւն և բժշկութիւն և մեծութիւն և աղքատութիւն իւրոց արարածոց տալ՝ արարչին միայն վայել է , և ոչ դիւաց և ոչ դիւթաց . որ և անձանց նոցա անօր է իշխան և արարիչ : Արդ զիսորդ իշխեն այլոց արարածոց հրամայել՝ որում չեն արարիչ . զի արարածք արարչին միայն կան 'ի հնազանդութիւն , որ եղծանել և նորոգել կարէ , և ոչ դիւաց և դիւթաց , որ և ինքեանց չունին իշխանութիւն :

Արդ գիտացեալ եթէ անօր միայն է արարիչ , ընդէր ընդ կապանօք խտրոց և հմայից արկանել զանձն , և յօրահմայս ամբարշտել . և համարիս 'ի նմանէն ինչ եղծանել և կամ նորոգել խտրոց , որթոյ , և նիւթոց կալոյ , հնծանի , և սերմանց , և ամենայն գործոյ որ անցանէ ընդ ձեռս ձեր : Ինդէր յօրահմայս և 'ի խտիրս անկանիս , աղէ տուր ինձ պատասխանի : Ի՞նչ փաստակար է շաբաթն և չորեքշաբաթն , զի սոքա անուամբ Վրիստոսի միայն են քրիստոնեայք . և անուն ինչ նորոգել և եղծանել ոչ կարէ առանց լուսոյ և տօթոյ . և լոյսն և տօթն յարեգակնէ է . և արեգակնն ոչ եթէ յաւուրս չորեքշաբաթին և 'ի շաբաթուն այլ ինչ ծագումն է , և 'ի յայսն այլ . այլ այս մի ծագումն է , և նոյն հանապաղ : Արդ եթէ մի ծագումն է արեգակն՝ չորեքշաբաթին և ուրբաթին , շաբաթուն և կիրակիէին , ընդէր 'ի մի ծագմանէն սոքա փաստեն և նոքա ոչ , տուր ինձ պատասխանի , ով յիմարդ խտրողադիւթ և ծա-

ուայդ հմայից և հեռացեալ 'ի շնորհացն ւնյ . ոչ ապա-
քէն ամենայն աւուրքն տեառն են, և 'ի յաւուրս ամե-
նայն զոր բարի գործեմք՝ մերով յօժարութեամբ և կա-
մաւն ւնյ, և զոր չարն գործեմք՝ մերով չարութեամբ
և ներելով ւնյ . և բարւոյն ւնծ է կատարիչ, և չարին
մեք եմք իշխան : Եւրդ անուն շաբաթու և չորեքշաբա-
թու զիարդ կարէ նորոգել ինչ կամ եղծանել, քանզի
և մարթին իսկ ոչ . զի անուն՝ անձն և միտս ոչ ունի, և
որ ինչ անձն և միտս ոչ ունի՝ զիարդ մարթի առնել ա-
րարչութիւն : Բայց միայն սատանայ ապշեցոյց զքեզ ի
մանալ զայս . զի զւնյ արարչութեանն պատիւ առեալ, և
անշունչ անուան շաբաթին և չորեքշաբաթի նուիրես ,
և ընդ կուսպաշտնն դատապարտիս :

Եւրդ թողեալ զսիմարութիւնդ քո որ 'ի ձեռն խըտ-
րանայ աւուրդ է, զի ոչ ինչ կարես տալ պատասխա-
նի, բայց միայն անօրէն մոլորութիւնդ քո քարշէ զքեզ
գործել զայդ . բայց աղէ ցոյց, ընդէր ամբարշտես և 'ի
լուսինդ, և առնես եղծիչ և նորոգիչ զլուսինդ . եթէ
յարեգակն ամբարշտէիր, թերես տայիր ինձ պատաս-
խանի՝ թէ յարեգակն տօթութի է, և կարող է հասու-
ցանել և իրացուցանել, ցամաքեցուցանել և սնացուցա-
նել ըստ հրամանի արարչին . զի հիւթք չորք են որ դար-
մանեն զարարածս ւնյ՝ հրամանաւն ւնյ, հուր և ջուր և
հող և օդ . և 'ի դոցանէ թէ որ պակաս գտանի 'ի խառ-
նուածսն, երկիր պտուղ ոչ բերէ . և յայսմ նիւթոյ առ-
լուսնոյ ոչ գտանի : Եւրդէր ունիս զլուսինդ պատճառս
եղծանելոյ և նորոգելոյ . հոգն յերկրէ է, հուրն յարե-
գակնէ, ջուրն յանձրեաց, օդն միրկածին . այս են որ
դարմանեն զարարածս հրամանաւն ւնյ : Եւսնոյ զի՞նչ
իշխանութիւն է եղծանել կամ նորոգել . զի լուսնոյ ոչ
տօթ է և ոչ օդ, ոչ հող է և ոչ ջուր . բայց միայն մեզ
'ի լուսաւորութիւն գիշերոյ ստեղծաւ . և պատի թաղի՝
բերելով զօրինակ կենարարին, և ինքն զինքն ոչ գիտէ՝
եթէ է ինչ և կամ չէ, զի շունչ և կենդանութիւն ոչ
գոյ 'ի նմա . բայց շարժի և գնայ իբրև զհուր և զջուր,
և կայ մեզ 'ի հարկի և 'ի ծառայութիւն հրամանաւ ա-
րարչին . և խոտոյ և սերմանց նա ոչ իշխէ, զի ամենե-
ւին անշունչ է : Եւրդ որչափ տանջանաց և գեհեհնի աղ-
ժանի համարիցիս զայն, որ զանշունչն շնչաւոր կարծե-

ցուցանէ , և զպատիւ և զհիշխանութիւն արարչին առնուցու և տացէ սատանայի և աւուրց հմայից , և պաշտէ զարարածս և ոչ զարարիչն : } Երժամ զհիշխանութիւն եղծանելոյ գնիցես աւուրց նշան , և տէր և արարիչ զնոսա կարծեցուցեր , և եղեր գործովքն քովք պաշտօնեայ և երկրպագու լուսնոյն և աւուրց հմայից , և անլուծանելի ածեր 'ի վերայ քո զանէծսն որ ասէ՝ եթէ " Ընդեալ լիցի որ պաշտօն տանիցի և երկիր պաշանիցէ արեգական և լուսնի և զօրութեանց երկնից , : Եւ ընդէր վիրաւորիս , ով թշուառական , աներևոյթ նետիւ սատանայի , արկանելով 'ի վերայ գործոց քոց հմայս աւուրց և խտիրս . յորմէ ոչ ինչ օգտիս , բայց միայն սուգանս ոգւոյ և առիթ գեհնին :

Իսկ եթէ ասես , եթէ ընդէր ոչ հաւատացից հմայիցն՝ յորժամ տեսանեմք զամ ինչ եղծեալ 'ի յաւուրս խտրոցն , մի խաբիր , ով մարդ , զի չիք ինչ յարարածս այ առանց արտոյց և ապականութեանց և փոխելոյ . զի անեղծ և անփոփոխելի արարիչն միայն է : Եւ այց արարածս որ ընդ ձեռամբ մեր անցանէ՝ այստ և ապականութիւն և եղծումն և յարդարումն : Եւ եղծումն և յարդարումն 'ի խամբայութենէ անձրեաց լինին , և 'ի տօթոյ արեգական , և ոչ կուուելոյ օդոյ . այլ ոչ եթէ 'ի լուսնոյ , զի ոչ եթէ 'ի լուսնի անձրե է . և ոչ եթէ 'ի տօթութիւն , և ոչ օդ՝ եթէ վնասէր խտոյ և սերմանց և ամենայն գործոյ՝ զոր խտրես գործել 'ի յաւուրս նորա . բայց միայն լուսատու է արարածոց : Եւ քեզ 'ի լուսնոյն վնաս երբէք ոչ լինի , բայց միայն 'ի տօթոյ արեգական , և 'ի խոնաւութենէ լուսնի : Օ ի որպէս 'ի չոր և 'ի ցամաք հոտ ինչ վնասակար ոչ հարկանի . և յորժամ զգիջութի հովոյն արեգակն ջեռուցանէ , հոտ և որդուսն ծնանի . զի զոր օրինակ և 'ի հանդերձս մարմնոյ յորժամ գիջութիւն և ջերմութիւն և փոշի ոչ է՝ զեռուք ոչ ծնանին , և յորժամ ջերմութիւն մարմնոյն և թացութիւն քըրտան և փոշին ընդ միմեանս մտանեն՝ զեռուք հանդերձից յօրով ծնանին , նոյնպէս և փոշի 'ի խտոյ և 'ի գիջութենէ և տօթոյ աւուրն լինի և 'ի կշռելոյ առ միմեանս հիւթիցն : Օ ի շաբաթն և չորեքշաբաթն հիւթս ինչ ոչ ունին , և արարածոց այ ոչ իշխեն , ոչ նորոգել և ոչ եղծանել :

Ըրդ ով մարդ յիմար և անհանձար, եթէ կամես ընտրել վասն գործոյ ձեռաց քոց, դեռանուածս հիւթիցն ընտրեա, զտեթութեան և զգրաութեան, դեռանուութեան և զցամաքութեան, և զաւուրսն գարնանային և աշնանային. և ոչ ՚ի շարաթս ամբարշաել, և ՚ի նմանէն համարել զեղծումն և զաջազումն գործոյն: Իսկ եթէ ասես զարձեպ, է զի և ՚ի խորանացն աւուրց մնասին որթն և զինի և ամենայն ինչ զոր յաւուրսն գործեմք, արգ համարեաց և լինիցի այդպէս. բայց ՚ի միտ առ, մի աւուրց համարիք՝ եթէ նոցա իշխեն. զի զաւուրցն ան լոյս միայն եցոյց մեզ, և զարի գործել ՚ի նմա և չար՝ մեր իշխանութիւն է: Եւ եթէ ՚ի սատանայէ համարիս զայսկանութիւն գործոց քոց, սատանայ առանց քոց կամաց և այ թողացուցանելոյ՝ արարածոց այ ոչ իշխէ: Եւ իսկ գիտեա եթէ ՚ի խողցն երամակ ոչ իշխեաց մտանել, բայց եթէ հրամայեաց. և զինչ նոցա ոչ իշխեաց կորուսանել, բայց եթէ ՚ի անէ առ հրաման: Եւ եթէ առանց մերոյին կամաց իշխէր սատանայ մտաց մերոց, հաճոյ այ և ոչ միտմ աւելք տայր լինել, այլ զամենեւեան ընդ մեզօք արկեպ կորուսաներ: Եւս եթէ այդպէս է, ոչ մարդարեքն մարդարե լինէին, և ոչ առաքեպքն առաքեպք, և ոչ արգապքն ամենայն արդաքք. զի նմա այնպէս կամ էր. Իսկ ոչ այդպէս. այլ որ նմայն հնազանդի, նմա միայն իշխէ: () Ի զայդ գու իսկ գիտա, զի սատանայ մարդու տեաց է և ոչ մարդասեր. և եթէ ուներ իշխանութիւն գործոց ձեռաց մերոց խանդարել և կեցուցանել, վազուց իսկ կորուսեալ էր՝ ոչ միայն զգործս մեր, այլ և զմեզ իսկ գիտովին, զի կամք նորա այն իսկ են. այլ ոչ իշխէ: Իսկ եթէ լինի ապականութիւն գործոց քո, պարպէս գիտա. արար զքեզ ան ՚ի պատկեր իւր, և իշխան ամենայն արարածոց իւրոց, և զամենայն ինչ հրամայեաց քեզ գործել հաւատովք և շնորհօք, և պահպանութեամբ նշանաւ սուրբ խաչին. և որու թողեր զձեմարիսն ան, զհաւատս և զհոռն պահապան, և աքարիք իշխան գործոց քոց զչարաթն՝ զաւուրսն հմայիցն: Եւս եթէլ տայ և ան ապականել գործոց քոց ըստ հմայիցն քոց, զի ստութեանն հաւատասցես և մեծապէս դատապարտիցիս, փոխանակ զի զձեմարութիւնն

ոչ ընկալար : Օ ի Պաւղոս ասէ վասն Վեռինն և այս պիտի անիրաւութեանց . « Փոխանակ , ասէ , զի ճշմարտութեանն ոչ հաւատացին , այլ հաճեցան ընդ անիրաւութեանն , վասն այնորիկ առաքեացէ նոցա իմ աղբեցութիւն մորրութե՛ն՝ հաւատալ նոցա մորրութեանն , զի դատապարտեսցին որք ոչ հաւատացին ճշմարտութեանն , այլ հաճեցան ընդ անիրաւութիւնն » :

Ըրդ ոչ զարհուրես , ուլ մարդ , որոյ թողեալ զիմ արարիչդ , և սովորեալ մտօք արարածոց պաշտօնս մատուցանես հմայիւքդ : Ոչ լեսս գրոյն որ ասէ՛ եթէ « Հմայք աշխատութիւն և ցաւս ածեն՝ ի վերայ » , և դարձեալ մարգարէն ասէ՛ թէ « Երբ և զառաջինն աշխարհս մեր հմայիւք նման այլազգեաց » , և Ղաքեալ ասէ . « Օ աւուրս խորէք և զամիսս և զժամանակս , երկընչիմ՝ ի ձէնջ » : Ըրդ պարտ է և մեզ երկնչել՝ ի պատուիրանաց , և հաւանել ճշմարտութեանն . և պիղծ համարել զնոսս՝ որք խտրանօք և դիւթօքն վարին , և սուտ երազօք պատրեալ բանդագուշին : Եւ ոչ իմանան՝ եթէ է յորժամ թողեալ ուրուք զճշմարիտ ճանապարհն իմպաշտութեան , և այնպիսեացն լսել հաւանի , բազում անգամ զստութիւնն որպէս ճշմարտութիւն ցուցանէ՝ ի միտս նորա , զի չարաչար դատապարտեսցի . փոխանակ զի ճշմարտութեանն ոչ հաւատաց , այլ հաճեցաւ ընդ անիրաւութեանն , որպէս և գրեալ է յերրորդ լծագաւորութեանն . յորժամ մեղաւ Ղքաւք՝ ետես Սիբիա մարգարէ զտէր , և զօրութիւնք երկնից կային յաջմէ և յահեկէ . և ասէ տէր . ուլ ելցէ և պատրեսցէ զՂքաւք , և ելցէ ի Հռամաթ Ղաղաադու և մեռցի . և սկսան ասել ոմն այսպէս , և ոմն այնպէս : Եւ ել ոգի և եկաց առաջի տեառն և ասէ . ես երթայց և պատրեցից զնա , և մեռցի : Եւ ասէ տէր . ին : Եւ ասէ , եղէց ոգի սուտ ի մարգարէս նորա , և ելցէ ի Հռամաթ Ղաղաադու՝ և մեռցի : Ըրդ տէր ոչ է այն պատրանացն՝ պարտապան . բայց թոյլ ետ պատրանացն լինել , փոխանակ պատրանացն լինել հաւատալոյ նոցա սուրբ մարգարէիցն :

Ըրդ որ հաւատալ սովորի պատրանաց զիւացն , թոյլ

1 Յօրինակին չիք պարտանաց :

տայ անձ պատրել զնա՝ զի դատապարտեսցի, փոխանակ
 Հաւատալոյ նոցա ստուծեանն : Արդ փախեցուք ՚ի
 պատրանաց սուտ մարդոց, և ՚ի տեսլենէ երազոց, և ՚ի
 դիւացոյց գիտից սուտ նշխարաց, և ՚ի հրամանաց խա-
 բող մոլորեալ երազախօս սպասաւորաց նորա, որք աշ-
 խատեն զանձինս բազմաց սուտ մարգարէութեամբն իւ-
 րեանց, և զպատիւնն այ առեալ զոր պարտ էք ՚ի տանն
 այ առաջի սրբոյ խաչին և սուրբ վկայիցն մատուցանել,
 զգողոյի անուշահոտ խնկոցն և զպայծառութիւն լու-
 սոյն առեալ առաջի ստուծեանն մատուցանեն : Ավ-
 յիմար ընծերցող յամենայն մոլորութեանց, չեղեն
 քեզ բաւական նշխարք մարտիրոսաց՝ որ եկեալ և դա-
 դարեալ են առ քեզ, և հանապազ խնդրեն վասն քո-
 ւ և կամ նշան սրբոյ խաչին՝ որ առ քեզ և ՚ի տան քում
 հանապազ : Ինդէր ոչ խնդրես ՚ի նոցանէ զխնդիրն քո-
 զի ընծանաս ՚ի խնդիր պատիր բանից . մի եթէ անձ
 վասն զի ոչ չոգար առ նոսա՝ բարկանայ քեզ . ոչ պպա-
 քէն ինքնին ասէ . “ Եթէ որ ասիցէ, ասէ, ձեզ աստ
 է Վրիտոս կամ անդ, մի հաւատայցէք . զի բազում
 սուտ Վրիտոսք և սուտ մարգարէք ելին ՚ի յաշխարհ-
 և մպօրեցուցանեն, ասէ, եթէ հնար ինչ իցէ և զընտ-
 րեալսն ” : Իհա եղև իսկ և տեսաք յետ մարգարէիցն
 սուտ մարգարէք, յետ առաքելոցն սուտ առաքեալք, և
 յետ մարտիրոսացն ահա այժմ իսկ տեսանեմք սուտ
 մարտիրոսս խաբել զմարդիկ : Եւ վասն տգիտաց որք
 ոչ գիտեն զհոգի զօրութեանն և ճմարութեան, ա-
 ռաք զհրամանս զայս ՚ի տեառնէ որ ասէ . “ Եթէ ա-
 սեն ձեզ՝ եթէ ահա յանապատի է, մի ելանիցէք և
 եթէ ասիցեն՝ եթէ յտեմարանս է, մի ելանիցէք ” :

Արդ պարտ է պահել զպատուէրն Վրիտոսի, և մի
 խաբել մեզ ՚ի պատրանաց դիւաց, թէպէտ և սուտ ինչ
 տանջանօք չարչարիցեն զմեզ . զի լաւ է օրինօք Վրիտ-
 տոսի չարչարել, քան հրամանաց դիւաց հնազանդել,
 թէպէտ և նշանա և սքանչելիս առնիցեն . զի սովոր է
 սատանայ սուտ նշանօք որպէս ճմարիտ ցամամաբք պատ-
 րել զմարդիկ՝ որք ոչ ինչ տեղեակ են աներևոյթ նե-
 տից նորա, զոր և յառաջն եցոյց առ Երեմիա մարդա-
 րէին, առ Ոսկէսիլ Յանէս, առ Պետրոսիլ Սիմոն,
 և այլք բազումք՝ որք զարբանեկութի սատանայի հար-

կաննէին, և սուտ նշանս ցուցանէին, և իշխանք և ժողովուրդք հաւաքային՝ մինչև զսուրբ առաքեալսն հալածել, և զձմարիտ քարոզութիւնն Վրիստոսի մարումիւն հասնարել, և բազում նեղութիւն հաւատացելոյն հասուցանել: Արդ սուտ մարգարեիցն և սուտ առաքելոցն և սուտ մարտիրոսացն վասն սուտ նշանի մի հաւատար, զի սովոր է սատանայ զայդ առնել. որ ՚ի յայնժամ զմովսէսեանսն և զպաւղոսեանսն զհոգեիցնսն և զամենիմաստն աշխատէր, որչափ ևս առաւել զյի մարսս և զտիմարսս:

Արդ այս ամենայն աներևոյթ հնարս սատանայի զինչ ունիցիմք առնել. այլ զգուշանալ պատուիրանացն անոյ, և սիրել զնա յամենայն սրտէ և յանձնէ և ՚ի զօրութեանէ. և անդադար աղօթել ՚ի տուէ և ՚ի գիշերի:

Օ ի աղօթք զհնոցն շիջուցին, զառիժսն սանձեցին, զգազանական ձուկնն դադարեցուցին, զժողի հերձին և զժողովուրդն ապրեցուցին: Այլ պահօք ամիացուցանել զքեզ, զի պահք զէն են առաքինութեան. ՚ի ձեռն պահոցն շքեղացան զէմքն Սովսէսի. ՚ի ձեռն պահոցն Վիտուէ ապրեցաւ, մարգարէն յերկինս վերացաւ: Այլ մի վասն քո դանդաղ և յիմար մտացդ փոքր համարիր ըզմեծդ անօրէնութիւնս: Յիշեա վասն զի փոքր կարծեցուցանելոյ Աքանայ զպատուիրանն անոյ՝ ել ՚ի դրախտէն. վասն փոքր կարծելոյ Վամայ զամօթ հօրն յայտնեալ՝ անկաւ ընդ անիծիւք և ընդ ծառայութեամբ. վասն փոքր կարծելոյն Ասաւայ զանդրանկութիւնն ընկենուլ՝ տեղի ապաշխարութեան ոչ եգիտ. վասն փոքր կարծելոյ Վայէնի զանձ անգէտ համարել սպանմամբ Աբելի՝ երերումն և տատանումն ընկալաւ. վասն փոքր կարծելոյն Վորդայ և Վադանայ և Վերոնի ՚ի պատիւ քահանայութեն մերձենալ՝ կենդանւոյն ընկլան ՚ի դժոխս. վասն փոքր համարելոյ զպողոնկութիւնն Օսմբի՝ քսան և երեք հազար արանցն սատակեցան. վասն փոքր համարելոյ երդմանն Սեդեկիայ՝ աւարումն Արուսաղէմի. վասն փոքր համարելոյ Սաուդայ ստել բանին անոյ և չսպանանել զՊագագ՝ պատառումն թագաւորութեանն. վասն փոքր համարելոյն Վաւթի ընդ թուով առնել զՍարայէլ՝ սպանումն եօթանասուն հազարացն. վասն փոքր կարծելոյ Սափիրայ ստելոյն և Անանիայ՝ զգառն

մահ ընկալան . և վասն փոքր կարծելոյ բազմաց զգա-
տու իրանն այ՝ աստ տանջեցան , և անդ արանջանաց անն
ունին : Եւ արդ պարտ է պահել զպատու իրանս զգրեալս .
ոչ յշտեմարանս մտանել , և ոչ յանապաստ երանել , և
ոչ երկիր պագանել երկիրդիւ օտարին . այլ պահել ըզ-
պատու իրանս նորա , ոչ յաւելուլ և ոչ հատանել :

Վիցեն մեզ բաւական իւրաքանչիւր նշխարք մեր ,
ընդէր ելանեմք և խաբիմք 'ի դիւաց . Վիցեն մեզ բա-
ւական հոգեկիր մարգարէքն , ընդէր լսեմք երազոց .
Վիցեն մեզ բաւական քահանայք այ , ընդէր երթայ-
ցեմք առ հարցուկս մոլորեալս . Վիցեն մեզ բաւական
օրէնքն ընագիրք՝ յոր ենն լիով կամքն այ , ընդէր ու-
նիցիմք զհրամանս նորատուրս և զթուղթս պատիրս՝ որ
թերի և պակաս կարծեցուցանեն զգաօգամս հոգելիցո
մարգարէիցն , զքարոզութիւն սուրբ աւաքելոցն և ըզ-
վարդապետութիւնս սուրբ աւետարանին . և զօր 'ի
պատու իրանացն ոչ է հարկաւորել հարկաւորէ , և զինքն
յերկնից ցուցանէ , զգրեալս մատամբն այ : Եւ ոչ լը-
սեմք Վաւղասի որ ասէ . “ Եթ խոռովել զձեզ , մի բաւ
նիւ և մի թղթով , որպէս թէ 'ի մէնջ , , Ե միտ առ ,
ով յիմար և չարադիւթ , զի վասն միոյ մեղաց Ելքամ
ել 'ի դրախտէն . վասն միոյ սպանութեանն տատանումն
կայէնի . վասն գիծութեան ջրհեղէնն աշխարհի . վասն
ամբարտաւանութեանն անկումն ստատանայի . վասն ամ-
բարշտութեանն շփոթումն լեզուաց . վասն արուազի-
տութեանն կործանումն Եոզունայ . վասն սուտ երդմանն
աւերումն Երուսաղէմի . վասն զծնողս արհամարհելոյ
անէծք և ծառայութիւն . վասն սուտ վկայելոյ սղոցումն
ծերոցն առ Շուշանաւ . վասն ոչ զօհանայոց օսատակումն
հերովդէի . վասն խստասրտութեան ընկղմումն Վորաւ
ւոնի . վասն զողութեան քարկոծումն Եքարայ . վասն
տրանջման յօձիցն սատակումն . վասն պոռնկութեան
որ անկան 'ի միում աւուր քօան և չորք հազարք : Օր
վասն 'ի սուտ յածս երթաղոյդ , և վասն անխտիր 'ի
հմայս մերձենալոյդ՝ են 'ի ձեզ , ասէ քարոզն եկեղեցւոյ ,
բազում հիւանդք և ախտաժէտք . վասն այդորիկ և
մահք տարաժամք . վասն այդորիկ և նեղութիւնք բա-
զումք . վասն այդորիկ և անզաւակութիւնք 'ի ծնողաց
և կապումն երկանց անլուծանելի . վասն այդորիկ և

ը կուան զիւաց . վասն այդորիկ տնանկու թիւնք և աղքատութի . վասն այդորիկ և երկնային պատուհասք . վասն այդորիկ և անգատանաց քնութիւնք . վասն այդորիկ և շարժմունք անդադարք . վասն այդորիկ և չյաջողութիք անասնոց . վասն այդորիկ և զրկանք է գողոց . վասն այդորիկ և հուր գեհնին և աղջամուղջն յախտենից և տանջանքն մշտնջենաւորք :

Օ ի եթէ զբաժակն ոսկի՝ զոր թագաւորի իսկ մատուցանենք՝ ի սպաս և ՚ի սեղան, և դարձեալ զնոյն առեալ՝ և կոյ և ցեխ և աղք մարդոց առեալ բերեմք՝ զոր և նա իսկ տեսանէր, միթէ զնոյն բաժակն միւսանգամ անդրէն ՚ի նորուն սեղան իշխէնք մատուցանել . ոչ : Ինչդէր . զի աղբոյն պղծեցաք, և թնամանեալ բարկանայ և գարշի թագաւորն : Եւ կամ վասն երդմանց պատուիրանք ձրպէս ասեն : Մարդիկ, առէ, զոր ինչ ՚ի վեր է քան զինքեանս՝ յայն երդնուն . նոյնպէս և անձ, վասն զի ոչ գոյր մեծ որ երդնոյր՝ յանձն իւր երդուաւ և առէ այսպէս . “ Էջանձն եմ երդուայ՝ առէ տեր, և թի օրհնելով օրհնեցից զքեզ ” : Եւ երդնուլ ան յաբարածս իւր անհնարին է, ածարարութի է : Եւ կամ յետ Վրիստոսի գալստեանն գրել մեզ զիւր մատամք ան, և տալ . զի եթէ այդ միւսանգամ մեզ պէտք էին յերկնից, ապա Վրիստոսի գալուստն թերի և անկատարումն էր : Այ այդպէս . այլ օրէնքն մեզ ՚ի յերկրի ետուն հրամանս լիով ՚ի ձեռն Սովսեօի և Յիսուսի . և յետ այսորիկ տանջանք և աղբայութիւն : Իայց կրկին օրէնք մեզ երկնատուրք գրեալ մատամբն ան այլ ոչ առաքին : Իայց սատանայ զումանս յաջ խոտորեցուցանէ, և զումանս յահեկ . և զահեակն ամենեքեան իմանաւք, վասն զի յայտնի են գործք ձախոյ կողմանն . բայց զաջն ոչ իմանաւք, զի անպաշտութեան կերպարանօք խոտորի : Եւ վասն այսորիկ առաք զպատուէրս զայս՝ եթէ “ Սի խոտորեցիս ՚ի գրեալս պատուիրանացս յայսցանէ յաջ կամ յահեակ ” :

Եւ արդ հայեցուք ՚ի պատուիրանս ան, և զգրեալս ՚ի նմա արասցուք . և մի մոլորեցուք իբրև զհեթանոսսն ՚ի բախտ և ձակատագիր և ՚ի հրամանս : Օ ի զինչ և հրամանքդ տարածին ընդ ամենայն երկիր, և բանդագուշեալք խօսին սուտ, եթէ մարդ ընդ հրամանս

վարի և գործէ : Եթէ այդպէս է, և ընդ հրամանաւ գործէ մարդ, ապա յայտ է՝ եթէ և դատի ոչ վասն մեղացն, զի զհրամանս նորա կատարեմք : Եւս և պատկիմք ոչ վասն արդարութեան . զի ոչ եթէ մեր կամաւ գործեմք զբարին, այլ նորա հարկաւ ակամայ : Եւս և թագաւորք ոչ պարտին՝ զգողն և զպոռնիկն և զսպանողն տանջել, զի ոչ իւրով կամաւ գործէ զայն, այլ զհրամանս կատարէ : Եւս եթէ որ պիղծ այր սպանանիցէ, կամ նու սկեռուրս, կամ դրացի զգրացի, կամ ծառայ զտէր, կամ աղախին զտիկին, կամ աշակերտ զվարդապետ թշնամանիցէ և սպանանիցէ, չարտի որ մեղադրել և կամ պատուհասել, զի զհրամանս կատարեն : Եւս և զաւազակն չարտիմք մեղադրել և հալածել, զի հրամանաւ զան ՚ի վերայ որպէս ասեալ : Բայց ոչ այդպէս . այլ արարածս ընդ հարկաւ և ընդ ծառայութեամբ և ըստ հրամանի սորա վարին, և ճինձ դուկ անգամ յորոգայթ ոչ անկանի առանց հրամանի . բայց միայն զմարդ տէր և ՚ի վեր քան զհրամանս ստեղծ : Օ ի որպէս ինքն անձ ոչ է ընդ հրամանաւ ծառայ՝ այլ ազատ և զինչկամարար նմին, որպէս և զմարդն ըստ իւրում նմանութեան ստեղծ տէր և ազատ և անձնիչխան և զինչկամարար բարւոյ և չարի : Եւ կամակար մտօք եթէ բարիս գործեմք՝ արքայութիւն խոտացաւ, եթէ չար՝ զդժոխս : Եւրող և կատարիչ անձ բարւոյ, և ընդ մահ մեղաւորին ոչ կամի, բայց զանձնիչխանութի ՚ի մէջ ոչ բառնայ, քանզի ասէ իսկ՝ եթէ կամեցիք և լուիջիք ինձ :

1 Յօրինակին պարծի :

Տ Ե Ա Ռ Ն Յ Ո Վ Հ Ա Ն Ն Ո Ւ

Մ Ա Ն Դ Ա Կ Ո Ւ Ն Ի Ո Յ

Կ Ա Ն Ո Ն Ք

Արդ էս զայս ըստ իմում գիտելոյ ասեմ՝ թէ որ զանուկ տգէտ զտխմար, որ ոչ կարէ կարդալ զաւետարանն՝ ՚ի բեմի՝ ՚ի լուր ժողովրդոցն, և զբոլոր ուսումն կարգի քահանայութեան ոչ է ուսեալ, զպատիժ քահանայանալոյ նորա նա կրէ՝ որ ձեռնադրեացն զնա . զի զհասնոցն և զուսելոցն զհամարս մեղաց անձինք իւրեանց տան : Այլ օրէն է առաւել զգիտունն և զհասակաւ կատարեալս արժանացուցանել զանձինս, և առաջնորդել ժողովրդեան : Այսն որոյ մեծին իսկ Պաղոսի ձայնարձակ բարբառովն զբողոք բարձեալ ասէր Տիմոթեայ՝ թէ “ Զեռս յուրուք վերայ վաղվաղակի մի դիցես, և մի լիցիս կցորդ մեղաց օտարաց ” . և դարձեալ . “ Ա՛յ մատաղատունկ, զի մի հպարտացեալ ՚ի դատաստան սատանայի անկանիցի ” : Այլ զի պարտ է քահանային անարատ լինել որպէս այ տնտեսի, վերապայու լինել հաւատարիմ բանիւ վարդապետութեամբ : Արդ զոր օրինակ Պաղոս զՔրիստոս զնէ միջնորդ այ և մարդկան, և երաշխաւոր և փրկանս ամենայն աշխարհի, արդ ոչ ապաքէն նոյնօրինակ և քահանային օրէն է ամենայն անարատութիւն լինել առաջնորդ և փրկանք քաւութեան մեղաց ժողովրդեանն այ : Արդ եթէ մեծին Ա՛յ ովսէսի ասէ գիր՝ եթէ հեզ և խոնարհ և հանդարտ էր քան զամենայն մարդիկ և ուսեալ զամենայն իմաստութիւն եզիպտացւոց, զի թէ հեզն և հանդարտն և

խմաստունն և անարամն 'ի բժոյ՝ հաւատարիմ պատգաւ մաւոր նյ և մտերիմ տեսուչ ժողովրդեանն ոչ կարաց 'ի մեղաց ողջ պահել զժողովուրդն, և ապրեցուցանել զնոսա 'ի հարուածոցն նյ, և ժառանգեցուցանել նոցա զպարզ և ական երկիրն, իսկ քահանայք տգէտք և արատաւորք զիմրդ կարեն ապրեցուցանել զժողովուրդն 'ի մեղաց՝ որք և զանձինս անգամ չկարեն պահել 'ի մեղաց, [Թող [Թէ ժողովրդեանն նյ լինել առաջնորդ և երաշխաւոր՝ տանել յարքայութիւն նյ: Վանգի գրեալ է և պատուիրեալ՝ [Թէ մի յաջ խոտորիցիս և մի յահեակ: Ս] ասն որոյ պատուիրեմ առաջնորդաց եկեղեցւոյ զգուշանալ 'ի ձեռնադրութենէ տգիտաց, և մի կաշառօք արծաթոց զոր յառաջ մատուցանել յեպիսկոպոսութիւն, կամ յերիցութիւն, և կամ 'ի սարկաւազութիւն, կամ յայլ աստիճան, որպէս 'ի սուրբ աւետարանին փրկիչն ասէ առ սուրբ աշակերտն՝ [Թէ "Ձրի առէք, և ճրի տուք"]:



**ՅԱՂԱԳՍ ՔԱՌԱՄԱՆՈՐԴԱԿԱՆ ՊԱՀՈՑ ԵՒ
ԲԱՂԴԱՏՈՒԹԻՒՆ ՆՈՐԱ ԸՆԴ ԶԱՏԿԱԿԱՆ
ՔԱՌԱՍՆԻՆ**

Արդ վասն զի պահոց քառասնորդ կոչի օր մի ուրբաթ՝ չարչարանք խաչելութիւնն տեառն, և առիթ կոչման չարչարելոցն յաշխարհիս ունել յանձին զօրինակ չարչարանացն տեառն, առ 'ի փրկութիւն հոգւոց չարչարակցացն տեառն, և առ 'ի պահպանութիւն անձանց պատուիրանապահացն տեառն, առ 'ի լինելոյ չարչարակից խաչելութեանն տեառն, և փառակից յարութեանն, և առիթ կոչման մեղաւորաց յապաշխարութիւն : Արդ յայսմ քառասներորդի որպէս զի օրէն է զչարաթն և զկիրակէն որպէս զուրբաթ և զգորեքշաբաթ պահել զհետ՝ օրինացն առնելոյ՝, և յայնմ քառասներորդի օր կոչի՝ կիրակէն կոչի օր առաջին և ըսկիպոս աւուրց յարութեան և ուրախութեան աշխարհի և աւետիք արձայութեան, լի ամենայն ուրախութեամբ անձանց պատուիրանապահացն արդարութեան օրին է զուրբաթն և զգորեքշաբաթին իբրև զկիրակէն և զչարաթն ուտել : Վանզի զոր օրինակ 'ի զատկէն մինչև ցվերացումն տեառն կիրակէ կոչի, այսպէս և 'ի բարեկենդանէն մինչև ցզատիկն ուրբաթ :

Արդ քեղէն զքեզ ած 'ի հաւան, և զուգեա զայս քառասուն քաւութեան, և զայն քառասուն ուրախութեան . կռեա զքառասուն ընդ քառասնի, և զուրբաթ և զգորեքշաբաթ ընդ շաբաթու և ընդ կիրակէի, և գտանես հասարակ . ոչ 'ի սմա յազումն և ուրախութիւն, և ոչ 'ի նմին պահք և տխրութիւնք : Այս քառասուն առիթ քաւութեան մեղաց տաքոյն, և այն քառասուն յաջորդ ուրախութեանց տարւոյն : Արդ օրէն է զայս պահոց քառասնորդս հարթիկ պահել 'ի

1 Յայլում օրին . առնելոյ :

բարեկենդանէն մինչև ցղատիկն . քանզի քաւիչ և թռ-
ղիչ մեղաց տարւոյն կոչի : Մ.Ղ գինի և իւղ, ձու¹,
ձուկն, պանիր, կոզի, կաղտի, բաժին, շձուկ, կաթն,
խեր, և ձկանմորէ, զայս բնաւ ամենեւին չէ օրէն և ոչ
վայելէ ճաշակել ամենայն ումեք, մեծի և փոքու, ար-
դարոյ և մեղաւորի : Շատ են մեզ այլ կամակէքն քա-
ռասուն աւուրն, կանեփհատն, կտաւատ, փոխինգ,
հատ, սամթաջուր :

Մ.րդ այսու քառասնորդաւ տէրն 'ի լերինն փորձու-
թեան տարաւ յետս զփորձիչն սատանայ, որ է օրինա-
կաբեր յաղթութեան ամենայն հաւատացելոց . միթէ
նոյ պահէ՞լ ինչ պիտոյ էր . ոչ ապաբէն վասն օրինակի
մարդկան առնէր զայն : Մ.րդ եթէ զՏնապազօրն մե-
ռանել ոչ կարեմք ըստ բանին Պաւղոսի, այլ գոնեայ քա-
ռասուն աւուրբքս լինել հաղորդ չարչարանացն տեառն
ջանասցուք . զ'ի բազ անկեալ² մեղք տարւոյն քառա-
սուն աւուրբքս ընկեսցուք յանձանց : Ոչ գիտես զի որ
միտեալ մտօք չարչարակից լինին չարչարանացն Վրիս-
տոսի, նոքա միայն կարեն լինել փառակից յարութեն .
քանզի ասէ, թէ ոչ միայն հաւատալ 'ի Վրիստոս, այլ
և վասն անուան նորա չարչարանս ընդունել արժան է :

Մ.րդ այս քառասունք չարչարանք խաչելութեան
տեառն, և այն քառասունք յարութեան կենդանութե-
տեառն : Մ.յս քառասունք քացախ և լեղի չարչարանացն
տեառն, և այն քառասունք խորիխս մեղու և ձկան խո-
րովելոյ մասն յարութեանն տեառն : Մ.յս քառասունք
զինուորացն կնքով պահել զգերեզմանն տեառն, և այն
քառասուն հրեշտակացն զաւետիմն տալ մարիամնցն
զյարութեանն տեառն : Մ.յս քառասուն միջնորդ ա-
պաշխարութեան, և այն քառասուն երաշխաւոր թռ-
ղութեան : Մ.յս քառասուն քաւիչ յանցանաց, և այն
քառասուն թողիչ մեղաց : Մ.յս քառասուն լալոյ և ար-
տասոււաց, և այն ցնծութեան և ուրախութեան : Մ.յս
քառասուն սերմանելոյ ցաւովք և տրտմութեամբ, և
այն քառասուն ժողովելոյ փառօք և գովութեամբ :

Մ.րդ այս քառասնորդաւ մեծ մարգարէն Ուովսէս ետ

¹ Յայլում չիք յոս, յորում և
դրեալ էր զինի կաղտի, բաին :

² Յայլում օրինակի բագանսիւտ :

Կօրէնա ժողովրդեանն , և այն քառասնորդաւ քաւեաց
 1) Եւսէս զյանցանսն Լ՛հարովնի և զյանցանս ամենայն
 ժողովրդեանն : Լ՛յս քառասնորդաւ չոգաւ Լ՛ղիա ՚ի
 լեառն սինէական , առնուլ հրամանն ՚ի տեառնէ զվերա-
 նայոյն իւրոյ յերկինս : Լ՛յսու պահօք ապրեցան երեք
 մանկունքն ՚ի բարձրաբերձ բոցոյ տոչորական հրոյն սա-
 տակմանէ : Լ՛յսու պահօք լուծին նինուէացիքն զվճիւ-
 մահուան զտերունական հրամանին , առ ՚ի լինելոյ ըն-
 դունելական պահք ապաշխարութեան նոցա , և արա-
 գաթող լինելոյ մեզք յանցանաց նոցա :



Ի ՍՈՒՐԲ ԵՐՐՈՐԴՈՒԹԻՒՆՆ ԵՒ Ի ՄՆՈՒՆԳՆ
 ԳՐԻՍՏՈՍԻ ԱՄՏՈՒԾՈՅ ՄԵՐՈՅ

Սրբոյ և զուգահեռան երրորդութեանն երեք անձինք ,
 մի անձութիւն , մի էպիսկոպոսութիւն , մի իսկութիւն , մի
 ինքնակամութիւն . մի է թագաւորութիւն , մի է ար-
 քայութիւն , մի է տէրութիւն , մի է իշխանութիւն , մի
 է փառաւորութիւն , մի է բնութիւն , մի է հաւասար-
 ութիւն , մի է սրբութիւն , մի է կամօք , մի է խորհուրդ ,
 մի է փառք , մի է պատիւ , մի յոյս , մի սէր , մի հաւատ :
Սեծ , հզօր , կարող և ՚ի վեր քան զամենայն , անեղ ,
 անանց , անսկիզբն , անվախճան , անկատարած , անհաս ,
 անտես , անքնին , և ոչ իւրք կարօտ , և ոչ իմիք ցան-
 կացող . ամենահայր , ամենասէր , ամենագութ , ամե-
 նախնամ , ամենալուր , ամենապարզ և , ամենահաս , ա-
 մենատես , ամենագէտ , ամենափրկիչ , ամենակեցոյց :
Որ ակնարկելոյն դարմանէ զամենայն արարածս , զերկ-
 նաւորս և զերկրաւորս , զերևելիս և զաներևոյթս , ՚ի
 շէնս և յանշէնս , յամենայն արարածոց յերևելեայց և
 յաներևութից , յերկնաւորաց և յերկրաւորաց՝ նմա
 փառք յաւիտեանս :

Սիածին Սանն կամօք հօր եկեալ յերկիր , և ՚ի սրբ-
 բոյ կուսէն մարմնացեալ , չարչարեալ , թաղեալ , յարու-
 ցեալ յերրորդ աւուր՝ նստաւ ընդ աջմէ հօր . և գայ դար-
 ձեալ դատել զկենդանիս և զմեռեալս : **Ո**ր ըստ էութենն
 անմար , և ըստ տեսչութեանն անհայր՝ եկն փրկել
 զարմարածս : **Ս**է հնար և սոսկ այ չարչարել , և մեռա-
 նել չէր հնար . արդ էն անձ եկն և եղև մարդ , և մե-
 ռաւ և փրկեաց զարարածս : **Ս**րդ այլ ոք արարիչ և փրկ-
 կիչ և կեցուցիչ իբրև զնա ոչ եղև և ոչ եղիցի և ոչ լի-
 նելոյ է . բայց միայն մինն , միածինն , ՚ի կուսէն ծնեալ
 անձ , եղեալ մարդ : **Ս**անգի բազումք ՚ի մարդկանէ անձա-
 ծանօթք , անատեպք , անախօպք . այլ ըստ բնութեան
 մարդիկ կոչին , և ոչ անձ : **Ս**լին ոմանք մարմնով յեր-

կինս . սակայն և անդ մարդիկ ըստ բնութեան են , և կամ՝ հրեշտակք , այլ ոչ եթէ անձ : Աոյն օրինակ և Բանին այ եկեալ յերկիր և եղեալ մարդ , և մեռեալ իբրև զմարդ , այլ ըստ էութեանն անձ կոչի , և ոչ մարդ . և ըստ տեսչութեանն անձ մարդացեալ , և ոչ մարդ անձացեալ : Արդ յերկինս և յերկրի մի և նոյն ինքն միացեալ միաւորեալ մարմնով և անձութեամբ , ՚ի սրբոյ կուսէն ծնեալ կամաւ հօր բան և միտք , և կամաւ հօր ՚ի սկզբանէ արար զամենայն , և ՚ի վախճանի երևեցաւ մարդկան , տէր և տեսուչ յերկինս և յերկրի : Ար յառաջ բան զյաւիտեանս և ՚ի վախճանի էջ յերկիր վասն կենաց և փրկութեան մարդկան . միջնորդ այ , և երաշխաւոր աշխարհի . պատարագ հօր , և փրկութիւն մարդկան . զատիկ աշխարհի , և տօն տիեզերաց . հովիւ մարդկան , և պահապան ՚ի թշնամեացն . տուիչ կենաց , և աւետաւոր յարութեան . յաջողիչ կենաց , և առիթարքայութեանն . խաղաղարար աշխարհի , և լուսատու խաւարելոյ . տուիչ կենաց , և բաշխող պարգևաց . փառք արդարոց , և փրկանք մեղաւորաց . կեանք կենդանեաց , և յոյս մեռելոց : Ամա փառք յաւիտեանս :



Աստուած սէր է, ասէ որդին որոտման սիրելի աշակերտն Վրիստոսի Յովհաննէս . և որ կայ 'ի սէրն՝ յիմ ընակէ, և ամ 'ի նմա : Եւ արդ եղբարք, լուարուք և 'ի միա առէք զձառս սիրոյ : Օ ի ամենայն որ սիրէ զամ, սիրէ նա և զեղբայր իւր . զի սէրն այ սիրով եղբօրն երևի : Օ ի թէ զեղբայրն զոր տեսանէ՝ ոչ սիրէ, զամ զոր ոչն տեսանէ՝ զիարդ կարիցէ սիրել : Եւ յսուիկ ձառնալէմք եթէ սիրեմք զամ, յորժամ սիրեմք զեղբայրն մեր ըստ հոգւոյն սիրոյ և ոչ ըստ մարմնոյ : Օ ի այլ է սէր հոգւոյն և այլ մարմնոյն . զոր յառաջ գնացեալ ասասցուք յիւրում տեղւոջն : Բայց արդ ամենայն որ սիրէ՝ ձանաչի յայ, և ինքն ձանաչէ զամ . և ամենայն որ ոչ սիրէ զեղբայր իւր ցաւակցաբար, օտար է յայ, և զհնորհս ամային ոչ կարէ ընդունել : Եւ մենայն որ սիրէ զեղբայր իւր 'ի սուրբ սրտէ, բնակարան լինի այ, և ամ 'ի նմա ընակէ : Օ ի ինքն տէրն սիրեաց զմեզ և առաքեաց զհոգին շնամարտութեան բնակել 'ի մեզ : Օ ի իմանալի հոգիս մեր ընդ անիմանալի հոգւոյն այ սիրով կապակցի . և որպէս նա սիրեաց զմեզ, նոյնպէս և 'ի մէնջ կամի սիրել զմիմեանս :

Տես թէ որչափ համարձակութիւն ունի սէրն առ ամ, որպէս թէ նման այ առնէ զմարդն : Օ ի ամ սիրովն իւրով նման մարդկան եղև, և եցոյց թէ մարդիկ իւրեանց սիրովն նման այ լինելոց են : Օ ի ամ այնչափ սիրեաց զաշխարհս, մինչև զորդին իւր միածին առաքեաց 'ի փրկութիւն աշխարհի . եթէ մեք սիրեսցուք զմիմեանս որպէս և սիրեաց ամ զմեզ, ոչ ինչ է չար որ խափանէ զսէրն մեր : Եւ մենայն որ սիրէ, յայտնի է առաջի մարդկան և համարձակ առաջի այ . զի երկիւզ 'ի մեզաց մահու ոչ ունի, այլ սիրովն այ զինեալ կայ, և անաս յամենայն երկիւզական վտանգից : Իւր սէր է, անդ երկիւզ ոչ է . որպէս և Յովհաննէս ասէ . “ Երկիւզ ոչ գոյ 'ի սէրն, այլ սէր կատարեալ 'ի բաց մերժէ

զերկիւղ», : Օ ի երկիւղ ընդ տանջանօք է , և սէր 'ի համարձակութիւն . և զի երկիւղ հալածի 'ի սիրոյ : Աւուր սէր ոչ է , անդ է երկիւղ դատաստանին , և ահ կորստեան յաւուր մեծի ահեղ ատենին : Իսկ սէր աներկիւղ առնէ զմարդ յամենայն տանջանաց : Այլ զայն ասեմ , որ ամենեկին հեռի է յերկբայութենէ : Օ ի երկբայութիւն և սէր 'ի միասին ոչ բնակէ . և գիտելի է՝ զի սէրն ոչ միայն 'ի կեանսն յաւիտենականս պողաբերէ զպտուղ խաղաղութեան իւրոյ , այլ և յաշխարհիս յայսմիկ զամենայն թշնամութիւն 'ի բաց հալածէ , զնախանձ և զատելութիւն , զոխակալութիւն և զգարակութիւն , զչարախօսութիւն և զհայհոյութիւն , զտրտունջ և զբամբասանս , զհպարտութիւն և զամբարհարածութիւն , և մանաւանդ զմայրն ամենայն չարեաց զարծաթսիրութիւն և զագահութիւն :

Արդ որ զսէրն ունի , յայտ ամենայն չարեացս 'ի բաց հեռանայ , և յերկնային անքոյթ խաղաղական նաւահանգիստն ժամանէ յամենեկին բարին : Օ քնն խաղաղական քան զսէրն՝ ազատ լինել յամենայն խռովութենէ և զանձային հաճոյսն կատարել : Այն բանալի է արքայութեան երկնից և ճանապարհ կենացն յաւիտենից : Այն զմարդիկ որդիս նոյ առնէ և երկնից արքայութեան ժառանգորդ : Այն զապականացու բնութիւնս պնայական գործէ , և զմահանացուս յանմահութիւնս գերախոխէ : Այն զերկրայինս երկնային առնէ , և ըզհողեղէնա հրեղէն կազմէ : Այլ արդ ո՞վ կարէ պատմել զանչափ մեծութիւն սիրոյն , զի անճառ և անպատում է . ըստ որում և անեղ բնութիւն նախնութեան անքրննելի է , այսպէս և բնութիւն սիրոյն : Այլ որպէս նախնաբաւ է , բայց յամենեւինն մերձ է , և բնակեալ է 'ի հեզս և 'ի խոնարհս և յայնոսիկ՝ որ դողան 'ի բանից նորա , այնպէս և սէրն յամենեւեան մերձ է , որ կամին զնա . և ինքն եկեալ բնակեացէ 'ի խնդրոցս իւր : Ի՞նչ զի սէրն սիրէ զսիրելիս իւր , և ատէ ոչ զատելիս իւր : Այլ խնդրեն զնա , մերձ է 'ի նոսա նախապէս . զի նա սէր է և կամեցող սիրոյ 'ի սուրբ սրտէ և յանկեղծաւոր հաւատոց :

Քանզի գրեալ է և պատուիրեալ թէ մի յաջ խոտորիր և մի յահեակ, արդ զչնչական ատան աջոյ կոչէ և զմարմնական ատան կոչէ ահեկի: Բազումք իսկ որ դատարկութեամբ անցուցին զառուրս իւրեանց, երկօքումք վարին, մեղանչեն և ոչ գիտեն. քանզի թշնա մին այ և մարդկան այսու ատարիք յաղթեաց հոգեղինին Ղաամայ, և սովին ատարիւս յաղթեցաւ 'ի հոգեղինէն Ղաամայ. այսու ատարիւս ետպան զերկրաւոր Ղաամ, և սովին ատարիւս սպանաւ յերկնաւոր Ղաամայն. այսու ատարիւք իտաբեաց զնախահայրն Ղաամ, և սովին ատարիւս իտաբեցաւ 'ի նորածնեալ Ղաամայն. այսու ատարիւք եկու զչնչաւորն Ղաամ, և սովին ատարիւք եթուք անտեղինաւն Ղաամաւ. այսու ատարիւք ընկեց զՂաամ 'ի դրախտէն, և սովին ատարիւք հեղձաւ և ինքն 'ի ծովուն. այսու ատարիւք յաղթեաց կերողին Ղաամայ 'ի դրախտին, և սովին ատարիւք յաղթեաց 'ի պահողէն Ղաամայ յանապատին. այսու ատարիւք իտաբեաց զողէտն Ղաամ 'ի դրախտին, և սովին ատարիւք իտաբեցաւ և ինքն յետոյ 'ի լերինն փորձութեան: Ըրդ փորձին մարդկան մինչդեռ կամէր զստեղծին իբրև զստեղծեալն փորձել՝ ինքն փորձեալ գտաւ որդին կորուսեան և ժառանգորդ իսաւարի: Ըրդ քանզի հոգևով ատարիւք անկաւ հոգին չար յերկնից և մարմնով ատարիւք զմարմնաւորն եհան 'ի դրախտէն, զանն այսորիկ հայր ամենայն ատարից և չար շնչոց կոչի հպարտութին, և մայր ամենայն ատարից մարմնոյ որկորատութիւն: Ըրդ յայսմ ատարիցս ծնանին ամենայն ատարք շնչական և մարմնական. արդ այսու ատարիւք կառի ընդ վանականս զաղտնուպէս. այսու ատարիւք սերմանեաց զցայգն՝ քնով, նիւթէ զցայգն երազով և արկանէ զցերեկն լեզուով:

Ըրդ յայսքիկ են որ կոչի ահեկի. որկորատութիւն, անառակութիւն, շուայտութիւն, արբեցութիւնք, քրնածութիւնք, ստախօսութիւն, որովայնամիտութիւն.

վասն այսորիկ ասէ առաքեալ . “ Այերակուր պորտոյ և պորտ կերակրոյ , սնժ զտա և զնոսա խաղանեսցէ , , : Ա՛ ասն պոռնկութեան . ցանկութիւն , գիժնութիւն , ի գանախութիւն , ակնատեսութիւն , ակնագնացութիւն , պագշտութիւն , անամօթութիւն , զբաւութիւն , յարատ տեսութիւն , ծիծաղութիւն , շուայտեցութիւն , շնութիւն , պոռնկութիւն , իգացելութիւն , արուագիտութի : Ա՛ ասն այսորիկ ասէ առաքեալն , թէ “ Ա՛ մեռայն մեղք մարմնոյն արտաքոյ մարմնոյն են . բայց որ պոռնկիցի , յիւր մարմնն մեղանչիցի , , : Ա՛ ասն դատարկութե . վատ , դատարկ , անյարիր , վեհերոտ , դանգաղկոտ , չգործու , չկեցու , դատարկակեաց , դատարկակեր , անգութ , անամօթ , քնեայ , երազատես , երազագէտ , վատ մարդարէ , տգեղժ ՚ի մարտի , անմիտ , անհանձար . վասն այսորիկ պատուիրեաց առաքեալ . “ Ա՛ր գործէն ոչ կերիցէ մի , , : Ա՛ ասն նենգութեան . խորամանկութիւն , խաղախութի , չարմաց , ժանտիմաց , ժանտամիտ , թեանոր , սձաքիմ , խարաղիմաց , ամենակեղժ , բիրակեղժ , բիրաբիծ , ամենաչար , խոժտամիտ , խոժտադէմ , սորամոզ , ուուցկոտ , դեղաւոր , դեղամոր , գեղխիչ , գոռոզ , խազեհուու , շիժող , դաշտխօս , բանասրկու , հրապորիչ , որոշիչ , յխապահ , քինահան , անհաշտ , ատեցող . վասն այսորիկ ասէ , թէ այս ախաք են և կոչին ահեկի , և վասն սոցա դատապարտիմք :

Այս այս են աջոյն . ամբարտաւանութիւն , ամբարհաւաճութիւն , սնափառութիւն , նեղութիւն անգոյս , արհատարհութիւն , չարակամ , խտտախրտ , խտտափրտ , խտտապարանոց , յամառ , անհաւան , անհնազանդ , խտտաբարոյ , խտտաբան , խտտախօս , չարաբան , չարաւիրտ , բարկացող , սրտմտող , չարացատումն , վայրպարաղաատումն , անժոյժ , եռացկոտ , փքացող , յարձակող , հարկանող , կռուող , արիններես , սրտմազ , մինչ ոչ զփղձուկն և ոչ զփուքն թափել չկարէր յխտակեցուցանել զմիտ իւր : Այս դարձեալ եթէ ոչ աղաչիցի յումեքէ՛ ուտել ոչ կարէ և ոչ աղօթել , այլ յաղթեալ ՚ի ցասմանէն՝ անհաշտ անկանի : Ա՛ ասն այսորիկ բողբէ մարդարէն և ասէ , “ Բարկանայք և մի մեղանչէք , , . ևս առաքեալ , թէ “ Ա՛րեգակն ՚ի վերայ բարկութեան ձերոյ մի մտցէ . և մի տայք տեղի սատանայի , , . և գար-

ձեալ ասէ , թէ “ Բարկութիւն մարդոց զարգարութիւնն ոչ գործէ , : 1) անն հպարտութեան . հպարտ , անձն իշխան , անզգամ , ապարատն , անհաւան , անհնազանդ , ստահակ , ստամբակ , վրիպակ , հեռ , յամառ , վիճող , հակառակող , ընդդիմացող , վատախօս , կագող , թշնամանող , խռովիչ , խաղմարար , խանգարիչ , շարաբան , շարաբար , շարակամ , շարալուր , շարատես , շարախօս , սուտ , ստապատում , կամակոր , կամապաշտ , կամակատար՝ որ կոչի մտախօս , անձնատեսաց , անձնակորաց : Բանզի գրեալ է . “ Ար սիրէ զմեզս՝ ատեաց զանձն իւր , , . և դարձեալ , եթէ հանապազ զած առաջի աչացդ տեսնես՝ ոչ մեղանչես և ոչ գործես զայս ամենայն : Փառասէր , անձնակամ , անձնասէր , անձնահաճոց , գատարկակեաց . և այս ամենայն չարիք մտեալ բնակէ՝ ի մարդն և մերժէ յայ : () որ աղաչեմ վասն այլ զամենեսեան պահելով զանձինս՝ ի շար ախաէս յայս մանէ . քանզի վասն սոցա բարկանայ ամ , որ զայս կրէ յանձն իւր :

1) անն վարդապետաց : 1) չ գտանի վարդապետ խոնարհ և ոչ աշակերտ հնազանդ . ուտեալն հպարտանայ և տգէան խոտանայ . չիք որ որ իրաւամբ վարի , և ոչ որ որ արդարութեամբ կայ . գիտունն մնախառի և տը գէտն փառասիրի . գիտունն չխոնարհի և տգէտն չհնազանդի . ծերն սաստելով հրամայէ և փոքրն սաստելութեամբ պատասխանէ . ծերն զպատիւ խնդրէ և փոքրն զհանգիստ . չիք որ որ իմանայ և չիք որ որ ուսանի և առնէ . չիք որ որ ոգեսէր է և չիք որ որ անապատասէր է . հրաժարեալք յաշխարհէ և չհրաժարեալք ՚ի ստացուածոց . հրաժարեալք ՚ի ծնողաց և չհրաժարեալք ՚ի ծանօթից . հրաժարեալք ՚ի հոգոց և չհրաժարեալք ՚ի խորհրդոց . հրաժարեալք ՚ի հոգոց և չհրաժարեալք ՚ի մեղաց . հրաժարեալք ՚ի լերինս և չհրաժարեալք ՚ի հրապարակաց . հրաժարեալք ՚ի պահս և չհրաժարեալք յըմպողաց : 1) արդ բազումք են կոչեցեալք և սակաւք են ընտրեալք :

Արդ զոր օրինակ եկեղեցին կոչեցաւ քահանային , և չէ օրէն նմա այլ կին ունե՛լ բայց ՚ի միոջէն , զի եթէ աշխարհականին չհրամայէ երկու կանայս օւնե՛լ այլ մի , ՚ի նա յարեւ , զնա սիրեւ , նո՛վաւ կեալ , զի այս է հրա-

ման տեառն , և դարձեալ հողին ամուսին կոչի , և զեկեղեցին ամուսին կոչէ , արդ նոյն օրինակաւ և վանահանին վանքն կոչի , զի զվաներն եկեղեցւոյն է ծնեալ . քանզի ասէ առաքեալ [Թէ զլուխ կնոջ՝ այր է , և փառքն կնոջ՝ այրն , և օրէնք կնոջ՝ այրն :] Արդ յորժամ վանաց երէցն զլուխ և փառք և օրէնք վանացն իցէ , 'ի տեղւոջն կացցէ և տեսցէ զժողովուրդ իւր . զի [Թէ դու օր առաջնորդ ես՝ ոչ կաս 'ի կայի , այլոց զիմորդ կարես ասել՝ [Թէ կաց 'ի կայի , երկիր 'ի տեառնէ և հնազանդէ՛ այ վարդապետաց :] Արդ որք զիւրեանց անձանց զպտուղն չկարեն հաւաստեալ պահանջել , զիւրեանց անձինս արձակ համարձակս արածեն , զայլոց անձինս նշովիւք հաշեն և մաշեն . ինքեանք երիվարաւ սատանայիւ զհետ տերանց և տիկնաց յածեալ ծփին , և 'ի կրօնաւորաց և 'ի վանականաց իբրև յանարգաց գարշին և խորշին . չկարէ որ երկուց տերանց ծառայել :



Յ Ա Ն Կ




Վան խոսարովանութեան վարույ յանցանաց	13
Վան ապաշխարութեան	21
Վան պահոց պնդութեան	30
Վան ընդունելի և անընդունելի աղօթից	38
Յաղագս ողորմութեան պնանկաց	47
Յաղագս պարոզ և պատարագաց	57
Վան փոխոց և վաշխից	63
Յաղագս մոխնարութեան աղբարաց	71
Վան քահանայից րեսսլութեան	79
Յաղագս Բաժնասողաց	89
Վան սիրոց և ճախանաց և նախանչո	97
Վան Բարկացողաց Բարուց	102
Վան սխապահաց և ինանհանաց	108
Վան սահաւ գողութեան որ ոչ ապաշխարէն	114
Վան չար սովորութեան էրդման	118
Վան արբեցողաց անօրէնութեանց	125
Վան անօրէն լատերաց դիւանանաց	131
Վան քնախողաց	138
Վան անանամոլաց	142
Վան չտէրելոյ զնշնամիս անց	149
Վան անէղ հարուածոց կարկտի	156
Վան զգուշութեամբ ՚ի խորհորդն մերջենալոյ	165
Վան մոխնարութեան վախճանելոց	174
Ողբեր	182
Քաղագս	184
Յաղագս պէսպէս առաքինութեան խրատո	187
Յաղագս պէսպէս ախարից	188
Վան հմայից դիւանանաց	190
Սաննիք	207
Յաղագս քառասնորդան պահոց	209
Ի սորբէ Երրորդութեանն	212
Վան սիրոց	214
Բան խրատո առ ճգնատրան	216

THE BORROWER WILL BE CHARGED AN OVERDUE FEE IF THIS BOOK IS NOT RETURNED TO THE LIBRARY ON OR BEFORE THE LAST DATE STAMPED BELOW. NON-RECEIPT OF OVERDUE NOTICES DOES NOT EXEMPT THE BORROWER FROM OVERDUE FEES.

WIDENER
JUN 23 1983
JUN 23 1983
7876684

WIDENER
BOOK DUE
JUL 26 1983
7741419

767812
MAR 12 1983
CALLED





3 2044 105 353 700

